



VII. A. n. 16

14




John Carter Brown

Y














VALERIVS MAXIMVS  
NUPER EDITVS

INDEX Copiosissimus rerum omnium,  
& personarum, de quibus in his libris agitur.

*Blazon*

JOHN CARTER BROWN



M. D. XXXIIII.

Jules Thibautier. Vill.



PAVLVS MANVTIVS ALDIF. DO-  
CTISSIMO, AC NOBILISSI-  
MO VIRO BERNARDO  
GEORGIO S. P. D.

V I D E quanti te faciam Bernarde clarissime. Cum pa-  
rare[m] Valerij Maximi monumenta rursus excusa in  
lucem emittere, quæ superioribus annis, ut eo tempore  
per exemplaria licuit, castigata e[ss]et nostris typis exie-  
runt: incumbēbam sedulus in eam curam, ut præsta-  
rem aliquid ea expectatione non indignum, quæ mi-  
hi propter clarissimi patris memoriā excitata ui-  
debatur. Cum uero eum authorem sub tuo nomine in  
apertum referre constituissē: existimabam nihil ad te  
nisi perfectum, & suis quasi numeris absolutum mitti  
à me debere, nihilq; tam egregium esse, quod non hæc  
tua singularis atq; præstantis ingenij uis facile caperet.  
Quare cœpi eò maiores uigilias ad hæc operis recogni-  
tionem adhibere, quò plus & me tibi, quàm cuius aliij,  
debere cognosceba[m]: et quòd te nō modo eruditionis opi-  
nionē, sed integritatis etiam laude inter alios illustres  
uiros excellere perspexeram. Quid quòd tu uel poste-  
ritati seruiens, uel patriæ dignitati consulens, quæ una  
in toto orbe terrarum hodie maxime excellit, domi ha-  
bes abs te conscripta, quæ in hoc laudis curriculo cum  
ipso penè Valerio certent? Legi capita illa tua uel ob-  
seruata, uel neglecta religionis, & legi cum summa  
tum uoluptate, tum etiam admiratione. ut tibi in ijs ni-  
tet oratio, ut splendet: ut ingenio, quantum iudicare  
ipse possum, uales, dum Veneta exempla cum Roma=



nae urbis, & ueterum reliquorum monumentis con-  
fers. Quibus omnibus causis commotus, omnem (quod  
aiunt) lapidem moui, ut quidquid in isto emendandi  
studio positum esset, in horum librorum castigatione con-  
sumerem. Praecipua uero, cur hoc ipsum Valerij uolu-  
men sub tuo nomine apparere uoluerim, ea ratio fuit,  
quod uolebam ueteris in te obseruantiae pietatisq; meae  
monumentum aliquod etiam apud posteros extare:  
et ut intelligeres ipse tu, quam sancte apud me, quamq;  
constanter eorum officiorum, quae à te in patrem,  
& in nos omnes profecta sunt, memoria seruare-  
tur. Nam de authore ipso non faciam ut pluribus  
dicam. sed certe cum tu is sis, qui, ut dixi, in hoc  
scribendi genere tanta cum laude uerseris: ille autem  
omnium ferè gentium facta simul ac dicta memoratu  
digna uno tantum uolumine complexus sit: nihil, ut  
ego quidem arbitror, uel te dignius, uel tuis studijs ac-  
commodatius dici tibi potuit. Dedi igitur hoc (ut dixi)  
tot honestissimis meae erga te beneuolentiae causis. dedi  
non parum & familiae tuae splendori. quae propter  
eximias res à maioribus tuis domi forisq; praecclare ge-  
stas ita celebris habetur, ut in exemplum summæ tum  
uirtutis, tum innocentiae trahatur. Huc accedebat instin-  
ctus etiam quidam naturæ meus in omnes doctrina,  
bonisq; artibus ornatus: quo ad te amandum etiam atq;  
etiā inflāmarer, cū te singulari eruditione præditū, ho-  
nestisq; disciplinis instructum agnoscerē. Quod cū ita  
sit, omnino neq; hominē me putem, nisi te, in quo tan-  
tæ suauitates ingenij sunt, uehementer diligam, et obser-  
uem: neq; uitam satis iucundam, aut suauem ducā, nisi,

quàm recte animatus erga te sim, non præsenti solum  
ætati, uerum etiam posteritati candidius æstimaturæ  
id probem. Qua tamen in parte ut tibi satisfacerem,  
hactenus nescio quo meo fato non licuit: memoriam qui-  
dem certe, atque animum, quem debui, cumulate præ-  
stiti. Neque uero nunc ideo hanc nostram in Valerium  
operam dicatam tibi uolui, quo me crederem, quidquid  
tecum æris alieni contraximus, hac ratione posse dis-  
soluere: sed ut tu, cum me tuorum in me beneficiorum,  
nostræq; coniunctionis nō oblitum agnosceres, posthac  
etiam libentius, atque ardētius in me fratresq; meos  
tua studia conferres. quod quidem si me assecutum in-  
tellexero: id quod minime dubito: nā ego & mihi ipsi,  
qui tam præclaram tibi gratificandi rationem inie-  
rim, in sinu quodammodo gaudebo: & humanitatem  
istam ingenij tui singularem summis laudibus in cœ-  
lum ferre non desinam. Vale.



Rerum capita in literarum ordinem redacta,  
ut minore negotio possint inueniri.

<b>A</b>		<b>Grauitèr dicta</b>	128
Abstinentia	76	<b>H</b>	
Amicitia	87	Humanitas	93
Amor coniugalis	85	<b>I</b>	
Animi moderatio	69	Improbe dicta	201
Auaritia	194	Instituta antiqua	24
Auspicia	7	Indoles	46
<b>C</b>		Ingrati	101
Censoria nota	41	Infames rei	162
Constantia	65	Industria	170
Crudelitas	189	Ira	192
Cultus Deorum	1	Ius triumphandi	39
Cupiditas uitæ	206	Iustitia	130
<b>D</b>		Iudicia	166
Deorum cultus		<b>L</b>	
Disciplina militaris	34	Liberalitas	91
<b>F</b>		Libere dicta	128
Facta scelerata	201	Libere facta	121
Felicitas	242	Luxuria	185
Fiducia sui	61	<b>M</b>	
Fides publica	133	Maestas	43
Fides uxorum	135	Miracula	18
Fides seruorum	135	Mortes nõ uulgares	203
Fortitudo	47	Mutatio morum	137
<b>G</b>		Mutatio fortunæ	137
Gloria	181	<b>N</b>	
Grati	98	Necessitas	156



# INDEX

O	
Odiū	192
Omnia	8
Otiū	174
P	
Patientia	55
Paupertas	80
Parentū indulgentia	113
Parentum seueritas	115
Parentum moderatio	116
Parentū fortitudo in morte liberarum	117
Perfidia	198
Pietas Coriolani	106
Pietas erga fratres	109
Pietas erga patriam	110
Prodigia	10
Pudicitia	118
Q	
Qui a parentibus degenerarunt	59
Qui humili loco nati clari euasere	57
Qui cultui corporis indulgere	60
Qui ex inimicis amici ac necessarij	75
Qui aduersus opinionem hominum hæredes habuerunt	160

Quæ mulieres causas egerunt	167
Quæstiones	167
Qui, quæ in alijs uindictarant, ipsi commiserunt	169
Quanta uis eloquentiæ	174
Quantū momenti in pronunciatione	176
Qua magni effectus artium	177
Quædam nulla arte effici posse	178
Quæ cuiq; magnifica cõtigerint	183
Quantum ualeat error	199
Quam exquisita custodia usi sint ij, quibus domesticæ suspecti fuerunt	206
Qui infimo loco nati clarissimus se famulys inferere conati sunt	208
Quibus de causis infames rei uel absoluti uel damnati	162
R	
Religio neglecta	4
Religio simulata	6

# INDEX

Repulsæ	154	superbia	195
S		T	
Sapiēter dicta factaq;	143	Testamenta rescissa	158
Seueritas	125	Testamenta rata	160
Senectus	179	Testes	168
Seditio & uis	197	Temeritas	198
Similitudo formæ	207	V	
Somnia	13	Varietas casuum	139
Stratagemata	152	Vafre dicta	147
Studium	169	Verecundia	83
Sublimitas ex humili	138	Vis	197
Suæ quisque artis author		Vltio	100
bonus	178		



Copiosus & nunq̃ ante hac editus index rerum  
ac personarũ, de quibus in his libris agitur.

A			
Acerant	197	Aethiopes	180
Actius Nauius	7	Aetherius T.	204
Actius poeta	63.181	Afrania	167
Achilles Romanus	52	Aglaus Psophidius	142
Adiudicati cõscripti	156	Agrariae legis executio	144
Admetus	85	Agathocles	154
Adrianus	100	Agrippa M.	89
Aeas flumen	9	Agésilauus	147
Aegles	21	Agriũ M. seruus	167
Aegyptij sacerdotes	171	Alcestis	85
Aeginetis abscissi pollices	191	Alabiades	174790141
Aelia Gens	82	Alcyoneus	97
Aelius Mantia	123	Alcamenes	177
Aelius Q. Tubero	155	Alexandri uox	130
Aemilius Scaur.	163168	Alexãder	166996150
Aemilius L. Paulus	7.44.155	151177182194196	
Aemilius M. Lepidus	75133	Alexander a' patre re-	
Aemilia uirgo	2	prensus	146
Aequimelium	125	Alexander Faunij ser-	
Aesculapius	4.18	uus	167
Aesopi filius	186	Alexãder Pheræus	207
Aesopus	176	Alexandria condita	8
Aeschylus	204	Alexis poeta	64
Aeschines	176	Aluanius L.	3
		Ama tanq̃ osurus	150
		Amesia	167
		Amicitiae laus	87



# INDEX

Amilcar	17.134	Antonius M. ces. 42.63.	
A'musi'a	74	175	
Amphinomus	108	Antonius L.	42
Amphiaraus	185	Antonius M. triuuir	195
Anacreon	205	Appius cos.	4
Anacharsis	147	Appij mors	21
Anapus	108	Appius Cl. decemuir	119
Anaxarchus	56	Appius Claud. 143. 162	
Anaxagoras	146.172	Appius Cæcus	179
Anaximenes	151	Apelles	177
Animã esse imortalẽ	33	Apollinis ira	4
Annibal 15.64.98.151		Apolloniadæ	9
153.188.190.194.		Apolloniatum legati	134
196.197.199		Apuleius L. Tri. pl. 102	
Annibalis astus	154	Aphronia	160
Annius	189	Apronius Cn.	134
Annius Campanus	128	Aqua cribro gestata	163
Anneus M. Carseolanus		Aquæ uî uini habêtes	23
158		Aquilonia	143
Androgynæ	167	Aquilius C.	166
Annulorû modij tres	147	Aquilius M.	206
Antij Restiois seruus	137	Arcades duo	17
Antipater	23	Archytas	73.172
Antigenidas	62	Areopagus	32.168
Antiochus 74.129.188		Archimedes	172
208		Arion	172
Antigonus	97	Aristomenes	23
Antistius Q. Vetus	127	Aristogiton	45
Antonia	77	Aristides	104.132
Antonius M. orator	96.	Aristoteles 113 146 182	
135.149.189		Ariobarzanes	114

# INDEX

<i>Aristophanis sententia prudens</i>	146	<i>Attilius calatinus</i>	81 163
<i>Arvus Tarquinij</i>	110	<i>Attil. M. Regul.</i>	4 43 190
<i>Archilochi libri</i>	127	<i>Attilius P. Philiscus</i>	119
<i>Arganthonius</i>	180	<i>Attinguenses</i>	190
<i>Armorum meditatio</i>	28	<i>Avaritia</i>	194
<i>Arsia sylva</i>	19	<i>Auētini tēpli Antistes</i>	148
<i>Aristomache Syrac.</i>	207	<i>Auentinenſi Dianæ uacua immolata</i>	148
<i>Artenio</i>	208	<i>Augustus</i>	13. 157
<i>Arthemisia</i>	86	<i>Aufidius T.</i>	138
<i>Artium effectus</i>	177	<i>Aulus Fuluius</i>	116
<i>Arte nulla quædam effici posse</i>	178	<i>Aulus Albinus</i>	199
<i>Asdrubalis uxor</i>	55	<i>Aurea statua</i>	30
<i>Asdrubal</i>	153	<i>Aurelius P. Pecuniola</i>	35
<i>Asinarij astus</i>	150	<i>Auspices</i>	14
<i>Asinius Pollio</i>	180	<i>Auspicato fiebant etiam priuata</i>	24
<i>Astyages</i>	17		B.
<i>Atellanae</i>	29	<i>Babylon</i>	144
<i>Athenienses 6. 104. 191 199.</i>		<i>Bacchanalia</i>	127
<i>Atheniensium mores</i>	32	<i>Badia</i>	61
<i>Atheniensium seueritas</i>	128	<i>Badius</i>	94
<i>Atheniensis quidam</i>	151	<i>Barbari</i>	192
<i>Athletæ</i>	30	<i>Barulus T.</i>	161
<i>Atracinus C.</i>	131	<i>Beati qui sint</i>	146
<i>Atterius Rufus</i>	15	<i>Beatus nemo uiuens dicendus</i>	145
<i>Attilius</i>	48. 81	<i>Bebius Cn. Trib. pl.</i>	144
<i>Attilius Auiola</i>	21	<i>Beneuolentia non paratur pecunia</i>	146
<i>Attilius Seranus</i>	28	<i>Beronice</i>	185. 200
<i>Attilius Cæsarianus</i>	50		



# INDEX

Biantis uox	145	Campani	98.198
Bias	150	Canum fidelitas	206
Bibulus	73	Caninius Gallus	76
Bilius triumuir	165	Cannensis clades	156
Biton	108	Cantharus	50
Bituitus Rex	197	Cantharidum ius	125
Blasius	68	Capitecensi	28
Blosius	88	Capitolij obsessio discussa	
Bona soli Dij norūt	144	153	
Bonis occisi reus	165	Capreae cretenses	23
Broctus	120	Captiui quidā notati	43
Brutij uicti	20	Carbo Cn.	104.157
Brutus M. 8.9.96.129		Carbo Acthenus	120
Brutus	123.206	Carbo Cn.122.123.124	
Brutus D.	129.181	126.	
Burbuleus	208	Carbo C.	198
Busa	91	Carinas	160
C		Carneades	172
Calaguritani	158	Caritas mira	157
Calidius	176	Carmina in conuiuijs	25
Caliphena	1	Carthaginiēses	104.190
Calanus Indus	22	196.197	
Calisthenes	194	Carthaginiē. seueritas	39
Callidius Bononiēsis	164	Casellius	178
Calpurnia	14	Casilinates	157
Calpu. L Piso 3778	168	Cassius C. 9.20.46.	199
Calpurnius C. Piso	159	Cassius L.	62.198
Calpurnius lanarius	166	Cassius Parmensis	15
Cambyses	128	Cassius Q.	194
Camerini redempti	131	Castritius M.	124
Camillus cos.	130	Casuum uarietas	139



# INDEX

Catiline L.	188.201	Cephalenia pecora	23
Cato M. Uticensis	50.72	Ceres	1
76.79.170.184		Cereris templum	1
Cato M.	123.162.166	Cereris sacra unde	1
170.283		Ceres Milesia	6
Catulus Q.	30.125.138	Ceretani	3
184.203		Ceremoniae	3
Caudinae furcae	147	Cernius P.	120
Chalcitana	1	Cesetus	114.196
Chaldei	7	Ceselius	124
Charistia	5	Cethegus M.	2
Charundas in hurius	133	Cetus	172
Cecilia Metelli	8	Chrysippus	173
Cæa insula	33	Cicereius scriba	84
Cenatiū Ro. mos	24.31	Cicero M.	168.176.204
Cælibes notati	41	Cimon	108.140
Cælius Rufus	76	Cinanienſiū dictum	129
Cælius P.	89	Cinna L.	41
Cælius Plotius	120	Circenses	29
Cæcilia lex	139	Claudius Nero	42.144.
Cæcilius Q. Metellus	155	-153	
Cæcilius Q.	160	Claud. M. Marcellus	119
Cælij fratres	164	Claudius Afelius	127
Cella Eubæa	21	Claudius P.	131
Celtiberi	33	Claudius cētumalus	166
Cēturiones cōstantes	67	Claudij Q. statua	21
Centuriæ equitum	7	Claudius C.	2.71.131
Censores	45	Claudia ueſtalis	107
Cenſuræ honor	144	Claudia	165
Ceneus	200	Clearcus	39
Cepio	88.139.163	Cleobis	108

# INDEX

Cleantes.	173	Cornelius Asina	134
Clitus.	194	Cornelius Cn. Scipio Asi-	
Cloelia uirgo	48	na.	139
Clodij Pulchri F.	59	Cornelius Mammula	156
Clodius P.	168. 187	Cornelius Balbus	161
Clodius M.	126	Cornelius Cn.	168
Clodia Auli	179	Corfi	126
Clunia facula	99	Corioli	77
Clusius	120	Coriolanus	77. 106
Codrus	112	Coronadi consuetudo	52
Columnæ hyemetiæ	186	Coss. Rom.	134
Comas latro	204	Cosconius C.	163
Cominius	120	Cotta M.	107. 164
Considius Q.	91. 186	Cotta C.	35
Contrebia	95	Cotta L.	175
Consualia	29	Cotys Rex	65
Consuetudine mala dele-		Cotius Q.	51
ctari	147	Cranon	22
Coniuratio in imperato-		Crassus L. 62. 84	122.
rem Rom.	202	132. 168. 184. 186	
Cornelius Gallus	204	Crassus M.	12. 194
Cornelius L. Merula	204	Crassus P.	49. 170
Cornelius cos.	94	Crassus diues	139
Cornelij quinque	102	Crassus	16
Cornelius C.	120	Cræsi filius	109
Cornelius M.	2	Cretenſiū execratio	147
Cornelius Cossus	48	Cretenſes	157
Cornelius C. Hispano	7	Crispinus Q.	
Cornelius Cn. Scipio Hi-		Crudelitas	189
spano	126	Curtius	112



# INDEX

Curius M.	77.126	Diogenes	80
Curiatij	126	Dion	69.73
Curiones	187	Dionysius s. 17. 124.	
Cynegirus	52	207	
Cypriorum Reginae	188	Dionysii sacrilegia	5
Cyrus	17.174.200	Dionysius ex tyrāno grā maticus	141
D		Diomedon	6
Damasippus	190	Diphilus tragedus	123
Damon	90	Divus Iulius	20
Dandon	181	Dolabella P.	165.175
Daphidas	22	Domitius Cn.	123.197
Darius	53.100	Domitius Cn. Trib. pl.	132.186
Darius quomodo regnū adeptus	150	Domitius L.	126
Dasius	68	Doris Locrensis	207
Decius P.	14.111	Dos maxima	82
Decianus C.	164	Dotes antiquæ	82
Deiotarus	8	Dripetine	23
Democrates architectus	8	Drusus Germanicus	77
Demosthenes	59 151 171	Drusus	110
Demadis uox	147	Drusus M. Trib. pl.	195
Democritus	172	Duellius	60
Deos hominū mentes nos- se.	146	Duronius notatus	42
De se ipso non loquen- dum	146	E	
Diadema	123.145	Ebaris equiso	150
Dianæ Ephasiæ templum incensum	182	Ebutia Menenij uxor	160
Dicta improba	201	Egnatius Metellus	127
		Eloquentiæ uis	174
		Eluius C. Cinna	199



# INDEX

Ennius Q. poeta	181	Fabius Q. Rutilianus	36
Epaminondas	54.64	49.113	
Epastus	108	Fabius Gurgēs	78
Epidamij	9	Fabius pictor	78
Ephialtes	68	Fabius M. cos.	109
Epimenides	180	Fabius Q.	109.134
Epj	180	Fabius Q. max. Servilianus	119
Equa leporē pariens	13	Fabius C. Dorso	3
Equus Saxum	22	Fabij Q. labeōis fcm	148
Equi spuma picta	168	Fabius C.	182
Equester ordo	27	Fabrizius	42.77.81
Equites	102	Fabrizius cos.	131
Equites <sup>8</sup> 400 notati	43	Facta scelerata	201
Equites Rom.	193	Fania	166
Equitū Rom. uirtus	49	Fauonius	123
Equitius L.	197	Febris, & des æcius	31
Error quātū ualeat	199	Felicitas	142
Erus Pamphylius	21	Fiscenius C.	120
Euclides	178	Fides publica	133
Euphranor	178	Fides uxoria	135
Euripides	59.64.205	Fides firuorum	135
F		Fidenæ	152
Fabius Q. maximus 2:		Figulus C.	2.192
37.66.70.99.149	178	Filiæ i matrē pietas	107
Fabij max. laus	26	Filiæ in patrē pietas	105
Fabij max. error	25	Fimbria	201
Fabius cur ma. dictus	28	Flavius C.	30.168
Fabij max. seueritas	37	Flavius Q.	163
Fabij max. liberalitas	91	Flavius Cn.	192
Fabij max. F. degener	59		

# INDEX

Flaccus L. ces.	42	Galli Cybeles	159
Flaccus M.	125	Gaurus spado	191
Flacciana arca	125	Gellius L.	116
Flaminius	83	Gemellus tribunus	181
Flaminius T.	42.92.99	Gemōiæ schalæ	126 139
Flaminius C.	2.10.107	Gener qualis eligendus	146
Fortuna muliebris	19	Genutius præ.	111
Fratres de regno pugna-		Genutius Gallus	159
tes	202	Geta olim notatus, postea	
Frugalitas Rom.	31	ces.	43
Fulvius Q. Flaccus	5.35	Gillias	92
40.53.168.195		Glaucia	51
Fulvius	67.116	Gloriam quo pacto asse-	
Fulvius Cn. Flaccus	40	quare	145
Funera Massiliensium	32	Gloriæ cupiditas	181
Furius Camillus	19.41	Gloria philosophorum	182
70.102.152		Gorgias Epirota	22
Furius L. Bibaculus	3	Gorgias Leontinus	180.
Furius L. Philippus	43	185	
Furius L. Philus	62	Gracchi filij T.	197
Furius Cn.	120	Gracchus C.	15.88.176
Furius P.	164	Gracchus T.	11.71
Furius	178	Gracchi insepulti	125
G		Gracchorum familiares	
Gabinus	75.162	præcipitati	125
Gabij	152	Gracchi C. caput	194
Galba	170	Grati	98
Galli	34	Gravitas Romanorum	
Gallus C.	120	26.	
Gallograea.	121		

Graviter



# INDEX

Grauit̃er dicta	128	Honoris templum	2
Gratidius	198	Horatius Cocles.	47
Græcis latine r̃ñsum	26	Horatius Puluillus.	117
Græci interprete uti co-		Horatij.	126
acti	26	Horatius M.	162
Grillus	118	Horestilla.	85
Gyges	142	Hostilius.	10
Gymnosophistæ	57	Hortēsius Q. II 6 18 194	
H		Hortensius. L.	131
Hanno	94	Hortensia Q. Hortensii	
Hanno Pœnus I 34. I 47		filia.	167
Harmodius	45	Humilitas Patricijs inui-	
Harmonia	55	sa.	192
Hegesias	175	Hybreas Mylesius.	208
Helleborum	172	Hybrida.	169
Hephæstion	90	Hypsæus.	195
Heraclistratus	114	Hypsicratea.	86
Herculis ira.	4	I	
Herēnius Pōti. sānis I 47		Iason Pheræus.	22
Herennius Siculus.	204	Iason Thessalus.	200
Hetrusci uicti.	19	Imagines cur i atrio. II 5	
Hetrusci.	191	Imperatoris nomen pro-	
Hieronimus.	57	pter res in bello civili ge-	
Hiero Rex.	92. 180	stas, non dabatur.	41
Himera.	17	Indicæ uxores.	34
Hippoclides.	23	Indi.	180
Hippo.	121	Indibilis.	79
Hispani fratres.	108	Industria.	169
Histriones.	29	Ingratus libertus.	32
Homerus.	205.	Ingrati actio.	105

# INDEX

Ionum luxus.	31.	Lacedemonij	127.130
Iouis epulum.	24	Lacus Albanus	10
Ira.	192	Lacus Regillus	19
Isidis Phana diruta.	7	Lampsacum	151
Isocrates.	173	Laodice	200
Iubelius Campanus.	53	Laodice Regina	208
Iudicia priuata.	166	Lartes Tolumnius	200
Iudiciũ seuerissimũ.	167	Latĩũ fusi ad Vesperĩ	128
Iulius C. Cæsar.	20.51.	Latinorũ Rex octingen-	
84.96.140.157.175.		tos annos uiuens	181
189.198.199		Lectorius	88
Iulij C. Cæsaris mansue-		Lectorius Megus	120
tudo.	124	Legatorum constantia	20
Iulij Cæsaris cædes.	177	Legati lacedemoniorũ	84
Iulia Pompei.	85	Leges Lycurgi ad tẽpus	
Iulis oppidum.	33	abrogatæ	147
Iunonis ira	4	Leges telæ araneorũ	147
Iunonis lacinie ira	5	Lelius D.	89
Iunonis lacinie ara	23	Lelius Trib. pl.	162
Iuno Moneta	19	Lelius C.	174
Iunius L.	7	Lenones infames	159
Iunius C. Brutus	42 148	Lentuli	76
Iunius Bubulcus	182	Lentulus P.	102
Ius ciuile vulgatũ	30	Lentulus L.	20.139
Iustitia	130	Lẽtulus Cn. Marcell.	123
Iumentus Rom.	49.193	Lẽtulus spither.	161 208
Iuuenius	159	Leonidas	53
Iumentus Talua	203	Leonem non nutriendum	
L		146	
Labienuus T.	181	Lepidus M.	168



# INDEX

Leptinus	114	Ludorum spectandorum	
Letus mons	9	mos	28
Lex Memoria	63	Ludicræ artis progres-	
Libatio apud sacra men-		sus	29
sa	184	Lunæ defectus	177
Liberi	80	Lupercalia	27
Libere dicta	121	Lusitani	196
Libitinarij	100	Luxuria	185
Liberalitatis laus	91	Lycij	34
Libo L.	123	Lynceus	23
Libri Numæ	3	Lycurgus	7.104
Licinius P.	2	Lysias	130
Licini fimbriæ fcm	143	Lysippus	177
Licinius Stolo	169	Lysimachus	194
Licina strangulata	127		
Licianus C. Macer	204	M	
Littorius	180	Magius Chilo	201
Liuius Poeta	29	Magna Græcia	171
Liuius salinator 41. 62.		Magnifica quæ cuiq; con-	
75.144.153.192		tigerunt	183
Liuius Drusus	170	Mamercus Aemilius	159
Liuius Rutilij	179	Maharbal	196
Longus T.	160	Mandane	17
Lucani uicti	20	Manlius Torquatus	14.
Luctatius	7	36.115.128.137.193.	
Luctatius cos.	39	Manlius Octavius	18
Luctatius Q.	131	Manlius T.	48
Luctatius M.	143	Manlius Cn.	121
Lucullus M.	88	Manlius	121
Lucullus L.	160	Manlius M.	125
		Manlius æger oculis	128

# INDEX

Manilius L.	134	Melissa.	172
Marius C. 9. 45. 51. 100		Memoriae amissae exem-	
120. 157. 166. 169.		plum.	21
184. 189. 198.		Memmius. L.	155
Marius C. graeci negle-		Memmius. C.	168
xit	26	Memphytes.	191
Marij mors C.	135	Menenius Agrippa.	81
Marius felix & miser C.		Menogenes.	207. 208.
140.		Messalla menagenes. M.	
Marius T. Vrinæ	161	208.	
Marius M.	189	Metellus. Q. 37. 44. 142	
Marcellus M. 2. 11. 40.		153. 160. 197	
48. 71. 95. 168. 201.		Metellus Pont. max.	2. 7
Martius L. 10. 38. 184.		Metellus cos.	35. 66
Martius Philip. Q.	127	Metellus macedonicus.	72
Marcus Lucullus L.	169	Metellus numidicus.	72
Mars auxiliator	20	Metellus pius. Q.	100.
Martius Q. Rex.	118	168. 187	
Massinissa Rex S.	101.	Metellus celer.	120
180. 206		Metelli dictum. Q.	143
Massinissae libertas tribu-		Metellus praet. Q.	159
ta.	144	Metellus. L.	168
Massilienses	32	Metellus.	179. 193.
Massiliam cum telo in-		Metellus nepos.	208.
trare non licet.	33	Methymatus.	180.
Matronam in ius uocanti		Metius suffetius.	152.
tangere non licebat.	24	Metus metu discussus.	154.
Matres letitia extin-		Meuius. P.	119
ctae.	203	Meuius.	67
Maximus. Q.	163	Meuius. M.	120
Megulia dotata.	83	Midas.	13.



# INDEX

Mimi.	32	Neuius Q. Centurio	28
Militis Rom. uirtus.	49	Nicocreon	56
Miltiades.	104	Nolani	148
Milo Crotoniates.	205	Norbanus C.	168
Minutius L. 3.86.134.		Nucerini	197
Minos.	6	Nudatio corporis	120
Minyarum uxores.	86	Numæ corpus	3
Mithrydates. 100.174.		Numæ arcæ	3
190.202.206.		Numæ libri	3
Molo Rhetor	26	Numa Pompilius	6
Mortis publicæ impetran		Numidæ Reges	34
dæ mos	33	Numerius	78
Mortes nō uulgares.	203	Numantini	157
Mulier externa	124	Numulefinti	191
Mulieres cās agētes	167	Nuptiarum Auspices	24
Mulieres romanæ	186	O	
Mummus	128.198	Ochus	191
Munatius Rufus	76	Ochus Artaxerxes	191
Munatius Flaccus	190	Ocha	191
Musicanes	93	Octavius Cos.	12
Mus denarijs cc uendi-		Octavius Balbus	114
tus	157	Octavius L.	120
Mutius trib. pl.	125	Odium	192
Mutatio morum.	137	Oedipus colonæus	173
N		Olbia	94
Naturæ miracula	23	Omnia	8
Nausimenis uxor	23	Opimus	40.195
Nearchus	56	Oppius Gallus	161
Neapolitani	148	Oppia lex	186
Necessitas	156	Orbitas	124

# INDEX

Orestes Cn. præf.	159	Pedarius centurio	51
Oriagontis uxor	121	Penates	20
Orontes præf. Darij	141	Perpēna M. 58. 123. 179	
Otacilius	156	Persarum religio	6
Otacia	166	Persarum instituta	34
Othryades	54	Perses	93. 95
Otium	174	Pericles 32. 79. 118. 175	
P		177	
Pāphylus Retiarius	208	Perillus	119
Panopionis servus	136	Perfidia	196
Panechi filij	108	Pestilentia	18
Papyrius	36	Petilius L. scriba	3
Papyrius Masso	60	Petilius Præt.	3
Papyrius cursor	143	Petilius cos.	9
Paricidarum poena	3	Petilm	134
Paricidium paricidio ul-		Petronius Sabinus	3
ta	165	Petronius L.	89
Patria potestas in Cassio		Petere a deo quid debe-	
115		as	144
Pater ignotus	117	Phalisci	130
Patris cuiusdam uasrum		Phaliscorum deditio	131
consilium	150	Phalaris	191
Patricij nec in arte nec in		Philippi mors	22
capitolio	125	Philippus L. 122. 195	
Paulus Aemilius	78	Philippus Rex parum so-	
Paulus L.	8. 177	brius	124
Paulus	93	Philippi epistola	146
Pausanias	31. 182	Philippus Græciæ merca-	
Paupertatis laus	83	tor	146
Peculium filij	115	Philippus Flacci ser-	



# INDEX

<i>uns</i>	168	Plotinus Cn. Plācus	136
Philippi cædes	182	Pluton	109
Philemon	205	Polistratus	23
Philon	179	Polia tribus	126
Phiscōn	188	Polydamas athleta	105
Philosophi nomen	171	Policrates tyrannus	141
Phidias	64	Polemo	140
Phileni	113	Pomponius	88
Philocrates Gracchi ser-		Pomponius Atticus	161
<i>uns</i>	136	Pompeius Magnus 9.12	
Phocion	68.105	30.55.84	
Phraates	157	Pōpeius Q. 76.193.198	
Pileati liberti	99	Pōpeius Q. aufidius	168
Pidarūs cassij seruus	136	Pompei Cn. miles	110
Pindarus	205	Pompeius Cn. 96.122.	
Pisistratus	7.97.175	181 184 195 198 207	
Piscinæ	86	Pōpeius Rhegynus	160
Piso	66	Pompeius Strabo	207
Piso Cn.	122	Pompilius Cn.	129
Piso L.	163	Pompilius M.	131
Pittacus	74	Pontius aufidianus	119
Pittacus mitylenæus	132	Pontius	67.120
Plancus Hypsæus	195	Pontius P. senator	130
Plato	13.73.171.178	Pontius L. eques	170
Platonis prudens senten-		Populus Romāus 20.83	
tia	145	92.131	
Plautius Numida	85	Popilius Cn. lēas 103 165	
Pleminius	5	Popilius lēas M. 161.169	
Pletonia	160	Portius M. cato ces. 42 45	
Pletorius M.	189.193	50 58 60 62 63 79 156	

# INDEX

Portia Bruti	50.86	Pultis usus	31
Porcinna	165	Punicae foeminae	34
Posthumius ces.	41	Pyrrius	97
Posthumius dictator	18	Pythagoras	171
Posthumius cos.	2.10	Pythias	90
Posthumus Tiburtus	36	Q	
Posthumus communis	77		
Potitij	4		
Praxiteles	177	Quaestiones	167
Prætorium ius	178	Quintus Cincinnatus L.	
Priene diruta	150	82.36.	
Priuernatū princeps	121	Quintius cos.	99
Priuernatibus datum ius		R	
ciuitatis	121		
Prodigia multa	10	Regis cuiusdā dictū	146
Proprætoris honor	37	Rei infames absoluti	163
Proserpinæ ira	5	Religionis seruandæ stu-	
Pronunciatio	176	dium	1
Prusias	94	Religiosi inertes	32
Prusiæ filius	22	Repudium primum	24
Ptolemæus 94.129.188		Repulsæ	154
Ptolemæus pupillus	133	Rhegynus	88
Ptolemæus Phiscon	191	Rhetogenes	95
Ptolemæus Rex cyprio-		Ricianus C. Hoplomachus	
rum	191	169	
Publicani	112	Romanorū abstinētia	79
Publida strangulata	127	Romanorum octuaginta	
Publicus	207	millia iussu Mythrida-	
Pueri patientia	56	tis occisa	190
Pulcher Cl.	30	Romana iuuentus	99
		Romuli lituus	21
		Romuli fortitudo	48
		Roscius	170



# INDEX

<i>Rufinus notatus</i>	42	<i>Scena centurio</i>	52
<i>Rusticae trib.</i>	155	<i>Sceleratus uicus</i>	201
<i>Rutilius censorinus</i>	70	<i>Sapio L.</i>	164
<i>Rutilius cos. P. 35.38.</i>		<i>Scipio Asiaticus</i>	102.109
45.129.139.204		<i>Scipio Nasica P.1.50.62</i>	
<i>Rutilia lex feneratorum</i>	139	102.155.183	
S		<i>Scipio Africanus P. 6.34</i>	
<i>Sabazius Iuppiter</i>	7	37.44.60.61.62.70	
<i>Sacramento contende--</i>		71.75.76.102.106	
<i>re</i>	158.160	109.112.122.143.174	
<i>Sacer collis</i>	174	<i>Scipio Africani F.</i>	59
<i>Saguntini</i>	134	<i>Scipio Africanus superior</i>	
<i>Salapia</i>	68	134.138.148.181.	
<i>Sama Sybilla</i>	9	183.198	
<i>Sapientes septem</i>	74	<i>Scipio P.</i>	40
<i>Sapietes dicta, factaq;</i>	143	<i>Scipio Cn.</i>	82
<i>Sarapis</i>	7	<i>Scipio Serapio Cor.</i>	208
<i>Sardinia</i>	156	<i>Scipio Pompei gener</i>	50
<i>Saria ster</i>	202	<i>Scipio Aemilianus</i>	44.62
<i>Saturninus</i>	51	79.95.102.128.129	
<i>Saturninus L.125.169.</i>		164.183	
197		<i>Scriba amicus dno</i>	59
<i>Saturnius Vetulio</i>	150	<i>Scopulus reorum</i>	63
<i>Scaurus M.</i>	132	<i>Scurrilitas notata</i>	155
<i>Scenicus apparatus uen-</i>		<i>Seculariuludorum origo</i>	29
<i>ditus</i>	28	<i>Sedisse i caena famias</i>	24
<i>Scena a qbus ornata</i>	39	<i>Seditio</i>	197
<i>Scenola Q. 52.66.72.</i>		<i>Seleucus</i>	7.114
174.178.184		<i>Sempronia</i>	67
<i>Scenola</i>	201	<i>Sempronius P.</i>	43

# INDEX

Sempronius Musca	120	Serius M. Antonij	135
Sēpronius P. Sophus	127	Serius fortis	58
Sempronius Aselio	198	Serui Plotini Planci	136
Semiramis	194	Serui militans	156
Senatus Rom. 38.63.93		Sertorius Q.	6.149
94.98.130		Serpens mira magnitu-	
S. C. de ludis	28	dine	23
Senatus Rom. prudenter		Seueritas	125
facta	144	Sexanti Massiliensiu	32
Senatus Ro. Iustitia	134	Sextilius P.	103
Senatoru taciturnitas	25	Sextus Tarquinius	152
S. P. Q. R.	133	Sica oppidum	34
Senes honorati	25	Sicinius Dentatus	53
Senectus	124.179	Siculis restituta signa	95
Septimuleus	194	Sialia	156
Septitia	159	Siculus quidam pratori	
Seplasia	188	similis	208
Sepulchrum amantiu	85	Silvani uox	19
Serapio	208	simonides	16.22
Sergius C. Orata	185	similitudo formæ	207
Sergius Galba	102.196	Siphax rex	141
Seruilius Q. Cæpio	197	Sisenna	162
Seruilius Hala	103	Socrates 58.68.144.173	
Seruilius P. Isauricus	168	174	
Seruilius	193	Socratis dictum	130
Seruius Terentius	89	Socratis sapiēter dcā	144
Seruius Tullius	10.57	Solon	104.173
Seruij Tully statua	21	Solonis dicta	145
Seruius Galba	124	Sōnus inocētiæ idex	164
Serius C. Marij cos.	135	Sophocles	173.205



# INDEX

Spartana ciuitas	31	Syllæ L. uita	138
Spartanorū ritus in præ=		Syracusæ	95
lijs	32	Syracusana mulier	124
Spartanorum fiducia	65		
Spartani ingrati	104	T	
Spartani hoīs uox	130	Tanaquil	10
Spōsionē facere	132.143	Tarētīnorū insolētia	27
Spurius Carbilus	24	Tarquinius	3.7.57
Spu. Cassius	125	Tarqnius L. Rex	7.148
Spu. Melius	125	Tatius	196
Spu. Posthumus Albi=		Taxillus	200
nus	127	Telluris ædes	125
Spurina	84.177	Temeritas	198
Stasippus	74	Templorum aurum atq;	
Stratonice	114	argentum cōflatū	157
Stratagemata	152	Terētius Q. Culeo	99
Studium	169	Terentia Ciceronis	179
Sublimes ex humilibus		Terentum	29
138		Tertia Aemilia Africanō	
Suffenas	158	uxor	135
Sulpitius	2	Tertius C.	159
Sulpitius C. Gal.127	177	Testamēta rescissa	158
Sulpitij cædes	132	Testamenta rata	160
Sulpitij seruus	132	Testes	168
Sulpitia Lētuli uxor	135	Thales	146
Superbia	195	Theatra	28
Supplicationes ī bello	41	Theatrum uelis tectum	
Sygeum	132	30.	
Sylla L.6104160	132	Theodestes	182
155181189193198		Theogenes	54
		Theodorus	57

# INDEX

Theodorus cirenæus	125	Tribus 34. notata	43
Theopompus	74	Tribus polia & metia	
Theophanes mitylenæ=		42.43	
us	181	Tribus urbana	28
Thebæ	207	Tribus polia	200
Themistocles	105. 112.	Tribus popilia	200
132. 140. 146. 173	182	Tribuni pl.	27
Theramenes	54	Trib. abstinentia	27
Theseus	89. 104	Trib. militū iij	131
Theutonicorū cōinges	121	Trib. iustitia	132
Thracali ariminēses	159	Triumphī leges	39
Thymnastheus	6	Triumphus in bello ciui-	
Tibianes	31	li nullus.	
Tiberius Cæsar	110	Triumphans coss. inuita	
Tiberius Gracchus	2.7.	bat ad cœnam	41
75.85.131.144		Triumvirorum uenditio-	
Ticianus Minturnensis C.		nes	124
166		Triumviri damnati quod	
Ticianus centurio	200	ad extinguendum ignē	
Tigranes	96.202	tarde uenissent	165
Timantes pictor	178	Tripus aureus	74
Timæus	172	Tubero	78
Timagoras	128	Tuditani insania	160
Timocares ābraciēsis	131	Tullus hostilius	47. 152
Titius præf. equ.	37	203	
Titius sextus	165	Tullus Volscorū Dux	152
T. nota	27	Tullius M. duumvir	3
Tomiris	200	Tullius M. Cicero	7. 15.
Torquatus	106	75. 103	
Trebia	153	Tullia	201



# INDEX

<b>Tullius annalis L.</b>	202	<b>Vatienus C.</b>	126
<b>Tullianus Pompei liber-</b>		<b>Velia</b>	1
<b>tus</b>	158	<b>Velitum usus</b>	28
<b>Turullius præfect. Anto-</b>		<b>Vei</b>	8
<b>nij</b>	4	<b>Veneficia</b>	31
<b>Turia Q. Lucretij uxor</b>		<b>Venenum publicum</b>	32
<b>135</b>		<b>Ventidius</b>	139
<b>Turanus C.</b>	201	<b>Venus Cnidia</b>	177
<b>Tusculani</b>	152.200	<b>Venus uerticordia</b>	185
<b>Tutia uestalis</b>	163	<b>Verugo</b>	48.131
<b>V</b>		<b>Verecundiæ laus</b>	83
<b>Vacca Myronis</b>	177	<b>Vesci in propatulo</b>	31
<b>Vafre dicta, et facta</b>	147	<b>Vestia oppidum</b>	99
<b>Valerius publicola</b>	19	<b>Veturia</b>	98
<b>30.81.69</b>		<b>Veturius T.</b>	120
<b>Valerius max.</b>	33.90	<b>Vetilius leno</b>	159
<b>Valerius M. max.</b>	42.43	<b>Vgolinus</b>	78
<b>Valerius Q. prætor</b>	40	<b>Vibius pelignus</b>	51
<b>Valerius Flaccus trib.</b>	51	<b>Vibius</b>	207
<b>Valerius C. Flaccus</b>	138	<b>Villa nimis sublime ex-</b>	
<b>Valerius ualētinnus</b>	163	<b>tructa</b>	165
<b>Valerius M. cornius</b>	179	<b>Vini usus faminis igno-</b>	
<b>Valerius L. Eptachordus</b>		<b>tus</b>	24
<b>161</b>		<b>Vini usus</b>	127
<b>Valerius</b>	174	<b>Virtutis templum</b>	2
<b>Varro cos.</b>	4.58	<b>Viriplaca Dea</b>	24
<b>Varro Terentius</b>	170	<b>Viriatus</b>	197
<b>Varius Q. hybrida</b>	169	<b>Visellius Varro C.</b>	166
<b>Vatinus Reatinus P.</b>	18	<b>Vitius sallassius</b>	202
<b>Vatinus</b>	75	<b>Vitæ cupiditas</b>	206

# INDEX

Vltio	200
Volsi	49.131.152
Volsinienses	188
Volumnius	88
Volumnia	98
Voluptates quando consy derandæ	146
Volusius M.	149
Vrina pota	157
Vulcanus Alcamenis	177
Vxores dimissæ leui de causa	125

## X

Xantippus	197
Xenocrates	45.80.140
Xenocratis dictum	146
Xenophon	118
Xenophylus chalcidē.	180
Xerxes	13.188.196.206

## Z

Zaleucus Locrus	133
Zeno Eleates	56
Zeno philosophus	56
Zeusis	64



I  
V A L E R I I M A X I M I L I B E R

P R I M V S A D T I B E R I V M

C A E S A R E M .

P R O L O G V S .

u  
R B I S R O M A E , E X T E R A -  
rumq; gentium facta , simul ac dicta  
memoratu digna , quæ apud alios la-  
tius diffusa sunt , quam ut breuiter co-  
gnosci possint : ab illustribus electa au-  
thoribus digerere constitui : ut documenta sumere uo-  
lentibus , longæ inquisitionis labor absit . Nec mihi cun-  
cta complectendi cupido incessit . Quis enim omnis  
æui gesta , modico uoluminum numero comprehendere-  
rit ? aut quis compos mentis , domesticæ , peregrinæq;  
historiæ seriem , felici superiorum stylo conditam , uel  
attentiore cura , uel præstantiore facundia traditurum  
se sperauerit ? Te igitur huic cæpto , penes quem homi-  
num , Deorumq; consensus , maris , ac terræ regimen  
esse uoluit , certissima salus patriæ Cæsar inuoco : cuius  
cælesti prouidentia , uirtutes , de quibus dicturus sum ,  
benignissime fouentur , uitia seuerissime uindiciantur .  
Nam si prisca oratores ab Ioue Opt. Max. bene orsi  
sunt : et si excellentissimi uates à numine aliquo prin-  
cipia traxerunt : mea paruitas eò iustus ad fauorem  
tuum decurrerit : quo cætera diuinitas opinione colli-  
gitur : tua , præsentis fide , paterno , auitoq; syderi par ui-  
detur : quorum eximio fulgore , multum ceremonijs no-  
stris inclytæ claritatis accessit . Reliquos enim deos

Val. Max.

accepimus: Cæsares dedimus. Et quoniam initium à cultu deorum petere in animo est: de conditione eius summam differam.

DE CULTV DEORVM. Caput I.

m Aiores nostri, statas, solennesq; ceremonias, pontificum scientia: bene gerendarum rerum authoritates, augurum observatione: Apollinis prædictiones, uatum libris: portentorum depulsas, Hetrusca disciplina explicari uoluerunt. Prisco etiam instituto rebus diuinis opera datur: cum aliquid commendandum est, precatione: cum exposcendum, uoto: cum soluendum, gratulatione: cum inquirendum, uel extis, uel sortibus: impertito, cum peragendum, solenni ritu sacrificio: quo etiam ostentorum, ac fulgurum denuntiationes procurantur.

De Cerere placanda.

Tantum autem studium antiquis non solum obseruandæ, sed etiam amplificandæ religionis fuit: ut florentissima tum, & opulentissima ciuitate, decem Principum filij S. C. singulis Hetruriæ populis, percipiendæ sacrarum disciplinæ gratia traderentur: Cereriq; quam more græco uenerari instituerant, sacerdotem à Velia: cum id oppidum nondum ciuitatis nomen accepisset: Chalcitanam peterent, uel, ut alij dicunt, Caliphenam: ne deæ uetustis ritibus perita deesset Antistes. Cuius cum in Vrbe pulcherrimum templum haberent, gracchanus interitu pollutum, moniti sibyllinis libris, ut uetustissimam Cererem placarent: Ennam, quoniam sacra eius inde orta credebant: quindecim uiros ad eam



propitiandam miserunt. Item matri deūm sēpenu-  
mero imperatores nostri, compotes uictoriarum, su-  
scepta uota Pessinuntē profecti soluerunt.

De Metello Pontifice.

Metellus uero Pont. Max. Posthumum Cos. eundemq;  
Flammem Martialem ad bellum gerendum Africam  
petentem, ne à sacris discederet, multa indicta, urbem  
egredi passus non est. religioniq; summum imperium  
cessit: quo tuto se Posthumus Martio certamini com-  
missurus non uidebatur, ceremonijs Martis desertis.

De Tiberio Graccho.

laudabile. xij. fascium religiosum obsequium: laudabi-  
lior quatuor & uiginti in consimili re obedientia. à  
Tiberio enim Graccho, ad collegium augurum literis  
ex prouincia missis: quibus significabat se, cum libros  
ad sacra populi pertinentes legeret: animaduertisse ui-  
tio tabernaculum captum, comitijs consularibus, quæ  
ipse fecisset: eaq; re ab auguribus ad senatum relata,  
iussu eius. C. Figulus è Gallia, Scipio Nasica è Corsica  
Romam redierunt, & se consulatu abdicauerunt.

De P. Cælio, Marco, & Cornelio.

consimili ratione post P. Cælius, Marcus, Cornelius, M.  
Cethegus, & C. Claudius propter exta parum curiose  
admota aris deorum immortalium, uarijs tempori-  
bus, bellisq; diuersis, Flaminio abire iussi sunt, coactiq;  
etiam.

De Sulpitio.

t Sulpitio inter sacrificandū è capite apex prolapsus,  
eidem sacerdotium abstulit. De Fabio Maximo.  
centusq; Soricis auditus, Fabio Max. dictaturam. C.  
Flaminio magisterium equitum deponendi, causam  
præbuit.



VAL. MAX.

De P. Licinio.

**A**diiciendum his, quod P. Licinio Pont. Max. uirgo uestalis, quia quadā nocte parū diligens æterni ignis custos fuisset: digna uisa est, quæ flagro admaueretur.

De uirgine Aemilia.

**M**axime uero uirginis Aemiliæ disciplinam extincto igne, tutam ab omni reprehensione Vestæ numen præstitit. quæ adorante, cum carbasum, quam optimam habebat, foculo imposuisset: subito ignis emicuit.

De Marcello, & templo Honoris.

**N**on mirum igitur, si pro eo imperio augendo, custodiendoq; pertinax eorum indulgentia deorū semper excubuit: quod tam scrupulosa cura, parua quoq; momenta religionis examinari uidentur: quia nunquā remotos ab exactissimo cultu ceremoniarum oculos habuisse nostra ciuitas existimāda est. In qua cum Marcellus quintū consulatum gerens, templum Honori, & Virtuti, Clastidio prius, deinde Syracusis potitus municipatis debitū uotis consecrare uellet: à collegio pontificum impeditus est: negante unā cellā duobus dijs recte dicari. futurū enim, siquid prodigiū accidisset in ea: ne dignosceretur, utri rē diuinā fieri oporteret. nec duobus, nisi certis dijs unā sacrificari solere. ea pontificū admonitione effectū est: ut Marcellus, separatis ædibus, Honoris, ac Virtutis simulachra statueret: neq; aut collegio pontificū authoritas amplissimi uiri, aut Marcello adiectio impensæ, impedimento fuit, quo minus religionibus suis tenor, suaq; observatio redderetur.

De L. Furio Bibaculo.

**O**bruitur etiam tot illustribus consularibus L. Furius Bibaculus: exempliq; locum uix post Marcellum in-



uenit. sed p̄i simul, ac religiosi, animi laude fraudan-  
 dus nō est: qui Præt. à patre suo collegij Saliorū ma-  
 gistro iussus, sex lic̄toribus præcedentibus arma ancy-  
 lia tulit: qūis uacationem huius officij, honoris benefi-  
 cio haberet. c̄mnia nanq; post religionē ponenda sem-  
 per nostra ciuitas duxit, etiam in quibus summæ ma-  
 iestatis conspici decus uoluit. Quapropter nō dubita-  
 uerunt sacris imperia seruire: ita se humanarum rerū  
 futura regimen existimantia, si diuinæ potentæ bene,  
 atq; constanter fuissent famulata. Quod animi iudiciū  
 in priuatorū quoq; pectoribus uersatum est. Vrbe enim  
 à Gallis capta, cum Elamen Quirinalis, uirginesq;  
 vestales sacra onere partito ferrent: easq; pontem Su-  
 blicium transgressas, & clium, qui ducit ad Iani-  
 culum, descendere incipientes L. Aluanius plauastro  
 coniugem, & liberos uehens aspexisset, propior publi-  
 cæ religioni, q̄ priuatae charitati, suis, ut plauastro de-  
 scenderent, imperauit: atq; in id uirgines, & sacra im-  
 posita, omisso cœpto itinere, Cerete oppidum peruenit:  
 ubi cum summa ueneratione recepta, grata memoria  
 ad hoc usq; tempus hospitalem humanitatem testantur.  
 Inde enim institutū est, sacra Ceremonias uocari: quia  
 Ceretani ea, infracto R. P. statu, perinde ac florente  
 coluerunt. Quare agreste illud, & sordidum plau-  
 strum tempestiue capax, cuiuslibet fulgentissimi triū-  
 phalis currus uel æquauerit gloriā, uel antecesserit.

De C. Fabio.

Eadem R. P. tempestate C. Fabius Dorso memorabile  
 exemplū seruatae religionis dedit. Nanq; Gallis Ca-  
 pitolium obsidentibus: ne statutum Fabiæ gentis sacri-  
 ficiū interromperetur: Gabino ritu cinctus, mani-



VAL. MAX.

bus, humerisq; sacra gerens, per medias hostium stationes, in Quirinalem collem peruenit: ubi omnibus solenni more peractis, in Capitolium, post diuinam uenerationem, uictricium armorum perinde ac uictor redijt.

De Petilio Præt.

Magna conseruandæ religionis etiam P. Cornelio, & Bebio Pamphilo Coss. apud maiores nostros acta cura est. Siquidem in agro L. Petilij scribæ sub Ianiculo cultoribus terram altius uersantibus, duabus arcis lapideis repertis, quarum in altera scriptura indicabat, corpus Numæ, Pomponij filij fuisse: in altera libri reconditi erant latini septem de iure pontificum, totidemq; græci de disciplina sapientiæ: latinos magna diligentia asseruandos curauerunt: græcos, quia aliqua ex parte ad soluendam religionem pertinere existimabantur: Petilius Præt. Urbanus ex autoritate senatus per Victimarios factis igne, in conspectu populi cremauit. Noluerunt enim prisca uiri quicquam in hac ciuitate asseruari, quo animi hominum à deorum cultu auocarentur.

De Tarquinio Rege.

Tarquinius autem Rex M. Tullium Duumuirum, quod librum secreta ciuiliū sacrorum continentem, custodiæ suæ commissum, corruptus Petronio Sabino describendum dedisset: culeo insutum in mare abijci iussit. idq; supplicij genus non multo post paricidis lege irrogatum est: iustissime quidem: quia pari uindicta parentum, ac deorum uiolatio expianda est.

De M. Attilio Regulo.

Sed quæ ad custodiam religionis attinent: nescio an



omnes M. Attilius Regulus præcesserit: qui ex uictore speciosissimo, insidijs Asdrubalis, & Xanthippi Lacedæmonij ducis ad miserabilem captiui fortunam deductus, ac missus ad S. P. Q. R. legatus, ut ex se & uno, & sene, complures Pœnorum iuuenes pensarentur: in contrarium dato consilio, Carthaginem petijt non ignarus ad quàm crudeles, quàmq; etiam merito sibi infestos deos reuerteretur, uerum quia his iurauerat, si captiui eorum redditum non forent, ad eos sese rediturum: potuerunt profecto Dij immortales, effertam mitigare sæuitiam. ceterum quo clarior esset Attilij gloria, Carthaginenses moribus suis uti passi sunt, tertio Punico bello religiosissimi spiritus tam crudeliter uexati, urbis eorum interitu iusta exacturi piacula. Quanto nostræ ciuitatis senatus uenerabilior in deos: qui post Cannensem cladem decreuit, ne matronæ ultra trigesimum diem luctus suos extenderent, uti ab his sacra Cereris peragi possent: quia maiore penè Romanarum uirium parte in execrabili, ac diro solo iacente, nullius penates mœroris expertes erant. Itaque matres, ac filiæ, coniugesq; & sorores, nuper interfectorum abstersis lachrymis, depositisq; doloris insignibus, candidam induere uestem, & aris thura dare coactæ sunt. qua quidem constantia obtinendæ religionis magnus cœlestibus iniectus est rubor, ulterius aduersus eam sæuendi gentem: quæ ne iniuriarum quidem acerbitate ab eorum cultu absterreri potuerit.



VAL. MAX.

DE NEGLECTA RELIGIONE. Ca. II.

De Varrone Cos. dimicante cum  
Carthaginiensibus.

Reditum est Varronem Cos. apud Cannas  
cum Carthaginiensibus tam infeliciter dimi-  
casse ob iram Iunonis: quod cum ludos Cir-  
censes Aedil. faceret in Iouis Opt. Max. templo, exi-  
ma facie puerum histrionem ad excubias tenendas po-  
suisset. quod factum post aliquot annos memoria re-  
petitum, sacrificijs expiatum est.

De Potitio non observante sacra.

**H**ercules quoq; detractæ religionis suæ & grauem, &  
manifestam pœnam exegisse traditur. Nam cum Potiti  
sacrorû eius ritum, quem pro dono genti eorû ab ipso  
assignatû, uelut hæreditariû obtinuerant: authore Ap-  
pio Ces. ad humile seruorû ministeriû transtulissent:  
omnes, qui erant numero super. xxx. puberes intra  
annû extincti sunt. Nomenq; Potitiû in duodecim fa-  
milias diuisum propè interijt. Appius uero luminibus  
captus est. De Apolline uindicante se de sacrilegio.  
**A**cer etiam sui numinis uindex Apollo: qui Carthagine  
à Romanis oppressa, ueste aurea nudatus, id egit, ut  
sacrilegæ manus inter fragmenta eius abscissæ inue-  
nirentur. Brennus Gallorum dux, Delphis Apollinis  
templum ingressus, Dei uoluntate in se manus uertit.

De Turulio.

**N**ec minus efficax ultor contemptæ religionis filius  
quoq; eius Aesculapius: qui consecratum templo suo lu-  
cum à Turulio præfecto Antoni, ad naues ei facien-  
das, magna ex parte succisum dolens, inter ipsum ne-



farium ministerium, deuictis partibus Antonij, imp-  
rio Caesaris morti destinatum Turulium, manifestis  
numinis sui uiribus in eum locum, quem uiolauerat,  
traxit: effecitq; ut ibi potissimum à militibus Cæsa-  
rianis occisus, eodem exitio & euersis iam arboribus  
pœnas lueret: & adhuc superantibus, impunitatem  
consimilis iniuriæ pareret. suamq; uenerationem, quã  
apud colentes maximam semper habuerat: Deus mul-  
tiplicauit.

De Q. Fulvio.

Quem autem Fuluius Flaccus impune non tulit: quod in cen-  
sura tegulas marmoreas ex Iunonis Laciniæ temple  
in ædem fortunæ equestris, quã Romæ faciebat, tran-  
stulit. Negatur enim post hoc factum mente constitisse.  
quin etiam per summam ægritudinem animi, expira-  
uit: cū ex duobus filiis in Illyrico militantibus, alterū  
decessisse, alterū grauius audisset affectū. cuius casu  
motus senatus, tegulas Locros reportandas curauit: de-  
cretiq; circumspectissima sanctitate impium opus Ces-  
retexuit.

De Plemnio legato Scipionis.

am mehercule, quã Plemnij legati Scipionis in the-  
sauro Proserpinæ spoliando sceleratam auaritiam iu-  
sta animaduersione uindicauit. Cum enim eum uin-  
ctum Romam protrahi iussisset: ante causæ dictionem  
in carcere, teterriimo genere morbi consumptus est. pe-  
cuniam Dea eiusdem senatus imperio, & quidē sum-  
mam duplicando, recuperauit. Quæ quod ad Plem-  
nij facinus pertinuit, bene à patribus C. uindicata:  
quod ad uiolentas Regis Pyrrhi sordes attinuerat: se-  
ipsam potenter, atq; efficaciter defendit. coactis. n. Lo-  
crensibus ex thesauro eius, magnam illi pecuniã da-  
re: cum onustus nefaria præda nauigaret: ui subitæ



tempestatis tota cum classe, uicinis deæ litoribus illisus est. in quibus pecunia incolumis reperta, sanctissima thesauri custodiæ restituta est.

Externa. De Masinissa Rege.

A t non similiter Masinissa Rex Numidarum: cuius cum præfectus classis Melitam appulisset: eque fano Iunonis dentes eburneos eximæ magnitudinis sublatis, ad eum pro dono attulisset: ut comperit unde aduecti essent: quinquereportandos Melitam, inque templo Iunonis collocandos curauit, in sculptos gentis suæ literis significantibus, Regem ignorantem eos accepisse: libenter deæ reddidisse, factum Masinissæ animo, quod Punico sanguini conueniens. quod quid attinet mores natione pendit? in media barbaria ortus, sacrilegium rescidit alienum.

De Dionysio.

S yracusis genitus Dionysius, tot sacrilegia sua, quot iam recognoscimus, iocosis dictis prosequi, uoluptatis loco duxit. fano enim Proserpinæ spoliato Locris: cum per altum secundo uento, classe ueheretur, ridens amicus, uidetis ne, ait, quod bona nauigatio ab ipsis dijs immortalibus sacrilegis tribuatur? Detracto etiam Ioui Olympio magni ponderis aureo amiculo, quo eum Tyrannus Hiero e manubijs Carthaginensium ornauerat: iniectoque ei laneo pallio: dixit, æstate graue esse aureum amiculum, hyeme frigidum, laneum autem ad utrumque tempus anni aptius. Idem Epidauri Aesculapio barbam auream demum iussit: quod affirmaret, non conuenire patrem Apollinem imberbem, ipsum uero barbatus conspici. Idem mensas argenteas, atque aureas, e fanis sustulit. quodque in his more Græciæ scriptum erat, bonorum deorum eas esse: uti se bonitate eorum prædicauit.



dem uictorias aureas, & pateras, & coronas, quæ simulacrorum porrectis manibus sustinebantur: tollebat: & eas se accipere, non auferre, dicebat: perquam stultum esse argumentando, à quibus bona precamur, ab ijs porrigentibus nolle sumere. Qui tamen si debita supplicia non exoluit: dedecore tamen filij, mortuus poenas rependit, quas uiuus effugerat. Lento enim gradu ad uindictam sui diuina procedit ira: tarditatemq; supplicij, grauitate compensat.

De Thymasitheo principe Liparitanorum.

In quam ne incideret Thymasitheus Liparitanorum princeps, consilio sibi aliter, atq; uniuersæ patriæ, utili prouidit exemplo. Excepta nanq; in freto à ciuibus suis Piraticam exercentibus magni ponderis aurea cratera, incitatoq; ad eam partiendam populo: ut cõperit à Romanis Pythio Apollini decimarum nomine dicatam, eam Delphos perferendam curauit.

De uindicta Cereris in Alexandri milites exercita.

Milesia Ceres Mileto ab Alexandro capta, milites, qui templum spoliaturi irruerant: flamma obiecta priuauit oculis.

De Persarum in Apollinem religione.

Persæ mille nauium numero Delum compulsi, templo Apollinis religiosas potius manus, q̃ rapaces adhibuerunt.

De religione Atheniensium, qui philosophos etiam irreligiose disputantes non tulerunt.

Athenienses Diagoram philosophum pepulerunt: quia scribere ausus fuerat: primū ignorasse an dii essent: deinde si sint, quales sint. Idem Socratem damnaue-



runt, quod nouam religionem introducere uidebatur. Iidē Phidiam tulerunt: quandiu is marmore potius, q̄ ebore Minervam fieri debere dicebat, q̄ diutius nitor esset mansurus: sed ut adiecit, et uilius, tacere iusserūt.

De Diomedonte.

**D** iomedon unus ex decem ducibus, qui eadem pugna Atheniensibus uictoriam, sibi uero damnationem pepererunt: cum iam ad meritum supplicium duceretur: nihil aliud locutus est: q̄ ut uota pro incolumitate exercitus ab ipso nuncupata soluerentur.

DE SIMVLATA RELIGIONE. Ca. III.

Uma Pompilius, ut P. R. sacris obligaret: uolebat uideri sibi cum dea Aegeria congressus esse nocturnos: eiusq; monitu, se, quæ accepta Dijs immortalibus sacra forent, instituire.

De Scipione Africano.

**S** cipio Africanus non ante ad negotia publica, uel priuata ibat: q̄ in cælla Iouis Capitolini moratus fuisset. Et ideo Ioue genitus credebatur. De L. Sylla.

**L.** Sylla quoties prælium committere destinabat: paruū Apollinis signum Delphis sublatum, in conspectu militum complexus, orabat uti promissa maturaret.

De Q. Sertorio.

**Q.** Sertorius per asperos Lusitaniæ colles cernam albā trahebat: ab ea se, quænam aut agenda, aut uitanda essent, prædicans admoneri.

Externa. De Minoe Cretæ insulæ Regē.

**M** inos Cretensiu Rex nono quoq; anno quoddam præ-altum, et uetusta religione consecratum specus secedere solebat: et in eo moratus, tanquam a Ioue, quo se ortum ferebat: traditus sibi leges prærogabat.



## De Pisistrato Atheniensium Tyranno.

Pisistratus in recuperandā Tyrannidē, quā amiserat: simulatione reducentis se in arcem Minervæ est usus: cum per ostentationē ignotæ mulieris, quæ Phia uocabatur: formatæ ad habitū Deæ, Athenienses deciperet.

## De Lycurgo Lacedæmoniorum legislatore.

Lycurgus cōsilio Apollinis, grauiissimæ Lacedæmoniorum ciuitati leges compositas ferre se persuasit.

## De Seleucho.

Seleuchus sub noīe Minervæ apud Locreses prudētissimus habitus est. Bacchanaliū sacrorū mos nouus institutus, cum ad perniciosam uesaniā iretur, sublatus est.

## DE AVSPICIIS. Caput IIII.

## De Luctatio.

Vetustius, qui primū Punicū bellū confecit:

l. a senatu prohibitus est sortes fortunæ Prænestinae audire. auspicijs enim patrū, non alienigenis R.P. administrare oportere indicabant.

## De C. Cornelio Hispalo.

C. Cornelius Hispalus Præt. peregrinus M. Pompilio Lenate. L. Calpurnio Coss. edicto Chaldæos circa decimum diem abire ex urbe, atq; Italia iussit: leuibus, & ineptis ingenijs, fallaci syderum interpretatione quæstuosam mendacijs suis caliginem iniicientes. dem, qui Sabazij Iouis cultu sublato mores Romanos inficere conati sunt, domos suas repetere cōegit.

## De L. Aemilio Paulo.

Aemilius Paulus Cos. cum senatus Isidis, & Seraphis phana diruenda censuisset: eaq; nemo opificum attingere auderet: posita prætexta securim arripuit, tem-



pliq; eius foribus inflixit. De L. Tarquinio.

**L.** Tarquinius Rex centurijs equitum, quas Romulus auspiciato conscripserat: alias adijcere cupiens, cū ab Decio Aetio Nauio augure prohiberetur: offensus, interrogauit: posset ne fieri, quod ipse mente conceperat: posse fieri dicente: iussit nouacula cotem discindi: qua Decius allata, administrato incredibili facto, effectum suae perfectionis oculis Regis subiecit. De Tib. Graccho.

**T.** iberius Gracchus, cū ad res novas pararetur: auspicia domi prima luce petijt: quae illi perq̃ tristia responderunt: & ianua egressus ita pedem offendit, ut digitus ei decuteretur. tres deinde corui in eum aduersum ocurrentes, partē tegulae decussam ante ipsum protulerūt. quibus omnibus contemptis, à Scipione Nasica Pont. Max. decussus Capitolio, fragmento subsellij ictus procubuit. De P. Claudio.

**P.** Claudius bello Punico primo cum praelium nauale committere uellet: auspiciaq; more maiorum petijisset: & pullarius non exire pullos cauea nuntiasset: abijci eos in mare iussit: dicens, quia esse nolunt: bibant.

De L. Iunio.

**L.** Iunius P. Claudij collega neglectis auspicijs, classem tempestate amisit: damnationisq; ignominiam, uoluntaria morte prauehit. De Metello.

**C.** um Metellus Pontifex Maximus Tusculanum petens iret: corui duo in os eius aduersum ueluti iter impediētes aduolauerunt: uixq; extuderunt, ut domum rediret. insequente noctu aedes Vestae arsit: quo incendio Metellus inter ipsos ignes raptum palladiū, incolume seruauit. De M. T. Cicerone.

**M.** Ciceroni mors imminens auspicio praedicta est. cum



enim in uilla Caietana esset: coruus in conspectu eius horologij ferrum loco motu excussit: & protinus ad ipsum tetendit: ac laciniam togæ eousq; morsu tenuit: donec seruus ad occidendū eū milites uenisse nūtiaret.

De M. Bruto.

1. Brutus cum reliquias exercitus sui aduersus Cæsarem, & Antonium eduxisset: duæ Aquilæ ex diuersis castris aduolauerunt: & edita inter se pugna, ea, quæ ex parte Bruti fuerat, male multata fugit.

Externa. De Rege Alexandro.

um Rex Alexander urbem in Aegypto constituere uellet: architectus Democrates cum cretam non haberet: polentaq; futuræ urbis lineamenta deduxisset: ingens auium multitudo primo lacu emersa polentam depasta est: quod sacerdotes ægyptiorum interpretati sunt, aduenarum frequentia alimentis suffecturam urbem.

De Deiotaro Rege.

eiotaro uero Regi omnia ferè auspiciata gerenti, salutaris Aquilæ cōspectus fuit: qua uisa, abstinuit se ab eius tecti usu: quod nocte insequenti, ruina solo æquatū est.

DE OMNIBVS.

Caput V.

Minum etiā obseruatio aliquo contactu religionis innexa est: quoniā non fortuito motu sed diuina prouidentia, constare creditur: quæ effecit, ut Vrbe à Gallis deleta, deliberantibus P. C. utrū Veios migrarent: an sua mœnia restituerent: forte eo tempore, e præsidio cohortibus redeuntibus, centurio in comitio exclamaret: Signifer statuæ signum. hic opti-



me manebimus. ea enim uoce audita, senatus accipere omen se respondit: è uestigioq; Veios transeundi consilium omisit. Quàm paucis uerbis de domicilio futuri summi imperij confirmata est conditio. Credo, indignum dijs existimantibus: prosperis auspicijs Romanum nomen ortum, Vcientanæ urbis appellatione mutari: inclytæq; uictoriæ decus modo abiectæ urbis ruinis infundi. Huius tam præclari operis author Camillus, cū esset precatus: ut sicui deorū numma felicitas P. R. uideretur: eius inuidia, suo aliquo incommodo satiaretur: subito lapsu decidit. quod omen ad damnationem, qua postea oppressus est: pertinuisse uisum est. merito autem de laude inter se, uictoria, & pia precatio amplissimi uiri certauerunt. æque enim uirtutis est, et bona patriæ auxisse: et mala in se transferre uoluisse.

De L. Paulo, & filia.

Quid illud? quod L. Paulo Cos. euenit, quàm memorabile? cum ei sorte euenisset: ut bellū cum Rege Persa gereret: & domū è curia regressus, filiulam suā nomine Tertiam, quæ tum erat admodum paruula, osculatus: tristem animaduerneret: interrogauit quid ita eo uultu esset: quæ respondit Persam perijisse. decesserat autem catellus, quæ puella in delicijs habuerat nomine Persa. arripuit igitur omen Paulus: èq; fortuito dicto, quasi certam spē clarissimi triumphi animo præsumpsit.

De Cæcilia Metelli.

At Cæcilia Metelli dum sororis filiæ, adultæ ætatis uirginis, more prius, nocte concubia nuptialia petit: omen ipsa fecit. nam cū in sacello quodā, eius rei gratia aliquandiu per sedisset: nec aliqua uox proposito cōgruens esset audita, fessa longa standi mora puella, rogauit:



uit mater teram, ut sibi paulisper locum residendi accommodaret: cui illa, ego uero inquit libenter tibi mea sede cedo. quod dictum ab indulgentia profectum, ad certi ominis processit euentum: quoniam Metellus non multo post mortua Cæcia, uirginem, de qua loquor, in matrimonium duxit.

De C. Mario, & omnis obseruatione.

C. autem Mario obseruatio omnis proculdubio saluti fuit, quo tempore hostis à Senatu iudicatus, in domum Fanniae Minturnis custodiæ causa deductus est: animaduertit enim asellum, cum ei pabulum obijceretur: neglecto eo, ad aquam procurrentem. quo spectaculo, deorum prouidentia quod sequeretur, oblatum ratus, alioqui etiam interpretandarum religionum peritissimus, à multitudine, quæ ad opem illi ferendam confluxerat, impetrauit, ut ad mare perduceretur: ac protinus nauiculam conscendit: eaq; in Africam prouectus, arma Syllæ uictricia effugit.

De Pompeio Magno.

Pompeius uero Magnus in acie Pharsalica uictus à Cæsare, fuga quærens salutem, cursu in insulam Cyprum, ut aliquid in ea uirium contraheret, classem direxit: appellensq; ad oppidum Paphum, conspexit in littore speciosum ædificium: gubernatoremq; interrogauit, quod ei nomen esset: qui respondit *ναυοβασιλεια* uocari. quæ uox spem eius, quantulacumq; restabat, comminuit. Neq; id dissimulanter tulit. auertit enim oculos ab illis tectis: ac dolorem, quem ex diro emine conceperat, gemitu patefecit.

De M. Bruto.

M. etiam Bruti dignus admissio paricidio euentus est  
Val. Max.



omine designatus. siquidem post illud nefarium opus, natalem suum celebrans: cum græcum uersum exprimere uellet: ad illud potissimum Homericum referendum animū tetendit. ἀλλά με μοῖρ' ὅλον, καὶ λιτὸς ἐκταρεν ὃς. qui Deus Philippenſi acie, à Cæsare, et Antonio signo datus, in eum tela conuertit.

De C. Cassio.

**C**onsentaneo uocis ictu C. Cassij aurem fortuna peruellit. quæ orantibus Rhodijs, ne ab eo cunctis deorū simulacris spoliarentur: Solem à se relinquere respondere uoluit: ut rapacissimi uictoris insolentiam, dicti tumore protraheret: abiectumq; Macedonica pugna, non effigiem solis, quam tātummodo supplicibus cesserat: sed ipsum Solem re uera relinquere cōegit.

De Petilio.

**A**nnotatu dignum illud quoq; omen, sub quo Petilius Cos. in Liguria bellum gerens occiderit. Nam cum montē, cui Leto cognomen erat, oppugnaret: interq; adhortationem militū dixisset: hodie ego Letum utiq; capiam, incōsideratus præliando, fortuitum iactum uocis letho suo confirmauit. De externis omnibus.

**A**dici nostris duo eiusdem generis alienigena exempla non absurde possunt. Samij Prienensibus auxiliū aduersus Carras implorantibus, arrogantia instincti, pro classe, et exercitu sibyllam eis derisus gratia miserunt: quā illi uelut diuinitus datum præsidium interpretati, libeter receptā, uera fatorū prædictione, Victoriæ ducem habuerunt. De Apolloniatarum omne.

**N**e Apolloniatae quidem pœnitentiam egerunt: qui, cum bello Illyrico pressi, Epidamnios, ut sibi opem ferrent, orassent: atq; illi flumen uicinum mœnibus suis nomi-



ne Aeantem in adiutorium se mittere dixissent: accipimus quod datur, responderunt: eiq; primum in acie locum, perinde ac duci assignauerunt. ex insperato enim superatis hostibus, successum suum omni acceptum referentes, & tunc Aeanti ut Deo immolauerunt: & deinceps omnibus praelijs duce uti instituerunt.

## DE PRODIGIIS.

## Cap. VI.

## De Ser. Tullo.

P Rodigiorum quoq; quæ aut aduersa, aut secunda aciderunt, debita proposito nostro relatio est. Ser. Tullo etiam tum puero dormienti, circa caput flammam emicuisse domestici oculi annotauerunt. Quod prodigium Prisci Tarquinij Regis uxor Tanaquil admirata, Seruium serua natum, in modum filij educauit: & ad regium fastigium euexit.

## De Martio.

A eq; felicitis euentus illa flama: quæ ex L. Martij ducis duorum exercituum, quos interitus P. & Cn. Scipionum in Hispania debilitauerat: capite concionantis eluxit. Namq; eius aspectu pauidi adhuc milites, pristinam recuperare fortitudinem admoniti: octo & triginta hostium millibus caesis, magnoq; numero in potestatem redacto, bina castra Punicis opibus referata ceperunt.

## De lacu Albano.

I tem cum bello acri, & diutino veiētes à Romanis intra moenia compulsi capi non possent: eq; mora non minus obsidentibus, quam obsessis intolerabilis uideretur: exoptatæ uictoriæ iter miro prodigio dii immortales patefecerunt. Subito enim Albanus lacus



VAL. MAX.

neq; coelestibus auctus imbris, neq; inundatione ul-  
lius amnis adiutus, solitum stagni modum excessit. cu-  
ius rei explorandæ gratia legati ad Delphicum ora-  
culum missi, retulerunt præcipi sortibus, ut aquam eius  
lacus emissam, per agros diffunderent: sic enim  
Veios in potestatem populi Romani venturos. Quod  
prius quam legati renunciarent: aruspex Veientium  
à milite nostro, quia domestici interpretes deerant, ra-  
ptus, & in castra perlatus, futurum dixerat. Ergo  
senatus duplici prædictione monitus, eodem penè tem-  
pore & religioni paruit: & hostium urbe potitus est.  
Nec parum prosperi successus est, quod sequitur.

De L. Sylla Cos.

L. Sylla Cos. sociali bello, cum in agro Nolano ante  
prætorium immolaret, subito ab una parte aræ  
prolapsam anguem prospexit. qua uisa, Posthumij  
aruspiciis hortatu continuo exercitum in expeditio-  
nem eduxit: ac fortissima Samnitum castra cepit. quæ  
uictoria futuræ eius amplissimæ potentia gradus, &  
fundamentum extitit.

De C. Volumnio, & Seru. Sulpitio.

P. præcipue admirationis etiam illa prodigia, quæ C. Vo-  
lumnio, & Seru. Sulpitio Coss. in urbe nostra inter  
initia, motusq; bellorum acciderunt. Bos namq; mu-  
gitu suo in sermonem humanum conuerso, nouita-  
te monstri audientium animos exterruit. Carnis  
quoq; in modum nimbi dissipatæ partes ceciderunt:  
quarum maiorem numerum præpetes diripere aues:  
reliquum humi per aliquot dies, neq; odore tetro, neq;  
deformi aspectu mutatum, iacuit. Eiusdem generis  
monstra alio tumultu credita sunt. Puerum infantem



semestrem in foro Boario triumphum proclamasse.  
 Alium cum elephantino capite natum. In Piceno lapi-  
 des pluuisse. In Gallia lupum uigili, e uagina gladium  
 abstulisse. In Sicilia scuta duo sanguinem sudasse.  
 Etiam metentibus cruentas spicas in corbem decidisse.  
 Cerites aquas sanguine mistas fluxisse. Bello etiam  
 Punico secundo constitit Cn. Domitio bouem dixisse.  
 Caue tibi Roma.

## De C. Flamini.

C. autem Flaminius inauspicato Cos. creatus: cum  
 apud lacum Thrasymenum, cum Annibale conflictu-  
 rus, conuelli signa iussisset: lapsus equo super caput eius,  
 humi prostratus est: nihilq; eo prodigio inhibitus, signi-  
 feris signa moueri sua sede posse negantibus, malum, ni  
 continuo ea effodissent, minatus est. Verum huius teme-  
 ritatis utinam sua tantum, non etiam P. R. maxima  
 clade poenas pependisset. in ea namq; acie. xv. millia  
 Romanorum caesa. vi. millia capta. xx. millia fugata  
 sunt. Consul obtruncati corpus ad funerandum ab  
 Annibale quaesitum est: qui, quantum in ipso fuerat,  
 Romanum sepelierat imperium.

## De C. Hostilio.

Lamini autem praecipitem audacia C. Hostilius Man-  
 cinus uesana perseverantia subsequitur. cui Consuli in  
 Hispaniam ituro haec prodigia acciderunt. cum Lam-  
 uij sacrificium facere uellet: pulli cauea emissi, in pro-  
 ximam syluam fugerunt: summaq; diligentia quaesiti  
 reperiri nequiverunt. cumq; ab Herculis portu, quod  
 pedibus peruenerat, nauem conscenderet: talis uox  
 sine ullo authore ad aures eius peruenit. Macine ma-  
 ne. qua territus cum itinere conuerso Genuam petis-  
 set: et ibi scapham esset ingressus: anguis eximae ma-



gnitudinis uisus e' conspectu abiit. ergo numerum prodigiorum numero calamitatum æquauit; infelici pugna, turpi fœdere, deditioe funesta.

Aliud de T. Graccho.

**M**inus miram in homine parum consyderato temeritatem T. Gracchi grauiissimi ciuis exitus tristis, & prodigio denuntiatus, nec euitatus consilio, facit. Cos. enim cum in Lucanis sacrificasset: angues duo ex occulto prolapsi, repente hostiæ, quam immolauerat, adeso iocinore, in easdem latebras se retulerunt. ob id deinde factum instaurato sacrificio, idem prodigiū euenit. Tertia quoq; cæsa uictima, diligentiusq; asservatis extis, neq; allapsus serpentum arceri, neq; fuga impediri potuit. quod quamuis aruspices ad salutem imperatoris pertinere dixissent: Gracchus tamen non cauit: ne perfidi hospitis sui Flauij insidijs, in eum locum deductus, in quo Pœnorum Dux Mago cum armata manu delituerat: inermis occideretur.

De Marcello.

**E**t Consulatus collegium, & erroris societas, et par genus mortis à T. Graccho ad Marcelli memoriam metrahit. Is. n. captarum Syracusarum, & Annibalis ante Nolana mœnia à se primū fugere coacti gloria inflammatus, cum summo studio niteretur, ut Pœnorū exercitum aut in Italia prosterneret, aut Italia pel-leret: solenni q; sacrificio uoluntates deorum exploraret: quæ prima hostia ante foculū decedit, eius iecur sine capite inuentum est. proxima iocinoris duplex caput habuit. quibus inspectis, aruspex tristi uultu, non placere sibi exta, quia prima trunca, secunda nimis læta apparuissent: respondit. Ita monitus M. Mar-



cellus, nequid temere conaretur, insequenti nocte speculandi gratia cum paucis egredi ausus, à multitudine hostium in Brutijs circumuentus, æque magnum dolorem, ac detrimentum patriæ interitu suo attulit.

De Octauio Cos.

**I**am Octauius Cos. dirum omen quemadmodum timuit, ita uitare non potuit. è simulacro enim Apollinis per se abrupto capite: & ita infixò humi, ut auelli nequiret: armis à collega suo Cinna dissidens, præsumpsit animo, ea re significari exitum suum. in quem metus augurij, tristi fine uitæ incidit: ac tum demum immobile dei caput terra refigi potuit.

De M. Crasso.

**N**on sinit nos M. Crassus inter grauissimas Ro. imperij iacturas numerandus, hoc loco de se silentium agere. plurimis, & euidentissimis, ante tantam ruinam monstrorum pulsatus ictibus (ducturus enim erat à Carris aduersus Parthos exercitum) pullum ei traditum est paludamentum, cum in prælium exeuntibus album, aut purpureum dari soleret: mæsti, & taciti milites ad principia conuenerunt: qui uetere instituto cum clamore alacri accurrere debebant. aquilarum altera uix conuelli à primpilo potuit: altera ægerrime extracta in contrariam, ac ferebatur, partem, se ipsam conuertit. Magna hæc prodigia. sed & illæ clades aliquanto maiores: tot pulcherrimarum legionum interitus, tam multa signa hostilibus intercepta manibus, tantum Romanæ militiæ decus Barbarorum obtritum equitatu, optimæ indolis filij cruore paterni respersi oculi, corpus Imperatoris inter promiscuas cadauerum strues



auium, ferarumq; laniatibus obiectum. uellem quidem placidius: sed relatu uerum est. Sic deorum specti præmonitus excandescent. Sic humana consilia castigantur, ubi se cœlestibus præferunt.

De Cn. Pompeio.

Cn. etiam Pompeium Iupiter omnipotens abunde monuerat, ne cum C. Cæsare ultimam belli fortunam experiri contenderet: egresso à Dyrrhachio aduersa agmini eius fulmina iaciens, examinibus apum signa obscurando, subita tristitia implicatis militum animis, nocturnis totius exercitus terroribus, ab ipsis altaribus hostiarum fuga. sed inuictæ leges necessitudinis pectus alioqui procul ab amentia remotum prodigia ista iusta æstimatione perpendere passæ non sunt. Itaque dum ille eleuat authoritatem amplissimam, & opes priuato fastigio excelsiores: omnia ornamenta, quæ ab ineunte adolescentia ad inuidiam usq; contraxerat, spatio unius diei confregit. Quo constat, in delubris deum sua sponte signa conuersa: militarem clamorem, strepitumq; armorum adeo magnum Antiochiæ, & Ptolemaide auditum, ut in muros concurreretur: sonum tympanorum Pergami abditis delubris editum: palmam uiridem Trallibus in æde Victoriæ, sub Cæsaris statua inter coagmenta lapidum iustæ magnitudinis enatam. quibus appareret cœlestium numen & Cæsaris gloriæ fauisse, & Pompeij errorem inhibere uoluisse. Tuas aras, tuaq; sanctissima templa Diue Iuli ueneratus oro, ut propitio, ac fauenti numine tantorum casus uirorum sub tui exempli præsidio, ac tutela delitescere panaris. Te enim accepimus: eo die, quo purpurea ueste uelatus



ste uelatus aurea in sella confedisti, ne maximo studio senatus exquisitum, & delatum honorem spreuisse uidereris: prius quam exoptatum cium oculis conspectum tui offerres, cultui religionis, in quam mox eras transiturus, uacasse: mactatoq; opimo bove, cor in extis non reperisse: ac responsum tibi à spurina aruspice, pertinere id signum ad uitam, & consilium tuum: quod utraq; hæc corde continerentur. erupit deinde eorum paricidium: qui dum te hominum numero subtrahere uolunt, deorum concilio adiecerunt. Claudatur hoc exemplo talium ostentorum domestica relatio: ne, si ulterius Romana apprehendero, è cœlesti templo ad priuatas domos non consentaneos usus transtulisse uidear. Attingam igitur externa: quæ latinis inserta literis ut authoritatis minus habent, ita aliquid gratæ uarietatis afferre possunt.

De equa pariente leporem externa.

I n exercitu Xerxis, quæ aduersus provinciam Græciâ contraxerat, equæ partu leporem editum constat. quo genere monstri tanti apparatus significatus est euentus. Nā qui mare classibus, terrā pedestri operuit exercitu: ut fugax animal, pauido regressu, regnum suum repetere est coactus. Eidē montē Athon iuxta Idam transgresso, prius quam Athenas deleret, Lacedæmonis inuadendæ cōsiliū agitati, admirabile inter cœnam prodigium incidit. infusum nanq; pateræ eius uinum, in sanguinem nec semel, sed iterum, & tertio conuersum est. Quæ de re consulti magi, monuerunt, ut se ab incepto proposito abstineret. & si quod uestigium in uerborum pectore sensus fuisset, cauere potuisset, ante de Leonida, & spartanis abunde monitus.



## De Mida.

**M**idæ uero, cuius imperio Phrygia fuit subiecta : puero dormienti formicæ in os grana tritici congesserunt. parentibus deinde eius quorsum prodigium tenderet explorantibus, Augures responderunt: omnium illum mortaliū futurum ditissimum. nec uana prædictio extitit. Nam Midas cunctorum penè Regum opes, abundantia pecuniæ antecessit: infantiaeq; incunabula utili deorum munere donata, onustus auro, atq; argento gazis pensauit.

## De Platone aliud mirum.

**F**ormicis Midæ iure, meritoq; apes Platonis prætulerim. illæ enim caducæ, ac fragiles, hæ solidæ, et æternæ felicitatis indices extiterunt: dormientis in cunis paruuli labellis mel inferendo. Qua re audita, prodigiorū interpretes singularem eloquiū suauitatem ore emanaturam dixerunt. At mihi quidem illæ apes non montem Hymetum thymi flore redolentem, sed musarum Heliconios colles omni genere doctrinæ uirentes, dearum instinctu depastæ, maximo ingenio dulcissima summæ eloquentiæ instillasse uidentur alimenta.

## DE SOMNIIS.

## Caput. V.

**S**ed quoniam diuitias Midæ, disertumq; Platonis somnum attigi: referam, quàm certis imaginibus, multorū quies adumbrata sit. quē locum unde potius ordiar, quàm à Diui Augusti sacratissima memoria? eius medico Artorio somnū capienti nocte, quam dies insecutus est, quo in campis Philippicis Romani inter se exercitus cōcurrere: Minervæ



species oborta præcepit, ut illum graui morbo implicatum moneret, ne propter aduersam ualitudinem proximo prælio non interesset. quod cum Cæsar audisset: lectica se deferri in aciem iussit. ubi dum supra uires corporis pro adipiscenda uictoria excubat: castra eius à Bruto capta sunt. Quid ergo aliud putamus, quàm diuino munere effectum, ne destinatum iam immortalitati caput, indignam cœlesti spiritu fortunæ uolentiam sentiret? Augustum uero præter naturalem animi in omnibus rebus subtiliter prospiciendis uigorem, etiam recens, & domesticum exemplum, ut Artorij somnio obtemperaret, admonuit. Audiuerat enim Diui Iulij patris sui uxorem Calpurniam nocte, quam is ultimam in terris egit, in quiete uidisse, multis eum confectum uulneribus in suo sinu iacentem: somnijq; atrocitate uehementer exterritam, rogare non destitisse, ut proxima die à curia se abstineret: at illum, ne muliebri somnio motus id fecisse existimaretur: senatum, in quo ei paricidarum manus allatæ sunt, adire contendisse. Non est interpretem, & filium, ullius rei comparisonem fieri, præsertim diuinitatis fastigio iunctos. sed iam alter operibus suis aditum sibi ad cœlum instruxerat: alteri longus adhuc terrestrium uirtutum orbis restabat. Quapropter ab hoc tantummodo pendentem mutationem status cognosci, ab illo etiam differri Dij immortales uoluerunt: ut aliud cœlo decus daretur, aliud promitteretur.

De P. Decio, & Manl. Torquato.

I Illud etiam somnium magnæ admirationis, & clari exitus: quod eadem nocte duo Coss. P. Decius. & T.



V A L. M A X.

Manlius Torquatus Latino bello, & graui, & periculoso, non procul à Vesuuij montis radicibus positis castris uiderunt. Vtriq; enim quidam per quietis speciem prædixit: ex altera acie imperatorem, ex altera exercitum dijs Manibus, matriq; Terræ deberi. Vtrius autem dux copias hostium aggredereetur: superq; eas sese ipsum deuouisset: uictoriam habiturum. id luce proxima Coss. sacrificio uel expiaturis, si posset auerti: uel, si certum deorum etiam monitu uisum foret, executuris: hostiarum exta somnio congruerunt. conuenitq; inter eos: cuius cornu prius laborare cœpisset, ut is capite suo fata patriæ lueret: quæ neutro formidante, Decium depoposcerunt.

sequitur æque ad publicam religionem pertinens somnium. cum plebeijs ludis quidam paterfamilias per circum Flaminiū, prius, quàm pōpa induceretur, seruum suum uerberibus multatum, sub furca ad supplicium egisset: latino homini ex plebe Iupiter in quiete præcepit, ut Coss. diceret, sibi præfultorem ludis Circensibus proximis non placuisse. quæ res nisi attentata ludorum instauratione expiata esset, secuturum non mediocre urbis periculum. Ille ueritus ne cum aliquo incommodo suo religione summum implicaret imperium: silentium egit. E uestigioq; filius eius subita ui morbi correptus, interiit. Ipse etiam per quietem ab eodem deo interrogatus, an satis magnam pœnam neglecti imperij sui pependisset: in proposito perseuerans, debilitate corporis solutus est. ac tum demum ex consilio amicorum, lectica ad tribunal Coss. & inde ad senatum perlatus, ordine totius casus sui exposito, magna cum omnium admiratione recuperata



membrorum firmitate, pedibus domum rediit.

De M. Cicerone.

**A**c ne illud quidem inuoluendum silentio. inimicorum cōspiratione urbe pulsus M. Cicero, cum in uilla quadam campi Atinatis diuersaretur: is animo in somnū profuso, per loca deserta, & inuias regiones uaganti sibi C. Marium cōsulatus ornatum insignibus putauit obuium factum, interrogantem se, quid ita, tam tristi uultu, incerto itinere ferretur: audito deinde casu, quo conflictabatur, comprehendisse dexteram suā: ac se proximo lictori in monimentum ipsius deducendum tradidisse: quod diceret ibi esse ei lætiorem status spem repositam. nec aliter euenit. Nam in æde Iouis Mariana, S. C. de reditu eius est factum.

De C. Graccho.

**C.** autem Graccho imminens casus atrocitas palam, atque aperte per quietem denuntiata est. somno enim pressus, Tiberij Gracchi fratris effigiem uidit dicentis sibi: nulla ratione eum uitare posse, ut eo fato non periret, quo ipse occidisset. Id ex Graccho prius quàm tribunatum, in quo fraternum exitum habuit, iniret, multi audiuerunt. Cælius etiam certus Romanæ historiæ author sermonem de ea re ad suas aures, illo adhuc uiuo, peruenisse scribit.

De Cassio Parmensi.

**V**incit huiusmodi somnij dirum aspectum, quod sequitur. Apud Actium M. Antonij fractis opibus, Cassius Parmensis, qui partes eius secutus fuerat, Athenas confugit. ubi concubia nocte, cum solitudinibus, & curis mente sopita, in lectulo iaceret: existimauit ad se uenire hominem ingentis magnitudinis, coloris



nigri, squalidum barba, & capillo demisso: interrogatumq; quisnam esset, respondisse *quodam* *de* *nova*. perterritus deinde tam tetro visu, & nomine horrendo, seruos inclamauit: sciscitatusq; est, si quem talis habitus aut intrantem cubiculum, aut exeuntem uidissent. quibus affirmantibus neminem illuc accessisse: iterum quieti, & somno se dedit: atq; eadem animo eius obuersata est species. Itaq; fugato somno, lumen intro ferri iussit: puerosq; à se discedere uetuit. Inter hanc noctem, & supplicium capitis, quo eum Cæsar affecit, paruum admodum tempus intercessit.

## De Atterio Ruffo.

**P**ropioribus tamen (ut ita dicam) lineis Atterij Ruffi equitis Romani somniū certo euentu admotum est: qui, cum gladiatorium munus Syracusis ederetur, inter quietē Retiarj se manu confodi uidit: idq; postero die in spectaculo cōsefforibus narrauit. Incidit deinde, ut proximo ab equite loco, Retarius cum Mirmillone introduceretur: cuius cum faciē uidisset, idem dixit ab illo se Retario trucidari putasse: protinusq; inde discedere uoluit. illi sermone suo, metu eius discussso, causam exitij misero attulerunt. Retarius enim in eum locum compulso Mirmillone, & abiecto, dum iacentem ferire conatur, transiectum gladio Atterium interemit.

## Externa. De Annibale.

**A**nnibalis quoque ut detestandum Romano sanguini, ita certæ prædictionis somnium: cuius nō uigilia tantum, sed etiam ipsa quies hostilis imperio nostro fuit. hausit enim proposito, & uotis suis conuenientē imaginem: existimauitq; missum sibi à Ioue, mortali specie



excelsiorem iuuenem, inuadendæ Italiæ ducem. cuius monitu, primo uestigia nullam in partem secutus oculis, mox humani ingenij prona uoluntate uetita scrutandi, pone respiciens, animaduertit immensæ magnitudinis serpentem, concitato impetu omne, quicquid obuium fuerat, proterentem: postq; eum magno cum cœli fragore erumpentes nimbos, lucemq; caliginosis inuolutam tenebris. Attonitus deinde quidnam esset monstri: ecquid portenderet, interrogauit. hic Dux. Italiæ uides inquit, uastitatem: proinde sile, & cætera tacitus permitte fatis.

De Alexandro.

Quam bene Macedoniæ Rex Alexander per quietem uisa imagine præmonitus erat, ut uitæ suæ custos esset diligentior, si eum etiam cauendi periculi consilio fortuna instruere uoluisset. Namq; Cassandri pestiferam sibi dexteram somnio prius cognouit, quam exitu sensit. existimauit enim se ab illo interfici: cum eum nunquam uidisset. Interposito deinde tempore: postq; in conspectum uenisset, nocturni metus patefacta imagine, ut Antipatri filium esse cognouit: adiecto uersu græco, qui fidem somniorum eleuat: præparati iam aduersus caput suum ueneficij, quo occidisse Cassandri manu creditur: suspicionem animo repulit.

De Simonide poëta.

longe indulgentius Dii in poëta Simonide, cuius salutarem inter quietē admonitionem consilij firmitate roborauerunt. Is enim, cum ad litus nauem appulisset: inhumatumq; corpus iacens, sepulturæ mandasset: admonitus ab eo, ne proximo die nauigaret: in terra remansit. qui inde soluerant, fluctibus, & procellis, in



conspectu eius obruti sunt. Ipse lætatus est, quod uitā suam somnio quā navi credere maluisset. Memor autem beneficij elegantissimo carmine æternitati consecrauit: melius illi, & diuturnius in animis hominū sepulchrum constituens, quā in desertis, & ignotis arenis struxerat. De Cræso.

**E**fficax & illa quietis imago, quæ Cræsi regis animū maximo prius metu, deinde etiam dolore confecit. Nā ē duobus filijs, & ingenti agilitate, & corporis dotibus præstantiorem, imperijq; successioni destinatum Atym existimauit ferro sibi ereptum. Itaq; quicquid ad euitandam denuntiatae cladis acerbitem pertinebat, nulla ex parte patria cura cessauit auertere. Solitus erat iuuenis ad bella gerenda mutti: domi detentus est. Habebat armamentarium omnis generis telorum copia refertum: id quoq; amoueri iussit. Gladio cinctis comitibus utebatur: uetiti sunt propius accedere. necessitas tamen aditum luctui dedit. Cum enim ingentis magnitudinis aper Olympi montis culta crebra cum agrestium strage uastaret: inusitatoq; malo regum imploratum esset auxilium: filius à patre extorsit, ut ad eum opprimendum mitteretur: eo quidem facilius, quod non dentis, sed ferri sæuitia in metu reponebatur. Verum dum acri studio interficiendi suem omnes sunt intenti: pertinax casus imminentis uiolentiæ lanceam, petendæ feræ gratia missam, in eum detorsit. & quidem eam potissimum dexteram nefariæ cædis crimine uoluit aspergi: cui tutela filij à patre mandata erat: quamq; Cræsus imprudentis homicidij sanguine uiolatam, hospitales ueritus deos, supplicem sacrificio expiauit.

De Cyro.



## De Cyro.

**N**ec Cyrus quidem superior inuictæ fatorum necessitatibus paruum argumentum est. cuius ortus ad imperium totius Asiæ spectantis, maternus auus Astyages duos prænuntios somni frustra discutere tentauit: Mandanen filiam suâ, quod in quiete uiderat urina eius omnes asiaticas gentes inundasse, non Medorum excellentissimo, ne in eius familiam regni decus transferretur, sed Persarum modicæ fortunæ uiro collocando: natumq; Cyrum exponi iubendo: quia similiter quietis temporibus existimauerat, genitili parte Mādanen enatam uitem cō usq; creuisse, donec cunctas dominationis suæ partes inumbraret. frustratus est enim se ipse, nepotis felicitatem, cœlestium iudicio destinatam, humanis consilijs impedire conando.

## De Dionysio.

**I**ntra priuatum autem habitum Dionysio Syracusano adhuc se continente: Hимера quædam, non obscuri generis femina, inter quietem opinione sua cœlum conscendit: atque ibidem deorum omnium lustratis sedibus, animaduertit præualentem uirum flauicoloris, lentiginosi oris, ferreis catenis uinctum, Iouis solio, pedibusq; subiectum. interrogatoq; iuvene, quo, gratia considerandi cœli, duce fuerat usa, quis nam esset: audiuit illum Sicialiæ, atque Italiæ dirum esse fatum: solutumq; uinculis, multis urbibus exitio futurum. quod somnium postero die sermone unguauit. Postquam deinde Dionysium inimici Syracusarum libertati, capitibusq; insontium infesta fortuna cœlesti custodia liberatum, uelut fulmen aliquod otio, ac tranquillitati iniecit: Hимера eum, mœnia



inter effusam ad officium, & ad spectaculum eius turbam intrantem ut aspexit hunc esse, quem in quiete uiderat: uociferata est. Id cognitum tyranno, curam tollendæ mulieris dedit.

**T**utioris somnij mater eiusdem Dionysij: quæ cum eum conceptum utero haberet: parere uisa est Satyriscum. cōsultoq; prodigiorum interprete: clarissimum, ac potentissimum Graij sanguinis futurum, certo cum euentu cognouit.

De Amilcare.

**A**t Carthaginensium dux Amilcar, cum obsideret Syracusas, inter somnium uocem exaudisse credidit nuntiantem futurum, ut proximo die in ea urbe cœnaret. Lætus igitur perinde ac diuinitus promissa uictoria, exercitum pugnae comparabat. in quo inter Siculos, & Pænos orta dissensione: castris eius Syracusani subita irruptione oppressis, ipsum intra mœnia sua uinctum pertraxerunt. Itaq; magis spe, quàm somnio deceptus, cœnauit Syracusis captiuus, non, ut animo præsumpserat, uictor.

De Alcibiade.

**A**lcibiades quoq; miserabilem exitum suum haud fallaci nocturna imagine speculatus est. quo enim pallio amicae suæ dormiens opertum se uiderat: eo interfectus, & insepultus iacens, contactus est.

De duobus Arcadibus.

**P**roximum somnium & si paulo est longius: propter nimiam tamen euidentiam ne omittatur, impetrat. Duo familiares Arcades iter unum facientes, Megaram uenerunt: quorum alter ad hospitem se contulit: alter in tabernam meritoriam diuertit. Is, qui in hospitio erat: uidit in somnijs comitem suum orantem, ut sibi Cauipo-



nis insidijs circumuento subueniret: posse enim celeri eius acursu se imminenti periculo subtrahi. quo uiso excitatus prosiluit: tabernamq; , in qua is diuersabatur: petere conatus est. Pestifero deinde fato eius humanissimum propositum tanquam superuacuum damnavit: & lectum, ac somnum repetijt. Tunc idem ei saucius oblatus obsecrauit, ut qui uitæ suæ auxilium ferre neglexisset, neci saltem ultionem non negaret. Corpus enim suum à Caupone trucidatum, tum maxime plaustro ferri ad portam stercore coopertum. tam constantibus familiaris precibus compulsus, protinus ad portam cucurrit: et plastrum, quod in quiete demonstratum erat: comprehendit: Cauponemq; ad capitale supplicium perduxit.

## DE MIRACVLIS.

## Caput. VI.

Uita etiam interdiu, & uigilantibus acciderunt, perinde ac tenebrarum, somnijq; nube inuoluta: quæ quia unde manauerint, aut qua ratione consiterint: dignoscere arduum est: merito miracula uocentur. Quorum è magno acervo in primis illud occurrit. Cum apud lacum Regillum Aulus Posthumus Dictator, & Tusculanorum dux Manilius Octavius magnis uiribus inter se concurrerent: ac neutra acies aliquandiu pedem referret: Castor, ac Pollux Romanarum partium propugnatores uisi, hostiles copias penitus fuderunt.

De P. Vatinio.

I tem bello Macedonico P. Vatinus, Reatinæ præfecturæ uir, noctu urbem petens, existimauit duos iuvenes excellentis formæ, albis equis residentes, obuios sibi fac-



ctos nuntiare : die , qui præterierat , Persen regem à Paulo captum . quod cum senatui indicasset : tanq̃ maiestatis eius , & amplitudinis , uano sermone contemp-  
tor in carcerē coniectus . postquam Pauli literis illo die Persen captum apparuit : & custodia liberatus , et insuper agro , ac uacatione donatus est . Castorē uero , et Pollucem , etiam illo tempore pro imperio P. R. excubuisse cognitum est : quo apud lacum Iuturnæ , suum , equorumq; sudorem abluisse uisi sunt . Iunctaq; fonti ædes eorum , nullius hominum manu reſerata patuit .

## De pestilentia.

Sed ut cæterorum quoq; deorum propensum huic urbi numen exequamur : triennio continuo uexata pestilentia ciuitas nostra , cum finem tanti , & tam diuturni mali neque diuina misericordia , neque humano auxilio imponi uideret : cura sacerdotum inspectis sibyllinis libris , animaduertit : non aliter pristinam recuperare salubritatem posse , quàm si ab Epidaurio Aesculapius esset acersitus . Itaq; eò legatis missis , unicam fatalis remediij opem . authoritate sua , quæ iam in terris erat amplissima , impetraturam se credidit . neque eam opinio decepit . pari nanque studio petatum , ac promissum est præsidium . è uestigioq; Epidaurij Romanorum legatos in templum Aesculapij , quod ab eorum urbe quinque millibus passuum distat , perductos : ut quicquid inde salubre patriæ laturos se existimassent , pro suo iure sumerēt , benignissime inuitarunt . quorum tam promptam indulgentiam numen ipsius dei subsecutum , uerba mortalium cælesti obsequio comprobauit . siquidem is anguis , quem Epidaurij raro , sed nunquam sine ma-



gno ipsorum bono uisum, in modum Aesculapij uenerati fuerunt: per urbis celeberrimas partes, mitibus oculis, et leni tractu labi cepit: triduoq; inter religiosam omnium admirationem conspectus, haud dubiam praese appetitae clarioris sedis alacritatem ferens, ad triremem Romanam perrexit: pauentibusq; inusitato spectaculo nautis, eò conscendit, ubi Quinti Ogulini legati tabernaculum erat: inq; multiplicem orbem per summam quietem est conuolutus. Tum legati perinde atq; exoptatae rei compotes, expleta gratiarum actione, cultuq; anguis à peritis excepto, læti inde soluerunt: ac prosperam emensi nauigationem, postq; Antium appulerunt, anguis, qui ubiq; in nauigio remanserat, prolapsus in uestibulū ædis Aesculapij myrto frequentibus ramis diffusæ, supereminentem excelsæ altitudinis palmam circūdedit: perq; tres dies, positis quibus uesti solebat, non sine magno metu legatorum, ne in triremem reuerti nollet, Antiensis templi hospitio usus, urbi se nostræ aduehendum restituit: atq; in ripam Tyberis egressis legatis, in insulam, ubi templum dicatum est, transnauit: aduentuq; suo tempestatem, cui remedio quæsitus erat, dispulit.

## De Furio Camillo.

Nec minus uoluntarius in urbem nostram Iunonis transitus. Captis à Furio Camillo Veijs, milites iussu imperatoris simulacrum Iunonis Monetae, quod ibi præcipua religione cultum erat: in urbem tralaturi, sede sua mouere conabantur: quorū ab uno per iocum interrogata Dea, an Romā migrare uellet: uelle se respondit. Hac uoce audita, lusus in admirationem uer-



sus est. Iamq; non simulacrum, sed ipsam cœlo Iunonem petitam portare se credentes, læti in ea parte Auentini montis, in qua nunc templum eius cernimus: collocauerunt. De simulacro Fortunæ.

Fortunæ etiam muliebris simulacrum, quod est in Latina uia ad quartum milliarium, eo tempore cum æde sua consecratum, quo Coriolanum ab excidio urbis maternæ preces repulerunt: non semel, sed bis locutum constitit, prius his uerbis. Rite me matronæ uouistis: riteq; dedicastis.

De Valerio Publicola.

Valerio autem Publicola Cos. qui post exactos Reges bellum cum Veientibus, & Hetruscis gessit: illis Tarquinio pristinum imperium restituere, Romanis nuper partam libertatem retinere cupientibus: Hetruscis, & Tarquinio in cornu dextro, prælio superioribus: tantus terror subito incescit: ut non solum uictores ipsi profugeret, sed etiam pauoris sui consortes secum Veientes traherent. cui rei pro argumento miraculum adijcitur. ingens repente uox è proxima sylua Arsia, quæ ore Syluani in hunc penè modum missa traditur. Vno plus Hetrusci cadent. Romanus exercitus uictor abibit. Miram dicti fidem digesta numero cadauera exhibuere. De C. Fabricio.

Quid Martis auxilium, quo uictoriam Romanorū adiunxit. non ne memoria celebrandum est? cum Brutij, atq; Lucani odio incitatisimo, maximisq; uiribus Thurinæ urbis peterent exitum: ac præcipuo studio eius incolumitatem C. Fabricius Lucinus. Cos. protegeret: resq; ancipiti euentu, collatis unū in locum utriusq; partis copys gereretur: non audētibus Romanis



prælium ingredi, eximie magnitudinis iuuenis primum eos hortari ad capeffendam fortitudinem cœpit: deinde, ubi tardiores animaduertit, arreptis scalis per mediam hostium aciem ad contraria castra euasit: & admotis, uallum conscendit. Inde uoce ingenti clamitans factum uictoriæ gradum, & nostros ad aliena castra capienda, & Lucanos, Brutiosq; ad sua defendenda, illuc traxit: ubi conserti dubio certamine tenebantur. Sed idem impulsu armorum suorum prostratos hostes: iugulandos, capiendosq; , Romanis tradidit. xx. enim millia cæsa. v. millia cum Statio Statilio duce utriusq; gentis, & tribus atq; xx. militaribus signis capta sunt. Postero die cum Cos. inter honorandos, quorum strenua opera fuerat usus: uallarem coronam ei se seruare dixisset, à quo castra erant oppressa: nec inueniretur qui id præmum peteret: cognitum pariter, atq; creditum est, Martem patrem tunc populo suo affuisse. Inter cætera huiusce rei manifesta indicia, galea quoq; duabus distincta pinnis, qua cœleste caput tectum fuerat: argumentum præbuit. Itaque Fabricij edicto supplicatio Marti est habita: & à laureatis militibus magna cum animorum lætitia oblatis auxiliij testimonium ei est redditum.

De Dijs Troianis mirum.

R eferã nunc, quod suo seculo cognitum, manauit ad posteros. Penates deos Aeneam Troia aduectos Lauinij collocasse. Inde ab Ascanio filio eius Albam, quã ipse condiderat: tralatos, pristinum sacrarium repetisse. et quia id humana manu factum existimari poterat: relatos Albam, uoluntatem suã altero transitu signi-



ficasse. Nec me præterit de uoce, & motu deorum immortalium humanis oculis, auribusq; percepto, quàm anticipiti opinione æstimatio uersetur. Sed quia non noua dicuntur, sed tradita repetuntur: fidem authores uendicent: & nostrum sit, inclytis literarum monumentis consecrata, perinde ac uana non refugisse.

De Diuo Iulio.

Facta mentione urbis, e qua primordia ciuitas nostra traxit: Diuus Iulius fausta proles eius se nobis offert. quem C. Cassius, nunquam sine præfatione publici paricidij nominandus, cum acie Philippenſi ardentissimo animo perstaret: uidit humano habitu augustiorem, purpureo paludamento amictum, minaci uultu, & concitato equo in se impetum facientem. quo aspectu perterritus, tergum hosti dedit, uoce illa prius emissa. Quid enim amplius agam, si occidiſſe parum est? Non occideras tu quidem Cassi Cæsarem. Neq; enim extingui ulla diuinitas potest. sed mortali adhuc corpore utentem uiolando, meruisti, ut tam infestum haberes deum.

De L. Lentulo.

Iam quidem L. Lentulus litus prænauigans, in quo Cn. Pompeij Magni, perfidia Ptolemæi Regis interempti corpus conscissæ scaphæ lignis cōburebatur: ignarus casus eius, cum ipsi fortunæ erubescendum rogem uidisset: commilitonibus dixit. quid scimus an in hac flamma Cn. Pompeius cremetur? diuinitus missæ uocis miraculum est. atq; hoc quidem hominis. illud tamen ore ipsius Apollinis editum: quo Appij interitum ueridica Pythicæ uaticinationis fides præcurrit. Is bello ciuili, quo se Cn. Pompeius à Cæsaris concordia

pestifero



pestifero sibi, nec reipub. utili consilio abruperat: euentum grauissimi motus explorare cupiens (uiribus nāq; imperij Achaiae praeerat) Antistitem Delphicae Cortinae in intimam sacri specus partem coëgit descendere. unde ut certae consulentibus sortes petuntur: ita nimius diuini spiritus haustus reddentibus pestifer existit. Igitur impulsu capti numinis instincta uirgo, horrendo sono uocis, Appio inter obscuras uerborum ambages fata cecinit. Nihil. n. inquit ad te hoc Romane bellum. Eubaeæ cellam obtinebis. At is ratus consilijs se Apollinis moneri, ne illi discrimini interesset: in eam regionem secessit, quæ inter Rhamnunta nobilem Attici soli partem, Caristumq; chalcidico freto uicinam interiaccens cællæ Eubaeæ nomen obtinet: ubi ante Pharsalicum certamen morbo consumptus, prædictum à deo locum sepultura possedit. Possunt & illa miraculorum loco referri, quod deusto sacrario Saliorum, nihil in eo præter lituum Romuli integrum repertum est. Quod. Seru. Tullij statua, cum ædes fortunæ conflagraisset, inuiolata permansit. Quod Q. Claudij statua in uestibulo templi Matris deum posita, bis ea æde incendio consumpta, prius P. Nasica Scipione, & L. Bestia, Item M. Seruilio, & L. Lanna Coss. in sua basi flammis intacta stetit.

## De Attilio.

**A**liquid admirationis ciuitati nostræ Attilij et Auiolæ rogos attulit: qui & à medicis, & à domesticis mortuus creditus, cum aliquandiu humi iacisset: elatus, postquā corpus eius ignis corripuit, uiuere se proclamauit, auxiliumq; pædagogi sui (nam is solus ibi remanserat) inuocauit. Sed iam flammis circumdatus, fato



subtrahi non potuit. Lucio quoq; Lamiæ prætorio uiro, æque uocem fuisse super rogam constitit.

Externa.

Quæ minus admirabilia Eri Pamphilij casus facit: quæ Plato scribit inter eos, qui in acie ceciderant. x. diebus iacuisse: biduoq; postquam inde sublatus esset, impositum rogo reuixisse: ac mira quædam tempore mortis uisa narrasse. Et quoniam ad externa transgressi sumus: quidam Athenus uir eruditissimus, cum ictum lapidis capite excepisset: cætera omnia tenacissima memoria retinens, literarum tantummodo, quibus præcipue inservierat: oblitus est. Dirum, malignumq; uulnus in animo percussu, quasi de industria scrutatis sensibus, in eum potissimum locum, quo maxime lætabatur, acerbitate nocendi erupit: singularem doctrinam hominis pleno inuidiæ funere efferendo. cui si talibus studiis perfrui fas non erat: utilius aliquanto fuit ad illa aditum non impetrasse: quàm iam percepta eorum dulcedine caruisse.

De Nausimenus uxore.

Mirabilior tamen sequentis casus narratio. Nausimenis enim Atheniensis uxor, cum filij, ac filia suæ stupro interuenisset: inopinati monstri percussa conspectu, et in præsens tempus ad indignandum, & in posterum ad loquendum obmutuit. Illi nefarium concubitum uoluntaria morte pensarunt. hoc modo Fortuna scæuens huic uocem, ijs uitam ademit, illi propitia donat.

De Aegle Samio.

Aegles Samius Athleta mutus, cum ei uictoriæ, quam adeptus erat: titulus, & præmium eriperetur: indignatione accensus uocalis enasit.



## De Gorgia Epirota.

**G**orgia quoque Epirotae fortis, et clari uiri origo mirabilis: qui in funere matris suae utero elapsus, inopinato uagitu suo lectum ferentes consistere coegit: nouumque spectaculum patriae praebuit: non tantum ex ipso genitricis rogo lucem, sed etiam cunas assecutus. eodem enim momento temporis, altera iam fato functa parit: alter ante elatus, quam natus est. De quodam Iasone.

**D**iuinae fortunae uulnus Pheræo Iasoni quidam exitij eius cupidus intulit. Nam cum inter insidias gladio eum percussisset: uomicam, quæ à nulla medicorum sanari potuerat: ita rupit, ut hominem pestifero malo liberaret.

## De Simonide.

**A**eq; Dijs immortalibus acceptus Simonides: cuius salus ab imminente exitio defensa, ruinæ quoque subiecta est. Cœnanti enim apud Scopam in Cranone (quod est in Thessalia oppidum) nuntiatum est duos iuuenes ad ianuam uenisse, magnopere rogantes, ut ad eos continuo prodiret. ad quos egressus neminem reperit ibi. Cæterum eo momento temporis triclinium, in quo Scopas epulabatur, collapsum, et ipsum, et omnes conuiues oppressit. Quid hac felicitate locupletius, quam nec mare, nec terra seuiens extinguere uoluit?

## De Daphida.

**N**on inuitus huic subnecto Daphidam: nequis ignoret quantum interfuerit cecinisse deorum laudes, et numen obrectasse. Hic, cum eius studij esset, cuius professores Sophistæ uocantur, ineptæ, et mordacis opinionis: Apollinem Delphis irridendi causa consuluit, an equum inuenire posset, cum omnino nullum habuisset. cuius ex oraculo reddita uox est, inuenturum equum: sed ut eo



perturbatus, periret. inde cū iocabundus, quasi delusa sacrarum sortiū fide, reuerteretur: incidit in Regem Attalum sæpenumero à se contumeliosis dictis absentem laceffitum: eiusq; iussu saxo, cui nomē erat Equi, præcipitatus, ad deos usq; cauillādos dementis animi iusta supplicia pependit. De Rege Philippo.

Eodem oraculo Macedonum Rex Philippus admonitus, ut à quadrigæ uiolentia salutem suam custodiret: toto regno disiungi currus iussit: eumq; locum, qui in Bœotia quadriga uocatur, semper uitauit: nec tamen denuntiātum periculi genus effugit. nam Pausanias in capulo gladij, quo eum occidit: quadrigam habuit cælatam. De Calano.

Quæ tam pertinax necessitas in patre, & filio Alexandro consimilis apparuit. siquidem Calanus Indus sua sponte se ardentissimo rogo superiaciturus, interpellatus ab eo, ecquid aut mandaret, aut dicere uellet: breui te, inquit, uidebo. nec id sine causa: quia uoluntarium eius ē uita excessum, rapida mors Alexandri subsecuta est.

De quodam remige.

Regios interitus magnitudine miraculi remigis casus æquat: quem in litore Tyriorū sentinam haurientē, cū ē naui fluctus abiecisset: altero latere percussus, contrarius fluctus in nauem retulit. Itaq; miseri simul, ac felices, cōplorationi permista fuit gratulatio.

De Prusia filio Regis Bithyniæ.

Quid illa? non ne ludibria Naturæ in corporibus humanis fuisse credenda sunt? tolerabilia quidē, quia scēuita caruerunt: cæterū & ipsa miraculis annumeranda. Nā et Prusiæ regis filius eodē nomine, quo pater,



pro superiori ordine dentium unum os æqualiter extentum habuit, nec ad speciem deforme, nec ad usum ulla ex parte incommodum.

De filia Mithridatis Regis.

Mithridatis uero Regis filia Dripetine Laodice Regina nata, duplici ordine dentium deforme admodum comes fugæ patris à Pompeio deuicti fuit. De Lynceo.

Nec illius quidem paruæ admirationis oculi, quæ constat tam certæ acie luminum usum esse, ut à Lilybæo portu Carthaginensium egredientes classes intueretur. Oculis eius admirabilius Aristomenis Messenij cor: quod Athenienses ob eximiam calliditatem exectum pilis refertum inuenerunt, cum eum aliquoties captum, et astutia elapsum cepissent. De Antipatro poëta.

A t poëta Antipater Sidonius, omnibus annis, uno tantummodo die, quo genitus erat, feбри implicabatur: cumq; ad ultimam ætatem peruenisset, natali suo certo illo circuitu morbi consumptus est.

De Polistrato, et Hippoclide.

Hoc loco apte referantur Polistratus, et Hippoclidēs philosophi eodem die nati, eiusdem præceptoris Epicuri sectam secuti: patrimonij etiam possidendi, alendæq; scholæ communione coniuncti, eodemq; momento temporis ultima senectute extincti. Tam æqualem fortunæ pariter, atq; amicitiae societatem, quis non ipsius cœlestis Concordiæ sinu genitam, nutritam, et finitam putet? Quapropter hoc potissimum fuerit aut in liberis potentissimi Regis, aut in Rege clarissimo, aut in uate ingenij florentis, aut in uiris eruditissimis, aut in homine sortis ignotæ: ne ipsa quidem omnis bonæ, malæq; materiæ fecunda artifex



Natura rationem rerum reddiderit . Non magis, q̄  
qui ita syestres capreas, Cretæ genitas, tantopere di-  
lexerit, quas sagittis confixas ad salutare auxilium  
herbæ Dictami, tantum non suis manibus deducit: effi-  
citq; ut concepta ea, continuo & tela, & uim ueneni  
uulneribus respuant. Aut in Cephalenia insula, cum  
omnia ubiq; pecora haustu aquæ quotidie recreentur:  
in ea pecudes maiore ex parte anni ore aperto ex al-  
to uentos recipientes, sitim suam sedare instituerit.

Aut quapropter Crotone in templo Iunonis Laci-  
niæ aram ad omnes uentos immobili cinere donaue-  
rit potissimum. Vel quare alteram in Paphlagonia,  
alteram in Caleno agro aquam proprietatem uini,  
qua homines inebrientur, possidere uoluerit. Non ad-  
miratione ista, sed memoria prosequi debemus: cum  
sciamus recte ab ea plurimum licentiæ uendicari: pe-  
nes quam infinitus cuncta gignendi labor consistit.

De mirabili magnitudine, et lōgitudine serpentis.

Quæ quia supra usitatam rationem excedentia attigi-  
mus, serpentis quoq; à T. Liuiio curiose pariter, ac fa-  
cunde relatæ fiat mentio. Is enim ait, in Africa apud  
Bagradam flumen tantæ magnitudinis anguem fuisse,  
ut Attilij Reguli exercitum usu amnis prohiberet:  
multisq; militibus ingenti ore correptis, compluri-  
bus uoluminibus caudæ elisis, cum telorum iactu  
perforari requiret, ad ultimum balistarum tormen-  
tis undiq; petitam, silicem crebris, & ponderosis  
uerberibus procubuisse: omnibusq; & cohortibus, &  
legionibus ipsa Carthagine uisam terribiliorem: atq;  
etiam cruore suo gurgitibus imbutis, corporisq; ia-  
centis pestifero afflatu uicinia regione polluta, Roma-



na inde summouisse castra: dicit belluæ corium. c. xx. pedes longum, in urbem missum.

## VALERII MAXIMI LIB. II.

De institutis antiquis. Caput. I.

d Iues, & præpotens naturæ regnum scrutatus, in iuicia stylum tam nostræ urbis, quàm cæterarum gentium priscis, ac memorabilibus institutis. Opus est enim cognosci huiusce uitæ, quam sub optimo principe felicem agimus: quænam fuerint elementa: ut eorum quoque respectus aliquid præsentibus moribus prosit. De nuptiis.

A pud antiquos non solum publice, sed etiam priuatim nihil gerebatur, nisi auspicio prius sumpto. quo ex more nuptiis etiamnum Auspices interponuntur. qui quamuis auspicia petere desierint: ipso tamen nomine ueteris consuetudinis uestigia usurpantur. Fœminæ cū uiris cubantibus sedentes cœnitabant. quæ consuetudo ex hominum conuictu ad diuina penetravit. nam Iouis epulo ipse in lectulum, Iuno, & Minerva in sellas ad cœnam inuitabantur. quod genus seueritatis ætas nostra diligentius in Capitolio, quàm in suis domibus seruat: uidelicet quia magis ad rem pertinet deorum, quàm mulierum disciplina contineri. Quæ uno contentæ matrimonio fuerant, corona pudiciæ honorabantur. Existimabant enim eum præcipue matronæ sincera fide incorruptum esse animum: qui post depositæ uirginitatis cubile, in publicum egredi nesciret: multorum matrimoniorum experientiam, quasi legitimæ cuiusdam intemperantiæ signum esse credentis.

De primo repudio.

R epudium inter uxorem, & uirum, à condita urbe usque



ad uicesimum et quingentesimum annum nullum intercessit. Primus autem Sp. Cabillius uxorem sterilitatis causa dimisit. qui quanquam tolerabili ratione motus uidebatur: reprehensione tamen non caruit: quia nec cupiditatem quidem liberorum, coniugali fidei præponi debuisse arbitrabatur. sed quo matronale decus uerecundiae munimento tutius esset, in ius uocanti matronam corpus eius attingere non permiserunt: ut inuiolata manus alienæ tactu stolæ relinqueretur.

De usu uini mulieribus interdicto.

Vini usus olim Romanis feminis ignotus fuit: ne. s. in aliquod dedecus prolaberentur: quia proximus à Libero patre intemperantiæ gradus ad incōcessam Venerem esse consuevit. Cæterum ut non tristis earum & horrida pudicitia, sed honesto comitatis genere temperata esset: indulgentibus maritis, et auro abundanti, & multa purpura usæ sunt: & quo formam suam concinniores efficerent, summa cum diligentia capillos cinere rutilarunt. Nulli. n. tunc subseffores alienorum matrimoniorum oculi metuebantur: sed pariter & uidere sancte, & aspici mutuo pudore custodiebantur.

De sacello deæ Viriplacæ.

Quoties uero inter uirum, & uxorem aliquid iurgij intercesserat: in sacellum deæ Viriplacæ, quod est in palatio, ueniebant: & ibi inuicem locuti quæ uoluerant, contentione animorum deposita, concordēs reuertebantur. Dea nomen hoc à placandis uiris assecuta fertur. ueneranda quidem, & nescio an præcipuis, & exquisitis sacrificijs colenda: utpotè quotidiana, ac domesticæ pacis custos, in pari iugo charitatis, ipsa sui appellatione, uiro-



rum maiestati debitum, ac foeminis reddens honorem. Huiusmodi inter coniuges uerecundia, quid inter ceteras necessitudines non ne apparet consentanea? nam ut minimo iudicio maximam uim eius significem: aliquandiu nec pater cum filio pubere, nec socer cum genero lauabatur. Manifestum igitur est tantum religionis sanguini, & affinitati, quantum ipsis dijs immortalibus tributum: quia inter ista tam sancta uin- cula, non magis, quam in aliquo sacro loco nudare se fas esse credebatur. Conuiuium etiam solenne maiores instituerunt: idq; Charistia appellauerunt: cui praeter cognatos, & affines nemo interponebatur: ut siqua inter necessarias personas querela esset orta: apud sacra mense, & inter hilaritatem animorum, fautoribus Concordiae adhibitis tolleretur.

De honore impenso senibus à iuuenibus.

enectuti iuuentus ita cumulatu, & circumspectum honore reddebat: tanquam maiores natu adolescentium communes patres essent. Quo circa iuuenes, senatus die utiq; aliquem ex patribus. C. aut propinquum, aut paternum amicum ad curiam deducebant: affixiq; ualuis expectabant, donec reducendi officio etiam fungerentur. qua quidem uoluntaria statione, & corpora, & animos ad publica officia sustinenda impigre roborabant: breuiq; processurarum claram in lucem uirtutum suarum, uerecunda laboris meditatione ipsi doctores erant. Inuitati ad caenam diligenter querebant, qui nam ei conuiuium essent interfuturi: ne senioris aduentum discubitu praecurrerent: sublataq; mensa priores consurgere, et abire conspiciebatur. e qbus ap-



paret, cœnæ quoq; tempore quàm parco, et quàm modesto sermone his præsentibus soliti sint uti.

De maioribus dantibus exēplum uirtutis iuuenibus.  
**M**aiores nati in conuiujs ad tibias egregia superiorum opera carmine comprehensa pangebant: quo ad ea imitanda iuuentatem alacriorem redderent. Quid hoc splendidius? quid etiam utilius certamine? pubertas canis suum honorem reddebat: defuncta uirū curso ætas ingrediētes actuosam uitam fauoris nutrimentis prosequēbatur. Quas Athenas? quā scholam? quæ alienigena studia huic domesticæ disciplinæ prætulerim? Inde oriebātur Camilli, Scipiones, Fabricij, Marcelli, Fabij. ac ne singula imperij nostri lumina simul percurrere longior: inde inquam, cœli clarissima pars, diui fulserunt Cæsares. Adeo autem magna charitate patriæ tenebantur: ut arcana consilia patrum C. multis seculis nemo Senator enuntiauerit. Q. Fabius Maximus tantummodo, & is ipse per imprudentiam, de tertio Punico bello indicendo, quod secreto in curia erat actum: Publio Crasso rus petens, domum reuertenti in itinere narrauit: memor cū triennio ante Quæs. factum, ignarusq; nondum à Coss. in ordinem senatorum electum. quo uno modo etiam ijs, qui iam honores gesserant: aditus in curiam dabatur. sed quamuis honestus error Fabij esset, uehementer tamen à Coss. obiurgatus est. Nunquam enim taciturnitatem, optimum, ac tutissimū administrandarum rerum uinculum, labefactari uolebant.

De Eumene Rege Asiæ.

**E**rgo cū Asiæ Rex Eumenes amantissimus nostræ urbis



bellum à Perse aduersus P. R. comparari senatui nū-  
 tiasset: non ante sciri potuit, quid aut ille locutus esset:  
 aut patres respondissent: quàm captum Persen cogni-  
 tum est. Fidum erat, & altum. R. P. pectus curia, si-  
 lentijq; salubritate munitum, et uallatum undiq; cuius  
 limen intrantes, abiecta priuata charitate, publicā in-  
 duebant. Itaq; non dicam unum: sed neminem audisse  
 crederes, quod tam multorum auribus fuerat cōmis-  
 sum. Magistratus uero prisci quantopere suam popu-  
 liq; Ro. maiestatem retinentes se gesserint: hinc cogno-  
 sci potest: quod inter cætera obtinendæ grauitatis in-  
 dicia, illud quoq; magna cum perseuerantia custodie-  
 bant: ne græcis unquam, nisi latine responsa darent.  
 quin et ipsa linguæ uolubilitate, qua plurimum ua-  
 lent: exclusa, per interpretē loqui cogebant, non in ur-  
 be tantum nostra, sed etiam in Græcia, & Asia: quò  
 latinæ uocis honos per omnes gētes uenerabilior dif-  
 funderetur. nec illis deerant studia doctrinæ: sed nul-  
 la non in re pallium togæ subijci debere arbitra-  
 bantur: indignum esse existimantes, illecebris, & suauitati  
 literarum, imperij pondus, & auctoritatem donari.

De C. Mario.

Quapropter non es dānandus rigoris rustici crimine C.  
 Mari: quia gemina lauro coronatam senectutem tuā,  
 Numidicis, & Germanicis illustrem trophæis, uictor  
 deuictæ gentis facundia politiorē fieri noluiſti, credo  
 ne alienigena ingenij exercitatione patrij ritus seruus  
 transfuga existeres. Quis ergo huic cōsuetudini, qua  
 nunc græcis actionibus aures curiæ exurdatur: ianuā  
 pateſcat? ut opinor, Molo Rhetor: qui studia M. Cice-



ronis acuit. eum namq; ante omnes exterarum gentiū in senatu sine interprete auditum constat. quem honorē non immerito cepit: quoniam summam uim Romanæ eloquētiæ adiunxerat. Conspiciæ felicitatis Arpinum, unicum siue literarum gloriosissimum contemptorē, siue abundantissimum fontem intueri uelis.

De more, quem maiores obseruabant in urbe.

**M**axima autem diligentia maiores hunc morē retinuerunt, ne quis se inter Cos. et proximum lictorem, quāuis officij causa unā progredieretur, interponeret. filio dumtaxat, & ei puero ante patrem Cos. ambulandi ius erat. Qui mos adeo pertinaciter retētus est, ut Q. Fabius Maximus quinquies Cos. uir etiam pridem summæ authoritatis, & tunc ultimæ senectutis, à filio Cos. inuitatus, ut inter se, & lictorem procederet, ne hostium Samnitum turba, ad quorum colloquium descendebant, elideretur: id facere noluerit. Idem à senatu legatus missus ad filium Cos. suessam: postq̃ animaduertit eum ad officium suū extra mœnia oppidi processisse: indignatus quoq; quod ex. xij. lictoribus nemo se equo descēdere iussisset: plenus iræ sedere perseuerauit. quod cū filius sensisset: proximo licteri, ut sibi appareret, imperauit. cuius uocā Fabius continuo obsecutus, non ego, inquit, fili summum imperium tuum cōtempsi: sed experiri uolui, an scires Cos. agere. nec ignoro quid patriæ uenerationi debeatur: uerum publica instituta priuata pietate potiora iudico.

De mira constantia legatorum Ro.

**R**elatis Q. Fabij laudibus, offerunt se mirificæ constantiæ uiri. qui legati à senatu Tarentum ad res peten-



das missi: cum grauiissimas ibi iniurias acceperant, unus etiam urina respersus esset: in Theatrum (ut est consuetudo Græciæ) introducti, legationem quibus acceperant uerbis peregerunt: de his, quæ passi erant, questi non sunt: nequid ultra, ac mandatum esset: loquerentur. intimisq; pectoribus eorum, antiqui moris respectus dolore, qui ex contumelia grauiissimus sentitur: conuelli non potuit. finem profecto fruendarum opum, quibus ad inuidiam diu abundaueras Tarëti-na ciuitas: quæ sisti. Nam, dum horridæ uirtutis in se ipsum connexum stabilimentum, nitore fortunæ præsentis inflata fastidiose æstimas: in præualidum imperij nostri mucronem, cæca, et amens irruisti. Sed ut à luxu perditis moribus, ad seuerissima maiorum instituta transgrediar: antea senatus assiduam stationē eò loci peragebat, qui hodie quoq; Senaculum appellatur. nec expectabat, ut edicto contraheretur: sed inde citatus, protinus in curiam ueniebat: ambiguae laudis ciuē existimans, qui debitis. R. P. officijs non sua sponte, sed iussus fungeretur: quia quicquid imperio cogitur, exigēti magis, quàm præstanti acceptum refertur.

Aliud institutum contra Tribb. pl.

I Illud quoq; memoria repetendū est, quod Tribb. pl. intrare curiam non licebat: ante ualuas autem positis subsellijs decreta patrum attentissima cura examinabant: ut si qua ex eis improbaissent, rata esse non sine-  
rent. Itaq; ueteribus. S. C. T. litera subscribi solebat: eaq; nota significabatur: illa Tribb. quoq; cēsisse. qui quāuis pro cōmodis plebis excubabant: inq; imperijs cōpescendis occupati erant: instrui tamen ea argenteis



nasis, et annulis aureis publice præbitis, patiebantur: quò talium rerù usu, authoritas magistratù esset or-  
natio. Quorum quemadmodù maiestas amplificaba-  
tur, ita abstinentia arctissime constringebatur. Im-  
molatarù enim ab his hostiarù exta ad Quæss. æra-  
rij delata ueniebant. Sacrificijsq; P. R. tum deorum  
immortalium cultus, tum etiam hominum continen-  
tia inerat: Imperatoribus nostris quàm sacras ma-  
nus habere deberent, apud ista altaria discantibus. cō-  
tinentiæq; tantum tribuebatur: ut multorù æs alienù,  
quia provincias sincere administrauerant: à senatu  
persolutum sit. Nam quorum opera publicam autho-  
ritatem splendorem suù procul obtinuisse uiderant:  
eorum dignitatem domi collabi, indignum, sibiq; de-  
forme esse arbitrabantur. De ordine equestri.

Equestris uero ordinis iuuentus, omnibus annis bis ur-  
bem spectaculo sui, sub magnis authoribus celebrabat,  
die Lupercalium, & equitum probatione. Luperca-  
lium enim mos à Romulo, et Remo inchoatus est, tunc  
cum lætitia exultantes, quòd his auus Numitor Rex  
Albanorum eo loco, ubi educati erant, urbem condere  
permiserat sub monte Palatino, hortatu Faustuli edu-  
catoris sui: quẽ Euander Argiuis consecrauerat: facto  
sacrificio, cæsisq; capris, epularum hilaritate, ac uino  
largiore prouecti: diuisa pastorali turba, cincti omnes  
pellibus immolatarù hostiarù, iocantes, obuios petue-  
runt. cuius hilaritatis memoria annuo circuitu feria-  
rum repetitur. Trabeatos uero equites idibus Iulij  
Q. Fabius transuehi instituit. Idem Ces. cum P.  
Decio, seditionis finiendæ gratia: quã comitia in hu-



millim cuiusq; potestatem redacta accenderat: omnem forensem turbam in quatuor tantummodo tribus descripsit: easq; Urbanas appellauit. quo tam salubri R. P. facto, uir alioqui bellicis operibus excellens, Maximus cognominatus est. De C. Mario.

**L**audanda etiam populi uerecundia est: qui impigre se laboribus, et periculis militiæ offerendo, dabat operam, ne imperatoribus, capite censos sacramento rogare esset necesse: quorum nimia inopia suspecta erat: ideoq; his publica arma non committebantur. Sed hanc diutina usurpatione firmatam consuetudinem C. Marius capite censum legendo militem, abrupit. ciuis alioqui magnificus, sed nouitatis suæ conscientia, uetustati non sanè propitius, memorq; si militaris ignauia humilitatem spernere perseveraret: se à maligno uirtutum interprete uelut capite censum imperatorem compelli posse. Itaq; fastidiosum delectus genus, in exercitiis Romanis obliterandum duxit, ne talis notæ contagio ad ipsius quoq; gloriæ sugillationem penetraret.

De P. Rutilio.

**A**rmorum tractandorum meditatio à P. Rutilio Cos, C. Mallij collega militibus est tradita. Is enim nullius ante se imperatoris exemplum secutus, ex ludo C. Aurelij Scauri doctribus gladiatorum accersitis, uitandi, atq; inferendi ictus subtiliore rationem legionibus ingenerauit: uirtutemq; arti, et artem rursus uirtuti miscuit: ut illa impetu huius fortior, hæc illius scientia cautior fieret.

De usu uelutum primo reperto.

**V**elutum usus eo bello primū repertus est, quo Capuam



Fulvius Flaccus imperator obsedit. Nam cū equitatu Campanorum crebris excursionibus equites nostri, quia numero pauciores erant, resistere non possent: Q. Næuius Centurio ē peditibus lectos expediti corporis, breuibus, et incuruis septenis armatos hastis, paruo tegmine munitos, ueloci saltu iungere se equitantibus, et rursus celeri motu dilabi instituit: quo facilius equestri prælio subiecti pedites, uiros pariter, atq; equos hostium telis incesserent. Eaq; nouitas pugnae unicum Campanæ perfidiæ debilitauit auxilium: ideoq; auctori eius Næuius adhuc honos est habitus. Proximus militaribus institutis ad urbana castra. I. theatra gradus faciendus est: quoniā hæc quoq; sæpenumero animosas acies instruxerūt. Excogitata nanq; cultus deorum, et hominum delectationis causa: non sine aliquo pacis rubore, uoluptatem, et religionem, civili sanguine, scenorum portentorum gratia, macularunt. quæ inchoata quidem sunt à Messala, et Cassio Cess. cæterum auctore P. Scipione Nasica omnem apparatus oderis eorū subiectum hastæ uenire placuit. Atq; etiā S. C. cautum est, nequis in urbe propius uel passus mille subsellia posuisse, sedens uel ludos spectare uellet: ut scilicet remissioni animorū iniuncta standi uiriliter, propria Romanæ gentis nota esset. Mos ludorum.

P er quingentos autē, et quinquaginta octo annos, senatus populo mustus, spectaculo ludorū interfuit. Sed hūc morē Attilius Seranus, et L. Scribonius Aedill. ludos Matri deūm facientes, superioris Africani sententiam secuti, discretis senatus, et populi locis, soluerūt: eaq; res auertit uulgi animū, et fauorem Scipionis magnopere



quassauit. Nunc causam instituendorum ludorum ab origine sua repetam. C. Sulpitio Bethyco, C. Licinio Stolone Coss. intoleranda uis ortæ pestilentie ciuitatem nostram à bellicosis operibus reuocatam domestici, atq; intestini mali cura afflixerat. Iamq; plus in exquisito, et nouo cultu religionis, quam in ullo humano consilio positum opis uidebatur. Itaq; placandi coelestis numinis gratia, compositis carminibus uacuas aures præbuit, ad id tempus Circensi spectaculo contenta. quod primus Romulus raptis uirginibus Sabinis Consualium nomine celebrauit. Verum, ut est mos hominum, paruula initia pertinaci studio prosequendi, uenerabilibus erga deos obsequijs inuentus, rudi, atq; incomposito motu corporum iocabunda, gestus dedit: eaq; res Ludium ex Hetruria accersendi causam præbuit: cuius decora pernicitas uetusto ex more Curetum, Lydorumq; à quibus Hetrusci originem traxerunt: nouitate grata Romanorum oculos permulsi. Et quia Ludius apud eos Histrio appellabatur: scenico nomen histrionis inditum est. Paulatim deinde ludicra ars ad satyrarum modos perrexit: à quibus primus omnium poëta Liuius, ad fabularum argumenta spectantium oculos, et animos transtulit. Isq; sui operis actor, cum sæpius à populo reuocatus, uocem obtudisset: adhibito pueri, et tibicinis concentu, gesticulationem tacitus peregit. Attellani autem ab Oscis acciti sunt: quod genus delectationis, Italica seueritate temperatum, ideoq; uacuum nota est. nam neq; tribu mouetur: neq; à militaribus stipendijs repellitur. Et quia cæteri ludi ipsis appellationibus unde trahantur, apparet: non



absurdum uidetur secularibus initium suum, cuius generis minus trita notitia est: reddere.

De quodam Valesio.

Cum ingenti pestilentia urbs antiqua, agriq; vastarentur: Valesius uir locuples rusticae uitae, duobus filiis, et filia ad desperationem usq; medicorum laborantibus: aquam calidam ijs a foco petens, genibus innixus, lares familiares, ut puerorum periculum in ipsius caput transferrent, orauit. orta deinde uox est, habiturum eos saluos, si continuo flumine Tyberis deuectos Terentum portasset: ibiq; ex Ditis patris, et Proserpinae ara, petita aqua calida, quam illi desiderarent: recreasset. Eo praedicto magnopere confusus, quod et longa, et periculosa nauigatio imperabatur: spe tamen dubia praesentem metum uincente, pueros ad ripam Tyberis protinus detulit. habitabat enim in uilla sua propè uicini Sabinae regionis Heretum: ac lintre Hostiam petens, nocte concubia ad Martium campum appulit: sitientibusq; aegris succurrere cupiens, igne in nauigio non suppetente, ex gubernatore cognoscit, haud procul apparere fumum: et ab eo iussus egredi Terentum (id nomen ei loco est) cupide arrepto calice aquam flumine haustam eo, unde fumus erat obortus, iam laetior pertulit: diuinitus dati remedij quasi uestigia quaedam in propinquo se existimans nactus. Inq; solo magis fumante, quam ullas ignis habente reliquias, dum tenacius omen apprehendit: contractis leuibus, et quae sors obtulerat, nutrimentis, pertinaci spiritu, flammam euomuit: calfactamq; aquam pueris bibendam dedit. qua pota, saluari quiete sopiti, diu-



ina ui morbi repente sunt liberati: patriq; indicauerunt, uidisse se in somnis nescio à quo deorū spongia corpora sua pertergi: & præcipi, ut ad Ditis patris, & Proserpinæ aram, à qua potio ipsis fuerat allata: furuæ hostiæ immolarentur: lectisterniaq; & ludi nocturni fieret. Is qui eò loci nullā aram uiderat, de syderari credens, ut à se construeretur: aram empturus in urbē perrexit, relictis qui fundamentorū constituendorū gratia, terrā ad solidū foderent. ij domnī imperiū exequentes, cū ad. xx. pedū altitudinē humo egesta peruenissent: animaduenterunt arā Diti patri, Proserpinæq; inscriptam. Hoc postquā Valesius nuntiante seruo accepit: omisso emendæ proposito, hostias nigras, quæ antiquitus furuæ dicebantur: Terenti immolauit: ludosq; & lectisternia continuis tribus noctibus, quia totidē filij periculo liberati erant, fecit.

De P. Valerio Publicola.

uius exemplum Valerius Publicola, qui primus Cos. fuit, studio succurrendi ciuibus, secutus, apud eandem aram publice nuncupatis uotis, cæsisq; atris bobus Diti maribus, fœminis Proserpinæ, lectisternioq; ac ludis trinoctio factis: aram terra, ut ante fuerat, obruit.

De Q. Catulo.

eligionem ludorum crescentibus opibus secuta lauitia est. Cuius instinctu Q. Catulus Cāpanam imitatus luxuriam, primus spectantium confessum uelorum umbraculis textit.

De Cn. Pompeio.

Cn. Pompeius ante omnes, aquæ per semitas decursu, æstiuum minuit feruorem.

De Cl. Pulchro.

Cl. Pulcher scenam uarietate colorum adumbravit, na-



uis ante pictura tabulis extentam . quam totam argento C. Antonius, auro Petreius, chore Q. Catulus prætexuit. Versatilem fecerunt Lucius, & Cinna locum: quem argentatis choragijs P. Lentulus Spinther adornauit. Translatum antea Phœniceis indutum tunicis M. Scaurus exquisito genere uestis cultum induxit. Nam gladiatorum munus primum Romæ datum est in foro Boario, Appio Claudio. Q. Fulvio Coss. dederunt Marcus et Decius filij Bruti, funebri memoria patris cineres honorando. De Athleticis.

Athletarum certamen à M. Scauri tractum est munificentia. De prima statua aurea in Italia.

Statuam auratam nec in urbe, nec in ulla parte Italiæ quisquam prius aspexit, quàm à M. Attilio Glabrio ne equestris patri poneretur in æde Pietatis. eam autem ædem P. Cornelio Lentulo, & M. Bebio Pamphilo Coss. ipse dedicauerat compos uoti factus, Rege Antiocho apud Thermopylas superato.

De C. Flauio uulgante ius ciuile.

Ius ciuile per multa secula inter sacra, cerimoniasq; deorum immortalium abditum, solisq; Pontificibus notum, Cn. Flauius libertino patre genitus, & scriba, cū ingenti nobilitatis indignatione factus Aedil. cur. uulgauit: ac fastos penè toto foro exposuit. qui cum ad uisendum ægrum collegam suum ueniret: neq; à nobilibus, quorum frequentia cubiculum erat completum: sedendi loco reciperetur: sellam curulem afferri iussit: & in ea honoris pariter, atq; contemptus sui uindex consedit. De ueneficijs in urbe.

Veneficij quæstio et moribus, et legibus Romanis ignota,



complurium matronarū patefacto scelere orta est. quæ cum uiros suos clādestinis insidijs ueneno perimerent: unius ancillæ indicio protractæ, pars capitali iudicio damnatæ, centum septuaginta numerū compleuerunt. Tibicinum quoque collegium solet in foro uulgi oculos in se conuertere, cum inter publicas, priuatasq; ferias, actiones personis tecto capite, uariaq; ueste uelatis concentus edit. Inde tracta licentia quondam uetiti in æde Iouis, quod prisco more facitauerant, uesci, Tibur irati se contulerunt. quorum ministerio senatus deserta sacra nō æquo animo ferens, per legatos à Tiburtibus petijt, ut eos gratia sua Romanis templis restituerent. quos illi in proposito perseverantes, interposita festæ epulationis simulatione, mero, somnoq; sopitos, plaustris in urbem deuehendos curauerunt. quibus et honos pristinus restitutus, et huiusce lusus ius est datum. personarum usus pudorē circumuentæ temulentiae causam habet. De modo comedendi antiquorum. uit etiam illa simplicitas antiquorum in cibo capiēdo humanitatis simul, et continentiae certissima index. Nā maximis uiris prandere, et cœnare in propatulo uerecundiae non erat. nec sanē ullas epulas habebant, quas populi oculis subijcere erubescerent. erant autem adeo continentiae attenti: ut frequētior apud eos pultis usus, quàm panis esset. Ideoq; in sacrificijs mola quæ uocabatur, ex farre, et sale constat: exta farre sparguntur: et pullis, quibus auspicia petuntur, puls obijcitur. primitus enim ex libamentis uictus sui, deos eo efficacius, quo simplicius placabant. Et cæteros quidem ad benefaciendum uenerabantur: febrem autem ad minus



nocendum templis colebant. quorum adhuc unum in palatio, alterum in area Marianorum monumento-  
rū, tertium in summa parte uici Longi extat. In eamq;  
remedia, quæ corporibus ægrorum adnexa fuerant,  
deferebantur. Hæc ad humanæ mentis æstus lenien-  
dos cum aliqua usus ratione excogitata, cæterū salu-  
britatem suā industriæ certissimo, ac fidelissimo moni-  
mēto tuebantur: bonæq; ualetudinis eorū quasi quædā  
mater erat frugalitas, inimica luxuriosis epulis, et alie-  
na nimæ uini abūdantiæ, et ab omni imoderato Ve-  
neris usu auersa. Externa. de ciuitate Spartana.  
I dem sensit proxima maiorum nostrorum grauitati  
Spartana ciuitas. quæ seuerissimus Lycurgi legibus ob-  
temperans, aliquandiu ciuiū suorū oculos à contem-  
planda Asia retraxit: ne illecebris eius capti, ad deli-  
catius uitæ genus prolaberētur. Audierant enim lau-  
titiam inde, & immodicos sumptus, & omnia non  
necessaria uoluptatis genera fluxisse: primosq; Ionas  
unguenti, coronarumq; in conuiuio dandarum, &  
secundæ mensæ ponendæ consuetudinem, haud parua  
luxuriæ irritamenta, reperisse. ac minime mirum est,  
quod homines labore, ac patientia gaudentes, tenacissi-  
mos patriæ nervos, externarum deliciarum cōtagio-  
ne solui, & hebetari noluerunt: cum aliquanto faci-  
liorem uirtutis ad luxuriam, quàm luxuriæ ad uir-  
tutem, transitum uiderent. De Pausania.  
Quod eos nō frustra timuisse, dux ipsorū Pausanias pa-  
tefecit. qui maxims operibus editis, ut primū se Asiæ  
moribus permisit: fortitudinem suā efforminato eius  
cultu mollire non erubuit. De Ciuitate ipsa.



iusdem ciuitatis exercitus non ante ad dimicandū descendere solebant: quā tibiae concentu, & Anapæsti pedis modulo cohortationis calorē animo traxissent: uergeto, & crebro ictus sono, strenue hostē inuadere admoniti. Iidem ad dissimulandum, et occultandū uulnerrum suorū cruorē, puniceis tunicis in prælio utebātur: non ut ipsis aspectus earum terrorem, sed ne hostibus fiducia aliquid afferret. De Atheniensibus.

gregios uirtutis bellicæ spiritus Lacedæmoniorū, prudētissimi pacis moribus Atheniēsēs subsequuntur. apud quos inertia ē latebris suis langore marcens, in forum perinde ac delictum aliquod protrahitur: fitq; ut facinorosa, ita erubescēda rea culpæ. De Areopago.

iusdem urbis, et sanctissimum consilium Areopagus, quid quisq; Atheniensium ageret, aut quonam quæstu sustentaretur, diligentissime inquirere solebat: ut homines honestatem uitæ rationem memores reddendā esse, sequerentur. De eodem.

ad eum bonos ciues corona decorandi, primo consuetudinē introduxit, duobus oleæ connexis ramulis clarū Periclis cingendo caput. Probabile institutum, siue rē, siue personā intueri uelis. Nam et uirtutis uberrimum alimentum est honos: & Pericles dignus à quo talis muneris dandi posteritas potissimum initium caperet.

Age quid illud institutum Athenarum quā memorabile? quod conuictus à patrono libertus ingratulus, iure libertatis exiit. super sedco te, inquit, habere ciuem tanti muneris impiū æstimatōrē. Nec adduci possum: ut credā urbi utilem, quem domi scelestū cerno. abi igitur, & esto seruus, quoniā liber esse nescisti.



## De Massiliensibus.

**I**nde Massilienses quoque ad hoc tempus usurpant disciplinae gravitatem: prisci moris observantia, charitate P. R. praecipue conspicui: qui tres in eodem manum siones rescindi permittunt, si ter ab eodem deceptum dominum cognoverint: quarto errori subveniendum non putant: quia sua iam culpa iniuriam accepit, qui ei se toties obiecit. Eadem civitas severitatis custos acer rima est, nullum aditum in scenam Mimis dando: quorum argumenta maiore ex parte stuprorum continent actus: ne talia spectandi consuetudo, etiam imitandi licentiam sumat. Omnibus autem, qui per aliquam religionis simulationem alimenta inertiae quaerunt: clausas portas habet: et mendacem, et fucosam superstitionem, submovendam esse existimans. Ceterum à condita urbe gladius est ibi: quo noxii iugulantur, rubigine quidem exesus, et vix sufficiens ministerio, sed index in minimis quoque rebus omnia antiquae consuetudinis momenta servanda.

## De duabus arcis.

**D**uae etiam ante portas eorum arcæ iacent: altera, qua liberorum, altera, qua servorum corpora ad sepulturae locum plaustro devehuntur. sine lamentatione, sine planctu, sine luctu, funeris dies domestico sacrificio, adiectoque necessariorum convivio finitur. Etenim quid attinet humano dolori indulgere? aut diuino nummi invidiam fieri, quod immortalitatem suam nobiscum partiri noluerit? Venenum cicuta temperatum in ea civitate publice custoditur: quod datur ei, qui causas sexcentis (id. n. senatus eius nomen est) exhibuit, propter  
quas



quas mors sit illi expetenda: cognitione uirili, beneuo-  
 lentia temperata: quæ neq; egredi uita temere, patitur:  
 & sapienter excedere cupienti, celerem fati uiam præ-  
 bet: ut uel aduersa, uel prospera nimis usi Fortuna,  
 (utraq; n. finiendi spiritus, illa ne perseueret, hæc ne  
 destituat, rationem præbuerit) comprobato exitu ter-  
 minetur. Quam consuetudinem Massiliensium non  
 in Gallia ortam, sed e Græcia tralatā inde existimo:  
 quod illam etiam in insula Cæa seruari animaduerti:  
 quo tempore Asiam cum Sex. Pompeio petens, Iulida  
 oppidum intraui. Forte enim tunc euenit, ut summæ  
 dignitatis ibi fœmina, sed ultimæ iam senectutis, red-  
 dita ratione ciuibus, cur excedere uita deberet: ueneno  
 consumere se destinarit: mortemq; suam Pompeij præ-  
 sentia clariore fieri, magni æstimarit. Nec preces eius  
 uir ille, ut omnibus uirtutibus, ita humanitatis quoq;  
 laudibus instructissimus, aspernari sustinuit. uenit itaq;  
 ad eam: facundissimôq; sermone, qui ore eius quasi e  
 beato quodā eloquentiæ fonte manabat: ab incepto con-  
 silio diu nequicquam reuocare conatus, ad ultimum,  
 propositum exequi passus est. quæ nonagesimū annum  
 transgressa cū summa & animi, et corporis sincerita-  
 te, lectulo, quantum dignoscere erat, quotidiana con-  
 suetudine cultius structo recubans, et innixa cubito, ti-  
 bi, inquit, Sex. Pōpei Dī magis, quos relinquo, quā  
 quos peto, gratias referant: q̄a nec hortator uitæ meæ,  
 nec mortis spectator esse fastidisti. Cæterum ipsa hila-  
 rem Fortunæ uultum semper experta: ne auuiditate lu-  
 cis tristem intueri cogar, reliquias spiritus mei prospero  
 fine, duas filias, & unum nepotum gregem relictura



superstitem, permitto. Cohortata deinde ad concordiam suos, distributo eis patrimonio, & cultu suo, sacrisq; domesticis maiori filiae traditis: poculum, in quo uenenū temperatum erat, cōstanti dextera arripuit. Tunc defusus Mercurio delibamentis, et inuocato numine eius, ut se placido itinere in meliorem sedis infernae deduceret partem: cupido haustu mortiferam traxit potionem: ac sermone significans, quasnam subinde partes corporis sui rigor occuparet: cum iam uisceribus eum, & cordi immnere esset locuta: filiarum manus ad supremum operiendorum oculorum officium aduocauit. nostros autem, tametsi nouo spectaculo obstupefacti erant: suffusos tamen lachrymis dimisit.

De ritu Massiliensium.

**S**ed ut ad Massiliensiū ciuitatem, unde in hoc diuerticulum excessi: reuertar: intrare oppidum eorum nulli cum telo licet: præstoq; est, qui id custodiæ gratia acceptum, exituro reddat: ut hospitia sua quæadmodum aduenientibus humana sunt, ita ipsis quoq; tuta sint.

De more, quem obseruabant Galli.

**H**orum moenia egresso uetus ille mos Gallorū occurrit: quos memoria proditum est, pecunias mutuas, quæ his apud inferos redderentur, dare: quia persuasum habuerint, animas hominum immortales esse. dicere stultos, nisi idem Brachati sensissent: quod Palliatus Pythagoras credidit.

De Celtiberis.

**A**uara, & foeneratoria Gallorū philosophia: alacris, & fortis Cimbrorum, & Celtiberorum: qui in acie gaudio exultabant, tanq̃ gloriose, et feliciter uita excessuri: lamentabatur in morbo, quasi turpiter, et miserabi-



liter perituri.

De iisdem.

**C**eltiberi etiam nefas esse ducebant praelio superesse: cum  
is occidisset, pro cuius salute spiritum deuouerant. Lau-  
danda utrorque populorum animi praestantia: quod  
& patriae incolumitatem fortiter tuendam, et fidem amicitiae  
constanter praestandam arbitrabantur. De Thracia.

**T**hraciae uero illa natio merito sibi sapientiae laudem uen-  
dicauerit: quae Natales hominum flebiliter, exequias  
cum hilaritate celebrando, sine ullis doctorum praecipis  
uerum conditionis nostrae habitum praenidit. Remouea-  
tur itaque naturalis omnium animalium dulcedo uitae:  
quae multa & facere, & pati turpiter cogit: si ea mor-  
tua, aliquanto eius felicior, ac beator reperietur finis.

De moribus, & ritu Lyciorum.

**Q**uo circa recte Lycij, cum is luctus incidit, muliebrem ue-  
stem induunt: ut deformitate cultus comoniti, maturius  
stultum proijcere mœrorē uelint. De foeminis Indicis.

**V**erum quid ego fortissimos in hoc genere prudentiae  
uiros laudem? Respiciantur Indorum foeminae: quae,  
cum more patrio complures eidem nuptae esse soleant:  
mortuo marito, in certamen, iudiciumque ueniunt, quam  
ex ijs maxime dilexerit. uictrix gaudio exultans,  
deductaque à necessarijs letum praefrens uultum, con-  
iugis se flammis superiacit: & cum eo tanquam fe-  
licissima crematur. superatae, cum tristitia, & mœro-  
re in uita remanent. Protrahere in medium Cimbricam  
audaciam. Adijce Celtibericam fidem. Iunge ani-  
mosam Thraciae sapientiam. Annecte Lyciorum  
in luctibus abijciendis callide quaesitam rationem:  
Indico tamen rogo nil eorum praeferes: quem uxoris



pietas in modū genialis tori propinque mortis securā  
 conscendit. De Punicis fœminis, & fano Veneris.  
 Cui gloriæ, Punicarum fœminarum, ut ex comparatio-  
 ne turpius appareat dedecus, subnectam. Sicæ enim  
 fanum Veneris est: in quod se matronæ conferebant:  
 atq; inde procedentes, quæstum dotis, corporis iniuria  
 contrahabant: honesta nimirum tam inhonesto uincu-  
 lo coniugia iuncturæ.

De instituto probabili Persarum.

Nam Persarum admodū probabile institutum fuit: quod  
 liberos suos non prius aspiciabant, quàm septimū im-  
 plessent annum: quod parvulorum amissionem æquio-  
 re animo sustinerent.

De Numidis.

Næ Numidæ quidem reges uituperandi: qui more gentis  
 suæ, nulli mortalium osculum ferebant. Quicquid  
 enim in excelsō fastigio positum est: humili, & trita  
 cōsuetudine, quod sit uenerabilius, uacuum esse conuenit.

## DE DISCIPLINA MILITARI. Caput II.

Enio nunc ad præcipuum decus, & ad stabi-  
 limentum Ro. imperij, salutari perseueran-  
 tia ad hoc tempus syncerum, & incolume  
 seruatum militaris disciplinæ tenacissimū uinculum:  
 in cuius sinu, ac tutela, serenus, tranquillūq; beatæ  
 pacis status acquiescit.

De Scipione.

P. Cornelius Scipio, cui deleta Carthago auitū cognomen  
 dedit: Cos. in Hispaniam missus, ut insolentissimos  
 Numantinæ urbis spiritus superiorum ducum culpa  
 nutritos contunderet: eodē temporis momento, quo



sira intrauit: edixit, ut omnia ex ijs, quæ uoluptatis causa cõparata erant: auferretur, ac summouerentur. Nam constat tum maximum inde Institorum, & Lixarum numerũ cũ duobus millibus scortorũ abijisse. Hac turpi, atq; erubescenda sentina uacuefactus exercitus noster: qui paulo ante metu mortis, deformi se fœderis ictu maculauerat: erecta uirtute, recreataq; ac cre illã, & animosam Numantiã incendijs exustam, ruinisq; prostratã, solo æquauit. Itaq; neglectæ disciplinæ militaris indicium, Mancini miserabilis deditio, seruatae merces, speciosissimus Scipionis triumphus extitit.

De Metello.

Eius sectam Metellus secutus, cum exercitum in Africa, Iugurthino bello, nimia Sp. Albinus indulgentia corruptum Cos. accepisset: omnibus imperij neruis ad reuocandã pristinã disciplinam militiæ connixus est. nec singulas partes apprehendit, sed totam continuo in statum suũ redegit. Protinus nanq; Lixas e castris summouit: cibũq; coctum uenale proponi uetuit: in agmine neminem militum ministerio seruorum, iumentorumq; ut arma sua, & alimenta ipsi ferrent: uti passus est. Castrorum subinde locum mutauit: eadem, tanquam Iugurtha semper adesset, uallo, fossãq; aptissime cinxit. Quid ergo restituta continentia? quid repetita industria profecit? Crebras scilicet uictorias, & multa trophæa peperit ex eo hoste: cuius tergum sub ambizioso imperatore, Ro. militi uidere, nõ cõtigerat.

De P. Rutilio.

Bene etiam illi disciplinæ militari affuerunt, qui necessitudinũ præruptis uinculis ultionem, uindictamq;



læsæ, cum ignominia domuum suarū exigere nō dubitauerunt. Nam P. Rutilius Cos. eo bello, quod in Sicilia cum fugitiuis gessit: Q. Fabium generum suum, quia negligentia, Taurominitanam arcem amiserat: provincia iussit decedere. De C. Cotta.

Nam C. Cotta P. Aurelium Pecuniolam, sanguine sibi iunctum, quem obsidioni Liparitanæ ad auspiciare petenda Messanam transiturus, præfecerat: uirgis cæsum, militiæ munere inter pedites fungi cœgit: quod eius culpa ager incensus, et penè castra erant capta.

De Q. Fulvio.

Q. etiam Fuluius Flactus Ces. Fuluium fratrem cohortem legionis, in qua Trib. mil. erat: iniussu Cos. domū dimittere ausum, senatu amouit. tam digna exempla tam breuiter, nisi maioribus urgerer, non referrentur. Quid enim tam difficile factu, q̃ copulatæ societati generis, & imaginum, deformem in patriam reditum indicere? aut communioni nominis, ac familiæ, ueteris propinquitatis serie cohærenti, uirgarum contumeliosa uerba adhibere? aut Censorium supercilium aduersus fraternam charitatem distingere? Dentur hæc singula quàm uis clâris ciuitatibus: abūde tamē gloria disciplinæ militaris instructæ uidebūtur.

De Posthumio Tiburto, & T. Manl. Torquato.

At nostra urbs, quæ omni genere mirificorum exēplorum totum orbem terrarum repleuit: imperatorum proprio sanguine manantes secures, ne turbato militiæ ordine uindicta deesset, e castris publicè speciosas, priuatim lugubres duplici uultu recepit, incerta, gratulandi prius, an lugendi officio fungeretur. Igitur ego quoq̃



hæsitante animo uos bellicarum rerum seuerissimi  
custodes, Posthumus Tiburte, et Manli Torquate memo-  
ria, ac relatione cõplector: quia animaduerto fore, ut  
pondere laudis, quã meruistis, obrutus, magis imbecilli-  
tatẽ ingenij mei detegam: quã uestrã uirtutem, sicut  
par est, repræsentem. Tu nanq; Posthumus Dictator  
A. Posthumum, quẽ ad generis, penetraliumq; sacro-  
rum successionẽ propagandã genueras: cuius infantie  
blandimenta sinu, atq; osculis foueras: quẽ puerũ lite-  
ris, quẽ iuuenem armis instruxeras: sanctum, fortem,  
amantem tui pariter ac patriæ, quia nõ tuo iussu, sed  
sua sponte præsidio progressus hostes fuderat: uictorẽ  
securi feriri iussisti: et ad hoc imperiũ peragendũ, pa-  
ternæ uocis ministerio sufficere ualuisti. nã oculos tuos  
certũ scio clarissima in luce tenebris offusos, ingēs opus  
animi intueri nequiuisse. Tu item Manli Torquate la-  
tino bello Cos. filiũ, quod prouocatus à Geminio Me-  
tio duce Tusculanorũ, ad dimicandũ te ignaro descen-  
derat: gloriosam uictoriã, et speciosa spolia referentẽ,  
abripi à lictore, et in modũ hostiæ mactari iussisti: sa-  
tius esse iudicans, patrẽ forti filio, q̃ patriam militari  
disciplina carere.

De L. Quintio Cincinnato.

Age quanto spiritu putamus usum L. Quintiũ Cincin-  
natum Dictatorem eo tempore, quo deuictis Equiculis,  
et sub iugum missis, L. Minutium consulatum depone-  
re coëgit: quod castra eius hostes iðdem obsederant? in-  
dignum enim maximo imperio credidit, quẽ non sua  
uirtus, sed fossa, uallumq; tutum præstiterat: cuiq; ue-  
recundiæ nõ fuerat, arma Romana metu trepida, clau-  
sis portis contineri. ergo imperiosissimu. xij. fascēs, pe-



nes quos senatus, & equestri ordinis, & uniuersae plebis summum decus erat: quorumq; nutu Latium, ac totius Italiae uires regebantur: contusi, atq; fracti, dictatoriae se animaduersioni substrauerunt. Ac ne inulta foret gloria militaris: Cos. delicti omnis uindex punitus est. His (ut ita dicam) piaculis, Mars imperij nostri pater, ubi aliqua ex parte à tuis auspicijs degeneratū erat: numen tuum propitiabatur, nota affinium, & cognatorum, & fratrum, filiorumq; strage, ignominiosa cons. eiuratione. De Papirio.

**E**iusdem ordinis quod sequitur. Papirius Dictator, cum aduersus imperium eius Q. Fabius Rutilianus magister equitum exercitum in aciem eduxisset: quanquā fuis Samnitibus in castra redierat: tamen neq; uirtute eius, neq; successu, neq; nobilitate motus, uirgas expediri, eumq; nudari iussit. O spectaculum admirabile. & Rutilianus, & magister equitum, & uictor, scissa ueste, spoliatoq; corpore, lictorum se uerberibus lacerandū praeuit: ut in acie exceptorum uulnerum nodosis ictibus cruore renouato, uictoriarū, quas modo speciosissimas adeptus erat: titulos respergeret. precibus deinde sui exercitus, occasionem Fabio confugiendi in urbem dedit: ubi frustra senatus auxilium implo-  
rauit. Nihilominus enim Papirius in exigenda poena perseuerauit. itaq; coactus est pater eius, post Dictaturam, tertiumq; consulatum, re ad populum deuocare, auxiliūq; Tribb. pl. supplex pro filio petere: neq; hac re seueritas Papirij refrenari potuit. Ceterum, cū ab uniuersis ciuibus, ipsisq; Tribb. rogaretur: testatus est, non poenam illam se Fabio, sed P. R. & Tribb. conce-



dere potestati.

De L. Calpurnio.

L. quoq; Calpurnius Piso Cos. cum in Sicilia bellum aduersus fugitiuos gereret: et Titius equitum præfectus, fugitiuorum multitudine hostium circumuentus, arma his tradidisset: his præfectum ignominiae generibus affici iussit: eum toga lacinijs abscissis amictum, discinctaq; tunica indutum, nudis pedibus à mane noctem usq; , ad principia per omne tempus militiae adesse: interdixit etiam ei conuictum hominum, usumq; balnearum: turmasq; equitum, quibus præfuerat, ademptis equis in funditorum alas transcripsit. magnū profecto dedecus patriæ, magno Pisonis decore uindictum est: quoniā quidē id egit Piso, ut qui cupiditate uitæ adducti, cruce dignissimis fugitiuis trophæa de se statuere concesserant: libertatiq; suæ seruili manu flagitiosum imponi iugum non erubuerant: amarū lucis usum experirentur: mortemq; , quam effœminate timerant, uiriliter optarent.

De Q. Metello.

Nec minus Pisonē acriter Q. Metellus: qui, cum apud Trebiam res gereretur, collocatas à se in quadam statione quinque cohortes, atq; ex ea uiribus hostium depulsas, repetere eandem stationē e uestigio iussit: non quod speraret, ab ijs amissum locum recuperari posse: sed ut præteritæ culpæ pugnae, insequentis certaminis manifesto periculo puniret. edixit etiam, ut si quis ex his fugiens castra petisset: pro hoste interficeretur. qua seueritate compressi milites, corporibus fatigatis, et animis desperatione uitæ implicatis, loca tamen iniquitatem, multitudinemq; hostium superarunt. Humanæ igitur imbecillitatis efficacissimum duramentū



est necessitas.

De Q. Fabio.

**I**n eadem prouincia Q. Fabius Max. ferocissimæ gentis animos contundere, & debilitare cupiens, mansuetissimum ingenium suum ad tempus deposita clementia, sæuiore uti seueritate cōegit: omnium enim, qui ex præsidijs Romanis ad hostes transfugerant, captiq; erant: manus abscidit: ut trunca præ se brachia gestantes, metum defectionis reliquis inijcerent. rebelles itaq; manus à corporibus suis distractæ, inq; cruēto solo sparsæ, cæteris, ne idem cōmittere auderent, documento fuerunt.

De Africano superiore.

**N**ihil mitius superiore Africano. is tamen ad firmandā disciplinam militarem, aliquid ab alienissima crudelitate, sibi amaritudinis mutuandū existimauit, siquidem deuicta Carthagine, cum omnes, qui ex nostris exercitibus ad Pænos transierant, in suam potestatem redegisset: grauius in Romanos, quàm in Latinos transfugas animaduertit. Hos enim tanquam patriæ fugitiuos crucibus affixit. Illos autem tanquam perfidos socios securi percussit. Non persequar hoc factum ulterius: & quia Scipionis est: & quia Romano sanguini, quāuis merito perpeffo seruire supplicium, insultare nō attinet: cum præsertim transire ad ea liceat, quæ sine domestico uulnere gesta narrari possunt.

De Africano posteriore.

**N**am posterior Africanus, euerso Punico imperio, exterarum gentium transfugas, in edendis populo spectaculis, feris bestijs obiecit. Et L. Paulus Perse Rege superato, eiusdem generis, & culpæ homines, elephantis proterendos substravit: utilissimo quidem exemplo, si



tamen acta excellentissimorum uirorum humiliter aestimare, sine insolentiae reprehensione permittitur. Aspero enim, et abscisso castigationis genere militaris disciplina indiget: quia uires armis constant. quæ ubi à recto tenore descuerint: oppressura sunt, nisi opprimantur.

De L. Martio Trib. mil.

Sed tempus est eorum quoque mentionem fieri: quæ iam non à singulis, uerum ab uniuerso senatu pro militari more obtinendo, defendendoque administrata sunt. L. Martius Trib. mil. cum reliquias duorum exercituum P. et Cn. Scipionum, quos arma Punica in Hispania absumpserant: dispersas mira uirtute collegisset: earumque suffragijs dux esset creatus: senatui de rebus actis à se scribens, in hunc modum orsus est. L. M. prætor: cuius honoris usurpatione uti eum, patribus C. non placuit: quia duces à populo, non à militibus solerent creari. quo tempore tam angusto, tamque graui, propter immane R. P. damnum etiam Trib. mil. adulandus erat: quoniam quidem ad statum totius ciuitatis corrigendum unus suffecerat. sed nulla clades, nullum meritum ualentius militari disciplina fuit. Succurrebat enim illis, quam animosa seueritate Tarentino bello maiores eorum usi fuissent. In quo quassatis, et attritis R. P. uiribus, cum magnum captiuorum ciuium suorum numerum à Pyrrho Rege ultro missum recepissent: decreuerunt, ut ex ijs, qui equo meruerant, peditem numero militarent: qui pedites fuerant, in funditorum auxilia transcriberentur: ne uel quis eorum intra castra tederet: ne uel locum extra assignatum, uallo, aut fossa cingeret: ne uel tectorium ex pellibus haberet. recursum



autem ijs ad pristinum militiæ ordinem proposuerunt. si quis bina spolia ex hostibus tulisset. quibus supplicijs compressi, ex deformibus Pyrrhi manusculis, acerrimi hostes extiterunt. Parem iram aduersus illos Senatus distrinxit, qui apud Cannas R. P. deseruerunt. Nam cum eos grauitate decreti ultra mortalium conditionem relegasset: acceptis à M. Marcello literis, ut eorum sibi opera ad expugnationem Syracusanorum uti liceret: rescripsit, indignos esse, qui in castra recuperetur: cæterum se ei permittere, ut faceret, quod expedire R. P. iudicasset: dum ne quis ex eis munere uacaret: aut dono militiæ donaretur: aut in Italiam, donec hostes in ea essent, accederet. Sic eneruens animos odisse uirtus solet. Age, quod grauius senatus tulit, quod Q. Petilius Cos. fortissime aduersus Ligures pugnantem occidere milites passi essent. legionem neque stipendium anni procedere, neque æra dari uoluit: quia pro salute imperatoris, hostium telis se non obtulerant. Idque decretum amplissimi ordinis, speciosum, et æternum Petilij monumentum extitit. sub quo in acie, morte: in curia, ultione clari cineres eius acquiescunt. Consimili animo, cum ei Annibal sex millium Romanorum, quæ capta in castris habebat, redimendorum potestatem fecisset: conditionem spreuit, memor tantam multitudinem armatorum iuuenum, si honeste mori uoluissent, turpiter capi non potuisse. quorum nescio utrum maius dedecus fuerit, quod patria, spei: an quod hostis, metus nihil in his reposuerit: hæc pro se, ille ne aduersus se dimicarent: parui ducendo. Sed cum aliquoties senatus pro militari disciplina seuerè excubuerit: nescio



an tunc præcipue, cum milites, qui Rhegyum iniusto bello occupauerant: mortuóq; duce Bubelio M. Cesium scribam eius, sua sponte imperatorem delegerant: carcere inclusit: ac M. Furio Flacco Trib. pl. denunciante, ne in ciues Romanos aduersus morem maiorum animaduerneret, nihilo minus propositum executus est. Cæterum minore cum inuidia ut id perageretur: quinquagenos p singulos dies uirgis cæsos, securi percuti iussit: eorumq; nullum sepulture mandari, mortemq; lugeri uetuit.

Externa exempla.

I eniter hoc patres C. si Carthaginensium senatus in militiæ negotijs procurandis uiolentiam intueri uelimus: à quo duces bella prauo consilio gerentes, etiam si prospera fortuna subsecuta esset, cruci tamen affigebantur. quod bene gesserant, deorum immortalium adiutorio: quod male commiserant, ipsorum culpæ imputantes.

De Clearcho.

C learchus uero Lacedæmoniorum dux egregio dicto disciplinam militiæ continebat: identidem exercitus sui auribus inculcando, à militibus imperatorem, potius, quàm hostem metui debere. quo aperte denuntiabat futurum, ut spiritum pœnæ impenderent, quem pugnae acceptum ferre dubitassent. Idq; à duce præcipi non mirabantur maternarum blanditiarum memores. quæ exituros eos ad præliandum monebant, ut aut uiui cum armis in cõspectum earum uenirent: aut mortui in armis referrentur. hoc intra domesticos parietes accepto signo, Spartanæ acies dimicabant. Sed aliena prospexisse tantummodo satis est: cū proprijs, multoq; uberioribus, et felicioribus exēplis gloriari liceat. disciplina



militaris acriter retenta, principatum Italiae Romano imperio peperit: & multarum urbium magnarum Regum ualidissimarum gentium regimen arguta est. fauces Pontici sinus patefecit: alpium, Tauri q; montis conuulsa claustra tradidit: ortum q; e parua Romuli casa, totius terrarum orbis fecit columen. Ex cuius sinu quoniam omnes triumphi manarunt: sequitur ut de iure triumphandi dicere incipiam.

## DE IVRE TRIUMPHANDI. Caput III.

B leuia praelia quidam imperatores triumphos sibi decerni desiderabant. quibus ut occurreretur: lege cautum est, nequis triumpharet, nisi quinque millia hostium una acie cecidisset. Non enim numero, sed gloria triumphorum excelsius urbis nostrae futurum decus maiores existimabant. Ceterum ne tam praeclara lex cupiditate. laureae obliteraretur: legis alterius adiutorio fulta est: quam L. Marius, & M. Cato Tribb. pl. tulerunt. poenam enim imperatoribus minatur, qui aut hostium occisorum in praelio, aut amissorum cuius falsum numerum, literis senatui ausi essent referre. Iubet q; eos, cum primum urbem intrassent, apud Quæss. urb. iurare, de utroq; numero uere ab his senatui esse scriptum. Post has leges iudicii illius tempestiua mentio introducetur. in quo de iure triumphandi inter clarissimas personas & actum, & excussum est. Luctatius Cos. & Q. Valerius Præt. circa Siciliam insignem Pœnorum classem deleuerant. quo nomine Luctatio Cos. triumphum



senatus decreuit. Cum autem Valerius sibi quoque eum decerni desideraret: negauit id fieri oportere Luctatius: ne in honore triumphi minor potestas maiori æquaretur. pertinaciusque progressa contentione, Valerius sponsione Luctatium prouocauit, non se petiturum triumphum, nisi suo ductu Punica classis esset oppressa. nec dubitauit restipulari Luctatius. Itaque iudex inter eos conuenit Attilius Calatinus: apud quem Valerius in hunc modum egit: Cos. ea pugna in lectica claudum iacuisse: se autem omnibus imperatorijs partibus functum. Tunc Calatinus prius, quam Luctatius causam suam ordiretur, quæro, inquit, Valeri a te, si dimicandum nec ne esset, contrarijs inter uos sententijs dissedissetis: utrum quod Cos. an quod Præt. imperasset: maius habiturum fuerit momentum? Respondit Valerius, non facere se controuersiam, quin priores partes Cos. essent futuræ. Age deinde inquit Calatinus. si diuersa auspicia accepissetis, cuius magis auspicio staretur? Item respondit Valerius, Cos. Iam mehercule inquit, cum de imperio, et auspicio inter uos disceptationem suscepim: et tu utroque aduersarium tuum superiorem fuisse fatearis: nihil est, quod ulterius dubitem. Itaque Luctatius, quamuis adhuc tacueris, secundum te litem do. Mirifice iudex, quod in manifesto negotio tempus teri passus non est. Probabilius Luctatius, quod ius amplissimi honoris constanter defendit. Sed nec Valerius quidem improbe: quia fortis, et prosperæ pugnae ut nunc legitimum, ita se dignum præmium petijt.

De Cn. Fulvio Flacco.

Quid facias Cn. Fulvio Flacco? qui tam expetendum alijs



honorem triumphi, decretum sibi à senatu ob res bene gestas spreuit, ac repudiauit : nimirum non plura percipiens, quàm aciderunt. Nam ut urbem intrauit : continuo quæstione publica afflictus, exilio multatus est : ut siquid religionis insolentia commisisset, pœna expiaret.

De Q. Fulvio.

Sapientiores igitur, Q. Fulvius, qui Capua capta, et L. Opimius, qui Fregellanis ad deditonem compulsis, triumphandi potestatem à senatu petierunt. Vterque editis operibus magnificus, sed neuter petitæ rei compos : non quidem invidia Patrum C. cui nunquam aditum in curia esse uoluerunt : sed summa diligentia obseruandi iuris : quo cautum erat, ut pro aucto imperio, non pro recuperatis, quæ P. R. fuissent : triumphus decerneretur. Tantum enim interest, adicias aliquid, an detractum restituas : quantum distat beneficii initium ab iniuriæ fine.

De P. Scipione, et M. Marcello.

Quin etiam ius, de quo loquor, sic custoditum est, ut P. Scipioni ob recuperatas Hispanias, M. Marcello ob captas Syracusas triumphus non decerneretur : quod ad eas res gerendas, sine ullo missi erant magistratu. probentur nunc cuiuslibet gloriæ cupidi : qui ex desertis montibus, Myoparonumque piraticis rostris, laudis inopes : Laureæ ramulos festinabunda manu decerpserunt. Carthaginis imperio rupta Hispania, et Siciliæ caput abscissum Syracusæ, triumphales iungere currus nequiverunt : et quibus uiris? Scipioni, et Marcello, quorum ipsa nomina instar sunt æterni triumphi. Sed clarissimos solidæ, ueræque uirtutis authores, humeris suis salutem



is salutem patriæ gestantes, etsi coronatos intueri senatus cupiebat, iustiori tamen reseruandos laureæ putauit. His illud subnectam. Moris erat, ab imperatore triumphum ducturo, Coss. inuitari ad cœnam: deinde rogari, ut uenire supersedeant: ne quis eo die, quo ille triumphauerit, maioris in eodem conuiuium sit imperij.

Verum, quamuis quis præclaras res, maximeq; utiles R. P. civili bello gessisset, imperator tamen eo nomine appellatus non est: neq; ullæ supplicationes decretæ sunt: neq; aut ouans, aut curru triūphauit. quia ut necessaria istæ, ita lugubres semper existimatæ uictoriæ sunt: utpote non externo, sed domestico partæ cruore. Itaq; & Nasica Tib. Gracchum, & Opimius C. Gracchi factiones mœsti trucidarunt: & Q. Catalus. M. Lepido collega suo cum omnibus copijs seditiosis extincto, moderatum præ se ferens gaudium in urbem reuertit. C. etiam Antonius Catilinæ uictor abstergens gladios in castra retulit.

De Cinna.

L. Cinna, & C. Marius hauserant quidem auidi civilem sanguinem: sed non protinus ad templa deorum, et aras tetenderunt. Iam L. Sylla, qui plurima bella civilia confecit: cuius crudelissimi, & insolentissimi successus fuerunt: cum consummata, ac constructa potentia sua triumphum duceret: ut Græciæ, & Asiæ multas urbes, ita cuius Ro. nullum oppidum uexit. Piget, tædetq; per uulnera R. P. ulterius procedere. laureâ nec senatus cuiquam dedit: nec quisquam sibi dari desyderauit, ciuitatis parte lachrymante. Cæterum ad quercum pronæ manus porriguntur: ubi ob ciues seruatos corona data est: qua postes Augustæ domus sempiter-

Val. Max.

f



na gloria triumphante.

DE CENSORIA NOTA. Caput IIII.

Astrēsis disciplinæ tenacissimum uinculum,  
 c et militaris rationis diligēs observatio, ad-  
 monet me, ut ad censuram pacis magistram,  
 custodemq; transgrediar. Nā ut opes P. R. in tantum  
 amplitudinis, imperatorum uirtutibus excesserunt: ita  
 probitas, et continentia censorio supercilio examina-  
 ta est. Opus effectui par bellicis laudibus. QUID. n.  
 prodest foris esse strenuum, si domi male uiuitur? Ex-  
 pugnentur licet urbes: corripiātur gentes: regnis ma-  
 nus iniiciantur: nisi foro, et curiæ, officium, ac uere-  
 cundia sua constiterit, partiarum rerum caelo cumulus  
 æquatus, sedem stabilem non habebit. Ad rem igitur  
 pertinet, nosse, atq; adeo recordari acta censoriæ pote-  
 statis. De Camillo, et Posthumio.

C amillus, et Posthumus Cess. æra pœnæ nomine eos,  
 qui ad senectutem cœlibes peruenerant: in ærarium  
 deferre iusserunt, iterum puniri dignos, si quo modo  
 de tam iusta constitutione queri sunt ausi: cum in hunc  
 modum increparentur. Natura uobis quemadmodum  
 nascendi, ita gignendi legem scribit: parentesq; uos  
 alendo nepotum nutriendorum debito (siquis est pu-  
 dor) alligauerunt. accedit etiam ijs, quod in fortuna lon-  
 gam præstandi huiusce muneris uacationem estis asse-  
 cuti: cum interim consumpti sunt anni uestri, et ma-  
 riti, et patris nomine uacui. Ite igitur, et nodosam  
 exoluite stipem, utilem posteritati numerosæ.



De M. Valerio Max. & C. Iunio.

**H**orū seueritatem M. Valerius Max. & C. Iunius Brutus Bubulcus Cess. in consimili genere animaduersionis imitati, L. Antonium senatu mouerunt: quod quā uirginem in matrimonium duxerat, repudiasset, nullo amicorum in consilium adhibito. At hoc crimen nescio an superiore maius. illo nāq; coniugalia sacra spreta: hoc etiam iniuriose tractata sunt. optimo ergo iudicio Cess. indignum eum aditu curiæ existimauerunt.

De Porcio Catone.

**S**ic & Porcius Cato L. Flaminium e numero senatorum sustulit, quia in prouincia quendam dānatum securi percusserat: tempore supplicij ad arbitriū, & spectaculum mulierculæ, cuius amore tenebatur, electo. & poterat inhiberi respectu consulatus, quem is gesserat, atq; authoritate fratris eius T. Flaminij. Sed & Cess. & Cato, duplex seueritatis exemplum, eò magis illum notandum statuit: quod amplissimi honoris maiestatem tam tetro facinore inquinauerat: neq; dignum pensi duxerat, iisdem imaginibus ascribi, meretricis oculos humano sanguine delectatos, & Regis Philippi supplices manus.

De Fabricio Lucino.

**Q**uid de Fabricij Lucani censura loquar? narrauit enim omnis ætas, & deinceps narrabit: ab eo Cor. Rufinum duobus Consulatibus, & Dictatura speciosissime functum, quod decem pondo uasa argentea comparasset, perinde ac malo exemplo luxuriosum, in ordine senatorio retentum nō esse. Ipsæ medius fidius mihi literæ seculi nostri obstupescere uidentur, cū ad tantam



seueritatem referendam ministerium accomodare coguntur, ac uereri, ne non nostræ urbis acta cōmemorare existimentur. Vix enim credibile est intra idem pomerium decem pondo argenti & inuidiosum fuisse censum, & inopiam haberi contemptissimam.

De. M. Antonio & L. Flacco.

M. autem Antonius, & L. Flaccus Cess. Duronium senatu mouerunt, quòd legem de coercendis conuiuiorū sumptibus latam Trib. pl. abrogauerat. mirifica notæ causa. quàm enim impudenter Duronius rostra conscendit, illa dicturus? freni sunt iniectionis nobis Quirites nullo modo perpetiendi: alligati, & constricti estis amaro uinculo seruitutis. lex enim lata est, quæ uos esse frugi iubet. abrogemus igitur istud horridæ uetustatis rubigine obsitum imperium. etenim quid opus est libertate, si uolentibus luxu perire non licet?

De. Cl. Nerone et. Liuiio Salinatore.

Age, par proferamus æquali iugo uirtutis, honorūq; societate iunctum, instinctu autem æmulationis animo dissidens. Cl. Nero, Liuiusq; Salinator secundi Punici belli temporibus firmissima R. P. latera, quàm distictam simul egerunt censurā? Nam cum equitum centurias recognosceret: et ipsi propter robur ætatis etiamnum eorum e numero essent: ut est ad Poliam uentū tribum, præco lecto nomine Salinatoris, citandū necne sibi esset, hæsitauit. quod ut intellexit Nero: et citari collegam, et arma, et equum uedere iussit, quia populi iudicio dānatus esset. Salinator quoq; eadem animaduersione Neronem persecutus est, adiecta causa, quòd non sincera fide secum in gratiam redisset. Quibus



uiris si quis coelestium significasset futurum: ut eorum sanguis illustrium imaginum serie deductus, in ortum salutaris principis nostri conflueret: depositis inimicitijs, arctissimo se amicitiae foedere iunxissent, seruata ab ipsis patriam, communi stirpe seruandam relicturi. Salinator uero quatuor, atque triginta Tribus inter aerarios referre non dubitauit: quod cum se damnassent, postea Cos. & Ces. fecissent: praetexuitque causam: quia necesse esset, eas alterutro facto, crimine temeritatis, uel periurij teneri. unam tantummodo tribum Metiam uacua nota reliquit: quae eum suffragijs suis ut non damnatione, ita nec honore quidem dignum iudicauerat. quam putemus constantis, & praeualidi illum ingenij fuisse: qui neque tristi iudiciorum exitu compelli, neque honorum magnitudine adduci potuit, quod se blandiorem in administratione R. P. gereret.

De M. Val. & P. Sempronio.

**E**questris quoque ordinis bona, magnaque pars quadringenti iuuenes, censoria notam patiente animo sustinuerunt: quos. M. Val. et. P. Sempronius, quia in Sicilia ad munitionum opus explicandum ire iussi, facere id neglexerat, equis publicis spoliatos, in numerum aerariorum retulerunt.

De M. Attilio Regulo, et. L. Furio.

**T**urpis etiam metus poenam Cess. summa cum seueritate exegerunt. M. enim Attilius Regulus, et. L. Furius Philippus M. Metellum Quaes. compluresque equites Romanos, qui post infelicitate commissam Cannensem pugnam, cum eo abituros se Italia iurauerant: direptis equis publicis inter aerarios referendos curauerunt: eosque graui nota affecerunt: qui cum in pote-



V A L. M A X.

statem Annibalis uenissent: legatiq; ab eo missi ad senatum de permutandis captiuis, non impetrassent, quod petebant: in urbe manserunt: quia et Romano sanguini fidem præstare conueniens erat: & M. Attilius Regulus Ces. perfidiam notabat: cuius pater per summos cruciatus expirare, quàm fallere Carthaginienses, satius esse duxerat. Iam hæc censura ex foro in castra transcendit: quæ neq; timeri, neq; decipi uoluit hostem.

Sequuntur duo eiusdem generis exēpla: eaq; adiecisse satis erit. Geta, cum à L. Metello, & Cn. Domitio Cess. senatu motus esset: postea Ces. factus est.

De M. Valerio.

I tem M. Valerius Messala censoria nota perstrictus, censoria postmodum potestate imperauit: quorū ignominia uirtutem acuit. rubore enim eius excitati, omnibus uiribus incubuerunt: ut digni ciuibus uiderentur: quibus dari potius, quàm obijci censura deberet.

DE MAIESTATE. Caput V.

e st & illa quasi priuata censura maiestas clarorum uirorum sine tribunalium fastigio, sine apparitorum ministerio potens in amplitudine sua obtinenda. Grato enim, & iucundo introitu animis hominum illabitur admirationis prætexta uelata: quam recte quis dixerit longum, & beatum honorem esse sine honore. Nam quid plus honoris tribui potuit Cos. quàm est datum reo Metello? qui cū causam repetendarum diceret: tabulæq; eius ab accusatore expostulatæ, et ad nomen inspiciendū circa in-



dicium ferrentur: totum consilium ab earum contem-  
platione oculos auertit: ne de aliqua re, quæ in his re-  
lata erat, uideretur dubitasse. nō in tabulis, sed in uita  
Q. Metelli argumenta sincere administratæ prouin-  
ciæ legenda sibi iudices crediderūt: indignum rati, in-  
tegritatem tanti uiri, exigua cera, et paucis literis per-  
pendi.

De rege Antiocho.

Sed quid mirum, si debitus honos à ciuibus Metello tri-  
butus est, quem superiori Africano etiam hostis præ-  
stare non dubitauit? Siquidem Rex Antiochus bello,  
quod cum Romanis gerebat: filium eius à militibus  
suis interceptum, honoratissime excepit: regisq; mune-  
ribus donatum, ultro, & celeriter patri remisit: quan-  
quam ab eo tum maxime finibus imperij pellebatur.  
Sed & Rex, et laçessitus, maiestatem excellentissimi  
uiri uenerari, quàm dolorem suum ulcisci maluit.

De eodem Africano.

Ad Africanum eundem in Linternina uilla se continen-  
tem, complures prædonum duces uidendum eodem  
tempore forte confluxerunt. quos cum ad uim facien-  
dam uenire existimasset: præsidium domesticorum in-  
tecto collocauit. eratq; in his repellendis, & animo, &  
apparatu occupatus. quod ut prædones animaduerte-  
runt: dimissis militibus, abiectisq; armis, ianue ap-  
propinquant: et clara uoce nuntiant Scipioni: nō uitæ  
eius hostes, sed uirtutis admiratores uenisse: conspectū,  
& congressum tanti uiri, quasi cœleste aliquod bene-  
ficiū expetentes. proinde securū se nobis spectandum  
præbere ne grauetur. Hæc postquā domestici Scipioni  
retulerunt: fores reſerari, eosq; intromitti iussit. qui



postes ianuæ tanquam aliquam religiosissimā aram, sanctumq; templum uenerati, cupide Scipionis dexteram apprehenderunt: ac diu osculati, positis ante vestibulum donis, quæ deorum immortalium numini cōsecrari solent: læti, quod Scipionem uidisse contigisset, ad lares proprios reuerterunt. Quid hoc fructu maiestatis excelsius? quid etiam iucundius? Hostis iræ admiratione sui placuit: spectaculo præsentiae suæ latronum gestientes oculos obstupescit. Delapsa cælo sidera hominibus si se offerant: uenerationis amplius non recipient. De Paulo Aemilio.

**H**oc quidem uiuo Scipioni, illud autem Aemilio Paulo exanimi contigit. Nam cum exequiæ eius celebrarentur: ac forte tunc principes Macedonia, legationis nomine Romæ morarentur: funebri lecto sponte sua sese subiecerunt: quod aliquando maius uidebitur, si quis cognoscat lecti illius frontem Macedonicis triumphis fuisse adornatam. Quantum enim Paulo tribuerunt, propter quem gentis suæ cladium indicia per ora uulgi ferre non exhorruerunt? quod spectaculum funeri speciem alterius triumphi adiecit. Bis enim te Paule Macedonia urbi nostræ illustrem ostendit, incolumem spolijs suis, fato functum humeris.

De Aemiliano Scipione.

**N**ec filij quidem tui Scipionis Aemiliani, quem in adoptionem dando, duarū familiarum ornamentum esse uoluisti, maiestati parum honoris tributum est. cum eum adulescentem admodum à Lucullo Cos. petendi auxilij gratia ex Hispania in Africam missum, Carthaginienses, et Masinissa Rex de pace disceptatorem,



velut Cos. & imperatorem habuerunt. ignara quidem factorum suorum Carthago. orientis enim illud iuventæ decus, deorum, atq; hominum indulgentia, ad excidium eius alebatur: ut superius cognomen Africanum capta, posterius eversa Corneliæ genti daret.

De P. Rutilio.

Quid damnatione, quid exilio miseri? Atqui P. Rutilio conspiratione publicanorū perculso, auctoritatem adimere non valuerunt. Cui Asiam petenti, omnes provinciæ illius civitates, legatos eius secessum opperientes obviam miserunt. exulare aliquis hoc loco, an triumphare iustus dixerit?

De C. Mario.

C. etiam Marius in profundum ultimarum miseriarum abiectus, ex ipso vitæ discrimine, beneficio maiestatis emerfit. missus enim ad eum occidendum in privata domo Minturnis clausum servus publicus, natione Cimber, & senem, & inermem, & squalore obsitum, strictum gladium tenens aggredi non sustinuit: sed claritate viri occæcatus, abiecto ferro, attonitus inde, ac tremens fugit. Cimbrica nimirum calamitas oculos hominis perstrinxit: devictæq; suæ gentis interitus, animum comminuit: etiam dijs immortalibus indignum ratus, ab uno nationis eius interfici Marium, quam totam deleverat. Minturnenses autem maiestate illius capti, compressum iam, & constrictum dira fati necessitate, incolumē præstiterunt. nec fuit eis timori asperrima Syllæ victoria: cum præsertim ipse Marius eos a conservando Mario abstertere posset.

De M. Porcio Catone.

M. quod Porcium Catonem admiratio fortis, ac sinceræ



uitæ, adeo uenerabilem Senatui fecit: ut cum inuito C. Cæsare Cos. aduersus publicanos dicendo in curia diem extraheret: & ob id, eius iussu a lictore in carcerem duceretur: uniuersus Senatus illum sequi non dubitaret. quæ res diuini animi perseuerantiâ flexit.

De eodem.

**E**odem ludos florales, quos Messius Aedil. faciebat, spectante, populus, ut Minæ nudarentur, postulare erubuit. quod cum ex Fauonio amicissimo sibi unâ sedente cognouisset: discessit e theatro: ne præsentia sua spectaculi consuetudinem impediret. quem abeuntem ingenti plausu populus prosecutus, priscum morem iocorum in scenam reuocauit: confessus, plus se maiestatis illi uni tribuere: quàm uniuerso sibi uedicare. Quibus opibus, quibus imperijs, quibus triumphis hoc datum est? exiguum uiri patrimonium. astricti continentia mores. modicæ clientelæ. domus ambitioni clausa. paterni generis una imago. minime blanda frons. sed omnibus numeris perfecta uirtus. quæ quidem effecit: ut si quis sanctum, & egregium ciuem significare uelit: sub nomine Catonis definiat.

Externa. De Harmodio, & Aristogitone.

**D**andum est aliquid loci etiam alienigenis exemplis: ut domesticis aspersa, uarietate ipsa delectent. Harmodij, & Aristogitonis, qui Athenas tyrannide liberare conati sunt: effigies æneas Xerxes Rex ea urbe deuita in regnum suum transtulit: longo deinde interiecto tempore, Seleucus in pristinam sedem reportandas curauit. Rhodij quoque eas urbi suæ appulsas, cum in hospitium publice inuitassent: sacris etiam puluinariibus



collocauerunt. Nihil hac memoria felicius: quæ tantum uenerationis, in tam paruo ære possedit.

De Xenocrate.

Quantum porro honoris Athenis Xenocrati sapientia pariter, ac sanctitate claro, tributum est? cum testimonium dicere coactus, ad aram accessisset: ut more eius ciuitatis iuraret, omnia se uere retulisse: uniuersi iudices consurrexerunt: proclamaruntq; ne iusiurandum diceret. quodq; sibi met ipsis postmodum dicendæ sententiæ loco remissuri non erant: sinceritati eius concedendum existimarunt.

## VALERII MAXIMI LIBER TERTIVS.

### DE INDOLE. Caput I.

Ttingam nunc quasi cunabula quædã, et elementa uirtutis: animiq; procedente tẽpore, ad summam gloriæ cumulum perueniendi, certo cum indolis experimento datos gestus referã.

De Aemilio Lepido.

Aemilius Lepidus puer etiam tum progressus in acie, hostem interemit: ciuem seruauit. cuius tam memorabilis operis index est in capitolio statua bullata, et incincta prætexta S. C. posita. Iniquum enim putauit, eum honori nõdum tempestuum uideri, qui iam uirtuti maturus fuisset. Præcurrit igitur Lepidus ætatis stabilimentũ fortiter faciendi celeritate: duplicemq; laudẽ e prælio retulit: cuius eum uix spectatorem anni esse patiebatur. Arma enim infesta, et districti gla-



V A L. M A X.

di, & discursus telorum, & aduetantis equitatus fragor, & concurrentium exercituum impetus, iuuenibus quoq; aliquantum terroris incutit. Inter quæ Aemiliae gentis pueritia coronam mereri, spolia rapere ualuit.

De M. Catone.

**H**ic spiritus ne M. quidē Catonis pueritiæ defuit. Nam cum in domo M. Drusi auunculi sui educaretur: & ad eum Trib. tunc pl. Latini de ciuitate impetranda conuenissent: à Q. Popedio Latinorum principe, Drusi autem hospite rogatus, ut socios apud auunculum adiuuaret, constanti uultu non facturum se respondit: iterum deinde, ac sæpius interpellatus, in proposito perstitit. tunc Popedius in excelsam ædium partem eleuatum, abiecturum se eum inde, nisi precibus obtemperaret, minatus est: nec hac re ab incepto moueri potuit. expressa est itaq; illa uox hominum: gratulemur nobis Latini, & socij, hunc esse tam paruum: quo senatore ne sperare quidem nobis ciuitatem licuisset. tenero ergo animo Cato totius curiæ grauitatem percepit: perseuerantiaq; sua, Latinos iura nostræ ciuitatis apprehendere cupientes repulit.

De eodem.

**I**dem cum salutandi gratia prætextatus ad Syllam uenisset: et capita proscriptorum in atrium allata uidisset: atrocitate rei commotus, pædagogum suum Sarpedonem nomine interrogauit, quapropter nemo inueniretur, qui tam crudelem tyrannum occideret: cumq; is non uoluntatem hominibus, sed facultatem deesse, quod salus eius magno militum præsidio custodiretur, respondisset: ut ferrum sibi daret, obsecrauit, affirmat



do, per facile se eum interfecturum, quod in lecto illius cōsedere solet. Pædagogus et animum Catonis agnovit: & exhorruit propositum: eumq; postea ad Syllā excussum semper adduxit. Nihil hoc mirabilius. puer in officina crudelitatis deprehensus uictorem non extimuit, tum maxime Coss. municipia, legiones, equestris ordinis maiorem partem trucidantem. ipsum Mariū si quis eò loci statuisset: celerius aliquid de fuga sua, quàm de Syllæ nece cogitasset.

De C. Cassio.

Cuius filium Faustum C. Cassius condiscipulum suum in schola proscriptionem paternam laudantē, ipsumq; cum per ætatem potuisset, idem facturū minitantem, colapho percussit. dignā manum, quæ se publico paricidio non contaminaret.

Externa.

Et, ut à græcis aliqd: Alcibiades ille, cuius nescio utrū bona, an uitia patriæ perniciosiora fuerint: illis enim ciues suos decepit: his afflixit: cum adhuc puer ad Periclem auunculū suum uenisset: eumq; secreto tristem sedentem uidisset: interrogauit, quid ita tantam in uultu cōfusionem gereret. at illo dicente, mandato se ciuitatis Propylæa Mineruæ, quæ sunt ianuæ arcis, ædificasse: consumptaq; in id opus ingenti pecunia, nō inuenire, quo pacto ministerij rationem redderet, atque ideo conflictari: ergo (inquit) quære potius quēadmodum rationem non reddas. itaq; uir amplissimus, & prudentissimus, suo consilio defectus, puerili usus est: atque id egit, ut Athenienses finitimo implicati bello, rationibus exigendis nō uacarent. Sed uiderint Athenæ, utrum Alcibiadem lamententur, an glorientur.



quoniam adhuc inter execrationem hominis, & admirationem, dubio mentis iudicio fluctuatur. Nos quia iam initia, procursusq; uirtutis patefecimus: actum ipsum prosequemur. cuius ponderosissima uis, & efficacissimi lacerti, in fortitudinem consistunt.

## DE FORTITVDINE. Caput II.

De Horatio Coclite.

Ec præterit me, conditor urbis nostræ Romule, principatum tibi hoc in genere laudis assignari oportere. Sed patere obsecro uno te præcurri exemplo: cui et ipse aliquantum honoris debes: quia beneficio illius effectum est, ne tam præclarum opus tuum Roma dilaberetur. Hetruscis in Urbem, ponte Sublicio irruimpentibus, Horatius Cocles extremam eius partem occupauit: totumq; hostium agmen, donec post tergum suum pons abrumperetur: infatigabili pugna sustinuit: atq; , ut patriam periculo imminenti liberatam uidit: armatus se in Tyberim misit. cuius fortitudinem dii immortales admirati, incolumitatem sinceram ei præstiterunt. Nam neq; altitudine deiectus, quassatus ue: neq; pondere armorum pressus: nec ullo uortias circuitu actus: nec telis quidē, quæ undiq; congeriebantur, læsus, tutum natandi euentum habuit. Unus itaque tot ciuium, tot hostium, in se oculos conuertit: stupentes illos admiratione: hos inter lætitiā, metumq; hæsitantes. unusq; duos acerrima pugna confertos exercitus, alterum repellendo, alterum propugnando, distraxit. Deniq; unus urbi nostræ tantum scuto suo, quantum Tyberis alueo, muni-



menti attulit. quapropter discedentes Hetrusci dicere potuerunt. Romanos uicimus: ab Horatio uicti sumus.

De Chlœlia uirgine.

Immemorem me propositi mei Clœlia penè facit: eadem enim tempestate, certe aduersus eundem hostem, et in eodem Tyberi inclytum ausa facinus. inter cæteras. n. uirgines obses Porſenæ data hosti: nocturno tempore custodiam egressa, equum conscendit: celeriq; traiectu fluminis, non solû obsidione, sed etiam metu patriam soluit. Viris puella lumine uirtutis præferenda.

De Romulo.

edeo unnc ad Romulum: qui ab Acrone Ceninensium Rege ad dimicandum prouocatus, quanquam et numero, & fortitudine militum, superiorem se crederet: tutiusq; erat toto cum exercitu, quàm solum in aciem descendere: sua potissimum dextera, omen uictoriæ rapuit. nec incepto eius Fortuna defuit. Occiso. n. Acrone, fuisq; hostibus, opima de eo spolia Ioui Feretrio retulit. Hactenus istud: quia publica religione consecrata uirtus, nulla priuata laudatione indiget.

De Cornelio Cossio.

Romulo proximus Cornelius Cossus eidem deo spolia consecrauit: cum Magister Equitum ducem Fidenatiû in acie congressus interemisset. magnus initio huiusce generis inchoatæ gloriæ Romulus. Cossio quoq; multum acquisitum est: qui imitari Romulum ualuit.

De M. Marcello.

ec Marci quidem Marcelli memoriâ ab his exemplis separare debemus. in quo tantus animi uigor fuit: ut apud Padum Gallorum regem ingenti exercitu stipam



tum, cum paucis equitibus innaderet: quem protinus obtruncatum, armis exuit: eaq; Ioui Feretrio dicauit.

De. T. Manlio Torquato.

**E**odem & uirtutis, & pugnae genere usi sunt. T. M. Torquatus, & Valerius Coruinus, et Aemilianus Scipio. Hi etiam ultro prouocantes hostium duces interemerunt. sed quia sub alienis auspicijs rem gesserant: spolia Ioui Feretrio non posuerunt consecranda. Item Scipio Aemilianus, cum in Hispania sub Lucullo duce militaret: atq; Intercacia praeualidum oppidum circumsederetur, primus moenia eius conscendit. neq; erat in eo exercitu quisquam aut nobilitate, aut animi indole, aut futuris actis, cuius magis saluti cōsuli, et parci deberet. sed tunc clarissimus quisq; iuuenum, pro amplificanda, et tuenda patria, plurimum laboris, ac periculi sustinebat: deforme sibi existimans, quos dignitate praestaret, ab ijs uirtute superari. Ideoq; Aemilianus hanc militiam, alijs propter difficultatem uitantibus, sibi depoposcit.

De M. Attilio.

**M**agnum inter haec fortitudinis exemplū antiquitas offert. Romani Gallorum exeratu pulsī, cum se in Capitolium, & in arcem cōferrent: inq; his collibus morari omnes non possent: necessarium consilium in plana parte urbis relinquendorum seniorum ceperunt: quo facilius inuentus reliquias imperij tueretur. Cæterum ne illo quidem tam misero, tamq; luctuoso tempore, ciuitas nostra uirtutis suae oblita est. defuncti. n. honoribus, apertis ianuis, in curulibus sellis cum insignibus magistratuum, quos gesserant, sacerdotiorumq; quæ erant adepti, cōsederunt: ut et ipsi in oasi suo, splendorem,



dorem, et ornamenta uitæ præteritæ retinerent, et plebem ad fortius sustinendos casus suos prouocarent. Venerabilis eorum aspectus primo hostibus fuit, et nouitate rei, & magnificentia cultus, & ipso audaciæ genere cōmotis. Sed quis dubitaret, quin & Galli, & uictores illam admirationem mox in risum, et in omne cōtumeliæ genus conuersuri essent? Non expectauit igitur hanc iniuriæ maturitatem C. Attilius: uerū barbam suā permulcenti Gallo scipionem uehemēti ictu, capiti inflixit. eiq; propter dolorem ad se occidendum ruenti, corpus cupidius obtulit. Capi ergo uirtus nescit: patientiæ dedecus ignorat. Fortunæ suæ umbere, tristius omni fato ducit. noua, & speciosa genera interitus excogitat: si quisquam interit, qui sic extinguitur.

De iuuentute Rom.

R eddendus est nunc Romanæ iuuentuti debitus gloriæ titulus. Quæ, C. Sempronio Atracino Cos. cum Volscis apud Veruginem parum prospere dimicante: ne acies nostra iam inclinata propelleretur, equis delapsa, seipsam centuriauit: atq; in hostiū exercitum irruit: quo dimoto, proximum tumultum occupauit: effecitq; ut omnis Volsorum in se conuersus impetus, legionibus nostris ad confirmandos animos salutare laxamentum daret. Itaq; cum iam de trophæis statuendis cogitarent: prælium nocte dirimente, uictores ne, an uicti discederent, incerti abierunt.

De eadem.

3 tremus ille quoq; flos ordinis equestris: cuius mira uirtute Fabius MAX. Rutilianus magister equitum, bello, quod aduersus Sānites gerebatur, male cōmissi præ-

Val. Max.



lij crimine leuatus est. Nāq; , Papirio Cursore propter auspicia repetēda in urbē proficiscēte, castris præpositus, ac uetitus in acie exercitū ducere: nihilo minus manus cum hoste, sed nō tam feliciter, q̄ temere conseruit. (procul. n. dubio superabatur.) Cæterū optimæ indolis iuuentus, detractis equorū frenis, uehemēter eos calcatribus stimulatos, in aduersos Samnites egit: obstinataq; animi præsentia extortā manibus hostiū uictoriā, & cum ea spem maximi ciuis Rutiliani, patriæ restituit.

De militibus quibusdam Ro.

**Q**ualis deinde roboris illi milites? qui uehemēti ictu remorū concitatam fugæ Punicā classē, nantes lubrici pelagi, quasi camporum firmitate pedites, in litus retraxerunt? De milite item Ro. quodam.

**E**i usdem tēporis, & notæ miles: qui Cannensi prælio, quo Annibal magis uires Romanorū contudit, quā animos fregit: cum ad retinenda arma inutilis uulneribus manus haberet: spoliare se conantis Numidæ ceruicem complexus: os, naribus, & auribus corrosis, deforme reddidit: inq; plenæ ultionis morsibus expirauit. se pone iniquum pugne euentum: quanto interfectore fortior interfectus? Pænus enim in uictoria obnoxius, morienti solatio fuit. Romanus in ipso fine uitæ, uindex sui extitit. De P. Crasso.

**M**ilitis huius in aduerso casu tam egregius, tamq; uirilis animus, q̄ quem relaturus sum imperatoris. P. n. Crassus cum Aristonico bellū in Asia gerēs, à Thracibus, quorum is magnum numerum in præsidio habebat: inter Eleā, et Smyrnam exceptus, ne in ditionem eius perueniret, dedecus, acersita ratione mortis effugit.



Virgam enim, qua ad regendum equum usus fuerat: in unius barbari oculum direxit. qui vi doloris accensus, latus Crassi sica confodit: & dū se ulciscitur, Romanum imperatorem maiestatis amissae turpitudine liberauit. Ostendit fortunae Crassus: quā indignum virum tam graui contumelia afficere uoluisset: quoniā quidē iniectos ab ea libertati suae miserabiles laqueos prudenter pariter, ac fortiter rupit: donatumq; iam se Aristonico, dignitati suae reddidit.

De Scipione.

**E**odem mentis proposito usus est Scipio. nanq; infeliciter Cn. Pompeij generi sui defensio in Africa partibus, classe Hispaniā petens, cum animaduertisset nauem, quae uehebatur, ab hostibus captam: gladio praecordia sua transuerberauit. ac deinde prostratus in puppi, quaerentibus Caesarianis militibus, ubinā esset imperator: respondit: imperator bene se habet. tantumq; eloqui ualuit: quantum ad testandam animi magnitudinem, aeternae laudi satis erat.

De Catone.

**T**ui quoq; clarissimi excessus Cato Vtica monumentum est: in qua ex fortissimis uulneribus tuis, plus gloriae, quā sanguinis manauit. Siquidem constantissime in gladium incumbendo, magnum hominibus documentum dedisti: quanto potior esse debeat probis dignitas sine uita, quā uita sine dignitate.

De Porcia Catonis filia, & Bruti uxore.

**C**uius filia minime muliebris animi: quae cum Bruti uiri sui consilium, quod de interficiendo Caesare ceperat: ea nocte, quā dies teterrimū facti secutus est, cognouisset: egresso cubiculum Bruto, cultellum tonsorium, quasi unguium refecandorum causa, poposcit:



eoq; uelut forte elapso, se uulnerauit. clamore deinde ancillarum in cubiculum reuocatus Brutus, obiurgare eam coepit, quod tonsoris praeipuiisset officium. Cui secreto Porcia, nō est hoc, inquit, temerariū factum meū: sed in tali statu nostro, amoris mei erga te certissimum indicium. Experiri enim uolui, si tibi propositum ex sententia parum cessisset, quā æquo animo me ferro essem interemptura.

De Catone.

**F**elicior progenie sua superior Cato, a quo Porciae familiae principia manarunt. qui cum ab hoste in acie uehementi periculo peteretur: uagina gladius eius elapsus decidit. quem subiectum praeliantium globo, atq; undiq; hostilibus pedibus circumdatum, postquam abesse sibi animaduertit: adeo constanti animo in suam potestatem redegit: ut illum non periculo oppressus rapere, sed metu uacius sumere uideretur. quo spectaculo attoniti hostes, postero die ad eum supplices pacem petentes uenerunt.

De P. Scipione Nasica.

**T**ogae quoq; fortitudo, militaribus operibus inferenda est: quia eandē laudem, foro, atq; castris edita meretur. Cum Tib. Gracchus in tribunatu profusis largitionibus fauore populi occupato, R. P. oppressam teneret: palamq; dictaret: interempto senatu, omnia per plebem agi debere: in ædem Fidei, publice conuocati Patres C. a' Cos. Mutio Scaeuola, quidnā in tali tēpestate faciundum esset, deliberabant. cunctisq; consensibus, ut Cos. armis R. P. tueretur: Scaeuola negauit, se quicquam ui esse acturum. Tunc Scipio Nasica, quoniam inquit, Cos. dum iuris ordinem sequitur: id agit, ut cum omnibus legibus Romanum imperiū corrumpat:



egomet priuatus, uoluntati uestræ me offero ducem: ac deinde leuam manum aperta toga circumdedit: sublataq; dextera proclamauit. Qui R. P. saluam esse uolunt: me sequantur. Ea q; uoce, cunctatione bonorum ciuium discussa, Gracchum cum scelerata factione, quas merebatur pœnas, persoluere coëgit.

De C. Mario sene.

I tem cum Trib. pl. Saturninus, & Prætor Clauia, & Equitius designatus Trib. pl. maximos in ciuitate nostra seditionū motus excitassent: nec quisquā se populo concitato opponeret: primum M. Aemilius Scaurus C. Marium consulatum sextum gerentem hortatus est: ut libertatem, legesq; manu defenderet: protinusq; arma sibi afferri iussit. quibus allatis, ultima senectute confectum, et penè dilapsū corpus induit: spiculoq; innixus, ante fores curiæ constitit: ac paruulis extremi spiritus reliquijs, ne R. P. expiraret, effecit. præstantia enim animi sui, senatum, et equestrem ordinem, ad uindictam exigendā impulit. De Diuo Iulio.

S ed ut armorum, et togæ superius, ita nunc etiam syderum clarū decus Diuum Iulium, certissimam ueræ uirtutis effigiem repræsentemus: cum innumerabili multitudine, & feroci impetu Neruiorum, inclinari aciem suam uideret: timidius pugnantī militi, scutum detraxit: eoq; tectus, acerrime præliari cœpit. quo factō fortitudinem per totum exercitū diffudit: labentemq; belli fortunā diuino animi ardore restituit. Idem alio prælio legionis Martiæ aquiliferum ineundæ fugæ gratia iam conuersum, faucibus comprehensum, in contrariam partem detraxit: dexteramq; ad hostem ten-



VAL. MAX.

dens, quorsum tu inquit abis? illic sunt, cum quibus dimicamus. Et manibus quidem unum militem, adhortatione uero tam acri omnium legionum trepidationem correxit: uinciq; paratas, uincere docuit.

De Vibio, Et Val. Flacco, Et Pedanio centurione.  
Ceterum ut humanæ uirtutis actum exequamur: cum Annibal Capuam, in qua Romanus exercitus erat: obsideret: Vibius Aceus Pelignæ cohortis præfectus, uexillum trans Punicū uallū proiecit: seipsum, suosq; commulitones, si eo hostes potiti essent, execratus: et ad id petendum, subsequente cohorte primus impetum fecit. quod ut Val. Flaccus Trib. tertiæ legionis aspexit: conuersus ad suos, spectatores, inquit, ut uideo, alienæ uirtutis huc uenimus: sed absit istud dedecus à sanguine nostro: ut Romani, gloria cedere Latinis uelint. Ego certe aut speciosam optans mortem, aut felicē audaciæ exitum, uel solus præcurrere paratus sum. His auditis, Pedanius centurio conuulsum signū dextra retinens: iam hoc, inquit, intra hostile uallum mecum erit. proinde sequantur, qui id capi nolunt. Et cum eo in castra Pœnorum irrupit, totamq; secum traxit legionem. Ita trium uirorum fortis temeritas, Annibalem paulo antespe sua Capuæ potitorem, ne castrorum quidem suorum potentem esse, passa est.

De Q. Cotto.

Quorum uirtuti nihil cedit Q. Cotius: qui propter fortitudinem Achilles cognominatus est. Nam ut reliqua eius opera nō exequar: abunde tamen duobus factis, quæ relaturus sum: quantus bellator fuerit, cognoscetur. Q. Metello Cos. legatus in Hispaniam profectus,



Celtibericum sub eo bellum gerens, postq̃ cognouit à quodam gentis eius iuvene se ad dimicandum prouocari: (erat autem illi forte prandendi gratia posita mensa) relicta ea, arma sua extra uallum deferri, equumq; duci clam, iussit, ne à Metello impediretur. Et illum Celtiberum insolentissime obequitantem consecutus, interemit: detractasq; corpori eius exuias, ouans lætitia, in castra retulit. Idem Piresum, nobilitate, ac uirtute omnes Celtiberos præstantem, cum ab eo in certamen pugnae prouocatus esset: suatumbere sibi coëgit: nec erubuit flagrantissimi pectoris iuuenis, gladium ei suum, & sagulum, utroq; exercitu spectante, tradere. Ille uero etiam petijt, ut hospitij iure inter se iuncti essent: quando inter Romanos, & Celtiberos pax foret restituta.

De Attilio, & Cynegiro obiter.

**N**ec Attilium quidem præterire possumus: qui cum decimæ legionis miles, pro C. Caesaris partibus maritima pugna præliaretur: abscissa dextra, quam Massiliensium naui iniecerat: leua puppim apprehendit: nec ante dimicare destitit, quam captam profundo mergeret. quod factum parum iusta notitia patet. At Cynegirum Atheniensem, simili pertinacia in consecrandis hostibus usum, uerbosa cantu laudum suarum Græcia, omnium seculorum memoriæ, literarum præconio inculcat.

De M. Scæna.

**C**lassicam Attilij gloriã, terrestri laude M. Scæna eiusdem imperatoris centurio subsecutus est. cū enim pro castello, cui præpositus erat: dimicaret: Cn. q; Pompeij præfectus, iussu eius, summo studio, et magno militum



numero ad id capiendū mitteretur: omnes, qui propius accesserant, interemunt: ac sine ullo regressu, pedes pugnans, super ingentem stragem, quam ipse fecerat: corruit. cuius corpus capite, humero, femore saucio, oculo eruto, scutum centum & .xx. ictibus perfossū apparuit. Tales in castris diui Iulij disciplina milites aluit: quorum alter dextra, alter oculo amisso, hostibus inhæsit: Ille post hanc iacturam victor: Hic nec hac quidem iactura victus. De Scævola.

**T**uum vero Scævola inexuperabile spiritum in utraq; parte rerū naturæ, qua admiratione prosequar, nescio: quoniā excellenti uirtute, dubiū reliquisti, inter undas ne pugnam fortiorē edideris: an in terra uocem emisseris. Bello nanq; Gallico, quo C. Cæsar nō contentus opera sua litoribus Oceani claudere: Britanica insulae coelestis iniecit manus, cū quatuor cōmilitonibus rate transuectus, in scopulū uicinū insulae, quam hostium ingentes copiae obtinebant: postquā æstus regressu suo spatiū, quo scopulus, & insula diuidebantur, in uadū transitu facile redegit: ingenti multitudine barbarorū affluente, cæteris rate ad litus regressis, solus immobilis stationis gradū retinens, undiq; ruentibus telis, et ab omni parte acris studio ad te inuadendū nitentibus, quinq; militum diurno prælio suffectura pila, una dextra, hostiū corporibus adegisti: ad ultimū districto gladio, audacissimū quenq; modo umbonis impulsu, modo mucronis ictu depellens, hinc Romanis, illinc Britanicis oculis, incredibili, dū cernereris, spectaculo fuisti. postq̄ deinde ira, ac pudor cuncta conari fessos coegit: Tragula femur traiectus, saxiq; pondere ora



contusus, galea iam ictibus discussa, & scuto crebris foraminibus absumpto, profundo te credidisti: ac duabus loriceis onustus, inter undas, quas hostili cruore infecerat: enatasti. uisoq; imperatore, armis non amissis, sed bene impensis, cum laudem merereris, ueniam petisti. Magnus praelio, sed maior disciplinae militaris memoria. itaq; ab optimo uirtutis aestimatore, tum facta, tum etiam uerba tua centurionatus honore donata sunt.

De L. Sicinio Dentato.

Sed quod ad praeliatorum excellentem fortitudinem attinet, merito L. Sicinij Dentati commemoratio omnia Romana exempla finierit. cuius opera, honoresq; operum, ultra fidem ueri excedere, iudicari possent: nisi ea certi authores, inter quos M. Varro, monumentis suis testata esse uoluissent. quem centies & uigesies in aciem descendisse tradunt, eo robore animi, atq; corporis utentem: ut maiorem semper uictoriae partem traxisse uideretur. sex & xxx. spolia ex hoste retulisse. quorum in numero octo fuisse, cum quibus spectante utroq; exercitu ex prouocatione dimicasset. xiiij. ciues ex media morte raptos seruasse. quinque & xl. uulnera in pectore excepisse, tergo cicatricibus uacuato: nouem triumphales imperatorum currus secutum, totius ciuitatis oculos in se numerosa donorum pompa conuertentem. praeferebantur enim aureae coronae octo. ciuicae. xiiij. Murales tres. Obsidionalis una. torques clxxxiiij. Armillae clx. Hastae. xvij. Phalerae. xxv. ornamenta etiam legioni, nedum muliti satis multa.

De T. Iubelio Campano.

Ille quoq; ex pluribus corporibus in unum magna cum



admiratione Calibus cruor confusus est: in quo oppido cū Fuluius Flaccus propter Cāpanā perfidiā principes ciuitatis ante tribunal suū capitali supplicio afficiendos iudicaret: literisq; à senatu acceptis, finē pœnæ eorū statuere cogeretur: ultro se ei T. Iubelius Taurea Campanus obtulit: et q̄ potuit clara uoce, quoniā, inquit, Fului cupiditate tanta hauriendi sanguinis nostri teneris: quid cessas in me cruentam securim distringere? ut gloriari possis, aliquanto uirum fortio-rem, quā ipse es, tuo iussu esse interemptum. eo deinde libenter id se esse facturū, nisi senatus uoluntate impediretur, affirmāte: at me, inquit, cui nihil Patres C. præceperunt, aspice, oculis tuis quidem gratum, animo uero tuo maius opus edentem: protinusq; interfecta coniunge, ac liberis, gladio incubuit. quē uirum illum putemus fuisse: qui suorū, ac sua cæde testari uoluit: se Fuluij crudelitatem sugillare, quā senatus misericordia uti, maluisse. Externa. De Dario.

**A**ge Darij quantus ardor animi. qui, cum sordida, & crudeli Magorū tyrānide Persas liberaret: unumq; ex ijs obscuro loco abiectū, corporis pondere urgeret: præclari operis socio plagam ei inferre dubitanti, ne dum Magum petit, ipsum uulneraret: tu uero, inquit, nihil est, quod respectu mei timidius gladio utaris. uel per utrunq; illum agas, licet: dum hic quā celerrime pereat. De Leonida.

**H**oc loci Leonidas Spartanus nobis occurrit: cuius proposito opere, exitu nihil fortius. Nam cū. ccc. ciuibus apud Thermopylas toti Asiæ obiectus, grauem illum & mari, & terræ Xerxem, nec hominibus tantum



terribilem, sed Neptuno quoq; compedes, & cœlo tenebras munitantem, pertinacia uirtutis ad ultimam desperationem redegit. Cæterū perfidia, & scelere incolarum eius regionis, & loci opportunitate, qua plurimum adiunabatur, spoliatus: occidere dimicans, quàm assignatam sibi à patria stationem deserere, maluit. Ideoq; tā alacri animo suos ad id præliū, quo perituri erāt, cohortatus est ut diceret sic: prandete cōmitones mei, tanquā apud inferos cœnaturi. Mors erat denūtiata: Lacedæmonij, perinde ac uictoria esset promissa, ductori intrepide paruerūt. De Othryade. Othryadæ quoq; pugna pariter, ac morte speciosa, Thyraeticum laude, quàm spatium latius solū cernitur. qui sanguine suo scriptis literis, direptam hostibus uictoriam, tantum non post fata sua in sinum patriæ, cruento trophæi titulo retulit. De Epaminunda. excellentissimos Spartanæ uirtutis proventus, miserabilis lapsus sequitur. Epaminundas maxima Thebarum felicitas, idemq; Lacedæmonis prima clades, cū uictis gloriā eius urbis gloriā, inuictamq; ad id tempus bellicam uirtutem, apud Leuctram, & Mantineam secundis prælijs contudisset: traiectus hasta, sanguine, & spiritu deficiens, recreare se conantes, primū, an clypeus suus saluus esset: deinde, an fusi hostes penitus forent: interrogauit. quæ postquā ex animi sententiâ comperit: non finis, inquit, cōmitones meæ uitæ, sed melius, & altius initium aduenit. Nunc enim uester Epaminūdas nascitur, quia sic moritur. Thebas ductu, et auspicijs meis caput Græciæ factas uideo. et fortis, et animosa ciuitas Spartana iacet armis nostris abiecta.



amara dominatione Græcia liberata est. orbus quoq;  
non tamen sine liberis morior: quoniam mirificas fi-  
lias Leuctram, & Mantineam relinquo. E corpore  
deinde suo hastam educi iussit: eoq; vulnere expira-  
uit. Quod si eū Dij immortales uictorijs suis perfrui  
passi essent: sospes gloriosior patriæ mœnia nō intras-  
set.

De Theramene, & Theogene.

A c ne Theramenis quidem Atheniensis in publica cu-  
stodia mori coacti, parua mentis cōstantia: in qua tri-  
ginta tyrannorum iussu porrectam ueneni potionem  
non dubitanter hausit. Quodq; ex ea superfuerat, io-  
cabundus, illisum humo, clarum edere sonum coegit.  
Reddensq; seruo publico, qui eam tradiderat: Critiæ,  
inquit, propino. uide igitur, ut hoc poculū ad eum con-  
tinuo perferas. erat autem is ex. xxx. tyrannis crude-  
lissimus. Profecto est, supplicio se liberare, tam facile  
suppliciū perpeti. Itaq; Theramenes perinde ac in do-  
mestico lectulo moriens, uita excessit: inimicorū æsti-  
matione punitus, suo iudicio finitus. Sed Theramenes à  
literis, & doctrina uirilitatem traxit. Numantino  
uero Theogeni ad consimilem uirtutem capeffendam,  
quasi magistra gentis suæ ferocitas extitit. perditis  
nanq; & afflictis rebus Numantinorum, cum omnes  
eius ciues nobilitate, pecunia, honoribusq; præstaret:  
uicum suum, qui in ea urbe speciosissimus erat: cōtra-  
ctis undiq; nutrimentis ignis, incendit: protinusq; stri-  
ctū gladiū in medio posuit: ac binos inter se dimicare  
iussit: ut uictus, incisa ceruice, ardentibus tectis super-  
iaceretur. qui cum tam forti lege mortis omnes ab-  
sumpsisset: ad ultimum seipsum flammis immisit.



## De uxore Asdrubalis.

V erum ut æque P. R. inimicæ urbis excidium referam: Carthagine capta, uxor Asdrubalis exprobrata ei impietate, quod a Scipione soli sibi impetrare uitam contentus fuisset: dextra, lenaq; treis communes filios, mortem non recusantes trahens, incendio se flagrantis patriæ obiecit.

## De duabus puellis Syracusanis.

M uliebris fortitudinis exemplo, æque sortem duarum puellarum casum adiiciam. Cum pestifera seditione Syracusarum, tota regis Gelonis stirps, euidentissimis exhausta cladibus, ad unicam filiam Harmoniam uirginem esset redacta: & in eam certatim ab inimicis impetus fieret: nutrix eius, æqualem illi puellam, regio cultu ornata, hostilibus gladijs obiecit: quæ quum, ne quum ferro quidem trucidaretur: cuius esset conditionis, ederet: proclamauit admirata illius animum Harmonia: & tantæ fidei superesse non sustinuit. reuocatosq; interfectores, professa, quæ nam esset: in cædem suam conuertit. Ita alteri tectum mendacium: alteri ueritas aperta, finis uitæ fuit.

## DE PATIENTIA.

## Caput. III.

Gregijs pariter uirorum, ac foeminarum  
e operibus fortitudo se oculis hominũ subiecit:  
Patientiamq; in medium procedere hortata  
est: non sanè infirmioribus radicibus stabilitam, aut  
minus generoso spiritu abundantem, sed ita similitu-  
dine iunctam: ut cum ea, uel ex ea nata uideri possit.



V A L. M A X.

De Mutio Scauola.

**Q**uid enim ijs, quæ supra retuli: factio Mutij conuenientius? cum à Porsena Rege Hetruscorum urbem nostram graui, ac diutino bello urgeri, ægre ferret: castra eius clam ferro cinctus intrauit: immolantemq; ante altaria, conatus est occidere. Cæterum inter molitionem puer pariter, ac fortis propositi oppressus, nec causam aduentus texit: et tormenta quantopere contemneret, mira patientia ostendit. Perosus. n. credo dexteram suam, quod eius ministerio in cæde Regis uti nequisset: iniecit etiam foculo exuri passus est. Nullum profecto dum immortales ad motum aris cultum attentioribus oculis uiderunt. Ipsum quoq; Porsenam oblitum periculi sui, ultionem suam uertere in admirationem coegit. Nam reuertere, inquit, ad tuos Muti: & eis refer: te cum uitam meam petieris, à me uita donatum. cuius clementiam non adulatus Mutius, tristior Porsenæ salute, quam sua lætior, urbi se, cum æternæ gloriæ cognomine, Scauolam reddidit.

De Pompeij patientia.

**P**ompeij etiam probabilis uirtus: qui dum legationis officio fungeretur, à Genthio Rege interceptus: cum senatus consilia prodere iuberetur: ardenti lucernæ admotum digitum, cremandum præbuit: eamq; patientia Regi simul et desperationem, tormentis quicquam ex se cognoscendi, excussit: & expetendæ. P. R. amicitia magnam cupiditatem ingenerauit. Ac ne plura huiusce generis exempla domi scrutando, sæpius ad ciuilium bellorum detestandam memoriam progredi cogar: duobus Romanis exemplis contentus, quæ ut clarissimarum familiarum commendationem, ita nullum publicum



mærorē continēt: externa subnectā.

Externa.

Vetusto Macedoniae more, Regi Alexandro nobilissimi pueri præsto erant sacrificanti. E quibus unus thuribulo accepto, ante ipsum astitit: in cuius brachio carbo ardēs delapsus est. quo et si ita urebatur, ut adusti corporis eius odor ad circumstantiū nareis perueniret: tamen & dolorem silentio pressit: & brachiū immobile tenuit: ne sacrificium Alexandri, aut excusso thuribulo, impediret: aut edito gemitu, aureis regias aspergeret. Rex quoq; patientia pueri magis delectatus, hoc certius perseverantiæ experimentum sumere uoluit. solito. n. sacrificauit diutius. nec hac re eum à proposito repulit. Si huic miraculo Darius inseruisset oculos: scisset eius stirpis milites uinci non posse: cuius infirmam ætatem tanto robore præditam animaduertisset.

Est & illa uehemens, & constans animi milita, literis pollens, uenerabiliū doctrinæ sacrorum Antistes Philosophia: quæ ubi pectore recepta est hominum, inhonesto, atque inutili affectu depulso, totum in solidæ uirtutis munimento confirmat, potentiusq; metu, ac dolore facit.

De Zenone Eleate.

Incipiam autem à Zenone Eleate: qui cum esset in dispicienda rerum natura maximæ prudentiæ, inq; exci-  
tandis ad uigorē iuuenum animis proptissimus, præceptorū fidē exēplo uirtutis suæ publicauit. patriā. n. egressus, i qua frui secura libertate poterat: Agrigētū miserabili seruitute obrutū, petijt: tanta fiducia i genij, ac morū suorū fretus, ut sperauerit, et tyrāno, et Phalaridi uesane mentis feritatem à se diripi posse. Postq; deinde apud illū plus cōsuetudinē dominationis, q̄ cō-



*sili* salubritatē ualere animaduertit: nobilissimos eius ciuitatis adolēscētes, cupiditate liberandae patriae inflammauit. cuius rei cum indicium ad tyrānum manasset: conuocato in forum populo, torquere eum uario cruciatus genere cōepit: subinde quārens, quos nā cōsiliū participes haberet. at ille nec eorum quēpiam nominauit: & proximum quēq; ac fidissimum tyrāno, suspectum reddidit: increpitansq; Agrigentinis ignauiam, ac timiditatem, effecit, ut subito mentis impulsu concitati, Phalarim lapidibus prosternerent. Senis ergo unius eculeo impositi nō supplex uox, nec miserabilis eiulatus, sed fortis cohortatio totius urbis animum, fortunamq; mutauit. De altero Zenone.

**E**iusdem nominis philosophus, cum à Nearcho tyrāno, de cuius nece consilium inierat: torqueretur supplicij pariter, atq; indicandorum gratia consciorum: doloris uictor, sed ultionis cupidus, esse dixit, quod secreto audire eum, admodum expediret: laxatoq; eculeo, postquā insidijs opportunum tempus animaduertit: aurem eius morsu corripuit: nec ante dimisit, quā m & ipse uita, & ille corporis parte priuaretur.

De Anaxarcho.

**T**alis patientiae aemulus Anaxarchus, cum à tyranno Cypriorum Nicocreonte torqueretur: nec ulla ui inhiberi posset, quō minus amarissimorū eum maledictorum uerberibus inuicem ipse torqueret: ad ultimum amputationem linguae minitanti, non erit, inquit, effaeminate adolēscēns, haec quoq; pars corporis mei tuae ditionis: protinusq; dētibus abscissam, et cōmanducatam linguam, in os eius ira patens expuit. Multorum

autem



autem aureis illa lingua, et in primis Alexandri Regis admiratione sui attonitas habuerat: dū terræ conditionem, ambitum maris, syderum motus, totiusq; deniq; mundi naturam prudentissime, et facundissime exprompsit. penē tamen occidit gloriosius, quā uiuit: quia tam forti fine illustrem professionis actum comprobauit: Anaxarchiq; non uitam modo deseruit: sed mortem reddidit clariorem.

De Theodoro.

**I**n Theodoro quoq; uiro grauissimo Hieronymus tyrānus tortorū manus frustra fatigauit. Rupit. n. uerbera: fidiculas laxauit: soluit eculeū: lammas extinxit prius, q̄ efficeret, ut tyrānicidij cōscios indicaret. Quin etiā satellitē, in quo totius dominationis summa, quasi quodam cardine uersabatur, falsa criminatione inquinando, fidum lateri eius custodem eripuit: beneficioq; patientiæ, non solū, quæ occulta fuerunt, textit, sed etiā tormenta sua ultus est: quibus Hieronymus, dum inimicum cupide lacerat: amicum temere perdidit.

De sapientibus Indis.

**A**puđ Indos uero patientiæ meditatio tam obstinate usurpari creditur: ut sint, qui omne uitæ tempus nudi exigant, modo Caucaſi montis gelido rigore corpora sua durantes, modo flāmis sine ullo gemitu obijciētes. Atq; haud parua his gloria contemptu doloris acquiritur: titulus nāq; sapientiæ datur. Hæc ē pectoribus altis, et eruditis orta sunt. Illud tamen nō minus admirabile, quod seruilis animus cepit.

De quodam seruo.

**S**eruus barbarus Asdrubalē, quod dominū suū occidisset, grauit̄ ferens subito aggressus, interemit. Cūq; comprehensus, omni modo cruciaretur: lætitiā tamen,

Val. Max.

h



» quam ex uindicta ceperat: in ore constantissime reti-  
 » nuit. Non ergo fastidioso aditu uirtus excitata, inge-  
 » nia uiuida ad se penetrare patitur. Neque hau-  
 » stum sui, cum aliquo personarum discrimine, largum,  
 » malignum ue præbet: sed omnibus æqualiter exposi-  
 » ta, quid cupiditatis potius, q̃ quid dignitatis attuleris:  
 » æstimat. inq; captu bonorum suorum tibi ipsi pondus  
 examinandum relinquit: ut quantum subire animo su-  
 stinueris: tantum tecum auferas. Quò euenit, ut et hu-  
 mili loco nati, ad summam dignitatem consurgant: &  
 generosissimarum imaginum factus, in aliquod reuoluti  
 dedecus: acceptam à maioribus lucem, in tenebras con-  
 uertant. quæ quidem planiora suis exemplis reddun-  
 tur. Ac prius de ijs ordiar: quorum in meliorem sta-  
 tum facta mutatio, splendidam relatu præbet materiã.

DE IIS, QUI HUMILI LOCO NATI, CLA-  
 RI EVASERVNT. Caput IIII.

Nuncubula Tulli Hostilij agreste tugurium  
 i cepit. eiusdem adolescentia in pecore pascen-  
 do fuit, occupata. Validior ætas imperiũ Ro-  
 manum rexit, & duplicauit. Senectus excellentissi-  
 mus ornamentis decorata, in excellentissimo maiestatis  
 fastigio fulsit. uerum Tullius etsi magni, & admira-  
 bilis incrementi, domesticum tamen exemplum est.

De Tarquinio Prisco.

Tarquinium autem Priscum ad Romanum imperium  
 occupandum fortuna in urbẽ nostram aduexit: alie-  
 num quòd exactum: alieniorem, quòd ortum Corin-



tho: fastidiendum, quod mercatore genitum: erubescendum, quod est exule Demarato natum patre. Ceterum tam prosperum conditionis suae euentum, industrium, pro inuidioso: gloriosum, pro inuiso reddidit. dilatauit. n. finis R. P. Cultum deorum nouis sacerdotijs auxit. Numerum senatus amplificauit. Equestrem ordinem uberiores reliquit. quodque laudum eius consumatio est, praeclaris uirtutibus effecit: ne haec ciuitas poenitentiam ageret: quod Regem de finitimis potius mutuata esset, quam de suis elegisset.

De Tullo Seruio Rege.

I n Tullo uero Ser. fortuna praecipue uires suas ostendit. Vernam huic urbi natum, regem dando: cui quidem diutissime imperium obtinere: quater lustrum condere, ter triumphare contigit. ad summam autem unde processerit: aut quo peruenierit: statuæ ipsius titulus abunde testatur, seruili cognomine, et regia appellatione perplexus.

De Varrone.

M iro quoque gradu Varro ad consulatum ex macellaria patris taberna conscendit. et quidem fortuna parum duxit: sordidissimæ mercis capturis inquinari solito. xii. fascis largiri, nisi etiam L. Aemilium Paulum dedisset collegam. atque ita se in eius sinum infudit: ut cum apud Cannas culpa sua uires P. R. exhausisset: Paulum quoque, qui praelium committere noluerat: occidere pateretur: illum in urbem incolumem reduceret. Quin etiam senatum gratias ei agentem, quod redire uoluisset: ante portas eduxit: excuditque, ut grauissimæ cladis authori Dictatura deferretur.

De M. Perpenna.

N on paruus consulatus rubor Marcus Perpenna: ut potest



qui Cos. ante, quàm ciuis, sed in bello gerendo utilior aliquanto R. P. Varone imperatore. Regem enim Aristonicum cepit: Crassianæq; stragis punitor extitit. Cū interim cuius uita triumphauit: mors Papiæ lege damnata est. Nāq; patrem illius, nihil ad se pertinetia ciuis Romani iura complexum, Sabelli iudicio petitem, redire in pristinas sedes coegerunt. Ita M. Perpennæ nomen adumbratum: falsus Consulatus: caliginis simile imperium: caducus triumphus: aliena in urbe improbe peregrinatus est. De M. Porcio Catone.

M. uero Porcij Catonis incrementa publicis uotis expetenda fuerunt: qui nomen suum Thusculi ignobile, Romæ nobilissimum reddidit. Ornata sunt enim ab eo literarum latinarum monimenta. adiuta disciplina militaris. aucta maiestas senatus. prorogata familia: in qua maximum decus posterior est ortus Cato.

Externa. De Socrate.

Sed ut Romanis externa iungamus: Socrates non solū hominum cōsensu, uerum etiam Apollinis oraculo sapientissimus iudicatus: Phœnarete matre obstetrice, & Sophronisco patre marmorario genitus, ad clarissimū lumen gloriæ excessit: neq; immerito. Nam cum eruditissimorum uirorum ingenia in disputatione ceca uagarentur: mensurasq; Solis, & Lunæ, & cæterorū syderum loquacibus magis, q̃ certis argumentis explicare conarentur: totius etiam mundi ambitum completi auderent: primus ab his indoctis erroribus abductum animum suum, in intima conditionis humanæ, et in secessum pectoris repositos affectus scrutari coegit. si uirtus p̃ seipsam æstimetur: uitæ magister optimus.



De Euripide, & Demosthene.

Quam matrem Euripides, aut quem patrem Demosthenes habuerit: ipsorum quoque seculo ignotum fuit. Alterius autem matrem olera, alterius patrem cultellos uenditasse, omnium penè doctorum literæ loquuntur. sed quid aut illius tragica, aut huius oratoria ui clarius?

DE IIS, QVI A PARENTIBVS CLARIS  
DEGENERAVNT. Caput V.

Equitur duplicis promissi pars adopertis illustrium uirorum imaginibus reddenda: quoniam quidem sunt referendi, qui ab earum splendore degenerauerunt: teterrimis ignauiae, ac nequitiae sordibus imbuta nobilia portenta.

De Scipione ignobili filio Africani.

Quid enim monstro similis, quam superioris Africani filius Scipio? Qui in tanta domestica gloria ortus, à parvulo admodum Regis Antiochi praesidio capi sustinuit: cum ei uoluntaria morte absum satius fuerit: quàm inter duo fulgentissima cognomina patris, et patrui, altero, oppressa Africa, iam parto: altero iam maiore ex parte recuperata Asia, surgere incipiente: manus uinciendas hosti tradere: eiusque beneficio precarium spiritum obtinere: de quo mox L. Scipio speciosissimum Deorum, hominumque oculis subiecturus erat triumphum.

Idem praeturae petitor, candidam togam adeo turpitudinis maculis obsolefactam in campum detulit: ut nisi gratia Cicerei, qui patris eius scriba fuerat: adiutus esset: honorem à po. impetraturus non uideretur. quãquam



quid interfuit utrum repulsam, an sic adeptam præturam domum referret? quam cum propinqui ab eo pollui animaduverterent, id egerunt: ne aut sellam ponere: aut ius dicere auderet. Insuperq; e manu eius annulū, in quo caput Africani sculptum erat: detraherunt. Dii boni, quas tenebras e quo fulmine nasci passi estis. De filio Q. Fabij degenerere.

**A**ge Q. Fabij Max. Allobrogici & ciuis, & imperatoris clarissimi filius Q. Fabius Max. quā perditam luxuria uitam egit? cuius, ut cætera flagitia oblitterentur: tamen abunde illo dedecore mores nudari possunt: quod ei. Q. Pompeius prætor urb. paternis bonis interdixit: neq; in tanta ciuitate, qui illud decretum reprehenderet: inuētus est. dolenter enim homines ferebant, pecuniam, quæ Fabiæ gentis splendori seruire debebat: flagitijs disiūci. Ergo, quæ nimia patris indulgentia hæredē reliquerat: publica seueritas exhæredauit.

De filio Clodij pulchri.

**P**ossedit fauorem plebis Clodius Pulcher: adhærensq; Fuluiæ stolæ pugio, militare decus muliebri imperio subiectum habuit. quorum filius Pulcher præterquam quod eneruem, et frigidam iuuentam egit: perditō etiā amore uulgatissimæ meretricis infamis fuit: mortisq; erubescendo genere consumptus est. abdomine enim auide deuorato, fœdæ, ac sordidæ intemperantiæ spiritum reddidit. De Hortensio Corbione.

**I**am Q. quidem Hortensij, qui in maximo et ingeniorum ciuium, & amplissimorū prouentu, summū auctoritatis, atq; eloquentiæ gradū obtinuit, nepos Hortensius Corbio, omnibus scortis abieciore, et obscenis



rem uitam exegit: ad ultimumq; lingua eius, tam libi-  
dini cunctorum inter lupanaria proſtitit: quàm aui  
pro ſalute ciuium in foro excubuerat. Animaduerto  
in quàm periculofum iter proceſſerim. Itaq; meipſum  
reuocabo: ne ſi reliqua eiufdem generis naufragia con-  
ſectari perſeuerauero, aliqua inutili relatione impli-  
cer. Referam igitur pedē: de formerisq; umbras in imo-  
gurgite turpitudinis ſuæ iacere patiar. Satius eſt enim  
narrare qui illuſtres uiri in cultu, cæteroq; uitæ ritu  
aliqua ex parte nouando, ſibi indulſerunt.

QVI EX ILLVSTRIBVS IN VESTE  
AVT IN CAETERO CVLTV LI-  
CENTIVS, QVAM MOS PA-  
TRIVS PERMITTE-  
BAT, INDVL-  
SERVNT.

De P. Scipione.

Caput VI.

**P** Vb. Scipio, cum in Sicilia augendo exer-  
citum, traiſciendoq; in Africam opportu-  
num quærendo gradū, Carthaginis rui-  
nā animo uolueret: inter conſilia, ac mo-

litiones tantæ rei, operam gymnaſio dedit: pallioq;  
et crepidis uſus eſt: nec hac re ſegniores punice exer-  
citibus manus intulit. ſed nescio an ideo alacriores:  
quia uegeta, et ſtrenua ingenia, quo' plus reſceſſus ſu-  
munt, hoc uehemētiores impetus edūt. Crediderim etiā  
fauorē eū ſociorū uberiorē ſe adepturū æſtimāſſe: ſi ui-  
ctum corum, et ſolēneſ exercitationes cōprobāſſet. ad  
quas tū ueniebat, cū multum, ac diu fatigāſſet humero:



Et cætera mēbra militari agitatione firmitatem suā probare cōgisset. consistebatq; in illis labor eius, in his remissio laboris.

De L. Scipione.

L. uero Scipionis statuam chlamydatam, Et crepidatam in Capitolio cernimus. quo habitu, uidelicet quia aliquando usus erat: effigiem suam formatam poni uoluit.

De L. Sylla.

L. quoq; Sylla, cum imperator esset, chlamydato sibi, Et crepidato, Neapoli ambulare, deforme non duxit.

De C. Duellio.

C. autem Duellius, qui primus naualem triumphum ex Pœnis retulit: quotiescunq; epulaturus erat: ad funalē cereum praeunte tibicine, Et fidicine, a cœna domum reuerti solitus est: insignem bellicæ rei successum nocturna celebratione testādo.

De Papirio Massone.

Nam Papirius quidē Masso, cum bene gesta R. P. triūphum a senatu non impetrasset: in Albano monte triumphandi Et ipse initium fecit, Et cæteris postea exēplum præbuit: proq; laurea corona, cum alicui spectaculo interesset, myrtea usus est.

De C. Mario.

Nam C. Marij penē insolens factum? Nam post Iugurthinum, Cimbricumq;, Et Theutonicum triumphum, cantharo semper potauit: quod Liber pater indicum ex Asia ducens triumphum, hoc usus poculi genere ferbatur: ut inter ipsum haustū uini, uictoriæ eius suas uictorias compararet.

De M. Catone.

M. autem Cato Præt. M. Scauri, cæterorumq; reorum iudicia, nulla indutus tunica, sed tantummodo amictus prætexta, egit. sed hæc, atq; his similia, uirtutis, aliquid sibi in consuetudine nouanda licentiæ sumen-



tis, indicia sunt. Illis autem, quæ deinceps subnectam: quantam sui habere fiduciam soleat, cognoscetur.

## DE FIDUCIA SVI.

## Caput VII.

De P. Scipione Africano.

Vb. & Cn. Scipionus in Hispania cum ma-

**P**iore parte exercitus acie Punica oppressis, omnibusq; provinciæ eius nationibus Carthaginensium amicitiam secutis, nullo ducum nostrorum illuc ad corrigendam rem proficisci audente, P. Scipio quartum, & uigesimum annum agens, iturum se pollicitus est. Quæ quidem fiducia P. R. salutis, ac uictoriæ spem dedit. eademq; in ipsa Hispania usus est. Nam, cum oppidum Badiam circumsederet: tribunal suum adeuntes, in ædem, quæ intra mœnia hostium erat: uadimonium in posterum diem facere iussit: continuoq; urbe potitus, & tempore, & loco, quo prædixerat: sella posita, ius eis dixit. Nihil hac fiducia generosius: nihil prædictione uerius: nihil celeritate efficacius: nihil etiam dignitate dignius. Nec minus animosus, minus ue prosper illius in Africâ transitus: in quam e Sicilia exercitum senatu uetante traduxit: quia nisi plus in ea re suo, quam P. C. consilio credidisset: secundi Punici belli finis inuentus non esset. Cui factò par illa fiducia: quòd postquã Africam attigit: speculatores Annibalis in castris deprehensos, & ad se perductos, nec supplicio affecit, nec de consilijs, ac uiribus Pœnorû percunctatus est, sed circa omnes manipulos diligētissime deducēdos curauit: interrogatosq; an satis ea considerassent: quæ



speculari iussi erant: prandio dato ipsis, iumentisq; eorum, incolumem dimisit. quo tam pleno fiduciae spiritu prius animos hostium, quam arma contudit.

Verum ut ad domestica eximiae eius fiduciae acta ueniamus, cum à L. Scipione ex Antiochensi pecunia HS. quadragies ratio in curia reposceretur: prolato ab eo libro, quo acceptae, expensaeq; summae continebantur: refelliq; inimicorum accusatio poterat: discerpsit: indignatus, de ea re dubitari: quae sub ipso legato administrata fuerat. quin etiam in hunc modum egit. non reddo P. C. aerario uestro. HS. quadragies rationem alieni imperij minister: quod meo ductu, meisq; auspicijs bis millies. HS. uberius feci. Neq; enim adhuc puto, eò malignitatis uentum, ut de mea innocentia quaerendum sit. Nam cum Africam totam potestati uestrae subiecerim: nihil ex ea, quod meum dicerem: praeter cognomen retuli. Non igitur me Punicæ; non fratrem meum Asiaticæ gazæ auarum reddiderunt: sed uterq; nostrum inuidia magis, quam pecunia locupletior est. Tam constantem defensionem Scipionis uniuersus senatus comprobauit.

Sicut illud factum. Quod cum ad necessarium R. P. usum pecuniam ex aerario promi opus esset: idq; Quæ. quia lex obstare uideretur: aperire non audent. priuatus, clauis poposcit: patefactoq; aerario, legem utilitati cedere coegit. quam quidem fiduciam conscientia illa dedit: quia meminerat omnes leges à se esse seruatas.

Non fatigabor eiusdem facta identidem referendo: quonia nec ille quidem in consimili genere uirtutis edendo, fatigatus est. Diem illi ad populum M. Næuius Tripl. aut (ut quidam memorant) duo Petilij dixerat: qui



ingenti frequentia in forum deductus, rostra conscen-  
dit: capitiq; suo corona triumphali imposita, hac ego,  
inquit, Quirites die Carthaginem magna sperantē,  
leges nostras accipere iussi: proinde æquū est, uos me-  
cum ire in Capitolium supplicatum. speciosissimam  
deinde eius uocem æque clarus euentus secutus est. si-  
quidem & senatum totum, & uniuersum equestrem  
ordinem, & cunctam plebem Iouis OPT. MAX. pul-  
uina petens, comitem habuit. Restabat ut Trib.  
apud populum sine populo ageret: desertusq; in foro  
cum magno calumniæ suæ ludibrio, solus moraretur.  
cuius deuotandi ruboris causa, in Capitolium proces-  
sit: deq; accusatore, Scipionis uenerator est factus.

De Scipione Aemiliano.

A uiti spiritus egregius successor Scipio Aemilianus, cum  
urbem præualidam obsideret: suadentibus quibus-  
dam, ut circa mœnia eius ferreos murices spargeret:  
omniaq; uada tabulis plumbatis consterneret: ha-  
bentibus clauorum cacumina: ne subita eruptione  
hostes in præsidia nostra impetum facere possent:  
respondit, non esse eiusdem & capere aliquos uel-  
le, & timere.

De SCIP. Nasica.

n quancunq; memorabilium partem exemplorū con-  
uertor, uelim, nolim' ue, in cognomine Scipionum hæ-  
ream, necesse est. cui enim licet, hoc loci Nasica præte-  
rire fidentis animi, dictiq; clarissimum authorē? An-  
nonæ caritate increbrescente C. Curiatius Trib. pl.  
productos in concionē Coss. compellebat: ut de frumen-  
to emendo, atq; ad id negotium explicandū mittendis



V A L. M A X.

legatis, in curiā referrent. Cuius instituti minime utilis, interpellandi gratia Nasica contrariam actionem ordiri cœpit. obstrepente deinde plebe, tacete quæso Quirites, inquit: plus enim ego, quàm uos, quid R. P. expediat: intelligo. Quæ uoce audita, omnes pleno uenerationis silentio, maiorem authoritatem eius, quàm suorum alimentorum respectum egerunt.

De Liuiio Salinatore.

**L** iuij quoq; Salinatoris æternæ memoriæ authoritate tradendus animus. qui cū Asdrubalē, exercitūq; Pœnorum in Umbria delessset: & ei diceretur, Gallos, ac Ligures ex acie sine ducibus, & signis, sparsos, ac palantes parua manu opprimi posse: respondit: in hoc eis oportere parci: ne hostibus tantæ cladis domestici nuntij deessent.

De P. Furio Philo.

**B** ellica hæc præstantia animi. togata illa, sed non minus laudabilis, quam P. Furius Philus Cos. in senatu exhibuit. Q. enim Metellum. Q. q; Pompeium consulares uiros, uehementer inimicos suos, cupitam sibi profectio nem in prouinciam Hispaniam, quam sortitus erat: identidem exprobrantes, legatos secum illuc ire coëgit: fiduciam non solum fortem, sed penè etiam temerariam exhibens: quæ duobus acerrimis odijs latera sua cingere ausa est: usumq; ministerij uix tutum in amicis, e sinu inimicorum petere sustinuit.

De L. Crasso.

**C** uius factum sicui placet: necesse est L. etiā Crassi, qui apud maiores eloquentia clarissimus fuit: propositum non displiceat. nam cum ex Cos. prouinciam Galliam obtineret: atq; in eam Cn. Carbo, cuius patrem



damnauerat: ad speculanda acta sua uenisset: non solum eum inde non summouit: sed insuper locum ei tribunali assignauit: nec ulla de re, nisi eo in consilium adhibito, cognouit. Itaque acer, et uehemens Carbo, nihil aliud Gallica peregrinatione consecutus est: quam ut animaduerneret, fontem patrem suum ab integerrimo uiro in exilium missum.

De Catone superiore.

Cato uero superior saepenumero ab inimicis ad causae dictionem uocatus, nec ullo unquam crimine conuictus, ad ultimum tantum fiduciae in sua innocentia reposuit: ut ab his in quaestionem publicam deductus, T. Gracchum, a quo in administratione R. P. ad multum odium dissidebat: iudicem deposceret. Quae quidem animi praestantia, pertinaciam eorum insectandi se inhibuit.

De M. Scauro.

Adem M. Scauri fortuna: aequae senectus longa, ac robusta: idem animus: qui, cum pro rostris accusaretur: quod a Rege Mithridate, ob R. P. prodendam, pecuniam accepisset: causam suam ita egit. Est enim Quirites iniquum, cum inter alios uixerim: apud alios me rationem uitae reddere. Sed tamen audebo uos, quorum maior pars honoribus, et actis meis interesse non potuit: interrogare. Varius Sucionensis M. Aemilium Scaurum regia mercede corruptum, imperium P. R. prodidisse ait. M. Aemilius Scaurus huic se affinem esse culpae negat: utri creditis? cuius dicti admiratione populus commotus, Varium ab illa dementissima actione, pertinaci clamore depulit.

De M. Antonio.

Contra M. Antonius ille disertus. Non enim respuendo sed amplectendo causae dictionem, quam innocens esset,



testatus est. Quæ. proficiscens in Asiam, Brundisium iam peruenerat. ubi literis certior factus, incesti se postulatum apud L. Cassium Præt. cuius tribunal propter nimiam seueritatem Scopulus reorum dicebatur: cum id uitare beneficio legis Memmæ liceret: quæ eorū, qui R. P. causa abessent: recipi nomina uetabat: in urbem tamen recurrit. Quo tam pleno fiduciæ bonæ consilio, tum absolutionem celerē, tum profectiōem honestiorem consecutus est.

De senatu Ro.

**S**unt et illa speciosæ fiduciæ publica exempla. Nā cum eo bello, quod aduersus Pyrrhū gerebatur: Carthaginenses. C. ac. xxx. nauū classē in præsidium Romanis Hostiam ultro misissent: senatui placuit, legatos eorū ad ducem ire: qui dicerent, P. R. bella suscipere solere: quæ suo milite gerere posset: proinde classē Carthaginem reducerent. Idem post aliquot annos Cānensi clade exhaustis Romani imperij uiribus, supplementū exercitus in Hispaniam mittere ausus, fecit, ne hostilium locus castrorum, tum maxime Capenam portam armis Annibale pulsante, minoris ueniret, q̄ si illum Pœni non obtinerent. Ita se gerere in aduersis rebus, quid aliud est, q̄ sæuientem fortunam, in adiutorium sui, pudore uictam conuvertere?

De Actio poëta.

**M**agno spatio diuisus est à senatu ad poëtā Actiū transitus. Cæterum ut ab eo dicentius ad externa transeamus: producat in medium. Is Iulio Cæs. amplissimo, & florentissimo uiro, in collegium poëtarum ueniēti nunquam assurrexit. non maiestatis eius immemor: sed quod in cōparatione communium studiorum, ali-



quanto superiorem se esse consideret. quapropter insolentiae crimine caruit: quia ibi uoluminum, non imaginum certamina exercebantur.

Externa. De Euripide.

Nec Euripides quidē Athenis arrogans uisus est. cum postulante populo ut ex tragœdia quandā sententiam tolleret: progressus in scenam, dixit: se ut eum doceret: non ut ab eo disceret, fabulas componere solere. laudanda profecto fiducia est: quæ æstimationē sui, certo pondere examinat. tantum sibi arrogans, quantum a contemptu, & insolentia distare satis est. Itaq; & quod Alexidi tragico poetæ respondit: probabile. apud quē cum quereretur: quod eo triduo non ultra tres uersus maximo impenso labore deducere potuisset: atq; is, se centū perfacile scripsisse gloriaretur: sed hoc inquit interest: quod tui in triduum tantummodo, mei uero in omne tempus sufficient. alterius enim fecundi cursus scripta, intra primas memoriæ metas corruerūt. alterius cunctante stylo elucubratum opus, per omne æuitēpus plenis gloriæ uelis feretur. De Antigenida. diſciam scenæ eiusdem exemplū. Antigenidas tibicen discipulo suo magni profectus, sed parum feliciter populo se approbanti, cunctis audientibus, dixit. Mihi cane & Musis. quia uidelicet perfectæ ars fortunæ lenocinio defecta, iusta fiducia non exuitur. quamq; scit se laudem meritam: eam, & si ab alijs, non impetrat: domestico tamen acceptam iudicio refert.

De Zeusi Pictore.

Zeusis autem cum Helenam pinxisset: quid de eo opere homines sensuri essent, expectandum non putauit: sed



protinus hos uersus græcos adiecit.

Οὐ νέμεσις τρώας τε, καὶ ὠκνήμιδ' αὖ Ἀχαιῶν.  
Τοίηδ' ἀμφὶ γυναικὶ πολὺν χρόνον ἄλγεα πάσχειν.  
Αἰ τῶς ἀθανάτησι θεῶς εἰς ὧπα ἔοικεν.

Adeo ne dexterae suae multum pictor arrogauit : ut ea tantum formae comprehensum crederet : quantum aut Leda caelesti partu edere, aut Homerus diuino ingenio exprimere potuit? De Phidia.

**P**hidias quoq; Homeri uersibus egregio dicto allusit. Simulacro enim Iouis Olympij perfecto, quo nullū præstantius, aut admirabilius humanae fabricatae sunt manus : interrogatus ab amico, quonam mentem suam dirigens, uultum Iouis prope modum ex ipso caelo petitum, eboris lineamentis esset amplexus : illis se uersibus quasi magistro usum, respondit.

Η καὶ κυανέησιν ἐπ' ὀφρύσι νῦν σε Κρονίῳ.  
Ἀμβρόσια δ' ἄρα χαῖται ἐπερρώσαντο Ἀντικτος  
Κρατὸς ἀπ' ἀθανάτοιο. μέγαν δ' ἐλέλιξεν Ὀλυμπον.

De Epaminunda.

**N**on patiuntur me tenuioribus exemplis diutius insistere fortissimi duces. siquidem Epaminundas, cum ei ciues irati, sternandarum in oppido uiarum, cōtumeliae causa, curam mandarent (erat enim illud ministeriū apud eos sordidissimum) sine ulla cunctatione id recepit : daturumq; se operam, ut breui speciosissimum fieret, asseuerauit. mirifica deinde procuratione, abiectissimum negotium, pro amplissimo ornamento expetendum Thebis reddidit.

De Annibale.

**A**nnibal uero, cum apud Regem Prusiam exularet : anthorq; ei committendi praelij esset : atq; is non idē sibi



extis portēdi diceret: an tu, inquit, uitulinae carunculae, q̄ imperatori ueteri mauis credere? si uerba numeres, breuiter, & absasse: si sensum aestimes, copiose, & ualenter. Hispanias enim direptas P. R. & Galliarū, ac Liguria uireis in suam redactas potestatem, et nouo transitu alpium iuga patefacta, & Thrasymenum lacum dira iniustum memoria, & Cannas Punicae uictoriae clarissimum monumentum, et Capuā possessam, & Italiam laceratam, ante pedes hominis effudit: uniusq; hostiae iocinori, longo experimento testatam gloriam suam, postponi aequo animo non tulit. Et sane, quod ad exploranda bellica sacrificia, aestimandosq; militares ductus attinebat: omnes foculos, omnes aras Bithyniae, Marte ipso iudice, pectus Annibalis praegravasset.

De Cotye.

C apax generosi spiritus illud quoq; dictum Regis Cotyis. ut enim ab Atheniensibus ciuitatem sibi datam cognouit: & ego, inquit, illis meae gentis ius dabo. aequauit Athenis Thraciam: ne uicissitudine talis beneficii imparem se iudicando, humiliter de origine sua sentire existimaretur.

De tribus Spartanis.

N obiliter etiam, uterq; Spartanus: & qui increpitus a quodam, quod in aciem claudus descenderet: pugnare, non fugere propositum sibi esse respondit. & qui, referente quodam sagittis Persarum Solem obscurari solere: bene narras, inquit: in umbra enim melius praeliabimur. Vir eiusdem urbis, atq; animi, hospiti suo patriae muros excelsos, latosq; ostendenti dixit. Si mulieribus istos comparastis, recte: si uiris, turpiter.

Val. Max.

i



a ptum, et animosum bonæ fiduciæ pectus emenso, quasi debitum opus superest, Constantiæ repræsentare naturam. Natura enim sic comparatum est: ut quisquis se aliquid ordine, ac recte mente complexum confidit: uel iam gestum, si obtrechetur: acriter tueatur. uel nondum editum, si interpelletur, sine ulla cunctatione ad effectum perducatur.

## De Fulvio.

s ed dum exemplar propositæ rei prosequor latius: mihi circumspecti ante omnia se Fuluij Flacci constantia offert. Capuam fallacibus Annibalis promissis Italiæ regnum nefaria defectione pacisci persuasam, armis occupauerat. tandem culpæ hostium tam iustus æstimator, q̃ speciosus uictor, Campanum senatum, impij decreti authorem, funditus delere constituit. Itaq; catenis onustum in duas custodias, Theani, Calibusq; diuisit, consilium executurus, cum ea peregrisset, quorum administrandorum celerior esse necessitas uidebatur. rumore deinde de senatus mitiore sententiâ orto, ne debitam pœnâ scelerati effugerent: nocte admissō equo, Theanum contendit. interfectisq; qui ibi asseruabatur: è uestigio Calens transgressus, perseverantiæ suæ opus executus est. Et iam deligatis ad palū hostibus, literas à P.C. ne quicq; Capuanis salutare accipit. In sinistra enim eas manu, sicut erant traditæ, reposuit: ac iussu lictore lege agere, tunc demum aperuit, postq̃ illis obtēperari non poterat. Quia cōstantia uictoriæ quoq; gloriam antecellit. quia si eum intra seipsum partita



laude aestimes, maiorem, punita Capua, quam capta reperies.

De Q. Fabio Maximo.

**A** tq; ista quidem seueritatis: illa uero pietatis constantia admirabilis, quam Q. Fabius Max. infatigabilem patriæ præstitit. pecuniam pro captiuis Annibali numerauit. fraudatus ea publice, tacuit. Dictatori ei magistrū equitum Minutium iure imperij senatus æquauerat: silentiū egit. compluribus præterea iniurijs læssitus, in eodē animi habitu permansit. nec unquam sibi R. P. permisit irasci: tam perseuerās in amore ciuium fuit. Quid in bello gerendo, non ne par eius constantia? Imperium Ro. Cannensi prælio penē destructum uix sufficere ad exercitus cōparandos uidebatur. Itaq; frustrari, & eludere Pœnorum impetus, q̄ manum cū ijs tota acie conferere, melius ratus, pluribus cōnationibus Annibalis irritatus, sæpe etiam spe bene gerendæ rei oblata, nunquam a consilij salubritate, ne parui quidē certaminis discrimine, recessit: quodq; est difficillimum, ubiq; ira, ac spe superior apparuit. ergo ut Scipio pugnādo, ita hic non dimicando, maxime ciuitati nostræ succurrisse uisus est. alter enim celeritate sua Carthaginem oppressit: alter cunctatione id egit: ne Roma opprimi posset.

De C. Pisone.

**C.** etiam Pisonem mirifice, & constanter turbulento R. P. statu egisse Cos. narratione insequenti patebit.

**M.** Palicam seditiosissimi hominis pestiferis blanditijs præreptus populi fauor, consularibus comitijs summum dedecus admittere conabatur: amplissimum ei deferre imperium cupiens: cuius teterrimis actus



exquisitum potius supplicium q̄ ullus honos debebatur. Nec deerat consternatæ multitudini furialis fax tribunitia: quæ temeritatem eius & ruentem comitaretur, & languentem actionibus suis inflammaret: in hoc miserando pariter, atq; erubescendo statu civitatis, tantum non manibus Tribunorum pro rostris Piso collocatus est. cum hinc, atq; illinc eum ambissent: ac, Palicanum suffragijs populi Cos. creatum an renuntiaturus esset: interrogaretur: primo respondit, non existimare se, tantis tenebris offusam esse R. P. ut huc indignitatis ueniretur. deinde cum perseveranter instaret, ac dicerent: age, si uentum fuerit: non renuntiabo inquit. quo quidē tam absciso responso, consulatum Palicano, prius quàm illū adipisceretur: eripuit. multa, & terribilia Piso contempsit: dum speciosum mentis suæ flecti non uult rigorem.

De Metello.

**M**etellus autem Numidicus propter consimile perseverantiæ genus, excepit quoq; indignam maiestate, ac moribus suis procellam. cum enim animadverteret, quò tenderet Saturnini Trib. pl. funesti conatus, quantoq; malo R. P. si non his occurreretur: erupturi essent: in exiliū, quàm in legem eius ire maluit. potest aliquis hoc uiro dici constantior? qui, ne sententia sua pelleretur, patria, in qua summum dignitatis gradū obtinebat: carere sustinuit.

De Q. Scauola.

**C**æterum ut neminem ei prætulerim, ita Q. Scauolam Augurem merito compararim. depulsis, prostratisq; inimicorū partibus, Sylla, occupata urbe, senatum armatus cōegerat: ac summa cupiditate ferebatur: ut C. Marius quàm celerrime hostis iudicaretur. cuius no-



luntati nullis obuiam ire audentibus, solus Scauola interrogatus de hac re, sententiam dicere noluit: quin etiam truculentius sibi minitanti Syllae, licet, inquit, mihi agmina militum, quibus curiam circumsedisti, ostentes: licet mortem identidem miniteris: nunquam tamen efficies, ut propter exiguum, senilemque sanguinem meum, Marium, à quo urbs, & Italia conseruata est: hostem iudicem.

De Sempronia.

Quid foeminae cum concione? si patrius mos seruetur: nihil. sed ubi domestica quies seditionum agitata fluctibus est: priscae consuetudinis autoritas conuellitur. plusque ualet, quod uolentia cogit: quam quod suadet, & praecipit uerecundia. Itaque te Sempronia, Tib. & C. Gracchorum soror, uxor Scipionis Aemuliani, non, ut absurde grauissimis uirorum operibus inferens, maligna relatione comprehendam: sed quia à Tri. pl. producta ad populum, in maxima confusione, nihil à tuorum amplitudine degenerasti: honorata memoria prosequar. Coacta es eo loci consistere: ubi principum ciuitatis perturbari frons solebat. instabat enim tibi toruo uultu minas profundens amplissima potestas: cum clamor imperitiae multitudinis obstreperet: totum forum acerrimo studio nitebatur, ut Equitio, cui Semproniae gentis falsum ius quaerebatur: tanquam filio Tiberij fratris tui osculum dares. tu tamen illum, nescio quibus tenebris protractum, ut portentum, execrabili audacia ad usurpandam alienam propinquitatem tendentem repulisti.

De Centurionibus.

Non indignabuntur lumina nostrae urbis: si inter eorum eximium fulgorem Centurionum quoque uirtus spe-



etandam se obtulerat. Nam ut humilitas amplitudinē uenerari debet: ita nobilitate fouēda magis, q̄ spernenda bonæ indolis nouitas est. An abigi debet Pontius ab horum exemplorum contextu? qui pro Cæsaris partibus excubans, Scipionis præsidio interceptus, cū uno modo salus ei daretur, si se futurum Cn. Pompeij generi ipsius militem affirmasset: ita respondere non dubitauit. Tibi quidem Scipio gratias ago. sed mihi uti ista conditione uitæ non est opus. Sine ullis imaginibus nobilem animum, et idem constantiæ propositum secutus C. Meuius Centurio diui Augusti, cum Antoniano bello sæpenumero excellentes pugnas edidisset: improuisis hostium insidijs circumuentus, et ad Antoniū Alexandriam perductus, interrogatusq; quidnam de eo statui deberet: iugulari me, inquit, iube. quia non salutis beneficio, nec mortis supplicio adduci possum, ut aut Cæsaris miles desinam, aut tuus esse incipiam. Cæterū quò constantius uitam contempsit: eò facilius impetrauit. Antonius enim uirtuti eius incolumitatem tribuit.

Externa. De Blasio.

**C**omplura huiusce notæ Romana exēpla superant: sed satietas modo uitanda est. Itaq; stylum meū ad externa iam delabi permittam: quorū principatum teneat Blasius: cuius constantia nihil pertinacius. Salapiam enim patriā suā præsidio Punico occupatam, Romanis cupiens restituere, Dasium acerrimo studio secum in administratione R. P. dissidentem, et alioqui toto animo Annibalis amicitiae uacantem: sine quo propositum consiliū peragi non poterat: ad idem aggredendum opus maiore cupiditate, quam spe certiore, tenta-



re ausus est. qui protinus sermonem eius, adiectis, quæ  
 & ipsam commendatiorem, & inimicū inuisiorē fa-  
 ctura uidebantur: Annibali retulit. à quo adesse ius-  
 si sunt: ut alter crimen probaret: alter defenderet. Cæ-  
 terum cum res pro tribunali gereretur, & illi quæ-  
 stioni omnium oculi essent intenti: dum aliud forte cer-  
 tioris curæ negotium tractatur: Blasius uultu dissimu-  
 lante, ac uoce summissa, monere Dasium cœpit: ut Ro-  
 manorū potius, q̃ Carthaginensium partes foueret.  
 Enimvero tunc ille proclamat: se in conspectu ducis  
 aduersus eū sollicitari. quod quia incredibile existima-  
 batur: & ad unius tantum aures penetrauerat: &  
 iactabatur ab inimico: ueritas fide caruit. sed non ita  
 post multo Blasij mira constantia, Dasium ad se tra-  
 xit: Marcelloq; et Salapiā, & quingentos Numidas, q̃  
 in ea custodiæ causa erant, tradidit. De Phocione.

**P**hocion uero, cū Athenienses rem aliter, q̃ ipse suase-  
 rat: prospere administrassent: adeo perseuerans con-  
 stantiæ suæ propugnator extitit: ut in concione lætari  
 quidē se successu eorū, sed consilium tamen suum ali-  
 quanto melius fuisse diceret. Non enim dānauit, quod  
 recte uiderat: quia quod alius male consuluerat: bene  
 gesserant: felicius illud existimans, hoc sapientius. ple-  
 runq; enim temeritatem casus inuat: ubi prauo consi-  
 lio propius aspirat. & quo uehementius noceat: despe-  
 ratius prodest. placidi sanē & misericordes, & libe-  
 rales, omniq; suauitate temperati mores Phocionis:  
 quos optime profecto consensu omnū, bonitatis cogno-  
 mine decorandos censuit. Itaq; constantia, quæ natu-  
 ra rigidior uidetur: lenis ē mansueto pectore fluxit.



V A L. M A X.

De Socrate.

Socratis autem uirilitatis robore palliatus animus, aliquanto præstantius perseverantiæ exemplum edidit. Vniuersa ciuitas Atheniensium iniquissimo, ac truculentissimo errore instincta, de capite decem Prætt. qui apud Arginusas Lacedæmoniam classem deleuerant: tristem sententiam tulerat. forte tunc eius potestatis Socrates, cuius arbitrio plebiscita ordinarentur, indignum iudicans tot, & tam benemeritos, ex indigna causa impetu inuidiæ arripi, temeritati multitudinis constantiam suam obiecit: maximoq; concionis fragore, & incitatissimis minis compulsus non est, ut se publicæ dementiæ authorem ascriberet: quæ oppositu eius legitima crassari uia prohibita, iniusto Prætt. cruore manus suas contaminare perseverauit. nec timuit Socrates: ne cōsternatæ patriæ, undecimus furor, mors ipsius existeret.

De Epialte.

Proximum, & si non eiusdē splendoris est: tamen certum constantiæ haberi potest experimentum efficacis operæ forensis, fidei non latentis. Athenis Ephilates accusare publice iussus, & inter cæteros Demonstrati nomen deferre coactus: cuius filius erat Demochares excellentis formæ puer animo eius flagrantissimo inherens amore. Itaq; communis officij sorte truculentus accusator, priuati affectus conditione miserabilis reus, puerum ad se exorandum, quò parcius patris criminibus insisteret, uenientem neq; repellere, neq; supplicem genibus suis aduolutū intueri sustinuit. sed operto capite flens, & gemens, preces expromere passus est: nihiloq; minus sincera fide accusatum Demo-



stratum dānauit: uictoriam nescio laude, an tormento  
maiore partam: quoniā prius, q̄ fontem opprimeret:  
seipsum uicit Ephīlates. De Syracusano Dione.

Quem Syracusanus Dion diuersitate exempli præg-  
uat: qui quibusdam monentibus, ut aduersus Heracli-  
den, & Calippum, quorum fidei plurimum crede-  
bat: tanquam insidias ei nectentes cautior esset: respon-  
dit: se uita malle excedere, q̄ in metu uiolentæ mortis  
amicos, inimicosq; iuxta ponere. Quod sequitur, &  
rei ipsius admiratione, & claritate authoris illustre.

De Alexandro Magno.

Alexander Macedonum Rex inclyta iam pugna excel-  
lentissimis opibus Darij contusis, æstu, & itineris fer-  
uore in Cilicia percalefactus, Cydno, qui aquæ liquo-  
re conspicuus, Tarsum interfluit: corpus suum immer-  
sit. subito deinde ex nimio haustu rigoris obstupefactis  
neruis, ac torpore hebetatis artubus, maxima cū exa-  
nimatione totius exercitus, in oppidum castris propin-  
quum deferitur. iacebat æger Tarsi: inq; ualetudine  
eius aduersa, instantis uictoriæ spes fluctuabat. Itaq;  
conuocati medici, attentissimo consilio salutis remedia  
circūspiciebant. qui, cum ad unam potionem sententiā  
drexissent: atq; eam Philippus medicus suis manibus  
temperatam Alexandro (erat autem ipsius amicus,  
& comes) porrexisset: a Parmenione missæ literæ su-  
peruenerunt, admonentes, ut Rex insidias Philippi  
perinde ac pecunia corrupti à Dario caueret. quas cū  
legisset, sine ulla cunctatione medicamentū hausit, ac  
tunc legendas Philippo tradidit. pro quo tam cōstanti  
erga amicū iudicio, dignissimā à Dijs immortalibus



VAL. MAX.

mercedem recepit. qui incolumitatis eius praesidium falso interpellari indicio noluerunt.

VALERII MAXIMI LIBER QVARTVS.

De animi moderatione.

Transgrediar ad saluberrimam partem  
t animi moderationē: quae mentes nostras  
impotentiae, et temeritatis incurſu trans-  
uersas ferri nō patitur. quo euenit: ut re-  
prehensionis morſu sit uacua: et laudis quæſtu sit opulē-  
tissima. itaq; effectus ſuos in claris uiris recognoscat.

De P. Valerio Publicola.

A tque ut ab incunabulis ſummi honoris incipiam: P. Va-  
lerius, qui populi maiestatem uenerando, Publicolæ co-  
gnomē aſſecutus eſt: cum exactis Regibus, imperij eo-  
rū uim uniuerſam, omniaq; inſignia ſub titulo conſu-  
latus in ſe tralata cerneret: inuidioſum magistratus fa-  
ſtigium, moderatione ſua ad tolerabilem habitum de-  
duxit: faſces ſecuribus uacuefaciendo, & in concione  
populo ſummittendo. numerum quoq; eorum dimidia  
ex parte minuit, ultro Sp. Lucretio collega aſſum-  
pto: ad quē, quia maior natu erat: priores faſces trans-  
ferri iuſſit. legem etiā comitijs centuriatis tulit: nequis  
magistratus, ciuem Romanum aduerſus prouocationē  
uerberare, aut necare uellet. Ita quo ciuitatis conditio  
liberior eſſet: imperium ſuum paulatim deſtruxit.  
Quid quod ædes ſuas diruit: quia excelsiore loco poſi-  
tæ, inſtar arcis habere uidebantur? non ne quantū do-



mo inferior: tantum gloria superior euasit?

De Furio Camillo.

Vix iuuat abire à Publicola: sed uenire ad Furiū Camillum libet. cuius tam moderatus ex magna ignominia ad summum imperiū transitus fuit: ut cum praesidium eius aues capta urbe à Gallis Ardeæ exulantibus petissent: non prius Veios ad accipiendum exercitum iret: quàm de Dictatura sua omnia solenni iure acta comperisset. Magnificus Camilli Veientanus triumphus. egregia Gallica uictoria. sed ista cunctatio longe admirabilior. Multo enim, multoquàm seipsum quàm hostem superare operosius est: nec aduersa propera festinatione fugientem: nec secunda effuso gaudio apprehendentem.

De M. Rutilio Censorino.

Par Furio moderatione M. Rutilius Censorinus. Iterum enim Cens. creatus, ad concionem populum uocatum quàm potuit grauissima oratione corripuit: quod eam potestatem bis sibi detulisset: cuius, maiores, quia nimis magna uideretur: tempus coarctadum iudicassent. uterque recte: & Censorinus: & populus. alter enim, ut moderate honores crederent: praecepit. alter se moderato credidit.

De L. Quintio Cincinnato.

Auge L. Quintius Cincinnatus qualem Cos. gessit? cum honorem eius P. C. continuare uellent non solum propter illius egregia opera: sed etiam quod populus eosdem tribunos in proximū annum creare conabatur: quorum neutrum iure fieri poterat: utrumque discussit: senatus studium simul inhibendo: & tribunos uerecundiae suae exemplum sequi cogendo. atque unus causa fuit: ut amplissimus ordo, populusque tutus esset ab in-



iusti facti reprehensione. De Fabio Maximo.

F abius uero Max. cum à se quinquies, & à patre, auo, proauo, maioribusq; suis, sepe numero consulatū gestū animaduverteret: in comitijs, quibus filius suus summo consensu Cos. creabatur: q̄ potuit constanter, cum populo egit: ut aliquando uacationē huius honoris Fabiæ genti daret. non quòd uirtutibus filij diffideret (erat enim illustris) sed ne maximum imperium in una familia continuaretur. Quid hac moderatione efficacius? aut ualentius? quæ etiam patrios affectus, qui potentissimi habentur: superauit.

De Africano superiore.

N on defuit maioribus grata mens ad præmia superiori Africano exoluenda. siquidē maxima eius merita paribus ornamentis decorare conati sunt. uoluerunt illi statuas in comitio, in rostris, in curia, in ipsa deniq; Iouis OPT. MAX. cella ponere. uoluerunt imaginem eius triūphali ornatu indutam Capitolinis puluinibus applicare. uoluerunt ei continuum per omnes uitæ annos Consulatum, perpetuamq; Dictaturam tribuere: quorum sibi nil neq; plebiscito dari, neq; S. C. decerni patiendo, penē tantum in recusandis honoribus se gessit: quantum egerat in merendis.

De eodem Africano.

E odem robore mentis causam Annibalis in senatu protexit. cū eum ciues sui missis legatis tanquā seditiones apud eos mouentē accusarent: adiecit quoq; non oportere P. C. se R. P. Carthaginiensium interponere: altissimaq; moderatione, alterius saluti consuluit, alterius dignitati. uictoria tenus, utriusq; hostē egisse cō-



tentus.

De M. Marcello.

M. Marcellus, qui primus & Annibalem uinci, & Syracusas capi posse docuit: cum in consulatum eius Siculi de eo questum in urbem uenissent: nec senatū ulla de re habuit: quia collega Valerius Leuinus forte aberat: ne ob id Siculi in querendo timidiore essent. & ut is rediit, ultro de his admittendis retulit, querētesq; de se patienter sustinuit. iussos etiā a Leuino discedere: remanere, ut suae defensionis interessent: coegit. ac deinde utraq; parte perorata: etiā excedēter curia subsecutus est: quo liberius senatus sententiā ferret. in probatis quoq; eorū querelis, supplices, & orantes, ut ab eo in clientelam reciperetur: clementer excepit. super hac Siciliam sortitus, eā prouinciam collegae cessit. Toties laudatio Marcelli uariari potest: quoties nouis ipse gradibus, moderatiōe aduersus socios usus est.

De T. Graccho Trib. pl.

nam etiam Tib. Gracchus admirabilem se exhibuit. Trib. enim plebis, cum ex professo inimicitias cum Africano, & Asiatico Scipionibus gereret. & Asiaticus iudicatae pecuniae satisfacere non posset: atq; ideo a Cos. in uincula publica duci iussus esset: appellassetq; collegum tribunorum, nullo uolente intercedere, secessit a collegis, decretumq; composuit: nec quisquam dubitauit, quin eo scribendo, irati hostis aduersus Asiaticum uerbis usus esset. At is iurauit primum cum Scipionibus se in gratiam non redisse. deinde tale decretum recitauit. Cum L. Cornelius Scipio die triumphali ante currum actos hostium duces in carcerem conecerit. indignum, & alienū a maiestate P. R. uideri



Y A L. M A X.

eundem ipsum duci. Itaq; id non passurū fieri. Libenter tunc opinionē suā P. R. à Graccho deceptā cognovit: moderationemq; eius debita laude prosecutus est.

De C. Claudio Nerone.

C. quoq; Claudius Nero inter cætera præcipue moderationis exempla numerandus est. Livi Salinatoris in Asdrubale opprimendo particeps gloriæ fuerat: Et tamen eum triumphantem equo sequi, q̄ triumpho, quem ei senatus æque decreuerat, uti, maluit: quia res in provincia Salinatoris gesta fuerat. sine curru ergo triumphavit. Eò quidem clarius, quod illius uictoria tantummodo laudabatur: huius, etiam moderatio.

De Africano posteriore.

Nec Africanus quidem posterior nos de se patitur tacere. qui Cess. cum lustrum conderet: inq; solito sacrificio, scriba ex publicis tabulis solēni eius precationis carmine præiret: quo Dī immortales ut P. R. res meliores, amplioresq; facerent: rogabantur: satis, inquit, bonæ, ac magnæ sunt. Itaq; precor, ut eas perpetuo incolumes seruent: ac protinus in publicis tabulis ad hūc modum carmen emendari iussit. Quia uotorum uerecundia deinceps Cess. in condendis lustris usi sunt. Prudenter enim sensit tunc incrementum Romano imperio petendum fuisse: cum intra septimum lapidē triumphī quærebantur. maiorem autem totius terrarum orbis partem possidenti, ut auidum esset quicquam ultra appetere: ita abunde felix, si nihil ex eo, quod obtinebat: amitteret. Neque alia eius in Censura moderatio pro tribunali apparuit. Cēturias recognoscens equitum, postquam C. Licinium Sacerdotem citatum



processisse animaduertit: dixit illum se scire uerbis conceptis peierasse. proinde si quis eum accusare uellet: usurum testimonio suo. sed nullo ad id negotium accedente: traduc equum, inquit, sacerdos: ac lucrifac censoriam notam: ne ego in tua persona, & accusatoris, & testis, & Ces. & iudicis partes egisse uidear.

De Q. Scaeuola.

Quod animi temperamentum etiam in Q. Scaeuola excellentissimo uiro adnotatum est. testis namque in reum productus, cum id respondisset: quod salutem periclitantis magnopere laesurum uidebatur, discedens adiecit. ita sibi credi oportere: si et alij idem asseuerassent: quoniam unius testimonio aliquem credere, pessimum esset exempli. & religioni igitur suae debitam fidem, & communi utilitati salubre consilium reddidit.

De Metello Macedonico.

entio quos ciues, quae ue facta eorum, ac dicta quae angusto ambitu orationis amplectar. sed cum magna mihi, & multa breuiter dicenda sint: claritate excellentibus: infinitis personis, rebusque circumfusus, utrumque praestare non possum. Itaque propositi quoque nostri ratio non laudanda sibi oia, sed recordanda sumpsit. Quapropter bona cum uenia duo Metelli, Macedonicus, et Numidicus, maxima patriae ornamenta, stricti se narrari patiuntur. Acerrime cum Scipione Africano Macedonicus dissenserat. eorumque ab emulatione uirtutis profecta contentio, ad graues, testatasque inimicitias progressa fuerat. Sed tamen cum interemptum Scipionem proclamari audisset: in publicum se proripuit maestoque uultu, et uoce confusa, concurrere, concurrere, inquit, ciues: moenia nostrae urbis euersa sunt. Scipio enim. n. Africae



no intra suos penates quiescenti, nefaria uis allata est. O' R. P. Pariter Africani morte miseram: & Macedonica tam humana, tamq; civili lamentatione felicē. Eodem enim tempore, & quantum amisisset principem: et qualem haberet, recognouit. Idem filios suos mouit: ut funebri eius lecto humeros subijcerent: atque huic exequiarum, illum honorem uocis adiecit: nō fore, ut postea id officium ab illis maiori uiro praeſtari poſſet. Vbi illa tot in curia iurgia? Vbi tā multae pro roſtris altercationes? Vbi maximorum ciuium, et duarum tantorū togata praelia? omnia nimirum iſta, praepua ueneratione proſequenda deleuit moderatio.

De Metello Numidico.

**N**umidicus autem Metellus populari factione patria pulſus, in Aſia ſeceſſit: in qua, cum ei forte ludos Trallibus ſpectanti literae redditae eſſent: quibus ſcriptum erat: maximo ſenatus, & populi conſenſu, reditū illi in urbem datum: non e theatro prius abiit: q̄ ſpectaculum ederetur. non lētitia ſuam proxime ſedentibus ulla ex parte patefecit: ſed ſummum gaudium intra ſe continuit. Eundem conſtat pari uultu & exulē fuiſſe, & reſtitutum. adeo moderationis beneficio, medius ſemper inter ſecundas, et aduerſas res animi firmitate uerſatus eſt.

De Catone poſteriore.

**T**ot familijs in uno genere laudis enumeratis: Porcium nomen uelut expers huiusce gloriae ſilentio praetercūdum ſe negat. Poſterior Cato non paruo ſummæ moderationis ſiſus indicio, Cypriacam pecuniā, maxima cum diligentia, & ſanctitate, in urbem deportauerat. cuius miniſterij gratia, ſenatus relationē interponi iubebat:



bebat: ut prætorij comitijs extra ordinem ratio eius haberetur. sed ipse id fieri passus non est, iniquum esse affirmans: quod nulli alij tribueretur: sibi decerni. ac nequid in persona sua nouaretur: campestem experi-ri temeritatem, q̃ curiæ beneficio uti, satius esse duxit.

De M. Bibulo.

**A**d externa iam mihi exempla transire conanti M. Bibulus uir amplissimæ dignitatis, & summus honoribus functus, manus iniicit: qui, cum in Syria moraretur prouincia: duos egregiæ indolis filios suos à Gabinianis militibus Aegypti occisos cognouit. Quorum interfectores ad eum uinctos Regina Cleopatra misit: ut grauissimæ cladis ultionem arbitrio suo exigeret. at ille oblato beneficio, quo nullum maius tribui luggenti potuerat: dolorem moderationi cedere cœgit: car- nificesq; sanguinis sui intactos e uestigio ad Cleopatram reduci iussit: dicendo, potestatem huius uindictæ non suam, sed senatus esse debere.

De Archyta Tarentino. Externa.

**T**arentinus Archytas, dum se Pythagoræ præceptis Metaponti penitus immergit: magno labore, longoq; tempore solidum opus doctrinæ complexus: postq̃ in patriam reuertit, ac rura sua reuisere cœpit: animaduertit negligentia uillici corrupta, et perditâ. intuesq; male meritum: sumpsissem, inquit, à te supplicium: nisi tibi iratus essem. maluit enim impunitum dimittere, quàm propter iram grauius iusto punire.

De Platone philosopho.

**N**imis liberalis Archytæ moderatio, temperatio Platonis. nã, cum aduersus delictum serui uehementius exar-



sisset : ueritus ne ipse modum uindictæ dispicere non posset : Speusippo amico, castigationis arbitrium mandauit : deforme sibi futurum existimans, si commisisset, ut parem reprehensionem culpa serui, & animaduersio Platonis mereretur. De eodem.

Quo minus miror, quod in Xenocrate discipulo suo tam constanter moderatus fuit. audierat enim eum multa de se impie locutū. sine ulla cunctatione criminationem respuit. instabat certo uultu index, quæres causam, cur sibi fides non haberetur. adiecit non esse credibile, ut quem tantopere amaret, ab eo inuicem non diligeretur. Postremo cū ad iusiurandū inimici asserentis malignitas confugisset : ne de periurio eius disputaretur, affirmauit nunquā Xenocratem illa dicturum fuisse, nisi ea dici sibi expedire iudicasset. Nō in corpore mortali, sed in arce cœlesti equidem armatum animū eius, uitæ stationem putes peregisse : humanorum uitiorum incursum a se inuicta pugna repellentē : cunctosq; uirtutis numeros, altitudinis suæ sinu clausos custodientem.

De Syracusano Dione.

Nequaquam Platoni literarum cōmendatione par Syracusanus Dion : sed quod ad præstandā moderationē attinet, uehementioris experimenti. Patria pulsus a Dionysio tyranno, Megaram petierat. ubi cum Theodorum principē eius urbis domi conuenire uellet : neq; admitteretur : multum, diuq; ante fores retentus, comiti suo, patienter hoc ferendum est, ait. forsitan enim & nos, cum in gradu dignitatis nostræ essemus : aliquid tale fecimus. qua tranquillitate consiliū, ipse sibi conditionem exiliū placidiorem reddidit.



## De Thrasibulo.

**T**hrasibulus etiam hoc loci apprehendendus est: qui populum Atheniensem. xxx. tyrannorum sæuitia sedes suas relinquere coactum, dispersamq; & uagam uitam miserabiliter exigentem: animus pariter, atq; armis confirmatum, in patriam reduxit. Insignem deinde restitutione libertatis uictoriã, clariorem aliquanto moderationis laude fecit. Plebis enim scitum interposuit: ne qua præteritarum rerum mentio fieret. hæc obliuio, quam Athenienses ἀμνησία uocant, concussum, & labentem ciuitatis statum, in pristinum habitum reuocauit.

## De Stasippo Tegeate.

**N**on minoris admirationis illud. Stasippus Tegeates, hortatibus amicis, ut graue in administratione R. P. æmulum, sed alioqui probum, & ornatum uirum, qualibet ratione uel tolleret, uel summoneret: negauit se facturum. ne quæ in tutelam patriæ bonus cuius locum obtineret: malus & improbus occuparet. seq; potius uehementer aduersario urgeri, quàm patriã egregio aduocato carere, præoptauit.

## De Pittaco.

**P**ittaci quoq; moderatione pectus instructum: qui Alcæum poetam & amaritudine odij, & uiribus ingenij aduersus se pertinacissime usum, tyrannidem à ciuibus Mitylenæ delatam adeptus, tantummodo quid in opprimendo posset: admonuit.

## De septem sapientibus.

**H**uius uiri mentio subiicit, ut de septem sapientum moderatione referam. A piscatoribus in Milesia regione uerriculum trahētibus, quidã iactum emerat. extraxerunt deinde magni pōderis aurea Delphica mensa, orta.



VAL. MAX.

controuersia est: illis piscium se capturā uendidisse as-  
firmantibus: hoc, fortunæ ductus emisse dicēte. qua cō-  
tentione propter nouitatem rei, & magnitudinē pecu-  
niæ, ad uniuersum eius ciuitatis populum delata, pla-  
cuit Apollinem Delphicum cōsuli, cuinam adiudicari  
mensa deberet. Deus respondit, illi esse dandam: qui  
sapientia cæteros præstaret, his uerbis græcis.

Εκδοτε μιλίη του τρί ποδος περί σοῖβον ἐρωτῆς.

Ὁς σοφίη πάντων πρῶτος, τούτῳ τρί ποδ' ἀνδρῶ.

Tunc illi consensu Thaleti mensam dederunt. ille æs-  
sit eam Bianti: Bias Pittaco: is protinus alij: deincepsq;  
per omnium septem sapientū orbem, ad ultimum, ad  
Solonem peruenit: qui et titulum amplissimæ pruden-  
tiæ, & præmium ad ipsum Apollinem transtulit.

De Theopompo.

A tq; ut Theopompo quoq; Spartanorum Regi modera-  
tionis testimonium reddamus: cum primus instituisset,  
ut Ephori Lacedæmone crearētur: ita futuri regiæ po-  
testati oppositi, quēadmodum Romæ consulari impe-  
rio Tribb. pl. sunt obiecti: atq; illi uxor dixisset, id egis-  
se illū, ut filiis minorem potestatem relinqueret: relin-  
» quam, inquit, sed diuturniorem. optime quidem. ea. n.  
» demum tuta est potentia: quæ uiribus suis modum im-  
» ponit. Igitur Theopompus legitimis regnum uinculis  
constringendo: quo longius à licentia retraxit: hoc ad  
beneuolentiam ciuium propius admonuit.

De Antiocho.

A ntiochus autem à L. Scipione ultra Taurum montē  
imperij finibus summotus: cum Asiam prouinciam,  
uicinasq; ei gentes amisisset: gratias agere P. R. non



disſimulanter tulit : quòd nimis magna procuratione liberatus , modicis regni terminis uteretur . Et ſane nihil eſt tam præclarum, aut tam magnificum: quod non moderatione temperari deſyderet.

DE IIS, QVI EX INIMICIS, IVNCTI  
SVNT AMICITIA, ET NECESSI  
TVDINE. Caput II.

Væ quoniam multis , & claris authoribus  
q illustrata eſt: tranſgrediamur ad egregium  
humani animi affectum : quem ab odio ad  
gratiam deſlexum, & quidem eum læto ſtylo proſe-  
quamur. nam ſicut placidum mare ex aſpero, cœlumq;  
ex núbilo ſerenũ hilari aspectu ſentitur: ſic bellũ pace  
mutatum, plurimum gaudiũ affert . offenſarum etiam  
acerbitas depoſita, candida relatione celebranda eſt.

De M. Aemilio Lepido.

M. Aemilius Lepidus bis Cos. & Pont. Max. ſplendoreq;  
honorum, par vitæ gravitate, diutinas, ac uehemen-  
tes inimicitias cum Fulvio Flacco eiufdem amplitudi-  
nis viro geſſit: quas, ut ſimul Cæſ. renuntiati ſunt: in  
campo depoſuit: exiſtimans non oportere eos priuatis  
odijs diſſidere, qui publice ſumma iuncti eſſent poteſta-  
te. id iudicium animi eius & præſens ætas compro-  
bavit: & nobis ueteres annalium ſcriptores laudan-  
dum tradiderunt. De Sex. Liuiſ Salinatore.

icuti Liuij quoq; Salinatoris. finiendarũ ſimultatum  
illuſtre conſilium ignotum poſteritati eſſe noluerunt.  
Is nanq; & ſi Neronis odio ardens in exilium proſe-



Etus fuerat, testimonio eius præcipue afflictus: tamen, postquã eum inde reuocatum ciues collegam illi in consulatum dederunt: et ingenij sui, quod erat acerrimũ, & iniuriæ, quam grauissimã acceperat, obliuisci sibi imperauit. ne, si dissidente animo consortium imperij usurpare uoluisset, pertinacem exhibendo inimicum, malum Cos. ageret. quæ quidem mentis ad tranquillorem habitum inclinatio, in aspero, ac difficili temporum articulo, plurimum salutis urbi nostræ, atque Italiæ attulit: quia pari uirtutis impetu connixi, terribiles Punicas uires contuderunt.

De Africano, & Tiberio.

**C**larum etiam in Africano superiore, ac Tib. Graccho depositarum inimicitiarum exemplum. siquidem ad cuius mensæ sacra, odio dissidentes uenerant: ab ea et amicitia, & affinitate iuncti discesserunt. non contentus enim Scipio authore senatu, in Capitolio, Iouis epulo cũ Graccho concordia cõmunicasse: filiam quoq; ei Corneliã protinus ibidẽ despondit. De Cicerone.

**S**ed huiusce generis humanitas etiã in M. Cicerone præcipua apparuit. A. nanq; Gabinium repetundarum reũ summo studio defendit: qui eum in consulatu suo urbe expulerat. Idemq; P. Vatiniũ dignitati suæ semper infestum, duobus publicis iudicijs tutatus est: ut sine ullo crimine leuitatis; ita cum aliqua laude. quia speciosius aliquanto iniuriæ beneficijs uincuntur: quàm mutui odij pertinacia pensantur.

De P. Clodio Pulchro.

**C**iceronis autẽ factum adeo uisum est probabile: ut imitari id, ne inimicissimus quidem illi P. Cl. Pulcher du-



bitauerit. qui incesti crimine à tribus Lentulis accusatus, unum ex his ambitus reum patrocinio suo protexit: atq; in animum induxit, & iudicem, & Præ-  
& testem, Vestæ ædem intuens, amicum Lentulo agere. intra quam ille salutem eius fædo crimine obruere cupiens, hostili uoce perorauerat.

De Caninio Gallo.

Caninius autem Gallus reum pariter, atq; accusatorem admirabile egit: & C. Antoniū, quē damnauerat, filiam in matrimoniū ducendo, & M. Colonium, à quo damnatus fuerat, rerū suarū procuratorem habendo.

De Cælio Rufo.

Cælij uero Rufi ut uita inquinata, ita misericordia: quæ Q. Pompeio præstitit probanda. cui à se publica quæstione prostrato, cū mater Cornelia fidei commissæ prædia nō redderet: atq; iste auxiliū suū literis implorasset: pertinacissime absenti affuit. Recitauit et eius epistolā in iudicio, ultimæ necessitatis indicē: qua impiā Corneliæ auaritiā subuertit. factū propter nimiam, et eximiam humanitatē, ne sub Celio quidē authore repudiandū.

## DE ABSTINENTIA, ET CONTINENTIA.

### Caput III.

Agna cura, præcipuoq; studio referendum  
est: quantopere libidinis, et auaritiæ furorisimiles impetus, ab illustriū uirorū pectoribus, consilio, ac ratione summoti sunt. quia iūdemum penates, ea ciuitas, id regnum æterno in gradu facile steterit: ubi minimum uirium ueneris, pec-



niæq; cupido sibi uendicauerit. Nam quo istæ generis humani certissimæ pestes penetrauerint: iniuria domi natur: infamia flagrat. igitur contrarios his tam diris uitijis mores commemoremus. De Scipione.

Quartum & uicesimum annum agens Scipio, cum in Hispania, Carthagine oppressa maioris Carthaginis capiendæ sumpsisset auspicia: multosq; obsides, quos in ea urbe Pœni clausos habuerant: in suam potestatem redegisset: eximæ inter eos formæ uirginem ætatis adultæ, & iuuenis, & cœlebs, & uictor postquã comperit illustri loco inter Celtiberos natam, nobilissimôq; gentis eius Indibili desponsatã: acersitis parentibus, & sponso inuiolatam tradidit. aurum quoq; pro redemptione puellæ allatũ erat: summæ dotis adiecit. Qua continentia, ac munificentia, Indibilis obligatus, Celtiberorum animos Romanis applicando, meritis eius gratiam debitam retulit. De M. Catone.

Verum ut huius uiri abstinentiæ testis Hispania: ita M. Catonis Epiros, Achaia, Cyclades insulæ, maritima pars Asiæ, prouincia Cypros. unde cum pecuniæ deportandæ ministerium sustineret: tam auersum animum ab omni Venere, quàm à lucro habuit: in maxima utriusq; intemperantiæ uersatus materia. nam & regie diuitiæ potestate ipsius continebãtur: & fertilissimæ deliciarum totius Græciæ urbes, necessaria totius nauigationis diuertacula erant. atq; id Munatius Rufus Cypriacæ expeditionis fidus comes, scriptis suis significat: cuius testimonium non amplector. propria enim argumento laus ista nititur: quoniam ex eodem naturæ utero & continentia nata est, & Cato.



## De Druso Germanico.

**D**rusum etiam Germanicum eximiam Claudiae familiae gloriam, fratrem Tiberij, patriæq; rarum ornamentum, & quod super omnia est, operum suorum pro habitu ætatis magnitudine, uirico pariter, ac fratri Augusto, duobus R. P. diuinis oculis, mirifice respondentem, constat, usum Veneris intra coniugis charitatem clausum tenuisse.

## De Antonia.

**A**ntonia quoq; fœmina laudibus uirilem familiae suae claritatem supergressa, amorem mariti sui egregia fide pensauit. quæ post eius excessum, forma, & ætate florens, cubiculum socrus pro coniugio habuit, in eodemq; toro alterius adolescentiæ uigor extinctus est, alterius uiduitatis experientia consenuit. hoc cubiculum talibus experimentis summam imponat.

## De Cn. Martio.

**D**inceps his uacemus: quorum animus aliquo in momento ponendi pecuniam nunquam uacauit. Cn. Martius patritiæ gentis adolescens, Anci Regis clara progenies, cui Corioli Volscorum oppidum captum cognomen adiecit: cum editis conspicuæ fortitudinis operibus, à Posthumio Communio Cos. accurata oratione apud milites laudatus, omnibus donis militaribus, & agri. c. iugeribus, & decem captiuorum electione, & totidem ornatis equis, centenario bouum grege, argentoq; quantum sustinere ualuisset: donaretur: nihil ex his, præter unius captiui salutem hospitis, equumq; quo in acie uteretur: accipere uoluit. Qua tam circumspecta animi moderatione, nescias utrum maiore cum laude præmia meruerit, an reiecerit.



**M.** autem Curius exactissima norma Romanae frugalitatis, idemque fortitudinis perspectissimum specimen, Samnitum legatis agresti se in scamno assidentem foco, ad ligneo catino coenantem: quales epulas apparatus inditio est: spectandum praeiuit. Ille enim Samnitum diuitias contempsit. Samnites eius paupertatem mirati sunt. nam cum ad eum magnum auri pondus publice missum attulissent: benignus uerbis inuitatus: ut eo uteretur: uultum risu soluit: protinusque, supernacuae, inquit, ne dicam ineptae legationis ministri, narrate Samnitibus M. Curium malle locupletibus imperare: quam ipsum fieri locupletem. atque istud, ut pretiosum, ita malo hominum excogitatum munus refertote: et memento me nec acie uinci: nec pecunia corrumpi posse. Idem, cum Italia Pyrrhum regem exegisset: nihil omnino ex praeda regia, qua exercitum, urbemque ditauerat: attigit. decretis etiam à Senatu septenis iugeribus agrum populo: sibi autem quinquaginta: popularis assignationis modum non excessit. parum idoneum R. P. ciuem existimans: qui eo, quod reliquis tribueretur: contentus non esset.

De Fabricio Lucano.

**I**dem sensit Fabricius Lucinus honoribus, et auctoritate omni ciuitate temporibus suis maior. censu par unicuique pauperrimo: qui à Samnitibus, quos uniuersos in clientela habebat: decem aeris, et quinque pondo argenti, totidemque seruos sibi missos, in Samnium remisit: continentiae suae beneficio sine pecunia praedines: sine usu familiae abunde comitatus. quia locupletem illum faciebat, non multa possidere: sed modica desiderare.



ergo domus eius, quemadmodū ære, et argento, et man-  
cipijs Samnitum uacua, ita gloria ex his contemptis  
parta, referta fuit. De eodem Fabricio.

Consentanea repudiatis donis Fabricij uota extiterunt.  
legatus enim ad Pyrrhum profectus, cum apud eum  
Cyneam Theſſalum narrantem audisset: quendam  
Atheniensem clarum sapientia, suadentem nequid  
aliud homines, quā uoluptatis causa facere uellent:  
pro monstro eam uocem accepit: continuoq; Pyrrho, et  
Samnitibus istam sapientiā deprecatus est. licet Athe-  
næ doctrina sua glorientur: uir tamen prudens, Fa-  
bricij detestationem, quā Epicuri maluit præcepta.  
» quod euentus quoq; indicauit. Nam quæ urbs uolupta-  
» ti plurimum tribuit: imperium maximum amisit.  
» quæ labore delectata est: occupauit. Et illa libertatem  
tueri non ualuit: hæc etiam donare potuit.

De Q. Tuberone Catelio.

Curij, et Fabricij Q. Tiberonem cognomine Catilium  
discipulum fuisse merito quis existimauerit. cui consu-  
latū gerenti, cū Aetolorū gens omnis usus uasa argen-  
tea, magno pondere, exquisita arte fabricata, per lega-  
tos misisset: qui superiori tēpore gratulandi causa ad  
eū profecti retulerant: fictilia se in eius mensa uasa ui-  
disse: monitos ne continentiae, quasi paupertati succur-  
rendū putarent: cū suis sarcinis abire iussit. quā be-  
ne Aetolicis domestica prætulerat: si frugalitatis eius  
exēplū posterior ætas sequi uoluisset. nūc quò uentū  
est? à seruis uix impetrari potest: ne eā supellectilē fa-  
stidiāt: qua uti Cos. nō erubuit. De Paulo Aemilio.  
At Perse Rege deuicto Paulus, cum macedonicis opibus,



V A L. M A X.

ueterem, atq; hæreditariam urbis nostræ paupertatem eo usq; satiasset : ut illo tempore primum P. R. tributi præstandi onere se liberaret : penates suos nulla ex parte locupletiores fecit. præclare secū actum existimans: quòd ex illa uictoria alij pecuniam, ipse gloriam occupasset.

De Q. Fabio Gurgite. C. Numerio Fabio Pictore, & Q. Vgolino.

**A**tq; huic animi eius iudicio. Q. Fabius Gurges. C. Numerius. Fabius pictor. Q. Vgolinus se subscripserunt. qui legati ad Ptolemæum Regem missi, munera, quæ ab eo pruatim acceperant: in ærarium quidem prius, quàm ad senatum legationem referrent : detulerunt. scilicet de publico ministerio nihil cuiquam præter laudem bene administrati officij accedere debere iudicantes. Iam illud humanitatis senatus, & attentæ maiorum disciplinæ indicium est. data sunt enim legatis, quæ in ærariū reposuerant, non solum Patrum C. decreto, sed etiam populi permissu. eaq; legatis Quæss. prompte unicuiq; distribuerūt. ita in iisdem, Ptolemæi liberalitas, legatorum abstinentia, senatus ac populi æquitas debitam probabilis facti portionem obtinuit.

De Calpurnio Pisone.

**F**abiorum, & Vgolini continentia Calpurnium Pisonē in consimili genere laudis æmulum fuisse, res ipsa documento est. Cos. graui fugitiuorum bello à se liberata Sicilia, eos, quorum præcipua opera usus fuerat: imperatorio more donis prosequabatur. inter quos filium suū aliquot locis præliatū fortissime, titulo trium librarum aureæ coronæ decorauit: præfatus non oportet



tere à magistratu è publica pecunia erogari, quod in ipsius domum reditarum esset. tantumq; ponderis se testamento adoleſcenti legaturum promisit: ut honorem publice à duce, pretium priuatim à patre reciperet.

De Catone superiore.

Age si quis hoc seculo uir illustris pellibus hædinis prostragulis utatur: tribusq; seruis comitatus Hispaniã regat: et quingentorũ assium sumptu transmarinã provinciam petat: eodem cibo, eodemq; uino, quo nautæ, uti contentus sit: non ne mirabilis existimetur? atqui ista patientissime superior Cato tolerauit: quia illũ grata frugalitatis consuetudo, in hoc genere uitæ, cum summa dulcedine continebat.

De Catone posteriore.

Multum à prisca continentia spatio annorum posterior Cato discedit: utpote in ciuitate iam diuite, et lautitia gaudente natus. is tamen, cum bellis ciuilibus interesset, filium secum trahens, duodecim seruos habuit: numero plures, q̃ superior: temporũ diuersis moribus, pauciores. Exultat animus maximorum uirorum memoriam percurrrens.

De Scipione Aemiliano.

Scipio Aemilianus post duos inclytos consulatus, totidemq; suæ præcipuæ gloriæ triumphos, septem seruis sequentibus officio legationis functus est. et puto Carthaginis, ac Numantiæ spolijs cõparare plures potuerat: nisi operum suorũ ad se laudẽ, manubias ad patriam redundare maluisset. Itaque cum per socios, et exterarum gentes iter faceret non mancipia eius, sed uictoriæ numerabantur. nec quantũ auri, et argenti, sed quantum amplitudinis pondus secum ferret: æstimabatur. continentia uero etiã uniuersis plebis animus sæpe



V A L. M A X.

numero cognita est. sed abunde erit ex his duo exemplis longe inter se distantium seculorum, retulisse.

De Pyrrho.

**P** yrrhus impetus sui terrore soluto, ac iam Epiroticis armis languentibus beneuolentiam P. R. mercari, quia uirtutem debilitare nequiuerat, cupiens, penè totum regiarum opum apparatus in urbem nostram trāstulit. Cæterum cum & magni pretij, & uarij generis à legatis eius, tam uirorum, quàm foeminarum apta usui munera circa domos ferrentur: nulla cuiquam domo ianua patuit. Tarētinae q; petulantiae animosus magis, quàm efficax defensor, haud scio maiore cum gloria huius urbis, armis, quàm moribus repulsus sit.

De C. Mario, & L. Cinna.

**I** n illa quoque procella, quam C. Marius, & L. Cinna R. P. inflixerant: abstinentia P. R. mirifica conspecta est. Nam, cum à se proscriptorum penates, uulgi manibus diripiendos abiecissent: inueniri potuit nemo: qui civili luctu prædam peteret. unus enim quisque se ab his, perinde ac sacris ædibus abstinuit. Quæ quidem tam misericors continentia plebis, tacitum crudelium uictorum conuitium fuit.

Externa.

De Pericle.

**A** c, ne eiusdem laudis commemorationem externis inuideamus: Pericles Atheniensium princeps, cum tragicæ diarum scriptorē Sophoclem in Prætura collegam haberet: ac is publico officio unà districtus, pueri ingenii prætereuntis forma impensioribus uerbis laudasset: intemperantiâ eius increpitans, dixit. Præt. nō solum manus à pecuniæ lucro, sed etiam oculos à libidinoso



aspectu continentes esse debere.

De Sophocle.

Sophocles autē aetate iam senior, cum ab eo quidā quæ-  
reret, an etiamnum rebus uenereis uteretur: Dī melio-  
ra inquit. libenter enim istinc tanquam ex aliqua  
furiosa profugi dominatione.

De Xenocrate.

A equæ abstinentis senectæ Xenocratē fuisse accepimus:  
cuius opinionis non parua fides erit narratio: quæ se-  
quitur. in peruigilio Phryne nobile Athenarum scor-  
tum iuxta eum uino grauem accubuit, pignore cum  
quibusdam iuuenibus posito, an temperantiā eius cor-  
rumpere posset. quam nec tactu, nec sermone asperna-  
tus: quoad uoluerat in sinu suo moratā, propositi ir-  
ritam dimisit. factum sapientia imbuti animi absti-  
nens. sed meretriculæ quoq; dictum perquam facetū.  
deridentibus enim se adolescentibus, quia tam formo-  
sa, tamq; elegans poti senis animum illecebris pellicere  
non potuisset: pactumq; uictoriæ pretium flagitanti-  
bus, de homine se cum ijs, non de statua pignus posuisse  
respondit. potest ne Xenocratis continentia a quoquā  
magis uere, magisq; proprie demonstrari: quā ab  
ipsa meretricula expressa est? Phryne pulchritudine  
sua, nulla ex parte constantissimam eius continentiam  
labefecit. Quid Rex Alexander? diuitijs eum qua-  
tere potuit? ab illo quoq; statuam equidē æque frustra  
tentatam putes. legatos ad eum cum aliquot talēis mi-  
serat: quos in Academiam perductos solito sibi, idest  
modico apparatu, et admodū paruis copijs excepit.  
postero die interrogātibus, cui nā adnumerari pecuniā  
uellet: quid uos, inq; hesternā cœna non intellexistis:  
ea me non indigere? ita Rex Philosophi amicitia emere



noluit: philosophus Regi suam uendere noluit.

De Diogene.

Alexander uero cognomen inuicti affectus continentia Diogenis Cynici uincere non potuit. ad quem, cum in Sole sedentem accessisset: hortareturq; ut si qua sibi praestari uellet, indicaret: quemadmodum erat in crepidine collocatus, sordidae appellationis, sed robustae uirpraestantiae, mox inquit de caeteris: interim uelim a Sole mihi non obstes. quibus uerbis illa nimirum inhaesit sententia. Alexander Diogenem gradu suo diuitijs pellere tentat. celerius Darium armis. Idem Syracusis, cum olera ei lauanti Aristippus dixisset: si Dionysio adulari uelles: ista non esses. immo, inquit, si tu ista esse uelles: Dionysio non adulareris.

#### DE PAUPERTATE.

Caput IIII.

De Cornelia.

Maxima ornamenta esse matronis liberos apud Pomponium Rufum collectorum libro sic inuenimus. Cornelia Gracchorum mater, cum Campana matrona apud illam hospita, ornamenta sua pulcherrima seculi illius ei ostenderet: traxit eam sermone, quousq; e schola redirent liberi: & haec, inquit, ornamenta mea sunt. Omnia nimirum habet: qui nihil concupiscit. eo quidem certius, quam qui cuncta possidet. quia dominium rerum collabi solet. bonae mentis usurpatio nullum tristioris Fortunae recipit incrementum. Itaque quorsum attinet, aut diuitias in prima felicitatis



licitatis parte, aut paupertatem in ultimo miseriarum statu ponere? cum & illarum frons hilaris, multis intus amaritudinibus sit referta: et huius horridior aspectus, solidis, & certis bonis abundet. quod melius personis, quàm uerbis repræsentabitur.

De Valerio Publicola.

Regio imperio propter nimiam Tarquinij superbiam finito, consulatus initium Valerius Publicola cum Iunio Bruto auspiciatus est. Idemq; postea tres consulatus acceptissimos P. R. gessit: & plurimorum, ac maximorum operum prætextu, titulum imaginum suarum amplificauit. cum interim fustorum illud columen, patrimonio ne ad exequiarum quidem impensam sufficere, decessit: ideoq; publice pecunia ductæ sunt. non attinget ulteriore disputatione tanti uiri paupertatem scrutari. Abunde enim patet, quid uiuus possederit: cui mortuo lectus funebris, & rogos defuit.

De Menenio Agrippa.

Quantæ amplitudinis M. Menenium Agrippam fuisse arbitremur: quem senatus, & plebs pacis inter se faciendæ authorem elegit? quantæ scilicet esse debuit arbitri publicæ salutis. Hic, nisi à populo collatis in capita sextantibus funeratus esset: ita pecuniæ inops decessit: ut sepulturæ honore caruisset. uerum ideo perniciose seditione diuidua ciuitas, manibus Agrippæ in unum contrahi uoluit: quia eas pauperes quidem, sed sanctas animaduenerat. cuius ut superstitis nullum fuit: quod in censum deferretur: ita extincti hodie, quod amplissimum est patrimonium, Romana concordia.

Val. Max.

l



VAL. MAX.

De C. Fabricio, & Q. Aemilio.

**I**n C. uero Fabricij, & Q. Aemilij Pappi principum seculi sui domibus, argentum fuisse confitear oportet. uterq; enim patellam deorum, & salinum habuit. Sed eo lautius Fabricius: quod patellam suam Corneo pediculo sustineri uoluit. Pappus quoq; satis animose, qui, cum hereditatis nomine ea accepisset: religionis causa abalienanda non putauit. Illi etiam praediuites, qui ab aratro acersebantur: ut Coss fierent: uoluptatis causa sterile, atque aestuosissimum Pupinae solum uersabant: deliciarumq; ignari uastissimas glebas plurimo cum sudore dissipabant. immo uero, quos periculosa R. P. imperatores acersebant: angustiae rei familiaris (quid cessio proprium nomen ueritati reddere?) bubulcos, fieri cogebant.

De Attilio Calatino.

**A**ttilium autem, qui ad eum acersendum a senatu missi erant ad imperium P. R. suscipiendum: semen aspergentem uiderunt. sed illae rustico opere attritae manus, salutem publicam stabilierunt. Ingentes hostium copias pessundederunt. Quaeq; modo arantium bouum iugum rexerant: triumphalis currus habenas retinuerunt. nec fuit ijs rubor, eburneo scipione deposito, agrestem suam aratri repetere. potest pauperes consolari Attilius: sed multo magis docere locupletes, q non sit necessaria solidae laudis cupidini, anxia diuitiarum comparatio.

De Attilio Regulo.

**E**iusdem nominis, & sanguinis Attilius Regulus primi punici belli gloria, cladesq; maxima. cum in Africa in soletissimae Carthagini opes, crebris uictorijs contun-



deret: ac prorogatum sibi ob bene gestas res in proximum annum imperium cognouisset: Coss. scripsit, uillicum in agello, quem septem iugerum in Pupinia habebat: mortuum esse: occasionemq; nactum mercenarium, amoto inde rustico instrumento discessisse: ideoq; petere, ut sibi successor mitteretur: ne deserto agro non esset unde uxor, ac liberi sui alerentur. Quæ postquam senatus à Coss. accepit: et agrum alij uillico colendum locari: et alimenta coniugi eius, ac liberis præberi: resq; quas amiserat: redimi publice iussit. Tanti ærario nostro uirtutis Attilianæ exemplum, quo omnis ætas Romana gloriabitur: stetit.

De Quintio Cincinnato.

etq; magna latifundia L. Quintij Cincinnati fuerunt. Septem enim iugera agri possedit. ex his tria, quæ pro amico ad ærarium obsignauerat: multæ nomine amisit. pœnam quoq; pro filio Cesone, quod ad causam dicendam non occurrisset: huius agelli reditus soluit. Et tamen ei quatuor iugera aranti, non solum dignitas patrisfamilie constitit: sed etiam dictatura delata est. anguste se habitare nunc putat: cuius domus tantum patet: quantum Cincinnati rura patuerunt.

De Aelia familia.

Quid Aelia familia, quæ locuples? sexdecim eodem tempore Aelij fuerunt: quibus una domuncula fuerat eodem loci: quo nunc sunt Mariana monimenta: et unus in agro Veiente fundus, minus multo cultores desiderans, quam dominos habebat: In quo maximo circo Flamini spectaculi locus. quæ quidem loca ob uirtutem publice donata possidebant. Eadem gens nullum ante scrupulum



Argenti habuit: quàm Paulus Perse Rege deuicto Q. Aelio Tuberoni genero suo quinque pondo argenti ex præda donaret. Taceo enim quod princeps ciuitatis filiam ei nuptui dedit: cuius pecunia tam ieiunos penates uidebat: quin ipse quoq; adeo inops decessit: ut nisi fundus, quem unū reliquerat: uenisset: uxor eius dotem unde reciperet: non extitisset. Animi uirorum, & foeminarum uigebant in ciuitate: eorumq; bonis, dignitatis aestimatio cunctis in rebus ponderabatur. hæc imperia conciliabant: hæc iungebant affinitates: hæc in foro: hæc in curia: hæc intra priuatos parietes, plurimum poterant: patriæ enim rem unusquisq; nõ suā, augere properabat: pauperq; in diuite, quàm diues in paupere imperio uersari malebat. atq; huic tam præclaro proposito illa merces reddebatur: quòd nihil eorum, quæ uirtuti debentur, emere pecunia licebat: inopiæq; illustrium uirorum, publice succurrebatur.

## De Cn. Scipione.

I taq; cū secundo Punico bello Cn. Scipio ex Hispania senatui scripsisset: petens ut sibi successor mitteretur. quia filiam uirginem adultæ iam ætatis haberet: neq; ei sine se dos expediri posset: senatus ne res publica bono duce careret: patris sibi partes desumpsit: consilioq; uxoris, ac propinquorū Scipionis constituta dote, summam eius ex ærario erogauit: ac puellam nuptui dedit. dotis modus. xl. millia æris fuit. qua non solum humanitas Patrum. C. sed etiam habitus ueterum patrimoniorum cognosci potest. nanq; adeo fuerunt arcta, ut Tacia Cæsonis filia maximā dotem ad uirū. x. millia æris attulisse uisa sit. & Megulia, quia cum



quingentis millibus æris mariti donum intrauit, dotata cognomen inuenerit. Idem senatus Fabricij Lucini, Scipionisq; filias ab indotatis nuptijs liberalitate sua uindicauit: quoniã paternæ hæreditati præter opimam gloriã, nihil erat, quod acceptum referret.

De M. Scauro.

M. autem Scaurus quantulam à patre hæreditatem accepit, in primo libro eorum, quos de uita sua scripsit: refert. ait enim sibi decem sola mancipia, totumq; censum quinq; atq; triginta millium nummum relictum. in hac enim ille pecunia futurus senatus princeps nutritus est spiritus. Hæc igitur exempla respicere: his acquiescere solatijs debemus: qui paruulos census nostros nunquam querelis uacuos esse sinimus. nullum autem uel admodum parui ponderis argentum: paucos seruos: septem iugera aridæ terræ: indigentia domestica impensa funera: inopes dotum filias: sed egregios consulatus: mirificas dictaturas: innumerabiles triumphos cernimus. Quid ergo mendicam Fortunam quasi præcipuum generis humani malum diuurnis conuitijs laceramus? quæ ut non abundatibus, ita fidis uberibus Publicolas, Aemilios, Fabricios, Curius, Scipiones, Scauros, hisq; paria robora uirtutis aluit. exurgamus potius animis: pecuniæq; aspectu debilitatos spiritus, pristini temporis memoria recreemus. nanq; per Romuli casam, perq; ueteris Capitoliij humilia tecta, et æternos Vestæ focos, fictilibus etiamnum uasis contentos, iuro, nullas diuitias, paupertati talium uirorum posse præferri.



**E** Qua tempestiuus ad uerecundiam transitus uidetur. Hæc enim iustissimus uiris præcepit: ut priuatas facultates negligerent: publicas quamplurimas esse cuperent. digna cui perinde ac cœlesti nummi templa extruantur: aræq; consecrentur: quia parens est omnis honesti consilij: tutela solennium officiorum: magistra innocentiae: cara proximis: accepta alienis: omni loco, omni tempore, fauorabilem præ se ferens uultum.

De populi Verecundia.

**S**ed ut à laudibus eius ad facta ueniamus: à condita urbe usq; ad Africanum, & Tiberium longum Coss. promiscuus senatui, et populo spectandorum ludorum locus erat. nunquam tamen quisquā ex plebe in theatro ante P.C. spectare sustinuit. Adeo circumspecta nostræ ciuitatis uerecundia fuit. Quæ quidem certissimum sui documentum etiam illo die exhibuit: quo L. Flaminius extrema in parte theatri constitit. qui à M. Catone, et L. Flacco Coss. senatu motus fuerat. consulatus iam honore defunctus, frater etiam T. Flaminij, Macedoniae, Philippiq; uictoris omnes. n. eum transire in locum dignitati suæ debitum cœgerunt.

De Terentio Varrone.

**C**onfregit R. P. Terentius Varro Cannensis pugnae temerario ingressu. idē delatam sibi ab uniuerso senatu & populo dictaturam recipere non sustinendo, pudore culpam maximæ cladis redemit: efficitq; ut acres decorum iræ modestia ipsius moribus imputarentur.



Itaq; titulo imaginis eius speciosius non recepta dictatura, q̄ aliorum gesta ascribi potest.

De Cn. Scipione, & Scriba Cicereio.

Nos autem ad præclarum uerecundiæ opus transgrediamur. magna cum inuidia fortuna prætorij comitijs Africani superioris filium Cn. Scipionem & scribam Cicereium in campum deduxerat: utq; nimis impotens sermone uulgi carpebatur: quod tanti uiri sanguinem, clientelamq; comitiali certamine confuderat. Cæterum crimen eius in suam laudem Cicereius conuertit. Nam ut uidit omnibus se centurijs Scipioni anteferri: tēplo descendit: abiecta q; candida toga competitoris sui suffragatorem agere cœpit: ut scilicet præturam melius Africani memoriæ concederet: q̄ sibi uendicaret. necnon, & si maximo uerecundiæ pretio, Scipio tunc honorem adeptus est: Cicereio tamen magis gratulati sunt.

De L. Crasso.

Aene protinus comitijs abeamus, consulatum petens. L. Crassus, cum omnium candidatorum more, circum forum supplex populo ire cogeretur: nunquam adduci potuit: ut id præsentē Q. Scæuola grauiſſimo, & sapientiſſimo uiro socero suo faceret. Itaq; rogabat eum: ut a se, dum ineptæ rei inseruiret: discederet. maiorem uerecundiā dignitatis eius, q̄ candidæ togæ suæ respectum agens.

De Pompeio Magno.

Pompeius autem Magnus Pharsalica acie uictus à Cæsare, cum postero die Larissam intraret, oppidiq; illius uniuersus populus obuiā ei processisset: ite, inquit, & istud officium præstate uictori. dicere non dignus qui uinceretur; nisi à Cæsare esset superatus. certe mo



destus in calamitate. Nam, quia dignitate sua uti iam non poterat: usus est uerecundia.

De C. Iulio Cesare.

Quam præcipuam in C. quoque Cesare fuisse sæpenu-  
mero apparuit: & ultimus eius significauit dies. com-  
pluribus enim paricidarum uiolatus mucronibus, in-  
ter ipsum illud tempus, quo diuinus spiritus mortali  
se cernebatur à corpore: ne tribus quidem & uiginti  
uulneribus, quin uerecundiae obsequeretur: absterreri  
potuit. siquidem utraq; togam manu demisit: ut infe-  
rior pars corporis tecta collaberetur. in hunc modum  
non homines expirant: sed Dij immortales sedes suas  
repetunt. Externa. De Spurina.

Quod sequitur, externis adnectam: quia ante gestum est, q̃  
Hetruriae ciuitas daretur. Excellētis in ea regione pul-  
chritudinis adolescens nomine Spurina, cum mira spe-  
cie complurium foeminarum illustriū sollicitaret oculos:  
ideoq; uiris, ac parentibus earum se suspectum  
esse sentiret: oris decorem uulneribus confudit: defor-  
mitatemq; sanctitatis suae fidem, q̃ formam irritamen-  
tum alienae libidinis esse maluit.

De quodam sene Atheniensi.

Athenis quidam ultimae senectutis, cum spectatum lu-  
dos in theatrum uenisset: eumq; nemo e ciuibus sessum  
reciperet: ad Lacedaemoniorū legatos forte peruenit:  
qui hominis ætate moti, canos eius, et annos, assurgen-  
di officio uenerati sunt: sedemq; ei inter ipsos honora-  
tissimo loco dederunt. quod ubi fieri populus aspexit:  
maximo plausu, alienae urbis uerecundiā cōprobauit.  
ferunt tunc unū e Lacedaemonijs dixisse: ergo Athe-



nenses, quid rectum sit sciunt: sed id facere negligunt.

DE AMORE CONIVGALI. Caput VI.

Placido, & leni affectu, ad æque honestum, uerū aliquanto ardentiolem, et concitatiolem pergam: legitimūq; amoris quasi quasdam imagines, non sine maxima ueneratione contemplandas lectoris oculis subiiciam. ualenter inter coniuges stabilita fidei opera percurrrens, ardua imitatu, cæterum cognosci utilia: quia excellentissima animaduertenti, ne mediocria quidem præstare: rubori oportet esse.

De Tib. Graccho.

Tib. Gracchus anguib. domi suæ, mare, ac fœmina apprehēsis: certior factus ab aruspice mare dimisso, uxori eius, fœmina, ipsi celerē obitum instare: salutarem coniugi potius, q̄ sibi partem secutus auguri, marem necari, fœminam dimitti iussit: sustinuitq; in conspectu suo se ipsum in interitu serpentis occidi. Itaq; Corneliam nescio utrum feliciorē dixerim, quod talem uirum habuerit: an miseriorē, quod amiserit.

De Admeto Rege Thessaliæ.

Te Thessaliæ Rex Admete crudelis, & diri fati crimine sub magno iudice dānatum: qui coniugis tuæ fata pro tuis permutari passus es: eaq; ne tu extinguereris, uoluntario obitu consumpta, lucem intueri potuisti. & certe prius parentum indulgentiam tenta ueras: fœmineo animo impar inuentus.

De C. Plautio.

W ilior Graccho iniquæ fortunæ uictima, quamuis senatorij uir ordinis C. Plautius Numida, sed in consimili



amore, par exemplum. morte enim uxoris audita, doloris impotens, pectus suū gladio percussit. Interuentu deinde domesticorum inceptum exequi prohibitus, colligatusq; ut primum est occasio data: scissis fasciis, ac vulnere diuulso, constanti dextera, spiritum luctus acerbitate permixtum, ex ipsis præcordiis, et uisceribus hausit: tam uiolenta morte testatus, quantum martialis flammæ illo pectore clausum habuisset. De M. Plautio. Eiusdem ut nominis, ita amoris quoque M. Plautius. nam cum imperio senatus classem sociorum .lx. nauium in Asiam reduceret: Tarentumq; appulisset: atque ibi uxor eius Horestilla, quæ illuc eum profecta fuerat: morbo pressa decessisset: funerata ea, & in rogum imposita: inter officium ungendi, et osculandi, stricto ferro incubuit: quem amici sicut erat, togatum, & calceatum, corpori coniugis iunxerunt: ac deinde subiectis facibus, utrumq; una cremauerunt. quorum ibi factum sepulcrum Tarenti etiamnum conspicitur: quod uocatur τὸν φιλοῦντων. nec dubito: quin si quis modo extinctis sensus inest: Plautius, & Horestilla, fati consortione: gestientes uultus tenebris intulerint. saneq; ubi idem & maximis, & honestissimus amor est, aliquanto præstat morte iungi, quàm uita distrahi.

De Iulia C. Cæsaris filia.

Consimilis affectus Iuliæ C. Cæsaris filiæ annotatus est: quæ, cum adilitijs comitijs Pompeij Magni coniugis sui uestem cruore respersam e campo domum relata uidiisset: territa metu, nequa uis ei esset allata: exanimis concidit: partumq; quem utero conceptum habebat: subita animi consternatione, & graui dolore cor-



poris eūcere coacta est: atq; ita expirauit. magno quidem cum totius terrarum orbis detrimento. cuius tranquillitas tot ciuiliū bellorum truculentissimo furore perturbata non esset: si Cæsaris, & Pompeij concordia, communis sanguinis uinculo constricta mansisset.

De Porcia Catonis filia, Vxore Bruti.

uos quoq; castissimos ignes Porcia M. Catonis filia cuncta secula debita admiratione prosequuntur. quæ cum apud Philippos uictum, & interemptum uirum tuum Brutum cognosceres: quia ferrum non dabatur: ardentes ore carbones haurire non dubitasti: muliebri spiritu uirilem patris exitum imitata. Sed nescio an hoc fortius, quod ille usitato, tu nouo genere mortis assumpta es.

Externa.

unt & alienigeni amores iusti, obscuritate ignorantia non obruti: ex quibus paucos attigisse satis erit. Gentis Caria Regina Arthemisia uirum suum Mausolū fato absumptum, quantopere desiderarit: leue est, post conquisitorū omnis generis honorū, monumentiq; usq; ad septem miracula prouecti magnificentiā, argumentari. Quid enim aut eos colligas? aut de illo inclyto tumulo loquare? cum ipsa Mausoli uiuum, ac spirans sepulchrum fieri concupierit: eorum testimonio, qui illam extincti ossa potioni aspersa, bibisse tradunt.

De Hypsiratea uxore Mithridatis.

ypsicratea quoq; Regina Mithridatem coniugem suum effusis charitatis habenis amauit. propter quem præcipuum formæ suæ decorem in habitum uirilem conuertere uoluptatis loco habuit. tonsis. n. capillis equo se, & armis assuefecit: quo facilius laboribus, et periculis



eius interesset. quin etiam uictum à Cn. Pompeio per efferatas gentes fugientem, animo pariter, & corpore infatigabili secuta est. cuius tanta fides asperarum, atque difficilium rerum Mithridati maximum solatium, et iucundissimum lenimentum fuit. cum domo enim, & penatibus uagari se credidit, uxore simul exulante.

## De Lacedæmone.

V erum quid Asiam, quid barbariæ immensas solitudines, quid latebras Pontici sinus scrutor? Cum splendidissimum totius Græciæ decus Lacedæmon præcipuum uxoriæ fidei specimen tantum non nostris ostendet oculis, plurimis, & maximis patriæ suæ laudibus admiratione facti comparandum. De Minyis.

M inyæ, quorum origo ex inclyto sociorum Iasonis numero Lemniorum in insula concepta, per aliquot seculorum uices stabilis in sede manserat: à pelægis expulsi armis, alienæ opis indigentes, excelsa Taygetorum montium iuga supplices occuparunt. quos Spartana ciuitas respectu Tyndaridarum (namque in illo nobilis famæ nauigio destinatum syderibus par fratrum fulserat) deductos inde, legibus, commodisque suis immiscuit. Sed hoc tantum beneficium in iniuriam benemeritæ urbis regnum affectantes uerterunt. Igitur publicæ custodiæ inclusi, capitali seruabantur supplicio: quod cum uetere instituto Lacedæmoniorum, nocturno tempore passuri essent, coniuges eorum illustris sanguinis, ibi uelut allocuturæ perituros uiros, impetrato à custodibus aditu, carcerem intrarunt: commutataque ueste, per simulationem doloris, uelatis capitibus eos abire passæ sunt. Hoc loco quid aliud adiecerim, quod



dignas fuisse, quibus *Minyæ* nuberent?

## DE AMICITIA.

## Caput VII.

Contemplemur nunc amicitiae uinculum potens, & praeualidum, neque ulla ex parte sanguinis uiribus inferius: hoc etiam certius, & exploratius: quia illud nascendi sors fortuitum opus: hoc uniuscuiusque solido iudicio incoacta uoluntas contrahit. Itaque celerius sine reprehensione propinquum auersere, quam amicum. quia altera direptioni utique iniquitatis, altera leuitatis crimini subiecta est. Cum enim deserta sit futura uita hominis nullius amicitiae cinctæ praesidio: tam necessarium subsidium temere assumi non debet: semel autem apprehensum, recte sperni non conuenit. Sincerae uero fidei amici praecipue in aduersis rebus cognoscuntur: in quibus quicquid praestatur, totum à constanti beneuolentia proficiscitur. felicitatis cultus, maiore ex parte adulationi, quam charitati erogatus, certe suspectus est: perinde ac plus semper petat, quam impendat. Accedit huc: quod infractae fortunae homines, magis amicorum studia desiderant, uel praesidii, uel solatii gratia. nam laeta quidem, & prospera negotia, utpote cum diuina suffragatione foueantur: humana minus indigent. Tenacius igitur eorum nomina posteritatis memoria apprehendit: qui aduersos amicorum casus non deseruerunt: quam qui prosperum uitae cursum comutati sunt. Nemo de Sardapali familiaribus loquitur. Orestes Pylade pene amico, quam Agamemnone patre notior est. si-



quidem illorum amicitia in consortione deliciarum, et luxuriæ contabuit: horum duræ, atq; asperæ conditionis solatium, ipsarum miseriarum experimento enituit. Sed quid externa attingo, cum domesticis prius liceat uti? De Tib. Graccho, & C. Blofio.

**I** nimicus patriæ fuisse Gracchus existimatus ē: nec immerito: quia potentiam suam, saluti eius prætulerat. q̄ constantis tamen fidei, amicum etiam in hoc tam prauo proposito C. Blofium cum anum habuerit. operæpretium est cognoscere hostis iudicatus, ultimo supplicio affectus, sepulturæ honore spoliatus, beneuolentia tamen eius nō caruit. Nam cū senatus Rutilio, et Lenati Coss. mandasset: ut in eos, qui cum Graccho consenserant: more maiorū animaduerneret: et ad Læliū, cuius consilio præcipue Coss. utebantur: pro se Blofius deprecatum uenisset: familiaritatisq; excusatione uteretur: atq; is dixisset: Quid si te Gracchus templo Iouis Opt. Max. facies subdere iussisset: obsecuturus ne uoluntati ipsius propter istam, quam iactas, familiaritatem: fuisses? Nunquam istud, inquit: Gracchus imperasset. satis, immo etiam nimium. totius nanq; senatus consensu dānatos mores defendere ausus est. Verū quòd sequitur multo audacius, multoq; periculosius. cōpressus enim perseueranti interrogatione Lælij in eodem constantiæ gradu stetit. seq; etiam, hoc si modo Gracchus annuisset: facturum respondit. Quis illum sceleratum putasset fuisse: si tacuisset? Quis etiā non sapientē: si pro necessitate tēporis locutus esset? At Blofius nec silentio honesto, nec prudēti sermone salutē suā, ne qua ex pte ifeliciæ amicitia memoriā desereret: tueri uoluit.



De C. Graccho, & Pomponio, & Lectorio.

**I**n eadem domo æque robusta constantis amicitiae exēpla oboriuntur. prostratis. n. iam & perditis C. Gracchi consilijs, rebusq;: cū tota eius conspiratio late quæreretur: desertū omni auxilio, duo tm̄ amici Pōponius & Lectorius ab infestis, et undiq; ruentibus telis, oppositu corporum suorum texerunt. quorū Pomponius, quo is facilius euaderet: concitatū sequentiū agmen in porta Trigemina aliquādiu acerrima pugna ihibuit. nec uiuus pelli potuit: sed multis confectus uulneribus transitum super cadauer suū eis (credo ēt post fata inuitus) dedit. Lectorius autem in ponte sublicio cōstitit: & eū, donec Gracchus trāsiret: ardore spiritus sui sepsit: ac ui iam multitudinis obrutus, conuerso in se gladio, celeri saltu profundū Tyberis petijt. quamq; in eo ponte charitatem toti patriæ Horatius Cocles exhibuerat, unius amicitiae, adiecta uoluntaria morte præstitit. q̄ bonos Gracchi, si aut Patris, aut materni Aui sectam uitæ ingredi uoluissent: habere milites potuerāt. Quo. n. impetu, qua perseuerantia animi Blossius, & Pomponius, & Lectorius trophæa, ac triūphos eorū adiunxissent: furiosi conatus tam strenui comites? sinistris quidem auspicijs amicitiae conditionē secuti. sed quo miseriora, hoc certiora fideliter cultæ nobilitatis exempla.

De Lucio Rhegyno.

**L**ucius autem Rhegynus, si ad debitam publico ministerio sinceritatem exigatur: posteritatis conuitio lacerandus. si amicitiae fido pignore aestimetur, in optimo laudabilis conscientiae portu relinquendus est. Trib. enim plebis Cepionem in carcerem coniectum, quod illius



culpa exercitus noster à Cimbris, & Theutonibus uidebatur deletus: ueteris, arctæq; amicitiae memor, publica custodia liberauit: nec eatenus amicū egisse contentus, et fugae eius comes accessit. Pro magnum, & inexuperabile tuum numen amicitia: cum ex altera parte R. P. manum iniceret: ex altera tua illum dextra traheret: et illa ut sacrosanctus esse uellet: exigeret: tu exiliū indiceres. adeo blando uteris imperio: quod is supplicium honori prætulit. admirabile est opus tuum. Sed quod sequitur aliquanto laudabilius. recognosce enim quousq; Volumnij constantem erga amicū suū charitatem sine ulla R. P. iniuria euexeris: qui ortus equestri loco, cum M. Lucillum familiariter coluisset: eumq; M. Antonius, quod Bruti, & Cassij partes secutus fuerat: interemisset: in magna fugendi licetia, ex animi amico adhæsit: huc usq; in lachrymas, & gemitus profusus, ut nimia pietate causam sibi mortis accerferet. Nam propter præcipuam, & perseuerantem lamentationem ad Antonium pertractus est. cuius postq; in conspectu stetit: iube me, inquit, imperator protinus ad Luculli corpus perductum occidi. Neq; enim absumpto illo superesse debeo: cum ei infelicitis militiæ author extiterim. Quid hac fidelius beneuolentia? mortem amici, hostis odio leuauit: uitam suam, consilij crimine astrinxit. quoq; illum mirabiliorem redderet: se fecit inuisiorem. nec difficiles Antonij aures habuit. ductusq; quod uoluerat: Luculli dexteram auide osculatus: caput, quod abscissum iacebat: sublatum pectori suo applicauit: ac deinde demissam ceruicem uictoris gladio præbuit.



## De Theseo, &amp; Pirithoo.

**L**oquatur nunc Græcia nefandis Thesea Pirithoi amoribus subscribentem, Ditis se patris regnis commississe. uani est illud narrare: stulti credere. mustum cruorem amicorum, & uulneribus innexa uulnera: mortemq; morti inherentem uidere. hæc uera Romanæ amicitiae indicia. illa gentis ad fingendum paratæ, monstro similia mendacia.

De L. Petronio.

**L.** quoq; Petronius huiusce laudis consortionē merito uendicat. pari enim inclytæ amicitiae ausu, par gloriæ portio asserenda est. admodum humili loco natus, ad equestrem ordinem, & splendoris militiæ stipendia P. Celij beneficio peruenerat. cui gratum animum, quia in materia læta exhibere non contigerat: in ea, quam iniqua fortuna esse uoluit: cum multa fide præstitit. erat ab Octauio Cos. Placentiæ præpositus Celi: qua Cinnano exercitu capta, & senior iam, & graui ualetudine affectus, ne in potestatem hostiū ueniret: ad auxilium dextræ Petronij confugit: quem is ab incepto consilio frustra conatus abstrahere: in ipsæ perseverantem precibus, interemit: cædiq; eius suam iunxit: ne eo iacente, per quem omnia dignitatis incrementa assecutus fuerat: superesset. Ita alterius fato uerecundia: alterius pietas causam præbuit.

De Seruio Terentio.

**I**ungendus est Petronio Seruius Terentius: quanquam ei, sicut cupierat, pro amico suo perire nō contigit. Incepto nanque egregio, non irritō euentu æstimari debet: quia quantum in illo fuit, et ipse extinctus est: & D. Brutus periculum euasit mortis. qui fugiens à M.

Val. Max.

m



tina, ut ad se interficiendum ab Antonio missos equites aduenisse cognouit: quodam in loco iustæ pœnæ debitum spiritum tenebris furari conabatur: eoq; iam facta irruptione, Terentius fidei mendacio obscuritate ipsa suffragante, Brutum se esse simulauit: & corpus suum trucidandum equitibus obiecit. uerum cognitus à Furio, cui Brutianæ ultionis officium mandatū fuerat: nec sua, amici supplicium discutere non potuit. sic inuitus fortuna cogente uixit.

De Decimo Lælio, & M. Agrippa.

A b hoc horrido, & tristi pertinacis amicitiae, ad letum & serenum uultum transeamus: atq; inde eam euocatam, ubi omnia lachrymis, genu, cædibus, fuerat referta: in eo, quo dignior est, felicitatis domicilio collocemus, gratia, honore, abundantissimisq; opibus, fulgente. Orere igitur ab illa, quæ sanctorum umbris dicata esse creditur, sede, hinc Decime Læli, illinc M. Agrippa, alterum uirorum, alterum deorum maximū amicū, & certa mente, & secundis omnibus sortiti: totūq; beatæ turbæ gregem, qui uestro ductu ueneranda sinceræ fidei stipendia, laudibus, & præmijs onustus peregit, in lucem uobiscum protrahite. uestros. n. constantes animos, uestra strenua ministeria, uestram inexpugnabilem taciturnitatem, proq; dignitate, et salute amicorum perpetuam excubationem testatorem beneuolentiam, & rursus harum rerum uberrimos fructus, posterior intuens ætas, in excolendo iure amicitiae, q̄ libentius, tam etiam religiosius erit operata. Hæret animus in domesticis: sed aliena quoq; benefacta referre Romanæ urbis candor hortatur.



## Externa.

**D**amon et Pythias pythagoricæ prudentiæ sacris initiati, tam fidelē inter se amicitia iunxerunt: ut cū alterū ex his Dionysius Syracusanus interficere uellet, atq; is tēpus ab eo, quo prius, q̄ periret, domū profectus res suas ordinaret, impetrauisset: alter uadē se pro reditu eius tyrāno dare nō dubitauit. solutus erat periculo mortis, q̄ modo gladio ceruices subiectas habuerat. idemq; caput suū subiecerat: cui securo uiuere licebat. Igitur omnes, et in primis Dionysius, nouæ, atq; ancipitis rei exitum speculabantur. appropinquante deinde finita die, nec illo redeūte, unusq; q; stultitiæ tā temerariū spōsorem dānabat. at is nihil se de amici cōstantia metuerē predicabat. eodē autē momento, et hora, à Dionysio cōstituta, qui eā acceperat: sup̄uenit. admiratus amborū animū tyrānus, suppliciiū fidei remisit. insuperq; eos rogauit, ut se in societate amicitiae, tertiuū sodaliciū gradū ultima culturū beneuolentia reciperent. Hæ sanē uires amicitiae, mortis contemptum ingenerare: uitae dulcedinē extinguere: crudelitatem mansuescere: odium in amorē conuvertere: poenā beneficio pēsare potuerunt. quibus penē tm̄ uenerationis, quantū deorum immortalīū cerimonijs debetur. Illis. n. publica salus, ijs priuata continetur. atq; ut illarū aedes sacra domicilia: harum fida hominū pectora quasi quodā sancto spiritu referta templa sunt. De Alexandro.

**Q**uod ita esse Rex Alexander sensit, Darij castris, in quibus omnes necessarij eius erant: potitus: Hephæsthone gratissimo sibi latus suum tegente ad eos alloquendos uenit: cuius aduentu mater Darij recreata



humū prostratum caput erexit. Ephestionemq; , quia ei  
 & statura, et forma præstabat: more Persarum adu-  
 lata, tanquā Alexandrum salutauit. admonita dein-  
 de erroris, per summam trepidationem excusationis  
 uerba quærebat. cui Alexander, nihil est, inquit, quod  
 hoc nomine confundaris. Nam & hic Alexander est.  
 utri prius gratulemur? qui hoc dicere uoluit? an cui  
 audire contigit? maximū enim animi Rex, etiam totū  
 terrarum orbē aut uictorijs, aut spe complexus, tam  
 paucis uerbis se, cum comite suo partitus est. O donum  
 inclytæ uocis danti pariter, atq; accipienti speciosum.

De Pompeio.

Quod priuatim quoq; merito ueneror, clarissimi, ac di-  
 sertissimi uiri promptissimam erga me beneuolentiam  
 expertus: nec metuo ne parum conueniat mihi Pompe-  
 ium meū instar esse Alexandri: cum illi Ephestio suus,  
 alter fuerit Alexander. Ego uero grauissimo crimini  
 sim obnoxius, constantis, & benignæ amicitiae exem-  
 pla sine ulla eius mentione transgressus: cuius in ani-  
 mo uelut in parentū amantissimorum pectore, lætior  
 uitæ meæ status uiguit, tristior acquieuit. a quo omnium  
 incrementa commodorum ultro oblata cepi. per quem  
 tutior aduersus casus steti. qui studia mea ductu, et au-  
 spicijs suis lucidiora, & alacriora reddidit. Itaq; pa-  
 ui inuidiā quorundā optimi amici iactura, uidelicet  
 quia fructu torseram: non quidem meo merito gra-  
 tiam meam, quantacūq; cum ijs fuit, qui ea uti uo-  
 luerant, partitus. uerum nulla tam modesta felicitas  
 est: quæ malignitatis dentes uitare possit. et quo seces-  
 su quosdā fugeris. aut quibus insulis misericordiæ per



mulseris: ne ut alienis malis perinde, ac bonis suis lætentur, ac gestiant: diuites sunt aliorum iacturis, locupletes calamitatibus, immortales funeribus. sed illi quatenus alienis incommodis suorum adhuc expertes insultent: optima uindex insolentiæ, uarietas humanæ conditionis uiderit.

DE LIBERALITATE. Caput VIII.

Ostrum opus pio egressu ad propriam rem  
 n proiectum in suum ordinem reuocetur: liberalitatisq; commemorationi uacemus. Cuius

duo sunt maxime probabiles fontes: uerum iudicium, & honesta beneuolentia. nam cum ab his oritur: tunc demum eius ratio constat. dono autem ipsi gratiam et magnitudo quidem sua, sed efficaciorum aliquanto oportunitas conciliat. De Fabio Maximo.

Accedit enim pretio rei, inestimabile momentum occasio-  
 nis: quæ Fabium Max. tot ante secula ob paruam pecuniæ summam erogatæ, ad hoc usq; tempus laudabilem fecit. Captiuos enim ab Annibale interposita pactione numorū receperat. qui cum à senatu non præstarentur, misso in urbem filio, fundum, quem unicum possidebat: uendidit: eiusq; pretium Annibali protinus numerauit. Si ad calculos reuocetur: paruum, utpote septē iugeribus, et hoc in pupinia additis redactum. si animo prærogantis, omni pecuniā maius. se enim patrimonij, q̄ patriam fidei inopem esse maluit. eo quidē maiore cum commendatione, quod pro-  
 ni studij certius indicium est supra uires niti, quàm ui-



» ribus ex facili uti. alter enim quod potest, præstat. al-  
» ter etiam plus, q̄ potest. De Busa.

I taq; eiusdem temporis fœmina Busa nomine, regionis autem Apuliæ ditissima, merito quidem liberalitatis testimonium recepit: sed excellētes opes suas Fabianis rei familiaris angustijs non comparauit. Nam & si circa decem millia ciuium nostrorum Cannensis prælii reliqas benignissime inter Canusina mœnia alimētis sustentauit: saluo tamen statu fortunarum suarum munificam se P. R. præstitit. Fabius in honorem patriæ, paupertatem inopia mutauit.

De Q. Considio.

I n Q. quoq; Considio saluberrimū exempli, nec sine paruo ipsius fructu, liberalitas annotata est: qui, Catilinæ furore ita consternata R. P. ut ne à locupletibus quidem debitæ pecuniæ, propter tumultum, pretijs possessionum diminutis, solui creditoribus possent: cum centies, atq; quinquagies. HS. summam in fœnore haberet, neq; de sorte quenquam debitorum suorum, neque de usura appellari à suis passus est. quantunq; in ipso fuit, amaritudinem publicæ confusionis priuata tranquillitate mitigauit, opportune, mirificq; testatus, se nūmorum suorum, non ciuilis sanguinis esse fœneratorem. Nam qui nunc præcipue negotiatione delectantur: cum pecuniam cruentam domum retulerint, quàm improbando gaudio exultent: recognoscent: si diligenter S. Consultum, quo Considio gratiæ actæ sunt: legere non fastidierint.

De P. Romano.

Q ueri iandudum mecum P. R. uidetur: quòd, cum sin-



gulorum munificentiam confectus : de sua taceam. ad summam enim eius laudem pertinet : quem animum Regibus, & urbibus, & gentibus præstiterit, recognoscere : quia omne præclari facti decus, crebra memoria in seipso reuirescit. Asiam bello captam Attalo Regi muneri loco possidendam tribuit, eò excelsius, & speciosius urbi nostræ futurum imperium credens : si ditissimam, atq; amenissimam partem terrarum orbis, in beneficio, quam in fructu suo reponere maluisset. ipsa uictoria donum felicius : quia multum occupasse, habere inuidiam potuit : tantum tribuisse, gloria carere non potuit.

De T. Quintio Flamini.

Illi uero Romanæ liberalitatis cœlestem spiritum, nullæ literæ satis dignis laudibus prosequuntur. Philippo enim Macedoniae Rege superato, cū ad insigne spectaculū tota Græcia conuenisset : Quintius Flaminius tubæ signo silentio facto, per præconem hæc uerba recitari iussit. Senatus. P. Q. R. & Quintius Flaminius imperator, omnes Græciæ urbes, quæ sub ditione Philippi Regis fuerunt : liberas, atque immunes esse iubet. Quibus auditis, maximo, et inopinato gaudio homines percussi, primo ueluti non audisse se, quæ audiuerunt credentes, obtinuerunt. iterata deinde pronuntiatione præconis, tanta cœlum clamoris alacritate compleuerunt : ut certe constet : aues, quæ superuolabant : attonitas, pauentesq; decidisse. magni animi fuisset, a tot captiuorum capitibus seruitutem detraxisse : quot tunc nobilissimis, & opulentissimis urbibus, P. R. libertatē largitus est. ad cuius maiestatem pertinet nō solū, quod ipse benigne



tribuit: sed etiam quod alio tribuente sensit, commemorari. ut enim illic commemoratae, ita hic redditae laudis commendatio est.

De Hierone Syracusano. Externa.

**H**iero Syracusanorum Rex, audita clade, qua Romani apud Thrasymenum lacum afflicti erant; trecenta milia modiorum tritici, ducenta hordei, auriq; ducenta et xl. pondo urbi nostrae muneri misit. nec ignarus uerecundiae maiorum nostrorum, ne nollent accipere: in habitum id uictoriae formauit, ut eos religione motos, munificentia sua uti cogeret: uoluntate mittendi prius, iterum providentia cauendi ne remitteretur, liberalis.

De Agrigentino Gillia.

**S**ubnectam huic Agrigentinum Gilliam: quem prope modum ipsius liberalitatis praecordia constat habuisse. erat enim opibus excellens, sed multo etiam animo, quam diuitijs locupletior: semperq; in eroganda potius, quam in contrahenda pecunia occupatus: adeo ut domus eius quasi quaedam munificentiae officina crederetur. illinc enim publicis usibus apta monimenta extruebantur. illinc grata populi oculis spectacula edebantur. illinc epularum magnifici apparatus, libetiq; animo annonae subsidia tribuebantur. et cum haec uniuerfis, priuatim alimenta inopia laborantibus, dotes uirginibus, paupertate pressis subsidia, detrimentorum incursum quassatis, solatia erogabantur: hospites quoq; tum urbanis penatibus, tum etiam rusticis tectis benignissime excepti, uarijs muneribus ornati dimittebantur. Quodam uero tempore quingentos simul Gelensum equites ui tempestatis in possessiones suas compulso, aluit, ac



uestiuit. Quid multa? non mortalem aliquem, sed pro-  
pitiae fortunae benignum esse diceres sinum. Ergo quod  
Gillias possidebat, omnium quasi commune patrimo-  
nium erat. pro cuius salute, et incrementis, tum Agri-  
gentina ciuitas, tum etiam uicinae regiones uotis excu-  
babant. colloca e contraria parte arcas inexorabilibus  
claustris obseratas: non ne praestantiorem aliquanto  
existimes illam impensam, quam hanc custodiam?

## VALERII MAXIMI LIBER QVINTVS.

## De Humanitate.

Iberalitati quas aptiores comites, quam hu-  
manitatem, & clementiam dederim? quoniā  
idem genus laudis expetunt. quarum prima  
inopia, proxima occupatione, tertia ancipiti fortuna  
praestatur. cumq; nescias, quam maxime probes: eius  
tamen commendatio praecurrere uidetur: cui nomen ex  
ipso numine quaesitum est. Ante omnia tamen huma-  
nissima, & clementissima senatus acta referam. Qui  
cum Carthaginensium legati ad captiuos redimendos  
in urbem uenissent: protinus his nulla pecunia acce-  
pta, reddidit iuuenes numerum duummillium & se-  
ptingentorumquadragintatrium explētes. tantum ho-  
stum exercitum dimissum: tantam pecuniam contem-  
ptam: tot punicis iniurijs ueniā datā: ipsos legatos ob-  
stupuisse arbitror: ac secum dixisse. O munificentiam  
gentis Romanae deorū benignitati aequandā. O etiam  
nostram legationem supra uota felicem. nam bene-  
ficiū, quod nunquam dedissemus: accepimus.



## De senatu Romano.

I llud quoq; non paruum humanitatis senatus indicium est. Siphacem enim quondam opulentissimum Numidiae Regem captivum in custodia, Tiburi mortuum publico funere censuit efferendum: ut vitæ dono honorem sepulturæ adijceret.

## De eiusdem senatus Clementia.

C onsimiliq; clementia in Perse usus est. nã cū Albæ, in qua custodiæ causa relegatus erat: decessisset: Quæsumpsit: qui eum publico funere efferret: ne reliquias regias iacere inhonoratas pateretur. hostibus hæc, & miseris, & fato functis officia Regibus erogata. illa amicis, & felicibus, & vivis tributa sunt.

## De eodem senatu in filium Masinissæ.

C onfecto Macedonico bello Musicanes Masinissæ filius, cum equitibus, quos in præsidium Romanorum adduxerat: ab imperatore Paulo ad patrem remissus, tempestate classe dispersa, Brundisium æger delatus est. quod ubi senatus agnovit: continuo illo Quæsumpsit: cuius cura, & hospitium adolescenti expediretur: & omnia, quæ ad valetudinem opus essent: præberentur: impensæq; liberaliter tum ipsi, tum toti comitatu præstarentur: naues etiam ut prospicerentur: quibus ipse bene, ac tuto cū suis in Africam traiceretur: equitibus singulas libras argenti, & quingenos sextertios dari imperavit. quæ tam prompta, & tam exquisita patrum C. humanitas efficere potuit: ut etiam si exirasset adolescens, æquiore animo desiderium eius pater toleraret.

## De eodem in Prusiam.

I dem senatus, cum ad gratulandū sibi Prusiā Bithyniæ



Regem Perse deuicto uenire audisset: obuiā illi P. Cornelium Scipionē Quæs. Capuam misit: censuitq; ut ei domus Romæ, quam optima conducereetur, et copiæ nō solum ipsi, sed etiam comitibus eius publice præberentur. in eoq; excipiendo tota urbs unius humani amici multum habuit. Ita qui amantissimus nostri uenerat: duplicata erga nos beneuolentia in regnum suum reuersus est.

De eodem in Ptolemæum.

Nec Aegyptus quidē Romanæ humanitatis expers fuit. Rex. n. Ptolemæus à minore fratre regno spoliatus, petēdi auxiliij gratia cū paucis admodū seruis squalore obsitus Romā uenerat: ac se in hospitium Alexadrini pictoris contulerat. Id postq; senatui relatum est: accersito iuvene, q̄ potuit accurata excusatione usus est: quod nec Quæs. illi more maiorū obuiā misisset: nec publico hospitio eū excepisset: eaq; non sua negligentia, sed ipsius subito, & clandestino aduentu facta dixit: & illum ē curia subito ad publicos penates deduxit. hortatusq; est, ut depositis sordibus adeundi ipsius diem peteret. quin etiā curæ habuit: uti munera ei p Quæs. quotidie darentur. his gradibus officiorum iacentem ad regium fastigium euexit: effecitq; ut plus spei in auxilio P. R. quā metus in sua fortuna reponeret.

De L. Cornelio.

Atque ut ab uniuersis Patribus C. ad singulos ueniam: L. Cornelius Cos. primo punico bello, cum Olbiam oppidum cepisset: pro quo fortissime pugnans Hanno dux Carthaginiensium occiderat: corpus eius ē tabernaculo suo amplo funere extulit. nec dubitauit



hostis exequias ipse celebrare. eam demum uictoriam  
 & apud deos, & apud homines minimū inuidiæ ha-  
 bituram credens, quæ plurimū humanitatis habuisset.

De Q. Crispino.

Quid de Q. Crispino loquar? cuius humanitatem poten-  
 tissimū affectus, ira, atq; gloria quaterere non potuerūt.  
 Badium Campanum, & hospitio benignissime domū  
 suæ exceperat: et aduersa ualetudine correptum 'atten-  
 tissima cura recreauerat: a quo post illam nefariam  
 Campanorum defectionem in acie ad pugnam prouo-  
 catus: cum et uiribus corporis, et animi uirtutibus ali-  
 quanto esset superior: monere ingratum, quā uince-  
 re maluit. nam quid agis inquit demens? aut quod te  
 praua cupiditas transuersum rapit? parum habes pu-  
 blica impietate furere: nisi etiā priuata lapsus fueris.  
 unus tibi Romanorum, uidelicet Quintius placet: in  
 quo scelestæ exerceas arma: cuius penetibus, & hono-  
 ris uicissitudinem, et salutem tuā debes. at me fœdus a-  
 micitiæ, Dūq; hospitales, sancta nostro sanguini, uestris  
 pectoribus uilia pignora, hostili certamine congregi te-  
 cum uetant. quin etiam si in concursu exercituum for-  
 tuito umbonis mei impulsu prostratum agnouissem:  
 applicatum iam ceruicibus tuis mucronē reuocassem.  
 tuum ergo crimen sit: hospitem occidere uoluisse meū,  
 non eris hospes occisus. proinde aliā, qua occidas, dex-  
 teram quære: quoniam mea te seruare didicit. dedit  
 utriq; cœleste numen debitum exitum: siquidem in eo  
 prælio Badius obtruncatus est. Quintius insigni pu-  
 gna clarus euasit.

De M. Marcello.

A ge M. Marcelli clementia, quā clarum, quāq; me-



morabile exemplum haberi debet? qui captis à se Syracusis in arce earum constitit: ut urbis modo opulentissimæ, tunc afflictæ fortunam ex alto cerneret. Cæterum casum eius lugubrem intuens, fletum cohibere nō potuit. quem si quis ignarus uir aspexisset: alterius uictoriam esse credidisset. Itaq; Syracusana ciuitas maxima clade tua aliquid admistum gratulationis habuisti: quia si tibi incolumi stare fas nō erat: leuiter sub tam mansueto uictore cecidisti.

De Q. Metello.

Quintus uero Metellus celtibericum in Hispania gerens bellum, cum urbem Contrebiā obsideret: etiam admota machina, partem muri, quæ sola conuelli poterat: disiecturus uideretur: humanitatē propinquæ uictoriæ prætulit. Nam cum Rethogenis filios, qui ad eum transierat: Contrebienses machinæ ictibus obiecissent: ne pueri in conspectu patris crudelis genere mortis cōsumeretur: quāquam ipse Rethogenes negabat esse impedimento: quo minus etiam per exitum sanguinis sui expugnationē perageret: ab obsidione discessit. Quo quidē tam clementi factō, et si nō unius ciuitatis mœnia, omnium tamen Celtiberarum urbium animos, cepit: effecitq; ut ad redigendas eas in ditionem P. R. nō multis sibi obsidionibus opus esset.

De Africano posteriore.

Africani quoque posterioris humanitas speciose, lateq; patuit. Expugnata enim Carthagine circa Siciliæ ciuitates literas misit: ut ornamenta templorum suorum à Pœnis rapta, per legatos recuperarent. Inq; pristinis sedibus reponēda curarent. Beneficium Dijs, atq; hominibus pariter acceptum. Huic factō par eiusdem



V A L. M A X.

uiri humanitas. a Quæ. suo hastæ subiectos captiuos  
uendente: puer eximæ formæ, et liberalis habitus mis-  
sus est: de quo cum explorasset, Numdam esse: orbem  
relictum a patre educatum apud auunculum Masi-  
nissam, eo ignorante immaturam aduersus Romanos  
ingressum militiam: & errori illius ueniam dandā,  
& amicitie Regis fidissimi P. R. debitam ueneratio-  
nem tribuendam existimauit. Itaq; puerū annulo, fi-  
bulaq; aurea, & tunica laticlauiā, hispanoq; sagulo, et  
ornato equo donatum, datis, qui eum prosequerentur  
equitibus, ad Masinissam remisit, eos uictoriæ maxi-  
mos fructus ratus, dijs templorum ornamenta Roma-  
nos, Regibus sanguinem suum restituere.

De L. Paulo.

L. etiam Pauli in tali genere laudis memoria apprehen-  
denda est. qui, cum Persen parui temporis momento  
captiuū ex Rege ad se adduci audisset: occurrit ei Ro-  
mani imperij decoratus ornamentis: conatumq; ad ge-  
nua procumbere dextra manu alleuauit, sermoneq;  
grato ad spem exhortatus est: introductum etiam in  
tabernaculum, lateri suo proximum in consilio sedere  
fecit: nec honore mensæ indignum iudicauit. propona-  
tur in conspectu acies, qua prostratus est Perses, &  
harum rerum, quas retuli, contextus: utro magis spe-  
ctaculo delectentur: homines dubitabunt. nam si egre-  
gium est, hostem abijcere: non minus tamen laudabile  
infelicias scire misereri.

De Cn. Pompeio.

Hæc L. Pauli humanitas admonet me: ne de Cn. Pompeij  
clementia taceam. Regem Armeniæ Tigranem, qui



Et per se magna cum P. R. bella gesserat: et infestissimum urbi nostrae Mithridatem Ponto pulsum, uiribus suis protexerat: in conspectu suo diutius iacere supplicem passus non est: sed benignis uerbis recreatum, diademata, quod abiecerat: capiti reponere iussit: certisq; rebus imperatis, in pristinum fortunae habitum restituit. aequè pulchrū esse iudicās, et uincere Reges, et facere.

Quam praeclarum tributae humanitatis specimen Cn. Pompeius? quā miserabile desideratae idē euasit exemplum? nam qui Tigranis tempora insigni regio texerat: eius caput tribus coronis triumphalibus spoliatū, in summo terrarum orbe, nusquam sepulturae locum habuit: sed abscissum a corpore, inops rogi, nefarium Aegyptiae perfidiae portatum munus est, etiam ipsi uictori miserabile. ut enim id Caesar aspexit, oblitus hostis, soceri uultum induit: ac Pompeio tum proprias, tum etiam filiae suae lachrymas reddidit. Caput etiam plurimis, et pretiosissimis odoribus cremandū curauit. quod si non tam mansuetus animus diuini principis extitisset: paulo ante Romani imperij columnen habitum (sic mortalium negotia fortuna uersat) inhumatum iacisset.

De Caesare.

Catonis quoque morte Caesar audita, et se inuidere illius gloriae, et illum suae inuidisse dixit: patrimoniumque eius liberis ipsius incolume seruauit. et Hercule diuinorum Caesaris operum non parua pars Catonis salus fuisset.

De M. Antonio, et M. Bruto.

M. Antoni autem animus talis humanitatis intellectu non caruit. M. enim Brutus corpus liberti suo



sepeliendum tradidit : quoq; honoratius cremaretur : iniici ei suum paludamentum iussit, iacentem non hostem, sed ciuem deposito existimans odio. cumq; interceptum à liberto paludamentum comperisset : ira percitus, protinus in eum animaduertit : hac ante præfatione usus. Quid tu ignorasti cuius tibi uiri sepulturam commiserim? fortem, piamq; eius uictoriam philippicam libenter Dii uiderunt. sed ne ista quidem generosissimæ indignationis uerba inuiti audierunt.

Externa. De Alexandro.

C ommemoratione Romani exempli in Macedoniã deductus, morum Alexandri præconium facere cogor. cuius ut infinitam gloriã bellica uirtus : ita præcipuum amorem clemẽtia meruit. Is, dum omnes gentes infatigabili cursu lustrat : quodam loco niuali tempestate oppressus, senio iam confectum militem macedonem, nimio frigore obstupescit, ipse sublimis, & propinqua igni sede sedens animaduertit : factaq; non fortunæ, sed ætatis utriusq; æstimatione, descendit, & illis manibus, quibus opes Darij afflixerat : corpus frigore duplicatum in suam sedem imposuit. id ei salutare futurum ducens, quod apud Persas capitale extitisse, solium regum occupasse. Quid ergo mirum est : si sub eo duce tot annis militare iucundum ducebant : cui gregarij militis incolumitas proprio fastigio carior erat? Idem non hominum ulli, sed naturæ, fortunæq; cedens, quanquam uiolentia morbi dilabebatur : in cubitum tamen erectus, dexteram omnibus, qui eam contingere uellent : porrexit. Quis autem illam osculari non curaret : quæ iam fato oppressa, maximæ exercitus complexui,



plexui, humanitate, quàm spiritu uiuidiore, sufficit.

De Pisistrato.

**N**on tam robusti generis humanitas, sed & ipsa tamen memoria prosequenda Pisistrati Atheniensis tyranni narrabitur. Qui, cum adolescens quidam amore filiae eius uirginis accensus, in publico obuiam sibi factam osculatus esset: hortante uxore, ut ab eo capitale supplicium sumeret: respondit. si eos, qui nos amant: interficiemus: quid ipsis faciemus: quibus odio sumus? minime digna uox, cui adijciatur, eam ex tyranni ore de humanitate manasse. in hunc modum filiae iniuriam tulit: suam multo laudabilius. De eodem.

**A**Thrasippo amico inter coenam sine fine conuiuium laceratus: ita et animum, et uocem, ab ira cohibuit: ut putares satellitem à tyranno male audire. abeuntem quoque ueritus ne propter metum maturius se conuiuium subtraheret: inuitatione familiari coepit retinere. Thrasippus concitatae temulentiae impetu euectus, os eius sputo resperxit. nec tamen in uindictam sui ualuit accendere. ille uero etiam filios suos uiolatae patris maiestati subuenire cupientes, retraxit. Postero quoque die Thrasippo supplicium à se uoluntaria morte exigere uolenti, uenit ad eum: dataque fide in eodem gradu amicitiae mansurum, ab incepto reuocauit. Si nihil aliud dignum honore memoriae gessisset: his tamen factis abunde se posteritati commendasset. De Pyrrho Rege.

**A**equi mitis animus Pyrrhi Regis: audierat apud quosdam in conuiuium Tarentinorum parum honoratum de se sermonem habitum, accersitos qui ei interfuerunt: percunctabatur: an ea, quae ad aures eius peruenerant: dixisset.



sent. tum ex his unus inquit, nisi nobis uinum de-  
fecisset: ista, quæ tibi relata sunt, præ ijs, quæ de te lo-  
cuturi eramus: lusus, ac iocus fuissent. tam urbana cra-  
pulæ excusatio, tamq; simplex ueritatis confessio,  
iram Regis conuertit in risum. Quæ quidem clemen-  
tia, & moderatione affectus est: ut & sobrii sibi Ta-  
rentini gratias agerent: & ebrj bene precarentur.  
Ab eadem altitudine humanitatis, legatis Romanorum  
ad redimendos captiuos castra sua petentibus, quo tu-  
tius uenirent, Lyconem Molossum obuiam misit: quo  
honoratius exciperentur. ipse cum ornatu equitum ex-  
tra portam occurrit: secundarum rerum prouentu non  
adeo corruptus: ut officij prospectum in ijs deponeret:  
qui tum maxime armis cum eo dissidebant.

## De Antigono Rege.

**C**uius tam mitis ingenij debitum fructum ultimo fati  
sui tempore recepit. nam cum diris auspicijs, Argiuo-  
rum inuasisset urbem: abscissumq; caput eius Alcyo-  
neus Antigoni Regis filius ad patrem pro pugna tum  
laborante, lætus uelut aliquot felicissimum uictoriæ  
opus attulisset: Antigonus correpto iuvene, quod tanti  
uiri subitæ ruinæ, immemor humanorum casuum,  
effuso gaudio insultaret: humo caput sublatum, causea,  
qua uelatum caput suum more Macedonum habebat,  
textit: corporiq; Pyrrhi redditum, honoratissime cre-  
mandum curauit. Quin etiam filium eius Helenum  
captiuum ad se pertractum, & cultum, & animum  
gerere regium iussit: ossaq; Pyrrhi ei aurea inclusa  
urna, Eperrum in patriam ad Alexandrum fratrem  
portanda dedit.



## De Campanis.

**C**ampani autem exercitum nostrum cum Coss. apud Caudinas furcas sub iugum à Samnitibus missum, nec inermem tantum, sed etiam nudum urbem suam intrantem, perinde ac uictorem, et spolia hostium præ se ferentem uenerabiliter exceperunt: protinusq; Coss. insignia honoris, militibus uestem, arma, equos, comitatum benignissime præstando, et inopiam, et deformitatem Romanæ cladis mutarunt. quo animo si pro imperio nostro aduersus Annibalem quoque usi fuissent: truculentis securibus materiam sæuendi non præbuisent.

## De Annibale.

**F**acta mentione acerrimi hostis, mansuetudinis eius operibus, quam Romano nomini præstitit: locum, qui inter manus est: finiam. Annibal enim Aemilij Pauli apud Cannas trucidati quæsitum corpus, quantum in ipso fuit, inhumatum iacere passus non est. Annibal Tib. Gracchum Lucanorum circumuentum insidijs, cum summo honore sepulturæ mandauit: et ossa eius in patriam portanda militibus nostris tradidit. Annibal M. Marcellum in agro Brutio, dum conatus Pœnorum cupidius, q̃ consideratius speculatur: interceptum, legitimo iure extulit. punico quoq; sagulo, et corona donatū laurea, rogo imposuit. ergo humanitatis dulcedo etiā in efferata barbarorū ingenia penetrat: orbosq; et truces hostiū mollit oculos: ac uictoriæ insolentissimos spiritus flectit. nec illi arduū, aut difficile est inter arma contraria, inter districtos cōmunis mucrones, placidū iter reperire. uincat iram: proster nit



VAL. MAX.

» odiū: hostilemq; sanguinem hostilibus lacrymis per-  
 » miscet. atq; etiam admirabilem Annibalis uocem, pro  
 » funeribus Romanorum ducum arbitria statuentis ex-  
 » pressit. quia aliquanto ei plus gloriæ Paulus, &  
 » Gracchus, & Marcellus sepulti, q̄ oppressi attulerūt.  
 » siquidem illos Punico astu decepit: Romana mansuetu-  
 » dine honorauit. uosq; fortes, ac piæ umbræ, non pæ-  
 » nitendas sortiti estis exequias. nam ut optabilus in pa-  
 » tria, ita speciosius pro patria collapsæ: supremi offici-  
 » decus infelicitate amissum, uirtute recuperastis.

DE GRATIS.

Caput II.

Ratas uero animi significationes, & ingra-  
 g ta facta libuit oculis subiungere: ut uitio, ac uir-  
 tuti iusta merces æstimationis ipsa cōparatio-  
 ne accederet. Sed quoniam contrario proposito sese di-  
 stinxerunt: nostro quoq; stylo se parentur. prioremq; lo-  
 cum obtineat: qui laudē, q̄ qui reprehensionē meretur.

De Martio Coriolano.

A tq; ut a publicis actis ordiar: Martium patriam op-  
 pugnare conantem, admotoq; portis urbis ingenti Vol-  
 scorum exercitu, funus, ac tenebras Romano imperio  
 minitantem, Veturia mater, ac Volumnia uxor, nefa-  
 rium opus exequi precibus suis passæ nō sunt. in qua-  
 rum honorē senatus matronarū ordinem benignissi-  
 mus decretis adornauit. sanxit nanq; ut fœminis se-  
 mita uiri cederent. confessus plus salutis R. P. in stola,  
 quàm in armis fuisse. uetustisq; aurium insignibus,  
 nouum uitæ discrimen adiecit: permisit quoq; his pur-



purea ueste, & aureis uti segmentis. super hoc ædem,  
 & aram fortunæ muliebri eo loco, quo Coriolanus  
 oxoratus fuerat: faciendam curauit, memorem benefi-  
 cij animum suum exquisitæ religionis cultu testando.  
 Quæ secundi etiam belli punici tempore exhibuit. cū  
 .n. a Fulvio Capua obsideretur: ac duæ Campanæ  
 mulieres beneuolentiam erga Romanos dimittere ex  
 animis noluissent: Vestia Opidia materfamilias: &  
 Clunia Facula meretrix: quarum altera quotidie pro  
 salute nostri exercitus sacrificauit: altera captis mili-  
 tibus Romanorū alimenta subministrare non destitit:  
 urbe illa oppressa, senatus ipsæ & libertatem, & bona  
 restituit. & siquid amplius præmiij petissent, libenter  
 se daturū asseuerauit. uacasse in tanto gaudio P. C. dua-  
 bus humilibus fœminis, referre gratiam, nedū præ se  
 tulisse mirandum.

## De Quintio, &amp; Minutio.

Quid illa quoq; iuuentute Romana gratius? quæ Quin-  
 tio, & Minutio Coss. ultro nomina sua militari sacra-  
 mento obtulit: ut Tusculanis, quorum fines Equiculi  
 occupauerant: præsidium ferrent. quia paucis ante  
 mensibus constantissime, & fortissime imperium P.  
 R. defenderant. Ergo quod audita nouum est: ne pa-  
 triæ grata uolūtas cessasse uideretur: exercitus se ipse  
 conscripsit.

## De Fabio Maximo.

Magnū grati P. R. specimen in Q. Fabio Max.  
 enituit. Nam cum quinque consulatibus salubriter R. P.  
 administratis decessisset: certatim æs contulit: quo  
 maior, ac speciosior eius funeris pompa duceretur.



Eleuet aliquis præmia uirtutis: cum animaduertat fortes uiros felicius sepeliri, quàm uiuere ignauos.

De Minutio Magistro equitum.

**F**abio autem etiam incolumi summa cum gloria gratia relata est. Dictatori enim Magister equitum Minutius scito plebis, quod nunquàm antea factum fuerat, æquatus: partito exercitu separatim in Samnio cum Annibale conflixerat: ubi temere inito certamine pestiferum habiturus exitum, subsidio Fabij conseruatus, & ipse eum patrem appellauit: & à legionibus suis patronum saluari uoluit: ac deposito æqualis imperij iugo magisterium equitum, sicut par erat, dictaturæ subiecit. imprudentisq; uulgi errorem gratæ mentis significatione correxit.

De Terentio Culeone.

**T**am hercle probabiliter, quàm Q. Terē. Culeo prætoris familia natus, & inter paucos senatorij splendidus ordinis, optimo exemplo Africani superioris currum triumphantis, quia captus à Carthaginensibus ab eo fuerat recuperatus: pileū capite gerens, secutus est. auctori enim libertatis suæ tanquàm patrono accepti beneficij confessionem spectante P. R. merito reddidit.

De Philippo Rege, & de Flamini.

**A**t Flamini de Philippo Rege triumphantis currū non unus, sed duo millia ciuium Romanorum pileata committata sunt: quæ his Punicis bellis intercepta, et in Græcia seruiencia cura sua collecta in pristinum gradum restituerat. geminum ea re decus imperatoris: à quo simul & deuicti hostes, & conseruati ciues spectaculū patriæ præbuerunt. Illorum quoque salus dupliciter omnibus accepta fuit: & quia tam multi, & quia tam



grati exoptatum libertatis statum recuperauerunt.

De Metello.

**M**etellus uero Pius pertinaci erga patrem exulem amore, tam clarum lachrymis, q̄ alijs uictorijs cognomen affecutus, non dubitauit Cos. pro Q. Calidio præturae candidato supplicare populo, quod Tri. pl. legem, qua pater in ciuitatem restitueretur, tulerat. quin etiam patronum eum domus, et familiae suae semper dictitauit. Nec hac re de principatu, quem proculdubio obtinebat, quicquam decerpfit, quia non humili, sed grato animo longe inferioris hominis maximo merito eximiam submittebat dignitatem.

De Mario.

**N**am C. quidem Marij non solum praecipuus, sed etiam praepotens gratæ mentis fuit impetus: duas enim Camertium cohortes mira uirtute uim Cimbrorum sustinentes in ipsa acie aduersus conditionem foederis ciuitate donauit. quod quidem factum & uere, & egregie excusauit: dicendo inter armorum strepitum uerba se iuris civilis exaudire non potuisse. Et sanè id tempus tunc erat: quo magis defendere, quàm audire leges oportebat.

De L. Sylla.

**C** Marij uestigia ubiq; L. Sylla certamine laudis subsequitur. Dictator enim priuato Pompeio & caput adaperuit: & sella assurrexit: & equo descendit: eaq; se libenter facere in concione praedicauit: memor ab eo duo de uiginti annis nato, partes suas exercitus paterno adiutas. multa insignia Pompeio: sed nescio an hoc quicquam admirabilius contigerit: quod magnitudine beneficij, sui Syllam obliuisci coëgit.



VAL. MAX.

Sit aliquis in summo splendore etiā sordibus grati-  
tis locus. Marco Cornuto Præt. funus Irtij, & Pan-  
sæ iussu senatus locante, qui tunc Libitinā exercebāt:  
tum rerum suarum usum, tum ministerium suum gra-  
tuitum polliciti sunt. quia ij pro R. P. dimicantes occide-  
rant. perseverantiq; postulatione exciderunt: ut exe-  
quiarum apparatus Sextertio nummo ipsis præbentibus  
addiceretur, quorum laudem adiecta lege conditio au-  
get, magis: quā extenuat. quoniā quidem quæstum  
contempserunt nulli aliij rei: quā quæstui uiuentes.

Pace cinerum suorum Reges gentium exterarum  
secundum hunc tam contemptum gregem referri se  
patientur: qui aut non attingendus: aut non nisi in  
ultima parte domesticorum exemplorum collocandus  
fuit. Sed dum honesti actus etiam ab infimis editi: me-  
moriam non intercidant, licet separatum locum obti-  
neant: ut nec his adiecti, nec illis prælati uideantur.

De Dario. Externa.

Darius priuatæ adhuc fortunæ amiculo Sylofontis Sa-  
mij delectatus curiosa contēplatione fecit, ut ultro sibi  
& quidē à cupido daretur. Cuius muneris, quā grata  
æstimatio animo eius esset allapsa: regno potitus csten-  
dit. totam nanq; urbē & insulam Samorū Sylofonti  
fruendam tradidit. Non enim pretium rei æstimatū:  
sed occasio liberalitatis est honorata: magisq; à quo do-  
num proficisceretur: q̄ ad quē perueniret, prouisum.

De Mithridate.

Mithridates quoq; Rex magnifice gratus apparuit: quo-  
niam pro Leonico acerrimo defensore salutis suæ à  
Rhodijs nauali pugna excepto omnes hostiū captiuos



permutauit, satius esse existimans ab inuisissimis circumueniri: quam benemerito gratiam non referre.

De Attalo Rege.

liberalis P. R. magnitudine muneris. quod Attalo Regi Asiam dedit dono. sed Attalus etiā testamenti æquitate gratus, qui eandem Asiam P. R. legauit. Itaque nec huius munificentia, nec illius tam memor beneficij animus tot uerbis laudari potest: quot amplissimæ ciuitates uel amice datæ, uel pie redditæ sunt.

De Masinissa Rege.

æterū nescio an præcipue Masinissæ regis pectus grati animi pignoribus fuerit refertum. beneficio enim Scipionis, et persuasu regni modo liberius auctus, memoriam inclyti muneris ad ultimum uitæ finem, longæ etiam à Dijs immortalibus senectute donatus, constantissima fide perduxit: adeo, ut eum non solum Africa: sed etiam cunctæ gentes scirent amiciorem Cornelie familiæ, atque urbi Romanæ, quàm sibi met semper fuisse. ille, cum graui Carthaginensium bello premere tur: ac uix tutelæ suæ imperij sufficeret: tamen Scipioni Aemiliano, quia nepos Africani erat: bonam, magnamq; partem numidici exercitus, quam Lucullo Cos. à quo ad auxilia petenda missus fuerat: in Hispania duceret: promptissima mente tradidit: præsentiq; periculo respectum pristini beneficij anteposuit.

Ille, cum iam ætate deficiente, magnas regni opes, quatuor et quinquaginta filiorū numero relinquens in lectulo laberetur: M. Maniliū, qui Procos. Africam obtinebat: literis obsecrauit: ut ad se Scipionem Aemilianū, sub eo tunc militantem mitteret feliciorē



VAL. MAX.

mortem suam futuram ratus, si in complexu dextra  
eius supremum spiritum, ac mandata posuisset. ille  
aduentum Scipionis fati suis præcurrentibus, hæc  
uxori, liberisq; præceperat: unum in terris P. R. &  
unam in P. R. Scipionis domum nosse. integre omnia  
Aemiliano reservare: eum diuidendi regni arbitrum  
haberent. quod is statuisset, perinde ut testamento cau-  
tum, immutabile, ac sanctum obtinerent. Tot, tamq;  
uarijs rebus se Masinissa infatigabili pietatis serie ad  
centesimum extendit annum. His, et horum similibus  
exemplis, beneficentia generis humani nutritur, atque  
augetur. Hæ sunt eius faces, hi stimuli: propter quos  
iuuandi, & emerendi cupiditate flagrant. Et sane  
» amplissimæ, & speciosissimæ diuitiæ sunt: feliciter  
» erogatis beneficijs, late posse censerì. quorum quoniã  
religiosum cultum instituimus: nunc neglectum sug-  
gillandi gratia, quo sit gravior, referemus.

DE INGRATIS. Caput III.

u Rbis nostræ parentem senatus in amplissi-  
mo dignitatis gradu ab eo collocatus in cu-  
ria lacerauit: nec duxit nefas, ei uitam adi-  
mere: qui æternum Romano imperio spiritum ingene-  
rauerat. Rude nimirum illud, & ferox seculũ: quod  
conditoris sui cruore fæde maculatum, ne summa qui-  
dem posteritatis dissimulare pietas potest.

De P. R. in Camillum.

Hunc ingratum lapsæ mentis errorem, consentanea no-  
stræ ciuitas poenitentia sequitur. Viriũ Romanarum



et incrementum latissimum, et tutela certissima Fur-  
rius Camillus, in urbe incolumitatem suam tueri non ua-  
luit: cuius ipse salutem stabilierat, felicitatem auxe-  
rat. A. L. enim Apuleio Trib. pl. tanquam pecula-  
tor Veientanae praeda reus factus, duris, atque (ut ita di-  
cam) ferreis sententijs in exilium missus est. et quidem  
eo tempore, quo optimo iuvene filio spoliatus, solatijs  
magis alienandus, quam cladibus onerandus erat. sed im-  
memor patria tanti uiri maximorum meritorum, exe-  
quijs filij, damnationem patris iunxit. at, inquit, aera-  
rio abesse Tr. pl. querebatur quindecim millia aeris.  
(tanti namque poena finita est) indignam summam, pro-  
pter quam P. R. tali principe careret.

In Scipionem maiorem.

riore adhuc querela uiibrante, alia deinceps exurgit.  
Africanus superior, non solum contusam, et confra-  
ctam belli Punici armis R. P. sed penè iam exanguem,  
atque morientem, Carthaginis dominam reddidit. cuius  
clarissima opera iniurijs pensando, ciuitatis ignobilis  
eum, ac desertae paludis incolam fecerunt: eiusque uo-  
luntarij exilij acerbicatem non tacitus ad inferos tu-  
lit, sepulchro suo inscribi iubendo. Ingrata patria ne  
ossa quidem mea habes. Quid ista aut necessitate in-  
dignius, aut querela iustus, aut ultione moderatius?  
cineres ei suos negauit: quam in cineres collabi non  
fuerat passus. Igitur hanc unam Scipionis uindictam  
ingrati animi urbs Ro. sensit: maiorem mehercle Co-  
riolani uiolentia. ille enim metu patriam pulsauit:  
hic uerecundia. de qua ne queri quidem (tanta uerae  
pietatis constantia) nisi post fata sustinuit.



VAL. MAX.

In Scipionem Asiaticum.

**T**alia passo (credo) quæ fratri eius acciderunt, solatio esse potuerunt. cui Rex Antiochus deuictus: & Asia imperio R. P. adiecta: speciosissimusq; triumphus, ut peculatus reus fieret: & in carcerem duci iuberetur: causam præbuit.

In Africanum posteriorem.

**N**ihilo uirtute minor posterior Africanus. sed ne exitu quidem felicior. duabus enim urbibus Numantia, atq; Carthagine imperio Ro. imminuentibus, ex rerum natura depulsis, raptorem spiritus domi inuenit: mortis punitorem in foro non reperit.

In Scipionem Nasicam.

**Q**uis ignorat tantum laudis Scipionem Nasicam toga, quantum armis utrunq; Africanum meruisse? Qui pestifera Tib. Gracchi manu faucibus oppressam R. P. strangulari passus nō est. sed is quoq; propter iniquissimam uirtutum suarum apud ciues æstimationem sub titulo legationis Pergamū secessit. et quod uitæ superfluit: ibi sine ullo ingratae patriæ desiderio peregit.

In lentulum.

**I**n eodē nomine uersor: nec dum Corneliae gentis querelas exhausti. Nanq; P. Lentulus clarissimus, et amantissimus R. P. ciuis, cum in Auentino C. Gracchi nefarios conatus, et aciem pia, ac forti pugna magnis uulneribus exceptis fugasset: prælii illius, quo leges, pacem, libertatemq; in suo statu retinuerat: hanc mercedem tulit: ne in nostra quidem urbe moreretur. Siquidem inuidia, et obtreptione cōpulsus, legatione à senatu libera impetrata, habitaq; concione: qua à Dijs



immortalibus petijt: ne unquam ad ingratum populum reuerteretur: in Siciliam profectus est: ibiq; per se ueranter morando, compotem se uoti fecit: quinq; igitur deinde Cornelij, totidē sunt notissima ingratae patriae exempla. atq; horum quidē secessus uoluntarij.

In Halam Ser.

ala uero, cum magistrum equitum spuriū Melium regnum affectantem occidisset: custoditæ libertatis ciuium, exilio suo pœnas pependit.

æterum ut senatus, populiq; mens in modum subitæ tempestatis concitata leui querela prosequenda est. ita singulorum ingrata facta liberiore indignatione proscindenda sunt: quia potentes consilij, cum utrunq; ratione perpendere liceret: scelus pietati prætulerunt.

De P. Sextilio.

uo enim nimbo, qua procella uerborum, impiū Sextilij caput obrui mcretur? quod L. Cæsarem, a quo tum studiose, tum etiam feliciter grauissimi criminis reus defensus fuerat: Cinnanae proscriptionis tempore profugum, præsidij suum in fundo Tarquinienſi cladis conditione implorare: beneficij iura repetere coactū: a sacris perfidæ mensæ, & altaribus nefandorū penatum auulsum, truculento uictori iugulandum tradere non exhorruit. finge accusatorem eius fortuna publica in supplicis nomen conuersum, tam luctuosam illam opem genibus annixum orasse. crudeliter tamen repulsus uideretur. quin etiam quos iniuriæ inuisos faciunt: gratiosos miseriæ reddunt. Verū Sextilius nō accusatorem, sed patronum sæuissimæ inimici uiolentiæ suis manibus obiecit. si metu mortis, uita indignus.



si præmij spe, morte dignissimus.

De Cn. Popilio Lenate.

Sed, ut ad alium consentaneum huic ingrati animi actum transgrediar: M. Cicero Cn. Popilium Lenatem, Picenæ regionis, rogatu M. Celij, non minore cura, q̃ eloquentia defendit: eumq; causa admodum dubia fluctuantem, saluum ad penates suos remisit. hic Popilius postea nec re, nec uerbo à Cicerone læsus, ultro M. Antonium rogauit: ut ad illum proscriptum persequendum, & iugulandum mitteretur: impetratisq; detestabilis ministerij partibus, gaudio exultans, Caietam cucurrit: & uirum, omitto, quod amplissimæ dignitatis, certe salutis eius authorem studio præstantis officij priuatim sibi uenerandum, iugulum præbere iussit: ac protinus caput Romanæ eloquentiæ, & pacis clarissimam dexteram, per summum, & securû ociû amputauit. eaq; sarcina, tanquam optimis spolijs alacer in urbem reuersus est: neq; ei scelestum portanti onus succurrit, illud se caput ferre: quod pro capite eius quondam perorauerat. Inualidæ ad hoc monstrum suggillandum literæ. quoniam, qui talem Ciceronis casum satis digne deplorare possit, alius Cicero non extat.

De Pompeio Magno.

Quo te nunc modo Magne Pompei attingam, nescio. nam & amplitudinem fortunæ tuæ, quæ quondam omnes terras, & omnia maria fulgore suo occupauerat: intueor: & ruinam eius maiorem esse, quam ut manu mea attentari debeat: memini. Sed tamen nobis quoq; tacentibus, Cn. Carbonis, à quo admodum



adolescens de paternis bonis in foro dimicans protectus es, iussu tuo interempti mors animus hominum obuersabitur non sine aliqua reprehensione. quia ingrato facto, plus L. Syllæ uiribus, quàm propriæ indulisti uerecundiae.

Externa. De Carthaginiensibus.

At, ne nostra confessis, alienigenæ urbes insultent: Carthaginienses Annibalem, qui pro illorum incolumitate, & uictoria, tot imperatores, totq; exercitus nostros trucidauerat, quot gregarios milites hostium si occidisset, magnæ gloriæ foret, e conspectu suo submo-  
uere in animum induxerunt.

De Spartanis.

Neminem Lycurgo aut maiorem, aut utiliorem uirum Lacedæmon genuit, utpote cui Apollo Pythius oraculum petenti respondisse fertur: nescire se, utrum illum hominum, an deorū numero aggregaret. huic tamen neq; uitæ summa sinceritas, neq; constantissimus erga patriam amor, neq; leges salubriter excogitatae auxilio esse potuerunt, quo minus infestos ciues experiretur. sæpe enim lapidibus petitus, aliquando eiectus, publico furore etiam priuatus oculo, ad ultimum ipsa patria pulsus est. Quid aliæ facient urbes? ubi etiam illa, quæ constantiae, & moderationis, & grauitatis sibi laudem eximiam uendicat, tam ingrata aduersus tam benemeritum extitit?

De Atheniensibus.

etrahe Atheniensibus Thesea: nullæ, aut non tam clæræ Athenæ erunt. siquidē ille uicatim dispersos ciues suos in unam urbē contraxit: separatimq; & agreste



- more uiuenti populo, amplissima ciuitatis formā atq;  
 imaginem imposuit. Idem sœua potentissimi Regis Mi  
 nois imperia uixdum ætate pubescente repulit. Idem  
 effrenatam Thebarum insolentiam domuit. Idē opem  
 liberis Herculis tulit: & quicquid ubiq; monstri, aut  
 sceleris fuit: uirtute animi, ac robore dextræ commi-  
 nuit. huius tamen summoti ab Atheniensibus, Scyros  
 exule minor insula, ossa mortui cepit. In Solonem.
- I** am Solon, qui tam præclaras, tamq; utiles Athenien-  
 sib. leges tulit: ut si his perpetuo uti uoluissent: sempiter-  
 num habituri fuerint imperium: qui Salamina uelut  
 hostilem arcem ex propinquo saluti eorum imminen-  
 tem recuperauit: qui Pisistrati tyrannidem primus  
 uidit orientem: et solus armis opprimi debere, palam  
 dictitare ausus est: senectutem Cypri profugus exegit.  
 neq; ei in patria, de qua optime meruerat: humari con-  
 tigit. In Miltiadem.
- B** ene egissent Athenienses cum Miltiade, si eum post tre-  
 centa millia Persarum Marathone deuicta, in exiliū  
 protinus misissent: ac non in carcere, & uinculis mori  
 cōegissent. ut puto, hætenus sœuire aduersus optime me-  
 ritum abunde duxerunt. immo ne corpus quidē eius  
 sic expirare coacti, sepulturæ prius mandari passi  
 sunt: quā filius eius Cimon eisdem uinculis se con-  
 stringendum traderet. hanc hæreditatem paternam  
 maximi ducis filius, & futurus ipse ætatis suæ dux  
 maximus, solum se sortitum, cithenas scilicet & car-  
 cerem gloriari potuit. In Aristidem.
- A** ristides etiam, quo totius Græciæ iustitia censetur, con-  
 tinentiæ quoq; eximium specimen, patria iussus exæ-  
 cedere



dere est. felices Athenas, quæ post illius exilium inuenire aliquem aut uirum bonum, aut amantem sui ciuem potuerunt, cum quo tunc ipsa sanctitas migravit.

In Themistoclem.

Themistocles eorum, qui ingrati patriam experti sunt: celeberrimum exemplum, cum illam incolumem, claram, opulentam, principem Græciæ reddidisset: eo usque sensit inimicam: ut ad Xerxis, quem paulo ante destruxerat: non debitam sibi misericordiam perfugere necesse haberet.

In Phocionem.

Phocion uero his dotibus, quæ ad pariendum honorem potentissimæ iudicantur: clementia, & liberalitate instructissimus, non tantum eculeo ab Atheniensibus impositus est: sed certe post obitum nullam Atticæ regionis, quæ ossibus eius iniiceretur: glebulam inuenit. Iussus extra fines proijci: intra quos optimus ciuis uixerat. quid abest igitur, quin publica dementia sit existimanda summo, cōsensu maximas uirtutes quasi grauissima delicta punire, beneficiaque iniurijs rependere? quod cum ubique, tum præcipue Athenis intolerabile uideri debet. in qua urbe aduersus ingratos actio constituta est: et recte quia dandi, & accipiendi beneficij commercij, sine quo uix uita hominum extat: perdit, et tollit, quisquis benemerito parem referre gratiam negligit. Quam ergo reprehensionem merentur: qui, cum æquissima iura, sed iniquissima haberent ingenia, moribus suis, quam legibus uti maluerunt? Quod si qua prouidentia deorum effici posset: ut excellentissimi uiri, quorum modo casus retuli: legem ingratorum uindictam retinentes, patriam suam in ius, ad aliam ciui-



tatem pertraherent: non ne ingeniosum, & garulum  
 populum mutum, atq; elinguem hac postulatione red-  
 didissent? discordes foci tui, pacisq; diuidua tuguria  
 Græciæ facta sunt columen: lucet Marathon Persiciæ  
 trophæis. Salamis, & Hartemissum Xersis naufragia  
 numerantur. præualidis manibus exhausta mœnia,  
 pulchrioribus operibus cōsurgunt. harum rerum au-  
 thores ubi uixerunt? ubi iacent? responde. nempe The-  
 sea paruulo in scopulo sepeliri: & Miltiadem in car-  
 cere mori: & Cimona paternas inducere cathenas: et  
 Themistoclem uictorem uicti hostis genua complecti:  
 Solonemq; cum Aristide, & Phocione penates suos in-  
 grata fugere cōegisti: cum interim cineribus nostris fœ-  
 de, ac miserabiliter dispersis, Oedipodis ossa cæde pa-  
 tris, nuptijs matris contaminata inter ipsum Areopa-  
 gum diuini, atq; humani certaminis uenerabile dom-  
 cilium, & excelsis præsijs Minervæ arcem honore  
 aræ decoratos sacrosanctiores colis. adeo tibi aliena  
 mala tuis bonis gratiora sunt. Lege itaq; legem: quæ  
 te iureiurando obstrictam tenet: & quia benemeritis  
 debita reddere præmia noluiſti, læsis iusta piacula ex-  
 olue. Tacent mutæ umbræ fati necessitate constrictæ.  
 At immemores beneficiorum Athenæ reprehensione,  
 lingua sermone licenti soluta, non uacent. sed omitta-  
 mus ingratos, & potius de pijs loquamur. Aliquanto  
 enim satius est fauorabili, q̃ inuisæ rei uacare. Venite  
 igitur in manus nostras prospera parentum uota, feli-  
 cibus auspicijs propagatæ soboles: quæ efficiatis, ut &  
 genuisse iunet: & generare libeat.



Coriolanus maximus uir animi, & altissimi  
cōsiliū, optimeq; de R. P. meritis, iniquissimæ  
dānationis ruina prostratus, ad Volscos in-  
festos tunc Romanis confugit. Magno ubiq; pretio uir-  
tus æstimatur. Itaq; quò latebras quæsitū uenerat: ibi  
breuissime summū adeptus est imperium. Euenitq; ut  
quem pro se salutarē imperatorē ciues habere nolue-  
rant: penē pestiferū aduersus se, ducē experirentur: fre-  
quenter. n. suis exercitibus nostris, uictoriarū suarum  
gradibus, aditū iuxta mœnia urbis Volscō militi stru-  
xit. Quapropter fastidiosus ille in æstimandis bonis  
suis populus, qui reo non pepercerat: exuli coactus est  
supplicare. missi ad eum deprecandū legati: nihil pro-  
fecerunt. missi deinde sacerdotes cum insulis: æque si-  
ne affectu redierūt: stupebat senatus: trepidabat popu-  
lus: uiri pariter, et mulieres exitiū imminens lamen-  
tabantur. Tunc Veturia Coriolani mater, Volumniā  
uxorē eius, & liberos secum trahens castra Volscorū  
petiit: quā ubi filius aspexit propere ut amens matris  
complexū petiit: Illa ex precibus in irā uersa ait. Sine  
ut prius, q̄ complexū accipiā, sciam, an ad hostem, an  
ad filium uenerim, captiua'ne an mater in castris tuis  
sim. In hoc me longa uita, & infelix senectū traxit: ut  
exulē, deinde te hostem uidere? potuisti populari hanc  
terrā: quæ te genuit, atq; aluit? nisi te peperissem: Ro-  
ma non oppugnaretur. multa'q; insuper addidit com-  
plorando: qbus et uxoris, ac parvulorū fletibus motus  
matrē cōplexus: Expugnasti inquit, et uicisti irā meā



patria. precibus huius admonitus, cuius utera cōceptus sum: te quāuis merito mihi inuisam, dono: continuoq; agrum Romanum hostilibus armis liberauit. Ergo pectus, acceptæ dolore iniuriæ, spe potiundæ uictoriæ, uerecundia detractandi ministerij, metu mortis reformatum totum sibi pietas uacuefecit: uniusq; parentis aspectus, bellum atrox salutari pace mutauit.

De superiore Africano.

**E**adem pietas uiribus suis inflāmatum Africanum superiorem, uix dum annos pubertatis ingressum, ad opem patri in acie ferendam uirili robore armauit. Consulem enim eum apud Ticinum flumini aduersus auspicijs cum Annibale pugnātem saucium grauius, intercessu seruauit suo. neq; illū aut ætatis infirmitas, aut militiæ tirociniū, aut infelici prælij et ueterano bellatori pertimescēdus exitus, interpellare ualuit: quō minus duplici gloria cōspicius, coronā, imperatore simul & patre ex ipsa morte raptō, mereretur. auribus ista tam præclara exēpla Ro. ciuitas accipit. illa uidit oculis. De L. Manlio Torquato.

**L.** Manlio Torquato diem ad populū Pomponius Trib. pl. dixerat, quōd occasione bene faciendi belli ductus obtinendi legitimū imperij tempus excessisset. quodq; filium optimæ indolis iuuenem rustico opere grauatum publicis usibus subtraheret. Id postquam Manlius adolescens cognouit: protinus urbem petijt: & se in Pomponij domum prima luce direxit. qui æstimans in hoc eum uenisse: ut patris crimina, à quo plus iusto asperetractabatur: deferret: excedere omnes iussit cubiculo, quō licentius remotis arbitris iudicium



perageret. nactus occasione opportunam proposito suo iuuenis, gladium, quæ tectum attulerat: distinxit: tribunumq; munis, ac terrore compulsum iurare coëgit, à patris eius accusatione recessurum. eoq; effectum est, ne Torquatus causam diceret. commendabilis est pietas, quæ mansuetis parentibus præstatur: sed Manlius quo horridiorē patrem habuit: hoc periculo eius laudabilius subuenit: qui ad eum diligendum præter naturalem amorem, nullo indulgentiæ blandimento inuitatus fuerat.

De M. Cotta.

anc pietatem æmulatus M. Cotta, eo ipso die, quo togam sumpsit uirilem: protinus ut è capitolio descendit: Cn. Carbonem, à quo pater eius damnatus fuerat: postulauit: protractumq; reum iudicio afflixit: et ingenium, et adolescentiam, præclaro opere auspiciatus.

De C. Flamínio.

pud C. quoq; Flaminium authoritas patria æq; potens fuit. Nam cum Trib. pl. legem de gallico agro uiritim diuidendo, inuito, et repugnante senatu promulgasset: precibus, munisq; eius acerrime resistens, ac ne exercitu quidem aduersus se conscripto, si in eadem sententia perseveraret, absterritus: postquam pro rostris ei legem iam referenti pater manum iniecit: priuato fractus imperio, descendit è rostris: ne minimo quidem murmure destitutæ concionis reprehensus.

De Claudia Virgine Vestali.

agna sunt hæc uirilis pietatis opera: sed nescio an his omnibus ualentius, et animosius Claudiæ Vestalis uirginis factum: quæ cum patrem suum triumphantem, è curru uiolēta Trib. pl. manu detrahi animaduertisset:



mira celeritate utrique se interponendo, amplissimam potestatem inimicijs accensam depulit. Igitur alterum triumphum pater in Capitoliũ, alterũ filia in ædem Vestæ duxit: nec discerni potuit, utri plus laudis tribueretur: cui uictoria, an cui pietas comes aderat. Ignoscite uetustissimæ foci: ueniamq; æterni date ignes: si a uestro sacratissimo templo ad necessariũ, magisq; speciosum urbis locum contextus operis nostri progressus fuerit. Nulla enim acerbitate fortunæ, nullis sordibus pretium caræ pietatis euilescit. quin etiam eo certius, quod miserius experimentum habet.

De amore filiaæ erga matrem.

Sanguinis ingenui mulierem Præt. apud tribunal suum capitali crimine damnatam, triumuiro in carcere necandam tradidit. quã receptam, is, qui custodiæ præerat, misericordia motus, non protinus strangulauit: aditum quoq; ad eam filiaæ, sed diligenter excussæ, ne quid cibi inferret, dedit: existimans futurũ, ut inedia consumeretur. Cum autem iam dies plures intercederent: secum ipse quærens, quidnam esset, quod tandiu sustentaretur: curiosius obseruata filia, animaduertit illã exerto ubere famẽ matris lactis sui subsidio lenientem. quæ tam admirabilis spectaculi nouitas ab ipso ad triumuirum, à triumuiro ad Præt. à Præt. ad Coss. iudicium perlata, remissionem pœnæ mulieri impetrauit. Quod non penetrat? aut quid non excogitat pietas? quæ in carcere seruandæ genitricis nouam rationem inuenit. Quid. n. tam inusitatum, quid tam inauditum, q̃ matrem uberibus natæ alitam esse? putauerit aliquis hoc contra rerum naturam factum:



nisi diligere parentes prima naturæ lex esset.

De filiae pietate in patrem.

I dem prædicatum de pietate eius existimetur, quæ patrem suum Cimonæ cōsimili fortuna affectum, pariq; custodiæ traditum iam ultimæ senectutis uelut infantem pectori suo admotum aluit. Hærent, ac stupēt hominum oculi: cum huius facti pictam imaginē uident: casusq; antiqui conditionem, præsentis spectaculi admiratione renouant, in illis mutis membrorum lineamentis uiua, ac spirantia corpora intueri credentes. quod necesse est animo quoq; euenire aliquanto efficaciore pictura literarū uetera prodeuntibus admonito recordari.

De Cimonis pietate erga patrem.

N e te quidem Cimon silentio inuoluam: qui patri tuo sepulturam uoluntarijs uinculis emere non dubitasti. Nā & si maximo tibi postea & ciui, et Duci euadere contigit: plus tamen aliquanto laudis in carcere, q̄ in curia affectus es. cæteræ. n. uirtutes admirationis tantummodo multum, pietas uero etiam amoris plurimū meretur.

Externa. De duob. fratribus.

V os quoq; fratres memoria complectar: quorum animus origine fuit nobilior. Siquidem admodum humiles in Hispania nati, pro parentum alimentis spiritum erogando, specioso exitu uitæ inclaruistis. duodecim. n. milia numūm, quæ post mortem uestram his darentur: à filijs Patiechi pacti estis: ut eorū patris interfectore Epastum gentis suæ tyrannum occideretis. nec ausi solum insigne facinus estis: sed etiam strenuo, ac forti exitu claruistis. Eisdem enim manibus Patiechi ultionem, Epasti pœnam, genitoribus nutrimenta



nobis gloriosa fata peperistis. Ita q; tumultis melius etiā nunc uiuitis: quia parentum senectutem tueri, quā uestrā expectare satius esse duxistis.

De Cleobi et Bitone fratrib. de q; Amphinomo et anapo.  
**N**otiora sunt fratrum paria: Cleobis, et Biton: Amphinomus, et Anapus. illi q ad sacra Iunonis peragēda matrem uexerunt: ij quod patrem, et matrem humeris, per medios ignes Aetnae portarunt. sed neutris pro spiritu parentum expirare propositum fuit. Nec ego arguam detrecto laudem: aut Aetnaei montis gloriam inuoluerim: uerum obscuriori propter ignorantiam pietati, notitiae lumen admoneo: sicut Scythis libenter pietatis testimonium reddo.

## De Dario Rege.

**D**ario enim totis regni sui uiribus in eorum regionibus subinde impetū facienti, paulatim cedētes, ad ultimas iam solitudines peruenerant. Interrogati deinde ab eo per legatos, quem fugiendi finem, aut quod initium pugnandi facturi essent: responderunt: se nec urbes ullas, nec agros cultos, pro quibus dimicarent: habere. Ceterum cum ad parentum suorum monumenta uerissent: sciturum quemadmodum Scythae praeliari solerent. Quo quidē uno tam pio dicto, immanis, et Barbara gens ab omni se feritatis crimine redemit. Prima igitur, et optima rerū natura pietatis est magistra: quae nullo uocis ministerio, nullo usu literarū indigens, proprijs, ac tacitis uiribus, charitatē parentum, liberorum pectoribus infundit. Quid ergo doctrina proficiat? ut  
 » politiora, sed non ut meliora fiant ingenua: quoniam  
 » quidem solida uirtus nascitur, magis quā fingitur.



## De filio Cræsi.

Quis enim plaustis uagos, & sylvarum latebris corpora sua tegentes, in modumq; ferarum lanatu pecudum uiuentes, sic Dario respondere docuit? Illa nimirum, quæ etiam Cræsi filium loquendi usu destitutum, ad protegendam patris incolumitatem ministerio uocis instruxit. Captis enim à Cyro Sardibus, cum unus è numero Persarum, ignarus uiri, in cædē eius concitato impetu ferretur: uelut oblitus quid sibi nascēti fortuna denegasset: ne Cræsum Regem occideret: proclamando, pene iam impressum mucronem iugulo reuocauit. Ita, qui ad id tempus mutus sibi uixerat: saluti parentis uocalis factus est.

## De quodam iuvene dicto Plutone.

adē charitas italico bello Pinensem iuuenem, cui Plutoni erat cognomen: tanto animi, corporisq; robore armavit: ut cum obsessæ urbis suæ claustris præsideret: & Romanus imperator patrem eius captiuium in conspectu ipsius constitutum districtis militum gladijs circundedisset: occisurum se munitans, nisi irruptioni suæ iter præbuisset: solus è manibus eorum senē rapuerit. duplici pietate memorandus: quod & patris seruator, nec patriæ fuit preditor.

## DE PIETATE ERGA FRATRES. Caput V.

Anc charitatem, proximus fraternæ beneuolentiæ gradus excipit. Nā ut merito primum amoris uinculum ducitur, plurima, & maxima beneficia accepisse: ita proximū iudicari debet, simul accepisse. quā copiosæ enim suauitatis illa



V A L. M A X.

recordatio est. In eodem domicilio ante, quā nascerer, habitavi. in iisdem incunabulis, infantiae tempora peregi. eosdem appellavi parentes. eadem pro me vota excubuerunt: parem ex maiorum imaginibus gloriam traxi. cara est uxor. dulces liberi. iucundi amici. accepti affines. sed postea cognitis nulla benevolentia accedere debet: quae priorem exhauriat.

De Scipione maiore.

A tque haec teste Scipione Africano loquor: qui tametsi arctissima familiaritate Laelio iunctus erat: attamen senatum supplex orauit: ne provinciae sors fratri suo erepta, ad eum transferretur: legatumque se L. Scipioni in Asiam iturum promisit: et maior natu, minori: et fortissimus, et belli gloria excellens, laudis inopi: et quod super omnia est, nondum Asiatico iam Africanus. Itaque clarissimorum cognominum alterum sumpsit, alterum dedit: triumphique praetextam huius excepit, illius tradidit, ministerio aliquanto maior, quam frater imperio.

De M. Fabio Cos.

M. uero Fabius Cos. inclita pugna Hetruscis, et Veientibus superatis, delatum sibi summo senatus, populique studio triumphum ducere non sustinuit: quia eo praetorio Q. Fabius frater eius consularis fortissime dimicans occiderat. quantam in eo pectore pietatem fraternae charitatis habitasse existinemus: propter quam tantus amplissimi honoris fulgor extingui potuit?

De Tiberio Caesare.

H oc exemplo uetustas, illo seculum nostrum ornatum est: cui contingit fraternum iugum Claudia prius, nunc et



Iuliae gentis intueri decus. tantum enim amorē Prin-  
ceps, parensq; noster insitum animo fratris Drusi ha-  
buit: ut cum Ticini, quo uictor hostium ad complecten-  
dos parentes uenerat: graui illum, et periculosa uale-  
tudine in Germania fluctuare cognouisset: protinus  
inde metu attonitus erumperet: iter quoq; q̄ rapidum,  
et praeceps uelut uno spiritu corripuerit. eo patet: quod  
Alpes, Rhenumq; transgressus, die, ac noctu, mutato  
subinde equo, ducentis millibus passuum, per modo de-  
uictam barbariam Antabagio duce solo comite con-  
tentus euasit. sed eum tunc maximo labore, & pericu-  
lo implicatum, mortaliumq; frequentia defectum, san-  
ctissimum pietatis numen, et dii fautores eximiarū uir-  
tutum, & fidissimus Romani imperij custos Iupiter co-  
mutatus est. Drusus quoq; quanq̄ fato iam suo, q̄ illius  
officio propior erat: uigore spiritus, & corporis uiri-  
bus collapsus, eo ipso tamen quo uita, & mors distin-  
guitur, momēto, legiones cum insignibus suis fratri ob-  
uiā procedere iussit: et ut imperator salutaretur, prae-  
cepit. & dextra in parte Praet. ei statui: & consulare,  
et imperatorium nomen obtinere uoluit: eodemq; tem-  
pore & fraternae maiestati cessit, & uita excessit.

De quodam milite Cn. Pompeij.

H is scio equidem nullum aliud, quam Castoris, & Pol-  
lucis specimen consanguineae charitatis conuenienter  
adiici posse: sed omnis memoriae clarissimis impera-  
toribus profecto non erit ingratum: si militis sum-  
ma erga fratrem suum pietas, huic uoluminis par-  
ti adhaeserit. is nanque in castris, Cn. Pompeij sti-  
pendia peragens, cum Sertorianum militem acrius



sibi in aciem instantem communis interemisset: iacentemq; spoliaret: ut fratrem germanum esse cognouit: multum, ac diu conuitio deos ob donum impiae uictoriae insecutus: prope castra transtulit: & pretiosa ueste opertū, rogo imposuit: ac deinde subiecta face, protinus eodem gladio, quo illum interemerat, pectus suum transuerberauit: seq; super corpus fratris prostratum communibus flammis cremandum tradidit. Licebat ignorantiae beneficio innocenti uiuere: sed ut sua potius pietate, quam aliena uenia uteretur: comes fraternae neci non defuit.

## DE PIETATE ERGA PATRIAM. Caput VI.

Rectissimis sanguinis uinculis pietas satisfacit. restat nūc ut patriae exhibeatur. cuius maiestati etiam illa, quae deorū numinibus aequatur, auctoritas parentum, uires suas subiecit. fraterna quoq; charitas aequo animo, ac libenter cedit summa quidem cum ratione. quia euersa domo, interdū R. P. status manere potest: urbis ruina penates omnes secum trahat necesse est. uerum quid attinet uerbis ista complecti? quorum tanta uis est: ut aliqui salutis suae impendio testati sint.

De Bruto primo Cos.

Brutus Cos. primus cum Arunte Tarquinij superbi filio regno expulsi in acie ita equo concurrat: ut pariter illatis hastis, uterq; mortifero uulnere ictus exanimis prosterneretur. merito obiecerim P. R. libertatem suam magno stetitisse.



## De Curtio Romano.

Cum autem in mediam partem fori, vasto, ac repentino  
hiatu terra subsideret: responsūq; esset, ea re illum tan-  
tūmodo cōpleri posse: qua P. R. plurimū ualeret: Cur-  
tius & animi, & generis nobilissimus adolescens in-  
terpretatus urbē nostrā uirtute, armisq; præcipue ex-  
cellere: militaribus insignibus ornatus, equū conscēdit:  
eumq; uehementer admotis calcaribus præcipitem in  
illud profundū egit: super quem uniuersi ciues honoris  
gratia certatim fruges iniecerunt. continuoq; terra pri-  
stinum habitum recuperauit. magna postea decora in  
foro Romano fulserunt. Nullum tamen hodie pietate  
Curtij erga patriam clarius obuersatur exemplum.  
cui principatū gloriæ obtinenti consimile factum sub-  
nectam.

## De Genitio Cippo Præt.

Genitio Cippo Præt. paludato portam egredienti, noui,  
& inauditi generis prodigium incidit. Nanq; in capite  
eius subito ueluti cornua emerferunt. responsūq; est  
eum Regem fore, si in urbem reuertisset. Quod ne acci-  
deret, uolūtarium, ac perpetuum sibi met indixit exi-  
lium. dignam pietatem: quæ, quod ad solidam gloriā  
attinet: septem Regibus præferatur. cuius testandæ rei  
gratia, capitis effigies ærea portæ, qua excesserat: in-  
clusa est: dictaq; Raudusculana, quod olim rauda æra  
dicebantur.

## De Aelio Præt.

Genitius laudis huius successionem Aelio Præt. tradi-  
dit: cui ius dicenti, cum in capite picus consedisset: aru-  
spexq; affirmasset: conseruato eo fore domus ipsius sta-  
tum felicissimum, R. P. miserrimum: occiso, in contra-  
rium utrunq; cessurum: ē uestigio picum morsu suo in



V A L. M A X.

conspectu senatus necauit . decem & septem militum familiam, eximæ fortitudinis viros, Cannensi prælio amisit. R. P. procedente tempore ad summum imperij fastigium excessit. Hæc nimirum exempla Sylla, & Marius, & Cinna tanquam stulta irriserunt.

De Publio Decio.

**P**ublius Decius, qui consulatum in familiam suam primus intulit: cum latino bello Romanâ aciem inclinatam penè iam, & prostratam uideret: caput suum pro salute R. P. deuouit: ac protinus concitato equo, in medium hostium agmen patriæ salutem, sibi mortem petens, irrupit: facta q; ingenti strage, plurimis telis obrutus, super corruit. ex cuius uulneribus, & sanguine insperata uictoria emerfit.

De filio P. Decij.

**V**nicum talis imperatoris specimen esset: nisi animo suo respondentem filium genuisset. Is nanq; in quarto consulatu patris exemplum secutus, deuotione simili, æque strenua pugna, consentaneo exitu labantes, perditas q; uires urbis nostræ correxit. Itaq; dignosci arduum est, utrum Romana ciuitas utilius habuerit Decios, an amiserit. quoniam uita eorum, ne uinceretur, obstitit. mors fecit, ut uinceret.

De Scipione Africano superiore.

**N**on est extinctus pro R. P. superior Scipio Africanus: sed admirabili uirtute ne R. P. extingueretur: prouidit. siquidem cum afflictâ Cannesi clade urbs nostra nihil aliud, q̃ præda uictoris esse Annibalis uideretur: Ideo q; reliquæ prostrati exercitus deferendæ Italiæ authore Q. Metello consilium agitarent: tribunus



militum admodū inuenis, stricto gladio mortem unicuiq; munitando, iurare omnes nunquam se relicturos patriam coëgit: pietatemq; nō solum ipse plenissimam exhibuit: sed etiam ex pectoribus aliorum abeuntem reuocauit.

De Publicanis.

ge ut à singulis ad uniuersos trāsgrédiam: quanto, & quā equali amore patriæ tota ciuitas flagrauit: nā tam secundo punico bello exhaustum ærariū, ne deorum quidē cultui sufficeret: publicani ultro aditos censores hortati sunt: ut omnia sic locarent: tanq̃ R. P. pecunia abundaret: seq; præstituros cuncta, nec ullum assem, nisi bello confecto petituros polliciti sunt.

De dominis seruorū, Equitibus, & Centurionibus.

omni quoq; eorum seruorum, quos Sempronius Gracchus ob insignem pugnam Beneuenti manumiserat: pretia ab imperatore exigere supsederunt. In castris etiam nō eques, non centurio stipendium sibi dari desyderauit. uiri, ac fœminæ, quicquid auri, argentiue habuerunt: item pueri insignia ingenuitatis ad sustentandā temporis difficultatem contulerunt. ac neq; beneficio senatus, qui muneribus his functos, tributū onere liberauerat: qui squam uti uoluit: sed insuper id omnes promptissimis animis præstiterūt. Non ignorabant. n. captis Veijs, cum decimarum nomine, quas Camillus uouerat: aurū Apollini Delphico mitti oporteret: neq; emendi eius facultas esset: matronas ornamenta sua in ærarium retulisse. Similiterq; audierant, mille pondō auri, quæ gallis pro obsidione capitoliij promissa



debebantur: earum cultu expleta. Itaq; & proprio ingenio, & exemplo uetustatis admoniti, nulla sibi in re cessandum existimauerunt.

Externa. De Codro Rege Atheniensium.

**A**t externa eiusdem propositi exempla attingam. Rex Atheniensium Codrus, cum ingenti hostium exercitu Attica regio debilitata ferro, igniq; uastaretur: diffidentia humani auxilij ad Apollinis Delphici oraculū confugit: perq; legatos sciscitatus est, quonā modo illud tam graue bellū discuti posset. Respondit deus: ita illi finem fore: si ipse hostili manu occidisset. Quod quidem non solum totis Atheniensium castris, sed etiam contrarijs percrebuit. Eoq; factum est: ut ediceretur: ne quis Codri corpus uulneraret. Id postquā cognouit: depositis insignibus imperij, familiarem cultum induit. Ac pabulantium hostium globo sese obiecit: unumq; ex his falce percussū, in cede suā cōpulit: cuius interitu ne Athenæ occiderent: effectum est. De Thrasymbulo.

**A**b eodem fonte pietatis Thrasymbuli quoq; animus manauit. Is, cum Atheniensium urbem triginta tyrannorum teterrima dominatione liberare cuperet: paruaq; manu maximæ rei molem aggredieretur: et quidam e conscijs dixisset: quantas tandem tibi Athenæ per te libertatem consecutæ gratias debebunt? Respondit: Dī faciant, ut quantas ipse illis debeo: uidear retulisse. Quem affectum, inclytum destructæ tyrannidis opus laude cumulauit.

De Themistocle.

**T**hemistocles autem, quem uirtus sua uictorem, iniuria patriæ imperatorem Persarū fecerat: ut se ab ea oppugnanda



gnanda abstineret: instituto sacrificio, exceptum patera tauri sanguine hausit: et ante ipsam aram, quasi quædam pietatis clara uictima concidit. quo quidem tam memorabili eius excessu, ne Græciæ altero Themistocle opus esset: effectum est.

De duobus Philenis fratribus Carthaginiensibus. equitur eiusdem generis exemplum. Cum inter Carthaginem, & Cyrenas de margine agri pertinacissima contentio esset: ad ultimum placuit utriq; eodem tempore iuvenes mitti: & locum, in quem ij conuenissent: finem ambobus haberi populis. uerū hoc pactum duo fratres Carthaginienses nomine Phileni, perfidia præcurrere, citra constitutam horam maturato gressu in longius promotis terminis. quod cum intellexissent Cyrenensium iuvenes, diu de fallacia eorum questi, postremo acerbitate conditionis iniuriam discutere conati sunt. dixerunt nanq; sic eum finem ratum fore, si Phileni uiuos se ibi obrui possi essent. sed consilio euentus non respondit. Illi enim nulla interposita mora, corpora sua his terra operienda tradiderunt. qui quoniam patriæ, quàm uitæ suæ longiores terminos esse maluerunt: bene iacent, manibus, & ossibus suis punico dilatato imperio. Vbi sunt superbæ Carthaginis alta mœnia? ubi maritima gloria inclyti portus? ubi cunctis litoribus terribilis classis? ubi tot exercitus? ubi tantus equitatus? ubi immenso Africæ spatio nō contenti spiritus? omnia ista duobus Scipionibus fortuna partita est. At Philenorū egregij facti memoriam, ne patriæ qdē interitus extinxit. nihil est igitur excepta uirtute, quod mortali animo, ac manu, i mortale quæri possit.



I uuenili ardore plena hæc pietas . Aristoteles uero supremæ uitæ reliquias senilibus, ac rugosis membris in summo literarum ocio uix custodiens, adeo ualenter pro salute patriæ incubuit: ut eam ab hostilibus armis solo æquatam, in lectulo Atheniensi iacens, & quidē Macedonum manibus, quibus disiecta erat: erigeret. Ita urbs nō tam strata, atq; euersa, Alexandri, quā restituta Aristotelis notum est opus. patet ergo, quā benignæ, quāq; profusæ pietatis erga patriā omnium ordinum, omnis ætatis homines extiterint: sanctissimisq; naturæ legibus mirificorum etiam exemplorum clara mundo subscripserit ubertas.

DE PARENTVM AMORE, ET INDULGENTIA IN LIBEROS. Caput VII.

Et nunc uela pī affectus, et placidi, patētum erga liberos indulgentia: salubriq; aura prouecta gratā suauitatis secū dotē affirat. Fabius Rutilianus quinq; consulatibus summa cū gloria peractis, omnibusq; et uirtutibus, & uitæ meritis stipēdijs, legatus ire Fabio Gurgiti filio ad bellū difficile, et periculosum conficiendū grauatus non est: penē ipso per se duntaxat animo sine corpore militaturus: utpote propter ultimā senectutem, lectuli ocio, quā labori præliorū habilior. Idem triumphantis currum equo insidens sequi, quem ipse paruulum triumphis suis gestauerat: in maxima uoluptate posuit. nec accessor gloriosæ illius pompæ, sed author spectatus est.



## De Ceseto Romano.

Non tam Ceseti speciosa equitis Romani sors patria, sed par indulgentia: quia a Cesare omnium iam externorum & domesticorum hostium victore, cum abdicare filium suum iuberetur: quod is Tr. pl. cum Marullo collega, inuidiam ei tanquam regnum affectanti fecerat: in hunc modum respondere sustinuit. Celerius tu mihi Caesar omnes filios meos eripies: quod ex his ego unum neta pellam mea. Habebat autem duos præterea optimæ indolis filios: quibus Caesar se incrementa benignæ dignitatis largiturum pollicebatur. Hunc patrem tam & si summa diuini principis clementia tutum præstitit: quis tamen non humano ingenio maius ausum putet: quod cui totus orbis terrarum succubuerat, non cessit?

## De Octauio Balbo.

Sed nescio an Octavius Balbus concitatoris, & ardentioris erga filium beneuolentiæ fuerit. Proscriptus a triumuiris cum domo, postico clam esset egressus: iamque fugæ expeditum initium haberet: postquam intus filium tradari falso clamore uiciniæ accepit: ei se neci, quam euaserat: obtulit. occidendumque militibus tradidit: pluris nimirum illud momentum, quo illi præter spem uidere filium incolumem contigerat, quam salutem suam æstimans. miseris adolescentis oculos, quibus amantissimum sui patrem ipsius opera sic expirantem, intueri necesse fuit.

## De Seleuco Rege.

Ceterum ut ad iucundiora cognitu ueniamus: Seleuci Regis filius Antiochus nouercæ Stratonices infando amore correptus: memor quam improbis facibus arderet: impium pectoris vulnus pia dissimulatione contegebat.



Itaq; diuersi iisdem uisceribus affectus, ac medullis inclusi, summa cupiditas, & maxima uerecundia ad ultimam tabem corpus eius redegerunt. Iacebat ipse Antiochus in lectulo moribundo similis. lamentabantur necessarij. pater mœrore prostratus, de obitu unici filij, deq; sua miserrima orbitate cogitabat. totius domus funebris magis, quàm regius erat uultus. Sed hæc tristitiæ nubem Leptini mathematici, uel, ut quidam tradunt, Herasistrati medici prouidentia discussit. iuxta enim Antiochum sedens, ut eum ad introitum Stratonices rubore perfundi, & spiritu increbrescere, eaq; egrediente pallere, & excitatiorem anhelitum subinde recipere animaduertit: curiosiore observatione ad ipsam ueritatem penetrauit. Intrante enim Stratonice, & rursus abeunte, brachium adolescentis dissimulanter apprehendendo modo uegetiore, modo languidior pulsu uenarum, comperit cuius morbi æger esset. Protinusq; id Seleuco exposuit. Qui carissimam sibi coniugem filio suo cedere non dubitauit. quod in amorem incidisset, fortunæ acceptum referens: quod dissimulare eum usq; ad mortem paratus esset, ipsius pudori imputans. subiiciatur animus senex, Rex, amans: iam patebit, quàm multa, quàmq; difficilia paterni affectus indulgentia superarit.

De Ariobarzane Rege Cappadociæ.

**A**t Seleucus quidem uxore: Ariobarzanes filio suo Cappadociæ regno cessit in conspectu Cn. Pompeij: cuius cum ipse tribunal conscendisset: inuitatusq; ab eo in curuli sella sedisset: postquam filium in cornu scribæ humiliorem fortuna sua locum obtinentem conspexit: nō



sustinuit infra se collocatum intueri. Sed protinus sella descendit: & diadema in caput eius transtulit: hortariq; cepit, ut eò transiret, unde ipse surrexerat. exciderunt lachrymæ iuueni. cohorrui corpus. delapsum diadema est. nec quod iussus erat: progredi potuit. quodq; penè fidem ueritatis excedit: lætus erat, qui regnum deponebat: tristis, cui dabatur. nec ullum finem tam egregium certamen habuisset: nisi patriæ uoluntati authoritas Pompeij affuisset. filium enim & Regem appellauit: & diadema sumere iussit: & in curuli sella considerare coëgit. Comicæ lenitatis hi patres: tragicæ asperitatis illi.

DE PARENTVM SEVERITATE ADVERSVS LIBEROS. Caput VIII.

De Lucio Bruto.

**B** Rutus par gloria Romulo: quia ille urbem, hic libertatem Romanam cōdidit: filios suos Tarquiniij dominationem à se expulsam reducentes, summum imperium obtinens, comprehensos, proq; tribunali uirgis cæsos, & ad palum religatos securi percuti iussit. Exiit patrem, ut Cos. ageret. orbusq; uiuere, quàm publicæ uindictæ deesse maluit.

De Cassio.

**I**uius æmulatus exemplum Cassius, filium, qui Trib. pl. Agrariam legem primus tulerat: multisq; alijs rebus populariter animos hominum amore sui deuinctos tenebat: postq̃ illam potestatem deposuit: adhibito propinquorum, & amicorum consilio, affectati regni



crimine domi damnauit: uerberibusq; affectum, necari iussit: ac peculium eius Cereri consecrauit.

De Manlio Torquato.

**T**itus autem Manlius Torquatus, præter egregia multa raræ dignitatis, iuris quoq; ciuilis, et sacrorum pontificalium peritissimus, in consimili facto nec consilio quidem necessariorum indigere se credidit. Nam cum ad senatum Macedonia de filio eius Decio Syllano: qui eam prouinciam obtinuerat: querelas per legatos detulisset: a. P. C. petijt: nequid ante de ea re statuerent: q̄ ipse Macedonum, filijq; sui causam inspexisset. summo deinde tum amplissimi ordinis, tum etiam eorum, qui questum uenerant, consensu, cognitione suscepta: domum consedit: solusq; utriq; parti per totum biduum uacauit: ac tertio die plenissime, diligentissimeq; auditis testibus, ita pronuntiauit. cū Syllanum filiū meum pecunias a socijs accepisse mihi probatum sit: & R. P. eū, & domo mea indignum iudico: protinusq; e conspectu meo abire iubeo. tam tristi patris sententia percussus Syllanus, lucem ulterius intueri non sustinuit: suspendioq; se proxima nocte consumpsit. Peregerat iam Torquatus seueri, et religiosi iudicis partes: satisfactū erat R. P. habebat ultionem Macedonia. potuit tam uerecundo obitu filij patris inflecti rigor. at ille neq; adolescentis exequijs interfuit: et cum maxime funus eius duceretur, consulere se uolentibus, uacuas aures accommodauit. Videbat enim se in eo atrio consedis: in quo illius imperiosi Torquati seueritate conspicua imago posita erat. Prudentissimoq; uiro succurrebat, effigies maiorum suorum cum titulis suis idcirco in pri-



ma ædium parte poni solere, ut eorum uirtutes posteri non solum legerent, sed etiam imitarentur.

De M. Scauro.

M. uero Scaurus lumen, ac decus patriæ, cū apud Athe-  
sim flumen impetu Cymbrorū Romani equites pulsi  
deserto Cos. Catulo pauidi urbem repeterent: conster-  
nationis eorum participi filio suo misit, qui dicerent  
se libentius in acie eius interfecti ossibus ocursorum:  
quam ipsum deformis fugæ reum uisurum. Itaq; si-  
quid modo reliquū in pectore uerecundiæ superesset:  
conspectum degenerati patris uitaturum. recordatione  
enim iuuentæ suæ: qualis M. Scauro aut habendus,  
aut spernendus esset filius: admonebatur. quo nuntio  
accepto iuuenis coactus est fortius aduersus semet-  
ipsum gladio uti: q̄ aduersus hostes usus fuerat.

De Aulo Fulvio.

Nec minus animose Aulus Fuluius Vir senatorij ordi-  
nis euntem filium in aciem retraxit: q̄ Scaurus ē  
prælio fugientem increpuit. Nanq; iuuenem & inge-  
nio, & literis, & forma inter æquales nitentē: prauo  
consilio amicitiam Catilinæ secutum: inq; castra eius  
temerario impetu ruentem in medio itinere abstra-  
ctum, supplicio mortis affecit: præfatus nō se Catilinæ  
illum aduersus patriam, sed patriæ aduersus Catili-  
nam genuisse. licuit, donec civilis belli rabies præteri-  
ret: inclusum arcere. Verum illud cauti patris narra-  
retur opus: hoc seueri refertur. Sed ut hanc incitatam,  
& asperam seueritatem mitiores relatu patrum mo-  
res clementiæ suæ mistura temperent: exactæ pœnæ  
concessa uenia iungatur.



DE PARENTVM MODERATIONE ADVER-  
SVS SVSCEPTOS LIBEROS. Caput IX.

De Lucio Gellio.

Lucius Gellius omnibus honoribus ad censu-  
ram usq; defunctus: cum crimina grauissi-  
ma de filio in nouercam, commissum stuprũ,  
& paricidium cogitatum, propemodum explorata ha-  
beret: non tamen ad uindictam procurrit continuo:  
sed penè uniuerso senatu adhibito in consilium, expo-  
sitis suspicionibus, defendendi se adolescenti potestatem  
fecit. Inspecta q; diligentissime causa, absoluit eum tum  
consilij, tum etiam sententia sua. quod si impetu iræ  
abstractus sæuire festinasset: admisisset magis scelus,  
quàm uindicasset. De L. Hortensio.

Quod autem Hortensij, qui suis temporibus ornamentum Ro-  
manæ eloquentiæ fuit: admirabilis in filio patientia  
extitit. Cum enim eo usq; impietatem eius suspectam,  
& nequitiam inuisam haberet: ut Messalam suæ so-  
roris filium, hæredem habiturus, ambitus reum defen-  
dens iudicibus diceret: si illum damnassent: nihil sibi  
præter osculum nepotum, in quibus acquiesceret, su-  
perfuturum. hac scilicet sententia, quam etiam editæ  
orationi inseruit, filium potius in tormento animi,  
quàm in uoluptatibus reponens. tamen ne naturæ or-  
dinem confunderet: non nepotes, sed filium hæredem  
reliquit: moderate usus affectibus suis: quia & uiuus  
meritis eius uerum testimonium, & mortuus san-  
guini honorem debitum reddidit. De Fulvio.  
dem fecit clari generis, magnæq; dignitatis uir Ful-



uius, sed in filio aliquantum tetrore. Nam cum auxilium senatus implorasset, ut suspectus in paricidio: & ob id latens per triumvirum conquireretur: ac iussu patrum C. comprehensus esset: non solum eum non notauit: sed etiam decedens, dominum omnium esse uoluit: quem genuerat heredem instituens, non quem fuerat expertus. De quodam patre ignoto.

Magnorum uirorum clementibus actis, ignoti patris nouae, atque inusitatae rationis consilium adijciam. qui cum a filio nece sibi insidias comperisset: nec inducere in animum posset: ut uerum sanguinem ad hoc scelus progressum crederet: seductam uxorem suspicans suppliciter rogauit, ne se ulterius celeret: siue illum adulescentem subiecisset, siue ex alio concepisset. assueuatione deinde eius, & iureiurando se nil tale debere suspicari, persuasus, in locum desertum filio perducto, gladium, quem secum occultum attulerat: tradidit: ac iugulum ferendum praebuit: nec ueneno, nec latrone ei ad peragendum paricidium opus esse affirmans. quo facto non paulatim, sed magno impetu recta cogitatio pectus iuuenis occupauit. Continuoque abiecto gladio tu uero, inquit, pater uiue. & si tam obsequens es, ut hoc precari filio permittas: me quoque exupera. Sed tantum quaeso: ne meus erga te amor eo sit uilior: quod a poenitentia oritur. solitudinem sanguine meliorem, pacatioresque penetibus syluas, & alimentis blandius ferum, ac mortis oblatae, quam datae uitae felicius beneficium. Commemoratis patribus, qui iniurias filiorum patienter exceperunt: referamus eos, qui mortes aequo animo tolerarunt.



VAL. MAX.

DE PARENTIBVS, QVI OBITVM  
FILIORVM FORTI ANIMO  
TVLERVNT. Caput X.

De Horatio Pulullo.

Oratius Pulullus, cū in capitolio Ioui Opt.  
h Max. ædem pontifex dedicaret: interq; nū-  
cupationem solennium uerborum postem te-  
nens, mortuum esse filium suū audisset: neq; manum  
a poste remouit: ne tanti templi dedicationem inter-  
rumperet: neq; uultum a publica religione ad prina-  
tum dolorem reflexit: ne patris magis, quā pontifi-  
cis partes egisse uideretur. De Aemilio Paulo.

Clarum exemplum, nec minus tamen illustre, quod se-  
quitur. Aemilius Paulus nunc felicissim, nunc miser-  
rim patris clarissima representatio, ex quatuor filiis  
formæ insignis, egregiæ indolis duos iure adoptionis  
in Corneliam, Fabiamq; gentem tralatos, sibi ipse de-  
negauit: duos ei fortuna abstulit. Quorū alter trium-  
phū patris funere suo quartū ante diē præcessit: alter  
in triumphali curru conspectus, post diem tertium expi-  
rauit. Itaq; qui ad donandos usq; liberos abundaue-  
rat: in orbitate subito destitutus est. quē casum quo robo-  
re animi sustinuerit: oratione, quā de rebus a se gestis  
apud populū habuit: hanc adiūciendo clausulam nulli  
ambiguum reliquit. Cum in maximo prouentu felici-  
tatis uestre Quirites timerē: nequid mali fortuna mo-  
liretur: Iouem Opt. Max. Iunonemq; Regnam, et Mi-  
nervam precatus sum: ut si aduersi quid P. R. immi-  
neret: totum in meā domū conuerteretur. Quapropter



bene habet se res. annuēdo enim uotis meis, id egerunt: ut uos potius meum casum doleatis: quā ego uestrū ingemiscerē. Vno etiā, nunc domestico exēplo adiecto, in alienis luctibus orationi meae uagari permittam.

De Q. Martio Rege.

Q. Martius Rex superioris Catonis in consulatu collega filium summæ pietatis, magnæ spei, et quæ non parua calamitatis accessio fuit: unicum amisit. Cumq; se obitu eius subrutum, et euersum uideret: ita dolore altitudine consilij coercuit: ut a rogo iuuenis protinus curiā peteret: senatumq; , quē eo die lege haberi oportebat: euocaret. quod nisi fortiter mærorē ferre scisset: unius diei lucē inter calamitosum patrē, et strenuum Cos. neutra in parte cessante officio partiri non potuisset.

EXTERN A.

De Pericle Principe Atheniensium.

Princeps Atheniensium Pericles intra quatrimum duobus mirificis adolescētibus filijs spoliatus, his ipsis diebus et uultu pristinū habitum retinente, et oratione nulla ex parte infractiore concionatus est. Ille uero caput quoq; solito more coronatū gerere sustinuit: ut nihil ex uetere ritu propter domesticum uulnus detraxerit. nō sine causa igitur tanti roboris animus ad Olympi Iouis cognomen ascendit. De Xenophonte.

Xenophon autem, quod ad Socraticā disciplinā attinet: proximus a Platone felicitis, ac beatæ facundiæ gradus: cū solēne sacrificiū perageret: ē duobus filijs maiorem natu nomine Gryllū apud Mantineam in prælio cecidisse cognouit: nec ideo institutum deorū cultum



VAL. MAX.

omittendum putavit: sed tantummodo coronam deponere contentus fuit. quam ipsam, percunctatus quonāmodo occidisset: ut audiuit fortissime pugnantem interijssse: capiti reposuit: numma, quibus sacrificabat, testatus maiore se ex uirtute filij uoluptate, quam ex morte amaritudinem sentire. Alius remouisset hostiā: abiecisset altaria: lachrymis respersa thura disiecisset: Xenophontis cor pia religione immobile stetit: et animus in officio prudentiæ stabilis mansit: ac dolori succumbere ipsa clade, quæ nuntiata erat: tristius duxit.

De Anaxagora.

N e Anaxagoras quidē suppressendus est. Audita namq; morte filij, nihil inquit mihi inexpectatū, aut nouum nuntias. Ego. n. illū ex me natū, sciebā esse mortale. has uoces. utilissimis præceptis imbuta uirtus mittit. quas, si quis efficaciter auribus perceperit: non ignorabit ita liberos procreandos: ut memnerit his à rerū natura, et accipiēdi spiritus, & reddendi eodē momento tēporis legē dici. atq; ut mori neminē solere, q nō uixerit: ita nec uiuere aliquē quidē posse, qui nō sit moriturus.

VALERII MAX. LIBER SEXTVS.  
DE PVDICITIA. Caput I.

U Nde te uirorum pariter, ac fœminarum præcipuum firmamentum pudicitia inuocem? tu enim prisca religione cōsecratos focos Vestæ incolis. Tu Capitoliæ Iunonis puluinaribus incubas. Tu palatij columnen Augustos penates, sanctissimumq; Iuliæ genialem torum assidua statione celebras. Tuo



præsidio puerilis ætatis insignia munita sunt. Tui numinis respectu syncerus iuuentæ flos permanet. Te custode matronalis stola censetur. Ades igitur, & cognosce, quæ fieri ipsa uoluisti. De Lucretia.

ux Romanæ pudicitie Lucretia: cuius uirilis animus maligno errore fortunæ, muliebri corpus sortitus est. A Sex. Tarquinijs Regis superbi filio per uim stuprum pati coacta, cum grauissimis uerbis iniuriam suam in concilio necessariorum deplorasset: ferro se, quod ueste tectum attulerat: interemit: Causamq; tam animoso interitu imperium consulare pro regio permittendi P. R. præbuit: atq; hanc illatam iniuriam non tulit.

De Virginio, uiro plebeio.

irginius plebei generis, sed patricij uir spiritus, ne probro contaminaretur domus sua, proprio sanguini non pepercit. Nam cum Appius Claudius decemuir, filie eius uirgini stuprum, potestatis uiribus fretus, pertinacius expeteret: deductam in forum puellam occidit: pudicæq; interemptor, quam corruptæ pater esse maluit.

De Pontio Aufidiano.

ec alio robore animi præditus fuit Pontius Aufidius, eques Romanus: qui postquam comperit filie suæ uirginitatem à pædago proditam Faunio Saturnio, non contentus sceleratum seruum affecisse supplicio: etiam ipsam puellam necauit. Ita ne turpes nuptias celebraret: acerbis exequias duxit.

uid P. Menius quam seuerum pudicitie custodem egit? In libertum namq; gratum admodum sibi animaduertit: quia eum nubilis iam ætatis filie suæ osculum dedisse cognouerat: præsertim cum non libidine, sed



errore lapsus uideri posset. Cæterum amaritudine pœnæ, teneris adhuc puellæ sensibus, castitatis disciplinā ingenerari magni aestimauit. Eiq; tam tristi exemplo præcepit: ut non solum uirginitatem illibatam, sed etiam oscula ad uirum sincera perferret.

De Q. Fabio Maximo Seruiliano.

Q. uero Fabius Max. Seruilianus, honoribus, quos splendidissime gesserat: censuræ gravitate consumatis, exegit pœnas à filio dubiæ castitatis: & punito pependit uoluntario secessu conspectum patriæ uitando.

De P. Attilio Philisco.

Dicerem Censoriū uirum nimis acerbum extitisse, nisi P. Attilium Philiscum in pueritia corpore questum à domino facere coactum, tam seuerum postea patrem cernerem. Filiam enim suam eo, quod stupri se crimine coinquinauerat: interemit. Quam sanctam igitur in ciuitate nostra pudicitiam fuisse existimare debemus: in qua etiam institores libidinis, tam seueros eius iudices euasisse animaduertimus? sequitur excellentis nominis, ac memorabilis facti exemplum.

De M. Claudio Marcello Aedili, & filio suo.

M. Claudius Marcellus Aedil. cur. C. Scantinio Capitolino Trib. pl. diem ad populū dixit: quod filiū suum de stupro appellasset: eoq; asseuerante se cogi non posse, ut adesset: quia sacrosanctam potestatem haberet: & ob id tribunum auxilium implorante: totū collegiū tribunorum negauit se intercedere, quo minus pudicitiae questio perageretur. Citatus itaq; Scantinius reus uno teste, qui tentatus erat: damnatus est. constat iuuenem productum in rostra, defixo in terram uultu per



seueranter tacuisse: uerecundoq; silentio plurimum in ultionem suam ualuisse. De Metello Celere.

Metellus quoq; Celer stuprosæ mentis acer punitor extitit Cn. Sergio Silo promissorum matrifamiliæ numorū gratia diem ad populum dicendo: eumq; hoc uno crimine damnando. non enim factum tunc, sed animus in quæstionem deductus est. plusq; uoluisse peccare nocuit, quàm non peccasse profuit.

De Tito Veturio, filio Veturij.

Concionis hæc, illa curiæ grauitas. Titus Veturius, filius eius Veturij, qui in consulatu suo Samnitibus ob turpiter ictum fœdus deditus fuerat: cum propter domesticam ruinam, & graue æs alienum Celio Plotio nexum se dare adolescentulus admodū coactus esset: seruilibus ab eo uerberibus, quia stuprum pati noluerat: affectus, querelam ad Coss. detulit: à quibus hac de re certior factus senatus, Plotium in carcerem duci iussit. in qualicunq; enim statu positam Romano sanguini pudiciam tutam esse uoluit. Et quid mirum si hoc uniuersi P. C. censuerunt?

De C. Fescenino Triumuiro.

Fesceninus Triumuir, C. Cornelium fortissime militiæ stipendia emeritum, uirtutisq; nomine quater honore primipili ab imperatoribus donatum, quod cum ingenuo adolescentulo stupri commercium habuisset: publicis uinculis onerauit: à quo appellati tribuni, cum de stupro nihil negaret: sed sponsionem se facere paratum diceret: quod adolescens ille palam, atque aperte corpore quæstum factitasset: intercessionem suam interponere noluerunt. Itaq; Cornelius in carcere mo-



ri coactus est. non putarunt Tr. pl. R. P. nostram cum fortibus uiris pacisci oportere, ut externis periculis domesticas delicias emerent.

De Trib. pl. siue P. R.

**L**ibidinosi Centurionis supplicium Marci Lectorij Mer-  
gi Trib. mil. æque similis fœdus exitus sequitur. Cui  
Cominius Trib. pl. diem ad populum dixit: quod cor-  
nicularium suum stupri causa appellasset. Nec susti-  
nuit eius rei sententiam Lectorius: sed se ipse ante iu-  
dicij tempus fuga prius subtraxit: deinde etiam morte  
se puniuit. Naturæ modum expleuerat. fato tamen fun-  
ctus, uniuersæ plebis sententia crimine impuditiæ  
damnatus est. Signa illum militaria, sacratæ aquilæ,  
et certissima Romani imperij custos. seuera castrorum  
disciplina usq; ad inferos persecuta est. quoniam cu-  
ius uirtutis magister esse debuerat: sanctitatis corruptor  
tentabat existere.

De C. Mario.

**H**oc monuit C. Marium imperatorem tum, cum Clusium  
sororis suæ filium Trib. mil. à Cælio Plocio manipu-  
lario milite iure cæsum pronuntiauit: quia eum de stu-  
pro compellare ausus fuerat.

**S**ed ut eos quoq; qui in uindicanda pudicitia dolore suo  
publica lege usi sunt: strictim percurram: Sempronius  
Musa C. Gallium deprehensum in adulterio flagellis  
cecidit. C. Menius L. Octavianum similiter deprehensum  
neruis contudit. Carbo Actienus à Bibieno, Item Pon-  
tius à P. Cernio deprehensi castrati sunt. Cn. etiã Fu-  
rius Brocum, quæ deprehenderat: familiæ stuprandum  
obiecit. quibus iræ suæ indulsisse fraudi non fuit.

Externa.



Externa. De Hippone foemina.

A tq; ut domesticis externa subnectam: græca foemina nomine Hippo, cum hostium classe esset excepta: in mare se, ut pudicitiam morte tueretur: abiecit. cuius corpus Erechtheo litori appulsum, proxima undis humus sepulturæ mandatū, ad hoc tēpus tumulto cōtegit. sanctitatis uero gloriæ æternæ traditam memoriæ Græcia laudibus suis celebrando, quotidie florentiorē effecit.

De Orgiagontis uxore Reguli.

V eherentius hoc, illud cōsyderatius exēplum pudicitiae. Exercitu et copijs Gallogræcorum à Cn. Manlio Cos. in Olympo mōte ex parte deletis, ex parte captis, Orgiagontis Reguli uxor miræ pulchritudinis à Centurione, cui custodienda tradita erat: stuprum pati coacta: postq̃ uentum est in eum locum: in quem Cos. iussu Centurio, missō nuntio, necessarios mulieris pretium, quo eam redimerent: afferre iusserat: aurū expendente Centurione, et in eius pondus animo, oculisq; intento, Gallogræcis lingua gentis suæ imperauit, ut eum occideret: interfecti deinde caput abscissum manibus retinens ad coniugem uenit: abiectōq; ante pedes eius, & iniuriæ, & ultionis suæ ordinem exposuit. Huius foeminae quid aliud quisquam, quàm corpus in potestatem hostium uenisse dicat? Nanq; animus neq; uinci, nec pudicitia capi potuit.

De uxoribus Theutonicorum.

T heutonicorum uero coniuges Mariū uictorem orarūt: ut ab eo uirginibus Vestalibus dono mitterentur: affirmantes æq; se, atq; illas uirilis concubitus expertes futuras. eaq; re non impetrata, laqueis sibi nocte proxima



V A L. M A X.

spiritum eripuerunt. Dij melius, quod hunc animum uiris earum in acie non dederunt. Nam si mulierum suarum uirtutem imitari uoluissent: incerta Theutonice uictoriae trophæa reddidissent.

QVAE LIBERE DICTA, AUT  
FACTA SVNT. Caput II.

Libertatem autem uehementis spiritus dictis  
l pariter, & factis testatam, ut non inuita uerim: ita ultro uenientem non exclusim: quæ inter uirtutem, uitiumq; posita, si salubri modo se temperauerit: laudem: si quo non debuit, profuderit: reprehensionem meretur. ac uulgi sic auribus grator, quàm sapientissimi cuiusq; animo probabilior est: ut potè frequentius aliena uenia, q̃ sua prouidentia tuta. sed quia humanæ uitæ partes prosequi propositum est: nostra fide æstimatione propria referatur.

De quodam principe Priuernatum.

P Priuerno capto, interfectisq; qui id oppidum ad rebellandum incitauerant: senatus indignatione accensus, consilium agitabat: quid nam sibi de reliquis quoq; Priuernatibus faciendum esset. Ancipiti igitur casu eorum salus fluctuabat, eodem tempore, & uictoribus, & iratis subiecta. Cæterum cum auxilium unicum in precibus restare animaduernerent, ingenui, & italici sanguinis obliuisci non potuerunt. Princeps enim eorum in curia interrogatus quam pœnam mereretur: Respondit: quam merentur qui, cum se dignos libertate iudicarent: arma sumpserant. exasperatos P. conscriptorum



animos, uerbis inflāmauerat: sed Plautius Cos. fauens Priuernatum causæ, regressum animoso eius dicto obtulit: quæsiuitq; , qualē cum eis pacē habituri Romani essent impunitate donata. at is cōstantissimo uultu, Si bonā dederitis, inquit, perpetuā: si malā, nō diuturnā. qua uoce pfectū est, ut uictis non solū uenia sed etiam ius, & beneficiū nostræ ciuitatis daretur. sic in senatu Priuernās loqui ausus est. De L. Crasso.

I. uero Philippus Cos. aduersus eundē ordinem libertatem exercere non dubitauit. nā segnitē pro rostris exprobrans, alio sibi senatu opus esse dixit: tantūq; à pœnitentia dicti absuit: ut et L. Crasso summæ dignitatis, & eloquentiæ uiro id in curia grauius ferenti, manum injici iuberet. Ille reiecto lictore, non es, inqt, mihi Philippe Cos. quia nec ego tibi senator sum.

De P. Scipione Africano.

Quid populum ab incurſu suo tutum libertas reliquit? immo & similiter aggressa, & æque experta patientem est. Cn. Carbo Trib. pl. nuper sepultæ Cracchanæ seditionis turbulentissimus uindex, idemq; orientium ciuiliū malorū fax ardentissima, Publiū Africanum à Numantiæ ruinis summo cum gloriæ fulgore uenientē, ab ipsa penē porta in rostra productum, quid de Tiberij Gracchi morte, cuius sororem in matrimonio habebat: sentiret: interrogauit: ut authoritate clarissime uiri, inchoato iam incendio multum incrementi adijceret, quia non dubitabat quin propter tam arctam affinitatē aliquid pro interfecti necessarij memoria miserabiliter esset locuturus. At is iure eū cæsum uideri respōdit. cuius dicto cum concio tribunitio furore



instincta uiolenter succlamasset: Taceant, inquit, quibus Italia nouerca est: orto deinde murmure, nõ efficietis ait: ut solutos uerear, quos alligatos adduxi. Vniuersus populus iterum ab uno contumeliose correptus erat. Quantus est honos uirtutis? tacuit actutum. recēs uictoria ipsius Numantina: et patris Macedonica deuictæq; Carthaginis spolia habita: ac duorū regum Siphacis & Persæ ante triumphales currus cathenatæ ceruices, tunc totius fori frementis ora clauserunt. nec timori datum est silentium: sed quia beneficio Aemiliæ, & Corneliæ gentis multi metus urbis, atq; Italiæ finiti erant: plebs Romana libertati Scipionis libera non fuit. Quapropter minus mirari debemus, quod amplissima Cn. Pompeij authoritas toties cum libertate luctata est. nec sine magna laude: quoniam omnis generis hominum licentiæ ludibrio se esse, quieta fronte tulit.

De Cn. Pisone.

Cn. Piso. cum Manilium Crispum reum ageret, eumq; euidenter nocentem gratia Pompeij uideret eripi: iuuenili impetu, ac studio accusationis prouectus, multa, & grauius crimina præpotenti defensori obiecit. interrogatus deinde ab eo, cur se quoq; non accusaret: Da, inquit, uades R. P. te, si postulatus fueris: ciuile bellum non excitaturum: iam de tuo prius, quàm de Manly capite in consilium iudices mittam. ita eodem iudicio duos sustinuit reos: accusatione Manilium, libertate Pompeium. & eorum alterum lege peregit: alterum professione, qua solum poterat.

De Catone.

Quid ergo libertas sine Catone? non magis, q̃ Cato sine li-



bertate. Nā cum in senatorē nocentē, & infamē reum iudex sedisset, tabellæq; Cn. Pōpeij laudationē eius cōtinentes prolatæ essent, proculdubio efficaces futuræ pronoxio, submouit eas ē quæstione, legē recitādo: quæ cautum erat, ne senatoribus tali auxilio uti liceret. Huic factō persona admirationem ademit. Nā quæ in alio audacia uideretur, in Catone fiducia cognoscitur.

De Cn. Lentulo Marcellino Cōs.

C n. autē Lentulus Marcellinus Cōs. cum in concione de Magni Pompeij numma potentia quereretur: assensusq; illi clara uoce uniuersus populus esset: acclamante, inquit, acclamate Quirites: dū licet. iam enim uobis impune facere non licebit. pulsata est tunc eximij ciuis potentia, hinc inuidiosa querela, hinc lamentatione miserabili.

De Fauonio.

C ui candida fascia crus alligatum habenti, Fauonius, nō refert, inquit, qua in parte corporis sit diadema, exigui pāni cauillatione regias eius uires exprobrās. At is neutra in parte mutato uultu, utrūq; cauit: ne aut hilari fronte libenter agnoscere potentiā: aut tristi iram proficere uideretur. eāq; patientia inferioris etiam generis, & fortunæ hominibus aditum aduersus se dedit: ē quorum turba duos retulisse abunde erit.

De Aelio Mantia Formiano.

A elius Mantia Formianus libertini filius ultimæ senectutis, L. Libonem apud Cess. accusabat: in quo certamine cum Pompeius Magnus humilitatē ei, ætatemq; exprobrans ab inferis illum ad accusandū remissum dixisset: non mentiris, inquit, Pompei. uenio. n. ab inferis L. Libonem accusaturus. sed dum illic moror:



vidi cruentum Cn. Domitium Aenobarbū deflentem, quod summo genere natus, integerrimæ uitæ, amantissimus patriæ, in ipso iuuentutis flore, tuo iussu esset occisus. Vidi pari claritate conspicuum Brutum ferro laceratum, querentem id sibi prius perfidia, deinde etiam crudelitate tua accidisse. Vidi Cn. Carbonē acerrimum pueritiæ tuæ, bonorumq; patris tui defensorem in tertio consulatu catenis, quas tu ei iniici iusseras, uinctum, obtestantem, se aduersus omne fas, & nefas cum in summo esset imperio, a te equite Romano trucidatum. Vidi eodē habitu, et quiritatu tuo prætorium uirum Perpennam sæuitiam tuam execratem: omnesq; eos una uoce indignantes, quod indemnati sub te adolescentulo carnificæ occidissent. Obducta iam uetustis cicatriciabz bellorum civilium nastissima uulnera, municipali homini seruitutem paternam redolenti effrenatæ temeritatis, intolerabilis spiritus impune reuocare licuit. Itaq; eo tempore & fortissimum erat Cn. Pompeio maledicere, & tutissimum. sed non patitur nos hoc longiore querela prosequi personæ insequentis aliquanto sors humilior.

De Diphilo Tragædo.

Diphilus Tragædus, cum Apollinaribus ludis inter actū ad eum uersum uenisset: in quo hæc sententia continetur: miseria nostra Magnus est: directis in Pompeium Magnum manibus promittauit. reuocatusq; aliquoties a populo, sine ulla cunctatione nimæ illum, et intolerabilis potentia reum gestu perseveranter egit. eadem petulantia usus est in ea quoque parte. uirtutem istam ueniet tempus cum grauius gemas.



## De M. Castritio.

Metiam Castritiū libertate inflāmatu animus : qui dum Placentiæ magistratum gereret : Cn. Carbone Cos. iubente decretum fieri : quo sibi obsides a Placentinis darentur : nec summo eius imperio obtemperauit : nec maximis uiribus cessit : atq; etiam dicenti, multos se gladios habere, respondit : Et ego annos. obstupuerūt tot legiones tam robustas senectutis reliquias intuentes. Carbonis quoq; ira, quia materiam sæuendi perquam exigua habebat : paruulum uitæ tempus ablatura, in seipsa collapsa est.

## De Seruio Galba.

Iam Seruij Galbæ temeritatis plena postulatio : quòd diuum Iuliū consumatis uictorijs in foro ius dicentem, in hunc modum interpellare sustinuit. C. Iuli Cæsar pro Cn. Pompeio Magno quondam genero tuo in tertio eius consulatu pecuniam sponpondi : quo nomine nūc appellor. Quid agam? dependam? palam, atq; aperte ei bonorum Pompeij uenditionem exprobrando, ut a tribunali summoneretur, meruerat. sed ipsa illud mansuetudine mitius pectus, æs alienum Pompeij ex suo fisco solui iussit.

## De Cefelio uiro sapiente.

Age Cefelius uir iuris ciuilibus scientia clārus, quā periculose cōtumax? nullius enim aut gratia, aut auctoritate compelli potuit : ut de aliqua earum rerum, quas triumuiro dederant : formulam componeret : hoc animi iudicio uictoriæ eorum beneficia extra omnem ordinem legum ponens. Idem, cum multa de temporibus Cæsaris liberius loqueretur : amiciq; ne id faceret :



monerent: duas res, quæ hominibus amarissimæ uidentur: magnam sibi licentiam præbere respondit: senectutem, & orbitatem.

Externa. De quadam muliere.

- I nserit se tantis uiris mulier alienigeni sanguinis: quæ à Philippo Rege temulento immerenter damnata, provocarem ad Philippum, inquit, sed sobrium. excussit crapulam oscitanti: ac præsentia animi ebrium resipiscere, causâq; diligentius inspecta iustiores sententiam ferre coëgit. Igitur æquitatem, quam impetrare non potuerat: extorsit: ac potius præsidium à libertate, quàm ab innocentia mutuauit.

De quadam foemina Syracusana.

- I am illa nō solum fortis, sed etiam urbana libertas. senectutis ultimæ quædam Syracusis omnibus Dionysij tyranni exitium, propter nimiam morum acerbitatē, et intolerabilia onera uotis expetentibus, sola quotidie matutino tempore deos, ut incolumis, ac sibi superstes esset: orabat. Quod ubi is cognouit: non debitam sibi admiratus beneuolentiam, acersit eam: & quid ita hoc, aut quo suo merito faceret: interrogauit. Tum illa, certa est, inquit, ratio propositi mei. puella enim, cum grauem tyrannum haberemus: carere eo cupiebam: quo interfecto, aliquanto tetrior arcem occupauit. eius quoq; finiri dominationem magni aestimabam. tertium te superioribus importuniorem habere cœpimus rectorem. Itaq; timens ne si tu fueris absumptus: deterior in locum tuū succedat: caput meū pro tua salute deuoueo. tam facetam audaciā Dionysius punire erubuit.



## De Theodoro Cyrenæo.

I nter has, & Theodorū Cyrenæum quasi animosi spiri-  
tus coniugium esse potuit uirtute par, felicitate dissim-  
le. Is. n. Lysimacho Regi mortem sibi munitanti, enim  
uero, inquit, magna res tibi contigit: quia Cantari-  
dis uim assecutus es. Cūq; hoc dicto accensus cruci eum  
adfigi iussisset: terribilis hæc (ait) sit purpuratis tuis.  
mea quidē nihil interest: humi'ne, an fulmine putrescā.

## DE SEVERITATE.

## Caput III.

Rmet se duritia pectus necesse est: dum hor-  
ridæ, ac tristes seueritatis acta narrantur: ut  
omni mitiori cogitatione seposita, rebus audi-  
tu asperis uacet. Ita enim districtæ, & inexorabiles  
uindictæ, & uaria poenarum genera in medium pro-  
current. Vtilia quidem legum munimenta: sed mini-  
me in placido, & quieto paginarum numero reponen-  
da. M. Manlius unde Gallos depulerat: inde ipse præ-  
cipitatus est: quia fortiter defensam libertatem nefa-  
rie opprimere conatus fuerat. cuius iustæ ultionis ni-  
mirum hæc præfatio fuit. Manlius eras mihi, cum  
præcípites agebas Senones: postquam imitari cœpisti,  
unus factus es ex Senonibus. huius supplicio æternæ  
memoriæ nota inserta est. propter illum enim lege san-  
ciri placuit: nequis patricius in arce, aut in Capitolio  
habitaret: qui domum eò loci habuerat: ubi nunc ædē  
Monetæ uidemus.

## In Spurium Cassium.

ar indignatio auersus Spurium Cassium erupit. cui



plus suspicio concupitæ dominationis nocuit: quæ tres magnifici consulatus, ac duo speciosissimi triumphus profuerunt. senatus enim, populusque R. non contentus capitali eum supplicio afficere, interempto domum superiecit: ut penatium quoque strage puniretur. in solo autem, ædæ Telluris fecit. Itaque quod prius domicilium potentissimi viri fuerat, nunc religiosæ seueritatis monumentum est.

In Spurium Melium.

Eadem ausum spurium Melium consimili exitu patria multauit. area uero domus eius, quo iustitia supplicij notior ad posterum perueniret: Aequimelii appellationem traxit.

In Flacum, et Saturninum.

Quantum ergo odij aduersus hostes libertatis insitum animus antiqui haberent: parietum, ac tectorum, in quibus uersati fuerant: ruinis testabantur. Ideoque et M. Flacci, et L. Saturnini seditiosissimorum ciuium corporibus trucidatis penates ab imis fundamentis eruti sunt. Cæterum Flacciana area, cum diu penatibus uacua mansisset: à Q. Catulo Cymbricis spolijs adornata est.

In Tiberium, et C. Gracchos.

Viguit in nostra ciuitate Tiberij, et C. Gracchorum summa nobilitas, ac spes amplissima: sed quia statum ciuitatis conati erant conuellere: insepulta cadauera iacerunt: supremusque humanæ conditionis honos filiis Gracchi, et nepotibus Africani defuit. quin etiam familiares eorum, ne quis R. P. inimicis amicus esse uellet: de robore præcipitati sunt.

De P. Mutio Trib. pl.

Idem sibi licere tam P. Mutius Trib. pl. quam senatus et P. R. credidit: qui omnes collegas suos, quæ duce spu-



rio Cassio id egerant: ut magistratibus non subrogatis communis libertas in dubium uocaretur: uiuos cremauit. Nihil profecto hac seueritate fidentius. unus enim tribunus eā pœnam nouem collegis inferre ausus est: quā nouē tribuni ab uno collega exigere exhorruissent.

In M. Clodium.

Libertatis adhuc custos, et uindex seueritas, sed prodignitate etiam, ac pro disciplina æque grauis. M. enim Clodium senatus Corsis, quia turpem cum his pacem fecerat: dedit: quem ab hostibus non acceptum in publica custodia necari iussit. Semel laesa maiestate imperij quot modis iræ pertinax uindex? factum eius rescindit: libertatem ademit: spiritum extinxit: corpus contumelia carceris, et detestanda gemoniarum scalarum nota fœdauit. atq; hic quidem senatus animaduersionem meruerat.

De Cornelio Scipione.

n. autem Cornelius Scipio Hispali filius prius, quam mereri posset, expertus est. nam cum ei Hispania prouincia sorte obuénisset: ne illuc iret: decreuit. adiecta causa, quod recte facere nesciret. Itaq; Cornelius propter uitæ inhonestum actum sine ullo prouinciali ministerio tamen repetundarum lege damnatus est.

De C. Vatiene.

N e in C. quidem Vatiene, qui sinistrae manus digitos, ne bello italico militaret: absciderat: seueritas senatus cessauit. publicatis. n. bonis eius, ipsum æternis uinculis puniendū censuit: effecitq; ut quē honeste spiritū profunderē in acie noluerat: turpiter in catenis consumeret.



V A L. M A X.

De M. Curio Cos.

**I** d factum imitatus M. Curius Cos. cum delectum subitum educere coactus esset: & iuniorum nemo respondisset: coiectis in sortem omnibus tribubus, Polliae, quae proxima exierat: primū nomen urna extractum citari iussit. neq; eo respondente, bona adolescentis hastae subiecit. Quod ut illi nuntiatum est: ad Cons. tribunal cucurrit: collegiumq; tribunorum appellauit. Tunc M. Curius praefatus non opus esse eo ciue R. P. qui parere nesciret: & bona eius, & ipsum uendidit.

De Lucio Domitio Præt.

**A** eq; tenax propositi L. Domitius. Nā cum Sicilia Præt. regeret: & ad eum eximiae magnitudinis aper allatus esset: adduci ad se pastorem, cuius manu occisus erat: iussit. Interrogatumq; quomodo eam bestiam confecisset: postquā cōperit usum uenabulo: cruci affixit: quia ipse ad exturbanda latrocinia, quibus provincia uastabatur: nequis telum haberet: edixerat. hoc aliquis in finem seueritatis, et seuitiae ponendū dixerit. disputatione. n. utroq; flecti potest. Ceterum ratio publici imperij Præt. nimis asperum existimari non patitur. Sic se in uiris puniendis seueritas exercuit. Sed ne in foeminae quidem supplicio afficiendis segniorem se egit.

De Horatio.

**H** oratius post praelium trium Curiatium conditione pugnae omnium Albanorū uictor, cum ex illa clarissima acie domum repetens sororem suam uirginem Curiatij sponsi mortem profusus, quā illa aetas debebat: flentem uidisset: gladio, quo patriae rē bene gesserat: interemit. parum pudicas ratus lachrymas, quae



præpropere amoris dabantur. Quem hoc nomine reū apud populum actum pater defendit. Ita paulo propensior animus puellæ ad memoriam futuri uiri, & fratrem ferocem uindictæ, & uindictæ tam rigidum assensorem patrem habuit.

De Spurio Posthumio Albino, & Q. Martio Philippo.

onsimili seueritate Senatus postea usus, Spurio Posthumio Albino, et Q. Martio Philippo Coss. mandauit: ut de ijs, quæ sacris bacchanalium incestu usæ fuerant, inquirerent: à quibus cum multæ essent damnatæ, in omnes cognatas intra domos animaduenterunt: lateq; patens opprobrij deformitas, seueritate supplicij emendata est: quia quantum ruboris ciuitati nostræ mulieres turpiter se gerendo incusserant: tantum laudis grauius punitæ attulerunt.

De Publicia & Licia.

ublicia autem, quæ Posthumum Albinum Cos. item Licia, quæ Claudium Asellum uiros suos ueneno necauerant: propinquorum decreto strangulatæ sunt. non enim putauerunt seuerissimi uiri in tam euidenti scelere longum publicæ quæstionis tempus expectandum. Itaq; quarum innocentium defensores fuissent: sontium maturi uindices extiterunt. magno scelere horum seueritas ad exigendā uindictam concitata est.

De Egnatio Metello.

gnatij autem Metelli longe minore de causa: qui uxorem quod uinum bibisset, fuste percussam interemit. Idq; factum non accusatore tantum, sed etiam reprehensore caruit, unoquoque existimante optimo illam



V A L. M A X.

- exemplo uiolatæ sobrietatis pœnas pependisse. et sanè  
 » quæcunq; fœmina uini usum immoderate appetit: &  
 » uirtutibus omnibus ianuâ claudit: & delictis aperit.

De C. Sulpitio Gallo.

- H orridum C. quoq; Sulpitiij Galli maritalis supplicium.  
 nam uxorem dimisit: quod eâ capite aperto foris uer-  
 satam cognouerat: abscissa sententia, sed tamen aliqua  
 ratione munita. Lex enim, inquit, tibi meos tm̃ præfi-  
 nit oculos: quibus & formam tuâ approbes: & pla-  
 cere desyderes. his decoris instrumenta compara. his  
 esto speciosa. horum te certiori crede notitiæ. ulterior  
 tuus conspectus supernacua irritatione acersitus, in  
 suspitione, & crimine hæreat necesse est.

De Q. Antistio Vetere.

- N ec aliter sensit Q. Antistius Vetus repudiando uxore:  
 quod illam in publico cum quadam libertina vulga-  
 ri secreto loquentem uiderat. nam (ut ita dicam) in cu-  
 nabilis culpæ et nutrimentis, non ipsa commotus cul-  
 pa, ceteriorem delicto præbuit ultionem: ut potius ca-  
 ueret iniuriam, quàm uindicaret.

De P. Sempronio Sopho.

- I ungendus est his P. Sempronius Sophus: qui coniugē  
 repudiij nota affecit, nihil aliud, quàm se ignorāte lu-  
 dos ausam spectare. ergo dum sic olim fœminis occur-  
 ritur: mens earum à delictis aberat. Cæterū & si Ro-  
 manæ seueritatis exemplis, totus orbis terrarū instrui  
 potest: tm̃ externa summam cognoscere fastigio nō sit.

Externa. De Archilocho poëta.

- L acedæmoniū libros Archilochi ē ciuitate sua exportari  
 iusserunt: quod eorum parum uerecundam, ac pud-



am lectionem arbitrabantur. noluerunt enim ea liberorum suorum animos imbui: ne plus moribus noceret: quàm ingenijs prodesset. Itaque maximum poetam, aut certe summo proximum, quia domum sibi inuisam ob-scœnis maledictis lacerauerat: carminum exilio multarunt.

De Atheniensibus.

Athenienses autem Timagoram inter officium salutationis Varii Regem more gentis illius adulatum, capitali supplicio affecerunt: unius cuius humilibus blanditijs totius urbis suæ decus Persicæ dominationi summum graviter ferentes.

De Cambyse Rege.

Iam Cambyse inusitatæ seueritatis: qui mali cuiusdam iudicis ex corpore pellem detractam sellæ intendi: in eamque filium eius iudicaturum considerare iussit. cæterum Rex, et barbarus, atroci, ac nova pœna iudicis, nequis postea corrumpi iudex posset: prouidit.

GRAVITER DICTA, AUT  
FACTA. Caput IIII.

m Agnam, et bonam laudis partem in claris uiris etiam illa uendicant: quæ aut ab his grauiter dicta, aut facta pertinax memoria uiribus æternus comprehendit. quorum ex abundantia copia, nec parca nimis, nec rursus auida manu quo magis desiderio satisfaciatur: quàm sacietati abundet: hauriamus.

De Manlio Torquato.

inuitate nostra Cannesi clade pulsata, cum admodum tenui



filo suspensa R. P. salus ex sociorum fide penderet: ut eorum animi ad imperium Romanum tuendum constatiores essent: maiori parti senatus principes Latinorum in ordinem suum sublegi placebat. Anius autem Campanus etiam Coss. alterum Capuæ creari debere asseuerabat: sic contusus, & æger Romani imperij spiritus erat. tunc Manlius Torquatus filius eius, qui Latinos Apud Vesperim inclyta pugna fuderat: quàm poterat clara uoce denunciauit: siquis sociorum inter patres C. sententiam dicere ausus esset: continuo se illum interempturum. hæc unius minæ, & Romanorum languentibus animis calorem pristinum reddiderunt: & Italiam ad ius ciuitatis nobiscum exequendum consurgere passæ non sunt: namque ut patris armis, ita uerbis filij fracta cessit.

De Manlio.

**P**ar illius quoque Manlij grauitas: cui cum consulatus omnium consensu deferretur: eumque sub excusatione aduersæ uoletudinis oculorum recusaret: instantibus cunctis, alium, inquit, Quirites quærite, ad quæ hunc honorem transferatis. nam si me gerere eum cogeritis: nec ego mores uestros ferre, nec uos meum imperium perpeti poteritis. priuati tam ponderosa uox: quàm graues fasces Cos. extitissent.

De Sapione Aemiliano.

**N**ihilo segnior Sapienis Aemiliani aut in curia, aut in concione grauitas: qui, cum haberet consortem censuræ Mumium, ut nobilem ita eneruis uitæ, pro rostris dixit: se ex maiestate R. P. omnia gesturum, si sibi ciues uel dedissent collegam, uel non dedissent.

De eodem



## De eodem Scipione.

I dem, cum Ser. Sulpitius Galba, & Aurelius Coss. in senatu contenderent: uter aduersus Viriatum in Hispaniam mitteretur: ac magna inter P. C. dissensio esset: omnibus quonam eius sententia inclinaretur, expectantibus: neutrum, inquit, mihi mitti placet: alter nihil habet: alteri est nihil satis: æque malam licentis imperij magistram iudicans inopiam, atq; auaritiã. quo dicto ut neuter in prouinciam mitteretur, obtinuit.

## De Pompilio legato.

Cn. uero Pompilius à senatu legatus ad Antiochũ missus: ut bello se, quo Ptolemæum laceſſebat: abstineret, cum ad eum uenisset: atq; is prompto animo, & amicissimo uultu dextram ei porrexisset: inuicem ei suã porrigere noluit: sed tabellas S. C. continentes tradidit. quas ut legit Antiochus: dixit se cum amicis collocaturum. indignatus Pompilius quòd aliquam moram interposuisset: uirga solum, quo insistebat: denotauit. & prius, inquit, quàm hoc circulo excedas: da responsum: quod senatui referam. non legatum locutum, sed ipsam curiam ante oculos positam crederes. continuo enim Rex affirmauit fore: ne amplius de se Ptolemæus quereretur. ac tum demum Pompilius manum eius tanquam socij apprehendit. Quàm efficax est animi, sermonisq; abscessa grauitas. eodem momento Syriæ regnum terruit, Aegypti textit.

## De P. Rutilio.

P. autem Rutilij uerba prius, an facta existimem, nescio. nam utrisq; æque admirabile inest robur. Cum amici cuiusdam iniustæ rogationi resisteret: atq; is per sum-



nam indignationem dixisset. Quid ergo, inquit, mihi opus est amicitia tua, si quod rogo non facis? respondit. immo quid mihi tua, si propter te aliquid inhoneste facturus sum? De eodem.

**H**uic uoci consentanea illa opera: quod magis ordinum dissensione, q̄ ulla culpa sua reus factus, nec obsoletam uestem induit, nec insignia senatoris deposuit, nec supplices ad genua iudicum manus tetendit, nec dixit quicquam splendore præteritorum annorū humiliter: effecitq̄, ut periculū huic non impedimentum grauitatis eius esset, sed experimentum. atq; etiā cum ei reditum in patriam Syllana uictoria præstaret: in exilio, nequid contra leges faceret: remansit. quapropter felicitatis cognomen iustus quis moribus grauissimi uiri, q̄ impotentis armis assignauerit: quod quidem Sylla rapuit, Rutilius meruit. De M. Bruto.

**M.** Brutus suarum prius uirtutum, q̄ patriæ parentis patricida, uno enim facto & illas in profundum præcipitauit: & omnem sui neminis memoriam, in expiabili detestatione perfudit: ultimum præliū initurus, negantibus id quibusdam committi oportere: fidenter, inquit, in aciem descendō. hodie enim aut recte erit, aut nihil curabo. præsumpserat uidelicet, neq; uiuere sine uictoria, neq; mori sine securitate posse.

Externa. De populo Cinaniensi.

**H**uius mentio mihi subiicit, quod aduersus D. Brutum in Hispania grauiter dictum est. referre. nam cum se ei tota penē Lusitania dedidisset: ac sola gentis huius urbs Cinania pertinaciter arma retineret: tentata redemptione propemodum uno ore legis Bruti respon-



dit: ferrum sibi à maioribus, quo urbem tuerentur: nō aurum, quo libertatem ab imperatore avaro emerent: relictum. Melius sine dubio homines nostri sanguinis hæc dixissent, quàm audissent. Sed illos quidem natura in huius grauitatis uestigia deduxit.

De Socrate philosopho.

Socrates autem græcæ doctrinæ clarissimum columen, cum Athenis causam diceret: defensionemq; ei Lysias à se compositam, qua in iudicio uteretur: recitasset, demissam, et supplicem, imminentiq; procellæ ac commotam: aufer, inquit, quæso istam: nam ego si adduci possem, ut eam in ultima Scythiæ solitudine prorarem: tum meipsum morte multandum concederem. Spiritum contempsit, ne careret grauitate: maluitq; Socrates extinguī, quàm Lysias superesse.

De Alexandro Rege.

Quantus hic in sapientia, tantus in armis Alexander illam uocem nobiliter edidit. Dario enim uno iam, et altero prælio uirtutem eius experto, atq; ideo partem regni Tauro tenus monte, et filiam in matrimonium cum decies centummillibus talentum pollicente, cum Parmenion dixisset: se, si Alexander esset, usurum ea conditione: respondit: Et ego uterer, si Parmenion essem: uocem duabus uictorijs respondentem, dignamq; cui tertia, sicut euenit, tribueretur.

De Lacedæmonijs.

Atq; hæc quidem et animi magnifici, et prosperi status. illa uero, qua legati Lacedæmoniorū apud patrē eius miseram fortunæ suæ conditionē testati sunt: gloriosior, q̃ optabilior. Intolerabilibus enim oneribus



ciuitatem eorū implicanti, siquid morte grauius impere rare perseveraret: mortē se praelaturos responderūt.

De quodam Spartano.

Nec parum graue Spartani cuiusdam dictum: siquidē nobilitate, & sanctitate præstans, & in petitione magistratus uictus, maximæ sibi esse lætitiæ prædicauit, quod aliquot patria sua se meliores uiros haberet. quo sermone repulsam honori adæquauit.

DE IUSTITIA. Caput V.

Tempus est iustitiæ quoq; sancta penetralia adire: in quibus semper æqui, ac probi facti respectus religiosa cum obseruatione uersatur. & ubi studium uerecundiæ est: cupiditas rationi cedit: nihilq; utile, quod parum honestum uideri possit, ducitur. eius autem præcipuum, & certissimum inter omnes gentes nostra ciuitas exemplum est.

De Senatu.

Camillo Cos. Phaliscos circumsedente, magister ludi plurimos, et nobilissimos inde pueros uelut ambulandi gratia eductos, in castra Romanorum perduxit. quibus interceptis, non erat dubium quin Phalisci deposita belligerandi pertinacia tradituri se nostro imperatori essent. ea re cognita senatus censuit: ut pueri uinctum magistrum uirgis cædentes in patriam remitterentur. qua iustitia animi eorum sunt capti, quorum moenia expugnari non poterant. namq; Phalisci beneficio magis, quàm armis uicti, portas Romanis aperuerunt.



## De .P.R.

**E**adem Ciuitas aliquoties rebellando, semperq; aduersis contusa praelijs, tandem se Q. Luctatio Cos. dedere coacta est. aduersus quam seuire cupiens P. R. postq; à Papirio, cuius manu iubente Cos. uerba deditionis scripta erant: doctus est Phaliscos non potestati, sed fidei se Romanorum commisisse: omnem iram placida mente deposuit: pariterq; & uiribus odij non sanè facile uinci assuetis, et uictoriæ obsequio, quæ promptissime licentiam subministrat: ne iustitiæ suæ deesset, obstitit.

## De eodem P. R.

**I**dem, cum P. Claudius Camerinos ductu, atq; auspicijs suis captos sub hasta uendidisset: & si ærarium pecunia, fines agris auctos animaduertebat: tamen quia parum liquida fide id gestum ab imperatore uidebatur: maxima cura conquisitos redemit: hisq; habitandi gratia locum in Auentino assignauit: & prædia restituit: pecuniam etiam nō ad curiam, sed ad sacra-ria ædificanda, sacrificiaq; facienda tribuit. iustitiæq; promptissimo tenore effecit: ut exitio suo lætari possent: quia sic renati erant. Moenibus nostris, & finitimis regionibus, quæ adhuc retuli: quod sequitur: per totum terrarum orbem manauit.

## De eodem senatu, &amp; Fabricio.

**T**imochares Ambraciensis Fabricio Cos. pollicitus est se Pyrrhum ueneno per filium suū, qui potionibus eius præerat: necaturum. ea res cum ad senatum delata esset: missis legatis Pyrrhum monuit: ut aduersus huius generis insidias cautius se gereret: memor urbē à filio Martis conditam, armis bella, nō uenenis gerere



debere. Timocharis autem nomen suppressit: utroque modo æquitatem amplexus: quia nec hostem malo exemplo tollere: nec eum, qui bene mereri paratus fuerat: prodere uoluit. De quatuor Tribb. pl.

**S**umma iustitia in quatuor quoque Tribb. pl. eodem tempore conspecta est. Nam, cum C. Atracino, sub quo duce aciem nostram apud Veruginem à Volscis inclinatam cum cæteris equitibus correxerant: diem ad populum L. Hortensius collega eorum dixisset: pro rostris iurauerunt, in squalore se esse, quoad imperator ipsorum reus esset futurus. Non sustinuerunt enim egregij iuvenes: cuius armati periculum uulneribus, et sanguine suo defenderant: eius togati ultimum discrimen potestatis insignia retinentes intueri: qua iustitia mota concio, actione Hortensium desistere coëgit. nec se etiam aliter eo facto, quod sequitur: exhibuit.

De Tib. Graccho, et C. Claudio.

**C**um Tib. Gracchus, et C. Claudius ob nimis seueram censuram, maiorem partem ciuitatis exasperassent: diē his M. Pompilius tribunus perduellionis ad populum dixit: præter communē consternationē, priuata etiam ira accensus: quia necessariū eius Rutiliū ex publico loco parietem demoliri iusserant. quo in iudicio primæ classis permultæ cēturiæ Claudiū aperte dānabant. de Gracchi absolutione uniuersæ consentire uidebātur. q̄ clara uoce iurauit: si de collega suo grauius esset iudicatum: in factis se paribus eandē cum illo pœnā exilij subiturū. eaq̄ iustitia tota illa tēpestas ab utriusq̄ fortunis, et capite depulsa est. Claudiū. n. populus absoluit. Graccho causæ dictionē M. Pompilius remisit.



## De collegio Tribb.

**M**agnam laudem & illud collegium Tribb. tulit : quod, cum unus ex eo L. Cotta fiducia sacrosanctæ potestatis creditoribus suis satisfacere nollet: decreuit, ut si neq; solueret pecuniam: neq; daret cum quo spon- sio fieret: appellantibus se creditoribus auxilio futu- rum: iniquum ratum, maiestatem publicam priuatæ perfidie obtentui esse. Itaq; Cottam in tribunatu quasi in aliquo sacrario latentem, tribunitia inde iustitia extraxit.

## De Cn. Domitio Trib. pl.

**C**uius ut ad alium æque illustrem actû transgrediar: Cn. Domitius Trib. pl. M. Scaurû principē ciuitatis in iudiciū populi deuocauit: ut si fortuna aspirasset, ruina: sin minus, certe ipsa obtrectatione amplissi- mī uiri incrementum claritatis apprehenderet. cuius opprimendi cum summo studio flagraret: seruus Scau- ri ad eum noctu peruenit: instructurum se eius acu- sationem multis, & grauib; domini criminibus pro- mittens. erat in eodem pectore inimicus, et Domitius, & dominus. diuersa æstimatione nefarium iudiciū perpendens, iustitia tamen uicit odium. continuo enim & suis auribus obseratis, & indicis ore clauso, duci eum ad Scaurum iussit: accusatorem etiam reo suo, ne dicam diligendum, certe laudandum. quem populus tum propter alias uirtutes, tum hoc nomine libentius, & Cos. & Ces. & Pont. Max. fecit.

## De L. Crasso.

**N**ec aliter se L. Crassus in eodem iustitiæ experimento gessit. Cn. Carbonis nomen infesto animo utpote inimi-



cissimum sibi detulerat: sed tamen scrinium eius à seruo allatum ad se còplura continens, quibus facile opprimi posset: ut erat signatum, cum seruo cathenato ad eum remisit. Quo pacto igitur inter amicos uiguisse tunc iustitiam credimus: cum inter accusatores quoq; et reos, tantum uirium obtinuisse uideamus?

De L. Sylla.

Iam L. Sylla non se tam incolumem, quàm Sulpitium Rufum perditum uoluit, tribunitio furore eius sine ullo fine uexatus. Cæterum cum eum proscriptum, et in uilla latentem à seruo proditum comperisset: manumissum paricidam, ut fides edicti sui extaret: præcipitari protinus è saxo Tarpeio, cum illo scelere parto Pileo iussit: uictor alioqui insolens, hoc imperio iustissimus.

Externa. De Pittaco Mitylenæo.

Verum ne alienigenæ iustitiæ obliti uideamur: Pittacus Mitylenæus, cuius aut meritis tantum ciues debuerunt, aut moribus crediderunt, ut suis suffragiis tyrannidem deferrent: tandiu illud imperium sustinuit: quandiu bellum de Sygæo, cum Atheniensibus gerendum fuit. postq; autem pax uictoria parta est: continuo reclamantibus Mitylenæis deposuit: ne dominus ciuium ultra, q̃ R. P. necessitas exegerat: permaneret. atq; etiã cum recuperati agri dimidia pars consensu omnium offerretur: auertit animum ab eo munere. deforme iudicans uirtutis gloriã, magnitudine prædæ munere.

De Aristide Atheniensi.

Alterius nunc mihi prudentia referenda est: ut alterius repræsentari iustitia possit. Cum saluberrimo consilio Themistocles migrare Athenienses in classem coegit-



set: Xerxēq; Rege, & copijs eius Græcia pulsīs, ruinas patriæ in pristinum habitum reformaret: et opes clandestinis molitionibus ad principatum Græciæ accipessendum nutrirēt: in concione dixit: habere se rem deliberatione sua prouisam: quam si fortuna ad effectum perducī passa esset, nihil maius, aut potentius Atheniensi populo futurum: sed eam uulgari non oportere: postulauitq; ut al quis sibi, cui illam tacite exponeret: daretur. datus est Aristides. Is, postq̃ cognouit in classē illam Lacedæmoniorum, quæ tota apud Gytheum subducta erat: uelle incendere: ut ea consumpta, dominatio maris ipsis cederet: processit ad ciues: & ipsis retulit: Themistoclem ut utile consiliū, ita minime iustum animo uoluere. ē uestigio uniuersa concio quod æquū nō uideretur, nec expedire quidem proclamauit: ac protinus Themistoclem incepto iussit desistere.

De Zaleuco Locrensi.

ihil illis etiā iustitiæ exemplis fortius. Zaleucus urbe Locrensiū a se saluberrimis, atq; utilissimis legibus munita: cum filius eius adulteriū crimine damnatus, secundum ius ab ipso constitutum utroq; oculo carere deberet: ac tota ciuitas in honorem patris necessitatem poenæ adolescentulo remitteret: aliquandiu repugnauit: ad ultimum precibus populi euictus, suo prius, deinde filij oculo eruto, usum utriq; uidendi reliquit. Ita debitum supplicij modum legi reddidit: æquitatis admirabili temperamento, se inter misericordem patrem, & iustum legislatorem partitus.

De Charunda Thurio.

ed aliquanto Charundæ Thurij præfractior, et abscis-



iustitia. ad uim, & cruorem usq; seditiosas conciones  
 ciuium pacauerat, lege cauendo, ut si quis eas cum fer-  
 ro intrasset, continuo interficeretur: interiecto deinde  
 tempore ex longinquo rure gladio accinctus, domum  
 repetens, subito indicta concione, sicut erat, in eam  
 processit: ab eoq; qui proxime constiterat: soluta à se  
 legis suæ monitus, idem ego illam, inquit, sanciam: ac  
 protinus ferro, quod habebat: districto incubuit: cumq;  
 liceret culpam uel dissimulare, uel errore defendere,  
 poenam tamen repræsentare maluit: nequa fraus in-  
 iustitiæ fieret.

## DE FIDE PVBLICA.

## Caput VI.

h Viuis imagine ante oculos posita, uenerabile  
 fidei numen dexteram suam, certissimum sa-  
 lutis humanæ pignus, ostentat: quam sem-  
 per in nostra ciuitate uiguisse, & omnes gentes sense-  
 runt: & nos paucis exemplis recognoscamus.

De S. P. Q. R.

Cum Ptolemæus Rex tutorem P. R. filio reliquisset: se-  
 natus M. Aemilium Lepidum Pont. Max. bis Cos. ad  
 pueri tutelam gerendam Alexandriam misit: amplifi-  
 simiq; & integerrimi uiri sanctitatem R. P. usibus,  
 & sacris comparatam, externæ procurationi uacare  
 uoluit: ne fides ciuitatis nostræ frustra petita existi-  
 maretur cuius beneficio regia incunabula conseruata  
 pariter, ac decorata, incertum Ptolemæum reddiderunt,  
 patris ne fortuna magis, an tutoris maiestate gloriari  
 deberet.

De ciuitate Romana.

Spectiosa quoq; illa Romana fides, ingenti paucorum classe



circa Siciliam deducta, duces eius fractis animis, consilia petendae pacis agitabant. Quorum dux Amilcar ire se ad Coss. negabat audere: ne eodem modo catenae sibi inijcerentur: quo ab ipsis Cornelio Asinae Cos. fuerant iniectae. Hanno autem certior Romani animi aestimator, nihil tale timendum ratus, maxima cum fiducia ad colloquiū eorum tetendit. apud quos cum de belli fine ageret: & Trib. mil. ei dixisset: posse illi merito euenire, quod Cornelio accidisset: uterq; Cos. tribuno tacere iussu, isto te, inquit, metu Hanno fides ciuitatis nostrae liberat. claros illos fecerat, tantū hostiū ducē uincere potuisse: sed multo clariores fecit noluisse.

De eodem Senatu.

duersus eosdem hostes parem fidem in iure legationis tuendo patres C. exhibuere. M. n. Aemilio Lepido L. Flamini Coss. L. Minutium, & L. Maniliū Carthaginiensium legatis, quia manus his intulerant: per feciales reddendos curauerunt. Sed tunc senatus non eos, quibus hoc praestabatur: aspexit.

De superiore Africano.

uius exemplum superior Africanus secutus, cum onustam multis, & illustribus Carthaginiensium uiris nauem in suam potestatem redegisset, inuiolatam dimisit: quia se legatos ad eum missos dicebant: tametsi manifestum erat, illos uitandi praesentis periculi gratia falsum legationis nomen amplecti: ut Romani imperatoris potius decepta fides, quàm frustra implorata iudicaretur.

De S. P. Q. R.

epraesentemus etiam illud senatus nullo modo praetermittendum opus. legatos ab urbe Apollonia Romanos



missos. Q. Fabius Cn. Apronius Aedill. orta contentionē pulsauerunt. quod ubi comperit: continuo eos perfeciales legatis dedit: quæstoremque cum his Brundisium ire iussit: nequam in itinere à cognatis deditorum iniuriam acciperent. Illam curiam mortalium quis concilium, ac non templum fidei dixerit? quam ut ciuitas nostra semper benignam præstitit: ita etiã in sociorum quoque animis constantem recognouit.

Externa. De Saguntinis.

**P**ost duorum in Hispania Scipionum, totidemque Romanorum sanguinis exercituum miserabilem stragem, Saguntini uictricibus Annibalis armis intra moenia urbis sue compulsi, cum uim Punicam ulterius nequireret arcere: collatis in forum, quæ unicuique erant carissimæ: atque undique circumdatis, accensisque ignis nutrimentis: ne à societate nostra deficerent, publico, et communi rogo semetipsos superiecerunt. Crediderim tunc ipsam fidem humana negotia speculantem, mœstum gessisse uultum, perseverantissimum sui cultum, iniquæ fortunæ iudicio, tam acerbo exitu damnatum cernentem.

De Petilinis.

**I**dem præstando, Petilini eundem laudis honorem meruerunt. ab Annibale, quia deficere à nostra amicitia noluerunt, obsessi, legatos ad senatum auxilium implorantes miserunt: quibus propter recentem cladē Cannensem succurri non potuit. Cæterum permissum est eis, ut facerent, quod utilissimum incolumitati eorum uideretur. Liberum ergo erat Carthaginensium gratiam amplecti. Illi tamen foeminis, omni que ætate imbelli urbe egesta: quo tutius armati famem traherent:



*perstinacissime in muris constiterunt: expirauitq; prius eorum tota ciuitas, quàm ulla ex parte Romanæ societatis respectum deposuerit. Itaq; Annibali non Petiliam, sed fidum Petiliæ sepulchrum capere contigit.*

DE FIDE VXORVM ERGA  
VIROS. Caput VII.

*Tq; ut uxoriæ quoq; fidem attingamus:*

*a Tertia Aemilia Africani prioris uxor, mater Corneliæ matris C. G. T. Gracchorum tantæ fuit comitatis, et patientiæ, ut cum sciret uiro suo ancillulam ex suis gratam esse, dissimulauerit: ne domitorem orbis Africanum, fœmina magnum uirum impatientiæ reum ageret. tantumq; mens eius à uindicta absuit: ut post mortem Africani manumissam ancillulam in matrimonium liberto suo daret.*

*De Turia uxore Q. Lucretij.*

*Lucretium proscriptum à triumuiris uxor Turia inter cameram, & tectum cubiculi abditum, una conscia ancillula, ab imminente exitio non sine magno periculo suo tutum præstitit: singulariq; fide id egit, ut cum cæteri proscripti in alienis, & hostilibus regionibus per summos animi, & corporis cruciatus uix euaderent: ille in cubiculo, & in coniugis sinu salutem retineret.*

*De Sulpitia uxore Lentuli.*

*ulpitia autem cum à matre Iulia diligentissime custodiretur, ne Lentulum Crustelionem uirum suum proscriptum à triumuiris in Siciliã prosequeretur: nihilo minus famulari ueste sumpta cum duabus ancillis, to-*



fidemq; seruis ad eum clandestina fuga peruenit: nec  
recusauit seipsam proscribere, ut ei fides sua in coniun-  
ge proscripto constaret.

DE FIDE SERVORVM ERGA  
DOMINOS. Caput VIII.

Est ut seruorum etiam erga dominos, quod  
r minus expectatam, hoc laudabiliorem fi-  
dem referamus.

De quodam seruo M. Antonij.

M. Antonius auorum nostrorum temporibus clarissimus  
orator, incesti reus agebatur. cuius in iudicio accusa-  
tores seruum in quaestione perseuerantissime postula-  
bant: quod ab eo, cum ad stuprum iret: laternam prae-  
latam contenderent. erat autem is etiam tum imber-  
bis, & stabat coram: uidebatq; rem ad suos cruciatus  
pertinere: nec tamen eos fugitauit. Ille uero, ut domum  
uentum est: Antoniũ hoc nomine uehementius confu-  
sum, & sollicitũ ultro est hortatus, ut se iudicibus tor-  
quendum traderet: affirmans nullũ ore suo uerbum  
exiturũ, quo causa eius laederetur: ac promissi fidẽ mi-  
ra patientia praestitit. plurimis enim laceratus uerbe-  
ribus, eculeoq; impositus, candentibus etiam laminis  
ustus: omnem uim accusatoris, custodita rei salute sub-  
uertit. Argui fortuna merito potest, quod tam pium,  
& tam fortem spiritum seruili nomine inclusit.

De quodam seruo C. Marij.

Cos. autem C. Marium Praenestinae obsidionis misera-  
bilem exitum sortitum, cuniculi latebris frustra eua-  
dere conatum, leuiq; uulnere a Telesino, cũ quo mori



destinauerat, perstrictum, seruus suus ut Syllanæ crudelitatis expertem faceret: gladio traiectum interemit: cum magna præmia sibi proposita uideret, si eum uictoribus tradidisset. cuius dexteræ tam opportunum munusculum nihil eorum pietati cedit, a quibus salus dominorum protecta est: quia eo tempore Mario non uita, sed mors in beneficio reposita erat.

De Philocrate, seu Euporo seruo Gracchi.

eq; illustre quod sequitur. C. Gracchus, ne in potestatem inimicorum deueniret: Philocrati seruo suo ceruices incidendas præbuit: quas cum celeri ictu abscidisset, gladium cruore domini madentem per sua egit præcordia. Euporum alij hunc uocitatum existimant. ego de nomine nihil disputo. familiaris autem tantummodo fidei robur admiror: cuius si præstantiam animi generosus iuuenis imitatus foret: suo, non serui beneficio imminuentia supplicia uitasset. nunc commisit ut Philocratis, quam Gracchi cadauer speciosius iaceret.

De Pindaro seruo Cassij.

lia nobilitas, alius furor, sed fidei par exemplum. Pindarus C. Cassium Philippensi prælio uictum, nuper ab eo manumissus, iussu ipsius obtruncatum, insultationibus hostium subtraxit: seque e conspectu hominum uoluntaria morte abstulit: ita, ut ne corpus quidem eius absumpti inueniretur. Quis deorum grauissimi sceleris ultor illam dexteram, quæ in necem patriæ parentis exarserat: tanto torpore alligauit, ut se tremebundam Pindari genibus submitteret, ne publici paricidij, quas merebatur poenas, arbitrio pij uictoris exolueret? tu profecto tu diue Iuli cælestibus tuis un-



neribus debitam exegisti uindictam: perfidum erga te caput sordidi auxilij supplex fieri cogendo, eo animi aestu compulsus, ut neq; retinere uitam uellet, neq; finire manu sua auderet.

De seruis Cn. Plotini Planci, & de ipso Cneo.

**A**diunxit se his cladibus Cn. Plotinus Plancus, Municipij Planci consularis, et censorij frater: qui cum à triu uiris proscriptus, in regione Salernitana lateret: delicate uitæ genere, & odore unguenti, occultam salutis custodiam detexit. istis enim uestigijs eorum, qui miserum prosequabantur: sagax inducta cura, abditum fugæ eius cubile odorata est: à quibus cõprehensi serui latentes, multumq; ac diu torti negabant se scire ubi dominus esset. Non sustinuit deinde Plancus tam fideles, tamq; boni exempli seruos ulterius cruciari: sed processit in medium: iugulumq; gladijs militum obiecit. quod certamen mutue beneuolentiæ arduum dignoscit facit: utrum dignior dominus fuerit, qui tam constantem seruorũ fidẽ experiretur: an serui, qui tam iusta domini misericordia quæstionis seuitia liberarentur.

De quodam seruo Panopionis.

**Q**uid urbani Panopionis seruus quàm admirabilis fidei? qui cum ad dominum proscriptum occidendũ domesticorum indicio certiores factos milites in Reatinã uillam uenisse cognosceret: commutata cum eo ueste, permutato etiam annulo, illum postico clam emisit: se autem in cubiculũ, ac lectulũ recepit: et ut Panopionem occidisse passus est. breuis huius facti narratio, sed non parua materia laudationis. nã si quis ante oculos ponere uelit subitũ militũ accursũ, conuulsa ianua claustra,



claustra, minacem uocē, truces uultus, fulgentia arma, rem uera æstimatione prosequetur. nec quā cito dicitur aliquem pro alio mori uoluisse: tam id ex facili etiam fieri potuisse arbitrabitur. Panopion autē quantum seruo deberet: amplum ei faciendo monimentum, ac testimoniū pietatis grato titulo reddendo, confessus est. Contentus essem huius exemplis generis: nisi unum me dicere admiratio facti cogeret.

De seruo Antij Restionis.

Antius Restio proscriptus à triumuiris, cum omnes domesticos circa rapinā, & prædam occupatos uideret: quam maxime poterat dissimulata fuga se penatibus suis intempesta nocte subduxit: cuius furtiuū egressum seruus ab eo uinculorum poena coercitus, inexpressibiliq; literarum nota per summam oris contumeliā iniustus, curiosis speculatus oculis, atq; uestigia huc, atq; illuc errantia beneuolo studio subsecutus, lateri uoluntarius comes arrepsit. Quo quidē tam exquisito, tamq; anticipati officio, perfectissimum expectatæ pietatis cumulū expleuerat. his enim, quorū felicior in domo status fuerat: lucro intentis, ipse, cum nihil aliud quā umbra, & imago suppliciorum suorum maximum sibi esset emolumentum: eius, à quo tam grauius punitus erat: salutem uendicauit. cumq; abūde foret, irā remittere: adiecit et charitatē. nec hactenus beneuolentia processit: sed in eo conseruando mira quoque arte usus est. nam ut sensit cupidos sanguinis milites superuenire: amoto domino rogam extruxit: eiq; egentem à se comprehensum, & occisum senem superiecit. interrogantibus deinde militibus ubi nā esset Antius: manū rogo



VAL. MAX.

intendens, ibi illum datis sibi crudelitatis piaculis ut  
respondit. quia uerisimilia loquebatur: habita est uo-  
ci fides. quo euenit: ut Antius statim quærendæ inco-  
luntatis occasionem assequeretur.

DE MUTATIONE MORVM, ET  
FORTVNAE. Caput IX.

Ultum animis hominum & fiducia adijce-  
re, & solitudinis detrudere potest morum  
ac fortunæ in claris uiris recognita mutatio  
siue nostros status, siue proximorum ingenia contem-  
plamur. Nam cum aliorum fortunas spectando ex con-  
ditione abiecta, atque contempta claritatem emerissis  
uideamus: quid aberit, quin & ipsi meliora de nobis  
semper cogitemus, memores stultum esse perpetuæ in se-  
licitatis se dānare: spemq; , quæ etiam incerta ratione  
fouetur: interdū certam in desperationem conuertere.

De Manlio Torquato filio L. Manlij Torquati.

Manlius autem Torquatus adeo hebetis, atq; obtusi cor-  
dis inter initia iuuentæ existimatus, ut à patre Man-  
lio amplissimo uiro, quia & domesticis, & R. P. usi-  
bus inutilis uidebatur: rus relegatus, agresti opere fa-  
tigaretur. postmodum patrem reum iudiciali pericu-  
lo liberauit. filium uictorem, quod aduersus imperiū  
suum cum hoste manus conseruerat: securi percussit.  
patriam latino tumultu fessam speciosissimo triumpho  
recreauit. In hoc credo fortunæ núbilo contemptu a-  
dolescentiæ persusus, quo senectutis, eius decus lūa-  
dius enitesceret.



## De Scipione Africano superiore.

Scipio autem Africanus superior, quem dii immortales nasci uoluerunt: ut esset in quo uirtus se per omnes numeros omnibus efficaciter ostenderet: solutioris uitæ primos adolescentiæ annos egisse fertur, remotos quidē à luxuriæ crimine, sed tamen Punicis trophæis deuictæ Carthaginis ceruicibus imposito iugo teneriores.

## De C. Valerio Flacco.

quoque Valerius Flaccus secundi Punici belli temporibus luxu perditam adolescentiam inchoauit. Caterum à P. Licinio Pont. Max. flamen factus, quò facilius à uitijs recederet: ad curam sacrorum, & cerimoniarum conuerso animo, usus duce frugalitatis religione, quantum prius luxuriæ fuerat exemplum: tantum postea modestiæ, & sanctitatis specimen euasit.

## De Q. Fabio Maximo.

nihil Q. Fabio Maximo, qui Gallia uictoria cognomen Allobrogi sibi met, ac posteris peperit: adolescente magis infame: nihil eodem sene ornatus, aut speciosius illo seculo nostra ciuitas habuit.

## De Q. Catulo.

quis ignorat Q. Catuli authoritatem in maximo clarissimorum uirorum prouentu excelsum gradum obtinuisse? cuius si superior ætas reuoluatur: multi luxus, multæ delitiæ reperientur: quæ quidem ei impedimento non fuerunt, quo minus patriæ princeps existeret: nomenque eius in Capitolino fastigio fulgeret: ac uirtute ciuile bellum ingenti motu oriens sepeliret.

## De L. Sylla.

uero Sylla usque ad quæsturæ suæ comitia, uitam libi-



dine, uino, ludicrae artis amore, perinquinatam perduxit. Quapropter C. Marium Cos. moleste tulisse traditur: quod sibi asperrimum in Africa bellum gerentem tam delicatus Quaes. sorte obuenuisset. eiusdem uirtutis quasi perruptis, & disiectis nequitiae, qua obsidebatur, claustris, catheras Iugurthae manibus iniecit: Mithridatem compefcuit: socialis belli luctus repressit: Cinnae dominationem fregit: eumq; qui se in Africa Quaes. fastidierat: ipsam illam prouinciam proscriptum, & exulem petere coegit. quae tam diuersa, tam inter se contraria, si quis apud animum suum attentiore comparatione expendere uelit: duos in uno homine Syllas fuisse crediderit. turpem adolescentulum & uirum dicerem fortem: nisi ipse se Felicem appellari maluisset.

DE SVBLIMITATE A' STATV  
HVMILI. Caput X.

Tq; ut nobilitatem beneficio poenitentiae seipsam admonuimus respicere: ita altiora modo suo sperare ausos subtexamus.

De Tito Aufidio.

Titus Aufidius cum Asiatici publicani exiguam admonitionem particulam habuisset: postea totam Asiam proconsulari imperio obtinuit. nec indignati sunt socij, eius parere fascibus, quem aliena tribunalia adulantem uiderant: gessit se etiam integerrime, ac splendidissime: meritoq; id modo demonstrauit, pristinum quæstum suae fortunae, praesens uero dignitatis incrementum, moribus



*suis imputari debere.*

*De P. Rutilio.*

*t P. Rutilius non publicanum in Sicilia egit: sed operam publicanis dedit. idem ultimam inopiam suā authorato socijs officio sustentauit. ab hoc postmodū Cos. leges uniuersi Siculi acceperūt: acerbissimoq; prædonum, ac fugitiuorum bello liberati sunt. portus ipsos si quis modo mutis rebus inest sensus, tantam in eodem homine uarietatem status admiratos arbitror. Quem enim diurnas capturas exigentem animaduenterant: eundem iura dantem, classesq; & exercitus regentem uiderunt.*

*De P. Ventidio.*

*uic tanto incremento maius adiiciā. A sculo capto Cn. Pompeij Magni pater P. Ventidium ætate puberē in triumpho suo populi oculis subiecit. Hic est Ventidius, qui postea Romæ ex Parthis, et per Parthos de Crassi manibus in hostili solo miserabiliter iacentibus, triumphum duxit. itaq; qui captiuus carcerem exhoruerat: uictor Capitolium felicitate celebrauit. In eodem etiam illud eximium: quod eodem anno Præt. & Cos. est factus.*

## DE VARIETATE CASVVM.

### Caput XI.

*De L. Lentulo.*

*Asuum nunc contemplemur uarietatem. L.*

*c Lentulus consularis lege Cælia repetundarum crimine oppressus, Ces. cum L. Censorino creatus est: quem quidem fortuna inter ornamenta; & dedecora alterna uice uersauit. consulatui illius damnationem, damnationi Censuram subijci-*



do: & neq; bonis eum perpetuis frui, nec malis æternis ingemiscere patiendo.

De Cn. Cornelio Scipione Asina.

I isdem uiribus uti uoluit in Cn. Cornelio Scipione Asina, qui Cos. à Pœnis apud Liparas captus, cum belli iure omnia perdidisset, lætiore subinde uultu eius adiutus cuncta recuperavit. Cos. etiam iterum creatus. Quis crederet illū à duodecim securibus ad Carthaginensium peruenire cathenas? quis rursus existimaret à Punicis uinculis ad summa imperij peruenturū fastigia? sed tamen ex Cos. captiuus, & ex captiuo Cos. factus est.

De Crasso dicto Diuite.

Quid Crasso? non ne pecuniæ magnitudo locupletis nomen dedit? sed eidem postea inopia turpem decoctoris superlationem iniunxit. Siquidem bona eius à creditoribus, quia solidum præstare non poterat: uenerūt. Itaq; amara sugillatione non caruit: cum egens ambularet, diues ab occurrentibus salutabatur.

De Q. Cepione.

Crassum casus acerbitate Q. Cepio præcurrit. is namq; præturæ splendore, triumphī claritate, consulatus decore, Max. Pont. sacerdotio, ut senatus patronus diceretur, affecutus: in publicis uinculis spiritum deposuit. corpusq; eius funesti carnificis manibus laceratum, inscalis gemoniis iacens, magno cum horrore totius fori Romani conspectum est.

De C. Mario Candidato.

I am C. Marius maximæ fortunæ luctatio est. omnes enim eius impetus tam corporis, q̃ animi robore fortissime sustinuit. Aspiciatibus honoribus iudicatus infe-



rior, quæsturam Romæ petere ausus est. patientia de-  
inde repulsarum, irrupuit magis in curiam, quã ue-  
nit. In tribunatus quoq; ædilitatis petitione consi-  
mitem campi notam expertus, præturæ cãdidatus su-  
premo loco inhæsit. quam tamen non sine periculo ob-  
tinuit. ambitus. n. accusatus, uix, atq; ægre absolutionẽ  
à iudicibus impetrauit. ex illo Mario tam humili Ar-  
pinate, tam ignobili Romæ, tanquã fastidiendo candi-  
dato, ille Marius euasit, qui Africam subegit: Iugur-  
tham Regem ante currũ egit: qui Theutonicorũ, Cym-  
brorumq; exercitus deleuit: cuius bina trophæa in ur-  
be spectantur: cuius septẽ in fastis consulatus leguntur:  
cui post exilium, Cos. creari, proscriptoq; facere pro-  
scriptionem contigit. Quid huius conditione inconstan-  
tius, aut mutabilius? quem si inter miseros posueris, mi-  
serrimus: inter felices felicissimus reperietur.

De C. Cæsare.

autem Cæsar, cuius uirtutes aditum sibi in cœlũ stru-  
xerunt: inter primæ iuuentutis initia priuatus Asiam  
petens, à maritimis prædonibus circa insulam Phar-  
macussam exceptus, quinquaginta se talentis redemit.  
parua igitur summa clarissimum mundi sydus in pi-  
ratice myoparone repẽdi fortuna uoluit. Quid est er-  
go q̃ amplius de ea re queramur? si ne cõsortibus qui-  
dem diuinitatis suæ parcat. Sed cœlesti numẽ se ab in-  
iuria uindicauit. continuo enim captos prædones cru-  
cibus affixit. Attento studio nostra cõmemorauimus.  
remissiore nunc animo aliena narrentur.

Externa. De Polemone Atheniensi philosopho.  
eruditæ luxuriæ Athenis adolescẽs Polemon neq; ille-



cebris eius tantummodo, sed etiam ipsa infamia gaudere cum e conuiuio non post occasum solis, sed post ortum surrexisset: domumque rediens Xenocratis philosophi patientem ianuam uidisset: uino grauis, unguentis delibutus, fertis capite redimito, perlucida ueste amictus, referta turba doctorum hominum scholam eius intrauit: nec contentus tam deformi introitu, consedit et, ut clarissimum eloquium, et prudentissima precepta tenuentiae lasciuiae eleuaret. orta deinde, ut parerat, omnium indignatione, Xenocrates uultum in eodem habitu continuit: omissaque re, quam differebat: de modestia, ac temperantia loqui coepit. Cuius grauitate sermonis resipiscere coactus Polemon: primum coronam capite detractam proiecit: paulo post brachium intra pallium reduxit: procedente tempore, oris conuiualis hilaritatem deposuit: ad ultimum totam luxuriam exiit: uniusque orationis saluberrima medicina sanatus, ex infami gaudio, maximus philosophus euasit. peregrinatus est huius animus in nequitia, non habitauit.

## De Themistocle.

**P**iget Themistoclis adolescentiam attingere, siue patrem aspiciam, abdicationis iniungentem notam: siue matrem suspensionem finire uitam propter filij turpitudinem coactam: cum omnium postea graui sanguinis uirorum clarissimus extiterit: mediūque Europae, et Asiae uel spei uel desperationis pinguis fuerit. haec. n. salutis suae patronum habuit: illa uadem uictoriae assumpsit. De Cimone Atheniensi.

**C**imonis uero incunabula opinione stultitiae fuerunt referta. eiusdem stultitiae imperia salutaria Athenienses senserunt. itaque coegit eos stuporis semetipsos da-



mnare: qui eum stolidum crediderant.

De Alabiade.

anq; Alabiadem quasi duæ fortunæ partitæ sunt: altera, quæ ei nobilitatem eximiam, abundantes diuitias, formam præstantissimam, fauorem ciuium propensum, summa imperia, præcipuas potentie vires, flagrantissimum ingenium assignaret: altera, quæ damnatione, exilium, uenditionem bonorum, inopiam, odium patrie, uioletam mortem infligeret. nec aut hæc, aut illa uniuersa, sed uaria, pplexæ, freto, atq; æstui simillima.

De Polycrate tyranno Samorum.

d inuidiam usq; Polycratis Samorum tyranni abundantissimis bonis conspicuus uitæ fulgor excessit: nec sine causa. omnes. n. conatus eius placido excipiebatur itinere. spes certum cupitæ rei fructum apprehēdebat. uota nuncupabantur simul, & soluebantur. uelle, ac posse in æquo positum erat. semel duntaxat uultum mutauit perquam breui tristitiæ salebra succussum, tunc, cum admodum gratum sibi annulum de industria in profundum, ne omnis incommodi expers esset: abiecit: quem tamen continuo recuperauit, capto pisce, qui eum deuorauerat. sed hunc, cuius felicitas semper plenius uelis prosperum cursum tenuit: Orontes Darij Regis præfectus in excelssimo Mycalensis montis uertice cruci affixit. ex qua putres eius artus, & tabido cruore manantia mēbra, atq; illam leuā, cui Neptunus annulum piscatoris manu restituerat: situ marcidā Samos amara seruitute aliquādiu pressa, liberis, ac lætis oculis aspexit.

De Dionysio tyranno.

Dionysius autem cū hæreditatis nomine à patre Syra-



AVL. MAX.

cusanorum, ac penè totius Siciliae tyrannidem accipisset, maximarum opum dominus, exercituum dux, rector classium, equitatu potens, propter inopiam literas puerulos Corinthi docuit: eodemq; tempore, tanta mutatione, maiores natu, nequis nimis fortunæ crederet: magister ludi factus ex tyranno, monuit.

De Siphace Rege.

**S**equitur hunc Siphax Rex, consimilem fortunæ iniquitatem expertus: quem amicum hinc Roma per Scipionem, illinc Carthago per Hasdrubalem ultro petatum ad penates deos eius uenerat. Cæterum eò claritatis euectus, ut ualidissimorum populorum non tantum arbiter, sed & uictor uictoriæ existeret: parui temporis interiecta mora, cathenatus à Lælio legato ad Scipionem imperatorem pertractus est. cuiusq; dexterâ regio insidens solio arroganti manu attigerat: eius genibus supplex procubuit. Caduca nimirum & fragilia, puerilibusq; consentanea crepundijs sunt ista: quæ uires, atq; opes humanæ uocantur. affluunt subito, repente dilabuntur: nullo in loco, nulla in persona stabilibus nixa radicibus consistunt: sed incertissimo flatu fortunæ huc, atq; illuc acta, quos in sublime extulerunt: improviso recursu destitutos, profundo cladum miserabiliter immergunt: itaq; neq; debent existimari, neq; dici bona, quæ inflictorum malorum amaritudinem, desyderio sui duplicant.



## VALERII MAX. LIB. SEPTIMVS.

## DE FELICITATE.

## Caput I.

Olubilis fortunæ complura exempla retu-  
 u limus : constantis , & propitiæ admodum  
 pauca narrari possunt : quo patet , eam ad-  
 uersas res cupido animo infligere , secundas parco  
 tribuere. eadem ubi malignitatis obliuisci sibi impe-  
 rauit : non solum plurima , ac maxima , sed etiam per-  
 petua bona congerit.

## De Q. Metello.

Ideamus ergo quot gradibus beneficiorum  
 u Q. Metellum à primo originis die , ad ulti-  
 mum usq; fati tempus nunquam cessante in-  
 dulgentia , ad summum beatæ uitæ cumulum perdu-  
 xerit. Nasci. n. in urbe terrarum principe uoluit. pa-  
 rentes ei nobilissimos dedit . adiecit animi rarissimas  
 dotes , & corporis uires : ut sufficere laboribus posset.  
 uxorem pudicitia , & fœcunditate conspicuâ concilia-  
 uit. Consulatus decus , imperatoriam potestatem , spe-  
 ciosissimi triumphi prætextam largita est. fecit , ut eo-  
 dem tempore tres filios consulares , unum etiam cen-  
 sorium , duos triumphales , & quartum prætoriū ui-  
 deret : ut tres filias nuptui daret : earumq; sobolem si-  
 nu suo exciperet. tot partus , tot incunabula , tot uiri-  
 les togæ , tam multæ nuptiales faces , honorū , imperio-  
 rum , omnis deniq; gratulationis summa abundantia :  
 cum interim nullum fœtus , nullus gemitus , nulla cau-



sa tristitiæ. Cælum contemplare : uix tamen ibi talem statum reperies: quoniam quidem luctus, & dolores, deorum quoq; pectoribus a maximis uatibus assignari uidemus. hūc autem uitæ actum eius consentaneus finis excepit. nam Q. Metellum ultimæ senectutis spatium defunctum, leniq; genere mortis inter oscula, complexusq; carissimorū pignorū extinctum, filij, et generi humeris suis, per urbē latum rogo imposuerunt.

De Gyge.

C lara hæc felicitas: obscurior illa, sed diuino splendore præposita. cum. n. Gyges regno Lydiæ, armis, & diuitijs abundantissimo, inflatus animo apollinem Pythium sciscitatum uenisset, an aliquis mortaliū se esset felicior: deus ex abdito sacrarij specu, uoce missa Aglaū Psophidium ei prætulit. Is erat Arcadium pauperri- mus, sed ætate iam senior: terminos agelli sui nunquā excesserat, paruuli ruris fructibus, ac uoluptatibus cō- tentus. Verum profecto beatæ uitæ finem Apollo non adumbratum, oraculi sagacitate complexus est. Quo circa insolēter fulgore fortunæ suæ gloriāti respō- dit, magis se probare securitate ridens tuguriū: quā tristem curis, & solitudinibus aulam: paucasq; gle- bas pauoris expertes, quā pinguiissima Lydiæ arua metu referta: & unum aut alterū iugum boum faci- lis tutelæ, quā exercitus, et arma, & equitatū uora- cibus impensis onerosum: & usus necessarij horreolū nulli nimis appetēdum, quā thesauros omnium in- fidijs, et cupiditatibus expositos. Ita Gyges dum adsti- pulatorem uanæ opinionis deum habere concupiscit: ubi nam solida, & sincera esset felicitas, didicit.



SAPIENTER DICTA, AUT  
FACTA. Caput II.

Vnc id genus felicitatis explicabo, quod totum in habitu animi est: nec uotis petitur, sed in pectoribus sapientia præditis natum, dictis, factisq; prudentibus enitescit.

## De Appio Claudio.

Appium Claudium crebro solitum dicere accepimus, negotium P. R. melius, quàm otium committi: non quod ignoraret, quàm iucundus tranquillitatis status esset: sed quod animaduerneret præpotentia imperia, agitatione rerum, ad uirtutem capeſcendam excitari: nimia quiete in desidiâ resolui. Et sane negotium nomine horridum ciuitatis nostræ mores in suo statu continuit: blandæ appellationis quies plurimis uitis resperſit.

## De Scipione Africano.

Scipio uero Africanus turpe esse aiebat in re militari dicere: non putaram: uidelicet quia explorato, et excusso consilio, quæ ferro aguntur, administrari oportere arbitrabatur summa ratione. Inemendabilis enim est error, qui uiolentiæ Martis committitur. Idem negabat aliter cum hoste conſligi debere: quàm aut si occasio obuenisset: aut necessitas incidiſſet: æque prudenter. nam et prosperam gerendæ rei facultatem omittere, maxima dementia est: Et in angustias utiq; pugnandi compulsum abſtinere se prælio, pestiferæ ignauiciæ affert exitium: eorumq; qui ista committunt, alter beneficio fortunæ uti, alter iniuriæ nescit resistere.



V A L. M A X.

De Q. Metello.

Quoq; Metelli tum grauis, tum etiam alta in senatu sententia. qui denicta Carthagine ne scire se illa uictoria boni ne plus an mali R. P. attulisset: assauerat: quoniam ut pacem restituendo profuisset: ita Annibalem submouendo, non nihil nocuisset: eius enim transitu in Italiam, dormientem P. R. uirtutem excitatam: metuiq; debere, ne acri æmulo liberata, in eundem somnum reuolueretur. in æquo igitur malorum posuit, uir tecta, uasari agros, exhauriri ærarium, & prisci roboris hebetari neruos.

De Licinio Fimbria Consulari.

Quid illud factum Licinij Fimbriae consularis, q̄ sapiēs? A. M. Luctatio Pinthia splendido equite R. o. iudex aditus de sponsione, quam is cum aduersario, quod uir bonus esset: fecerat: nunquam id iudicium pronuntiatione sua finire uoluit: ne aut probatum uirum, si contra eum iudicasset: fama spoliaret: aut iuraret eum uirum bonum esse, cum ea res innumerabilibus laudibus contineatur. forensibus hæc, illa militaribus stipendijs prudentia exhibita est.

De Papirio Cursore Cos.

Papirius Cursor Cos. cum Aquiloniã oppugnans prælium uellet committere: pullariusq; non prosperantib. auib. optimum ei auspiciū renuntiasset: de fallacia illius factus certior, sibi quidem, & exercitui bonum omen datum credidit, ac pugnam iniit. Ceterum mendacem ante ipsam aciem constituit: ut haberet dii, cuius capite, siquid iræ conceperant: expiarent. directum est autē siue casu, siue coelestis numinis proui-



dentia, quod primum ē contraria parte missum erat  
telū in ipsum pullarū pectus : eumq; exanimem pro-  
stravit. id ut cognouit Cos. fidente animo & inuasit  
Aquiloniā, & cepit. Tam cito animaduertit: quo pacto  
iniuria imperatoris uindicari deberet : quēadmodum  
uiolata religio expianda foret : qua ratione uictoria  
apprehendi posset. egit uirū seuerū, Cos. religiosum,  
imperatorē strenuū: timoris modum, pœnæ genus, spei  
uiam, uno mentis impetu rapiendo. Nunc ad senatus  
acta transgrediar.

## De Senatu.

um aduersus Annibalē senatus Claudium Neronem,  
& Liu. Salinatore Coss. mitteret: eosq; ut uirtutibus  
pares, ita inimicijs acerrime inter se dissidentes uide-  
ret: summo studio in gratiam reduxit: ne propter pri-  
uatas dissensiones, R. P. parum utiliter administrarēt:  
quia consimili imperio ubi concordia non inest: ma-  
ior aliena opera interpellandi, q̄ sua edendi cupiditas  
nascitur. ubi uero pertinax intercedit odium: alter al-  
teri, quā uterq; contrarijs castris certior hostis profi-  
scitur. Eosdem senatus, cum ob nimis aspere actam  
censuram a. Cn. Bebio Trib. pl. pro rostris agerentur  
rei: causæ dictione decreto suo liberauit: uacuum omnis  
iudiciū metu eum honorem reddendo, qui exigere de-  
beret rationem, non reddere. Parili sapientia sena-  
tus Tiberium Gracchum. Trib. pl. agrariam legem  
promulgare ausum morte multauit. Idem ut secundū  
legem eius per triumuiros ager populo uiritim diui-  
deretur: egregie censuit. Siquidem grauissimæ seditio-  
nis eodem tempore & authorem, & causam sustulit.  
Quā deinde se prudēter in Rege Masinissa gessit? nā



cum promptissima, & fidelissima eius opera aduersus Carthaginenses usus esset: eumq; in dilatando regno auidiorem cerneret: legem ferri iussit: qua Masinissæ ab imperio P. R. solutam libertatem tribueret. quo facta tum optime meriti benevolentia retinuit: tum Mauritanie, & Numidia, cæterarūq; illius tractus gentium nunquā fida pace quiescentem feritatem, a ualuis suis repulit. Tempus deficiet domestica narrātem: quoniam imperium nostrum non tam robore corporum, quā animorum uigore, incrementum, ac tutelam sui comprehendit. maiori itaq; ex parte Romana prudentia in admiratione tacita reponatur: alienigenisq; huius generis exemplis detur aditus.

Externa. De Socrate philosopho.

Socrates humanæ sapientiæ quasi quoddā terrestre oraculum, nihil ultra petendum a Dijs immortalibus arbitrabatur: quā ut bona tribuerent: quia ij denuum scirent, quid unicuiq; esset utile: nos autem plerūq; id uotis expetere: quod non impetrasse melius foret. Et enim densissimis tenebris inuoluta mortalium mens, in quā late patentem errorē cæcis precesiones tuas spargis: diuitias appetis, quæ multis exitio fuerunt: honores concupiscis, qui complures pessunderunt: regna tecum ipsa uoluis, quorū exitus sæpenumero miserabiles cernūtur: splendidis coniugijs iniicis manus. at hæc ut aliquando illustrent: ita nonnunq; funditus domos euertunt. desine igitur stulta futuris malorum tuorum causis quasi felicissimis rebus inhiare: teq; totam celestiu arbitrio permitte: quia qui tribuere bona ex facili solent: etiam eligere aptissima possunt.

Idem



Idem expedita & compendiaria uia eos ad gloriam peruenire dicebat: qui id agerēt: ut quales uideri uellent: tales etiā essent. qua quidem prædicatione aperte monebat: ut homines ipsam potius uirtutē haurirent: quā umbram eius consecrarentur. Idem ab adolescentulo quodam consultus utrū uxorem duceret: an se omnino matrimonio abstineret: respondit: utrum horum fecisset, acturū poenitentiam. hinc te, inquit, solitudo, hinc orbitas, hinc generis interitus, hinc hæres alienus excipiet. illinc perpetua sollicitudo, contextus querelarum, dotis exprobratio, affiniū graue supercilium, garula socrus lingua, subseffor alieni matrimonij, incertus liberorum euentus. non passus est iuuenē in contextu rerum asperarum, quasi lætæ materiæ facere delectum. Idem cum Atheniensium scelerata dementia tristem de capite eius sententiā tulisset: fortiq; animo, & constanti uultu potionem ueneni ē manus carnificis accepisset: admoto iam labris poculo, uxori Xanthippe inter fletum, & lamentationem uociferāti innocentem eum perimū, quid ergo, inquit, nocenti mihi mori satius esse duxisti? O immensam illā sapientiā, quæ ne ipso quidem uitæ excessu obliuisci sui potuit.

De Solone.

ge q̄ prudenter Solon neminem, dum adhuc uiueret, beatum dici debere arbitrabatur: quod ad ultimū usq; fati diē anapiti fortunæ subiecti essemus. felicitatis igitur humanæ appellationem rogis consumat: qui se incursu malorum obijcit. Idem, cum ex amicis quendā grauiter mœrentē uideret: in arcem perduxit: hortatusq; est, ut per omnes subiectorum ædificiorū partes

Val. Max.

t



oculos circumferret: quod ut factum animaduertit: cogita nunc tecum, inquit, quod multi luctus sub his tectis et olim fuerint, hodieque uersentur, insequentibusque seculis sint futuri: ac mitte mortalium incommoda tanquam propria deslere. qua consolatione demonstrauit urbes esse humanarum cladum conseptra miseranda. Idem aiebat, si in unum locum cuncti mala sua contulissent: futurum, ut propria deportare domum: quod ex omni miseriarum aceruo portionem suam ferre mallent. quo colligebat, non oportere nos, quae fortuito patiamur, praecipuae, et intolerabilis amaritudinis iudicare.

De Bia Prienensi.

**B**ias autem, cum patriam eius Prienen hostes inuasissent: omnibus, quos modo seuitia belli incolumes abire passa fuerat: pretiosarum rerum pondere onustis fugientibus: interrogatus quid ita nihil ex bonis suis secum ferret: Ego uero (inquit) bona mea mecum porto. pectore enim illa gestabat, non humeris: non oculis uisenda, sed aestimanda animo. quae domicilio mentis inclusa, nec mortaliu, nec deorum manibus labefactari queunt: et ut manentibus praesto sunt: ita fugientes non deserunt.

De Platone philosopho.

**I**am Platonis uerbis abstracta, sed sensu praeualens sententia, qui tum demum beatum terrarum orbem futurum praedicauit: cum aut sapientes regnare, aut Reges sapere coepissent.

De quodam Rege.

**R**ex etiam ille subtilis iudicii: quem ferunt traditum sibi diadema priusquam capiti imponeret: retentum diu considerasse, ac dixisse: O nobilem magis, quam felicem pannum: quem, si quis penitus cognoscat quam multis



solitudinibus, & periculis, & miserijs sit refertus: ne humi quidem iacentem tollere uelit.

De Xenocrate philosopho.

Quid Xenocratis responsum, quàm laudabile? cum maledico sermoni quorundam summo silentio interesset: uno ex his quærente, cur solus linguam suam cohiberet: quia dixisse me, inquit, aliquando pœnituit: tacuisse nunquam.

De Aristophane.

Aristophanis quoq; altioris est prudētiae præceptum: qui in comœdia introduxit remissum ab inferis Atheniensem Periclem, uaticinantem non oportere in urbe nutriti Leonem: sin autem sit alitus, obsequi ei conuenire. monet enim, ut præcipuæ nobilitatis, & concitati ingenij iuuenes refrenentur: nimio uero fauore, ac profusa indulgentia pasti, quo minus potentiam obtineant ne impediuntur: quid stultum, & inutile sit, eas obtristare uires: quas ipse foueris.

De Thalete philosopho.

A irifice etiam Thales. nam interrogatus, an facta hominum deos fallerent: nec cogitata, inquit: ut non solum manus, sed etiam mentes puras habere uellemus: cum secretis cogitationibus nostris cœleste numen adesse credidissemus.

De Themistocle.

A cne quod sequitur quidem minus sapiens. unicæ filiæ pater Themistoclem consulebat: utrum eam pauperi, sed ornato, an locupleti, sed parum probato collocaret. cui is, malo, inquit, uirum pecunia, quàm pecuniam uiro indigentem. quo dicto stultum monuit, ut generum potius, quàm diuitias generi legeret.



## De Rege Philippo patre Alexandri.

**A**ge Philippi quæ probabilis epistola, in qua Alexandrum quorundam Macedonum beneuolentiam largitione ad se attrahere conatum sic increpuit. quæ te fili ratio in hanc tam uanam spem induxit: ut eos fideles tibi futuros existimares: quos pecunia ad amorem tui compulisses? à charitate istud præstatur. At uero ante Philippus maiore ex parte mercator Græciæ, quam uictor.

## De Aristotele philosopho.

**A**ristoteles autem Calisthenem auditorem suum ad Alexandrum mittens, monuit: ut cum eo aut quararissime, aut quicquidissime loqueretur: quo scilicet apud regias aures uel silentio tutior, uel sermone esset acceptior. at ille dum Alexandrum Macedonem Persici salutatione gaudentem obiurgat: et ad Macedonicos mores inuitum reuocare beneuole perseuerat: spiritu carere iussus, seram neglecti salubris consilij poenitentiam egit. Idem Aristoteles de semetipso in neutram partem loqui debere prædicabat: quoniam laudare se, uani, uituperare stulti esset. Eiusdem est utilissimum præceptum: ut uoluptates abeuntes consideremus: quas quidem sic ostendendo minuit. fessas enim poenitentiamque plenas animis nostris subiecit: quo minus cupide repetantur.

## De Anaxagora philosopho.

**N**ec parum prudenter Anaxagoras interroganti cuiusnam esset beatus, nemo, inquit, ex iis, quos tu felices existimas: sed eum in eo numero reperies, qui a te ex miseris constare creditur. non erit ille diuitiis, et honoribus abundans: sed aut exigui ruris, aut non ambitiose doctrinæ, fidelis, ac pertinax cultor, in secessu, quam in fronte beatior.



De Demade.

Demadis quoq; dictū sapiens. nolentibus enim Athenien-  
sibus diuinos honores Alexandro decernere: uidete  
(inquit) ne dum cælum custoditis: terram amittatis.

De Anacharsi.

Quam porro subtiliter Anacharsis leges aranearū telis  
comparabat. nam ut illis infirmiora animalia retine-  
ri, ualentiora transmitti: ita his humiles, & pauperes  
constringi, diuites, & præpotentes non alligari.

De Agesilao.

Nihil etiam Agesilai factū sapientius: siquidē cū aduer-  
sus R. P. Lacedæmoniorū conspirationē ortam noctu  
cōperisset: leges Lycurgi continuo abrogauit: quæ de  
indēnatis supplicū summi uetabant. cōprehensis autem,  
& interfectis fontibus, easdem ē uestigio restituit: atq;  
utrūq; simul prouidit, ne salutaris animaduersio uel in-  
iusta esset: uel iure impediretur. itaq; ut semper esse  
possent: aliquādo nō fuerunt.

De Hannone.

ed nescio an Hannonis excellentissimæ prudentiæ con-  
siliū. Magone enim Cannensis pugnae exitum sena-  
tui Pœnorū nuntiante: inq; tanti successus fidē annulos  
aureos trium modiorū mensuram explētes fundente:  
qui interfectis nostris ciuibus detracti erant: quæsiuit  
an aliquis sociorum post tantam cladem à Romanis  
defecisset. atq; ut audiuit: neminem ad Annibalē tran-  
sisse: suasit, ut protinus legati Romam, per quos de pa-  
ce ageretur: mitterētur. cuius si sententiā ualuisset: neq;  
secundo Punico bello deuicta Carthago, neq; tertio de-  
leta foret.

De Herennio Pontio Samnite.

e Samnites quidē paruas pœnas consimilis erroris pe-



pendenterunt, quòd Herennij Pontij salutare consilium neglexerunt: qui authoritate, & prudentia cæteros præstans, ab exercitu, & duce eius filio suo consultus, quidnam fieri de legionibus Romanis apud furcas Caudinas inclusis deberet: inuiolatas dimittendas respondit. postero die eadē de re interrogatus, deleri eas oportere dixit: ut aut maximo beneficio gratia hostiū emeretur: aut grauissima iactura vires confringerentur. sed improuida temeritas uictorum, dum utranq; partem spernit utilitatis, sub iugum missas in perniciem suā accendit. multis, & magnis sapientiæ exemplis paruum adijciam. De Cretensisibus.

C retenses cum acerbissima execratione aduersus eos, quos uehementer oderunt: uti uolunt: ut mala consuetudine delectentur, optant: modestoq; uoti genere efficacissimum ultionis euentum reperiunt. Inutiliter enim aliquid concupiscere, & in eo perseueranter morari: exitio ea dulcedo uicina est.

### DE V A F R E D I C T I S, A U T F A C T I S.

Caput III.

est aliud factorum, dictorumq; genus, à sapientia proximo deflexu ad uasritiæ nomen progressum: quod nisi fallacia vires assumpserit: fidem propositi non inuenit: laudemq; occulto magis tramite, quàm aperta uia petit.

De quodam antistite Romano.

S eru. Tullo regnante quidam patrifamiliæ in agro Sabino præcipue magnitudinis, & eximie formæ uacca



nata est: quam oraculorum certissimi authores in hoc à Dijs immortalibus editam responderunt: ut quisque eam Auentinensi Dianæ immolasset: eius patria totius terrarum orbis imperium obtineret. lætus eo dominus, bouem cum summa festinatione Romam actam macandam in Auentino ante aram Dianæ constituit, sacrificio Sabinis regimen humani generis daturus. de qua re antistes templi certior factus, religionem hospiti intulit: ne prius uictimam cederet: quàm proxima se aqua ablisset. eoque alueum Tyberis petente, uictimam ipse immolauit: et urbem nostram tot ciuitatum, tot gentium dominam, pro sacrificij furto reddidit.

De Iunio Bruto.

Quo in genere acuminis in primis Iunius Brutus referendus. nam cum à Rege Tarquinio auunculo suo omnem nobilitatis indolē excerpi: interque cæteros etiā fratrem suū, quod uegetioris ingenij erat, interfectum animaduerneret: obtusi se cordis esse simulauit: eaque fallacia maximas uirtutes suas texit. profectus etiā Delphos cum Tarquinij filijs, quos is ad Apollinem Pythium muneribus, sacrificijsque honorandum miserat: aurū deo, nomine doni clām cauato baculo inclusum tulit: quia timebat, ne sibi cœleste numen aperta liberalitate uenerari tutum non esset. peractis deinde mandatis patris, Apollinem iuuenes consuluerunt: quisnam ex ipsis Romæ regnaturus uideretur. At is penes eum summam urbis nostræ potestatem futuram respondit: qui ante omnes matri osculum dedisset. Tunc Brutus perinde, atque casu prolapsus, de industria se abiecit: terramque communem omnium matrem existimans, oscu-



latus est. quod tam uasre telluri impressum osculum,  
urbi libertatem, Bruto primum infastis locum tribuit.

De Scipione superiore.

S cipio quoq; superior præsidium calliditatis amplexus  
est. Ex Sicilia enim petens Africam, cū ex fortissimus  
peditibus Romanis trecentorum equitum numerum  
implere uellet: neq; tā subito posset eos instruere, quod  
temporis angustia negabant: sagacitate consilij affecu-  
tus est. namq; ex ijs iuuenibus, quos secum ex tota Sici-  
lia nobilissimos, et ditissimos, sed inermes habebat: ad  
se uocatos trecentos speciosa arma, & electos equos q̄  
celerrime expedire iussit: uelut eos continuo secum ad  
oppugnandam Carthaginem aduecturus. qui cum  
imperio ut celeriter, ita longinqui, & periculosi belli  
respectu sollicitis animis paruissent: remittere sese Sci-  
pio illam expeditionem, si arma, & equos militibus  
suis tradere uoluissent, edixit. rapuit conditionē im-  
bellis, ac timida iuuentus: instrumentoq; suo cupide no-  
stris cessit. Ergo calliditas ducis prouidit: ut quod, si  
protinus imperaretur: graue prius, deinde remisso mi-  
litia metu, maximū beneficiū fieret. quod sequitur, nar-  
randū quoq; est. De Q. Fabio Labeone.

Q. Fabius Labeo arbiter à senatu finium constituendo-  
rum inter Nolanos, et Neapolitanos datus: cū in rem  
præsentē uenisset: utrosq; separatim monuit: ut ommissa  
cupiditate, regredi controuersia, q̄ progredi mallerent.  
idq; cum utraq; pars authoritate uiri meta fecisset: ali-  
quantum uacui in medio agri relictum est. constitu-  
tis deinde finibus, ut ipsi terminauerant: quicquid re-  
liqui soli fuit, P. R. adiudicauit. Ceterum & sic cir-



cunuenti Nolani ac Neapolitani queri nihil potuerunt, secundum ipsorum demonstrationem dicta sententia: improbo tamen praestigiorum genere, nouum ciuitati nostrae uectigal accessit. Eundem ferunt cum à Rege Antiocho, quem bello superauerat: ex foedere icto, dimidiam partem nauium accipere deberet: medias omnes secuisse: ut eum tota classe priuaret.

De M. Antonio.

am M. Antonio remittendum conuitium est. qui idcirco se aiebat nullam orationem scripsisse: ut siquid superiore iudicio actum, ei, quæ postea defensurus esset, nociturum foret, non dictum à se affirmare posset. qui facti uix prudentis, tolerabilem causam habuit. pro periclitantium enim capite, non solum eloquentia sua uti, sed etiam uerecundia abuti erat paratus.

De Sertorio.

ertorius uero corporis robore, atq; animi consilio paræ naturæ indulgentiam expertus: proscriptione Syllana dux Lusitanorum fieri coactus: cum eos oratione flectere non posset, ne cum Romanis uniuersa acie confingere uellent: uastro consilio ad suam sententiam perduxit. duos enim in conspectu eorum constituit equos: alterum ualidissimum, alterum infirmissimum. ac deinde ualidi caudam ab imbecillo sene paulatim carpi, infirmi à iuvene eximiarum uirium uniuersam conuelli iussit. obtemperatum imperio est. sed dum adolescentis dextera irritò se labore fatigat: senio confecta manus ministerium executà est. tunc barbaræ concioni quorsum ea res tenderet cognoscere cupienti, subiecit: equi caudæ consimilem esse nostrum exercitum. cuius



partes aliquis aggrediens opprimere possit : uniuersum conatus prosternere, celerius tradiderit uictoriā, quam occupauerit. Ita gens barbara, & aspera, & regi difficilis, in exitum suum ruens, quam utilitatem auribus respuerat, oculis peruidit.

De Fabio Maximo.

F abius autem maximus, cuius non dimicare, uincere fuit: cum præcipue fortitudinis Nolanum peditem dubia fide suspectum, & strenuæ operæ Lucanum equitem amore sortis deperditum in castris haberet: ut utroq; potius bono milite uteretur: q̃ in utrūq; animaduerteteret: alteri suspicionem suam dissimulauit: in alterum disciplinam paululum à recto tenore deflexit: nanq; illū plene pro tribunali laudando, omniq; genere honoris prosequendo, animum suū à Pœnis ad Romanos coëgit reuocare: & hunc clam meretricem redimere passus, paratissimum pro nobis excursorē reddidit.

De M. Volusio Aedil.

V eniam nunc ad eos, quibus salus astutia quaesita est. M. Volusius Aedil. pl. proscriptus, assumpto Isiaci habitu, per itinera, uiasq; publicas stipem petens qui suam re uera esset, occurrentes dignoscere passus nō est: eoq; fallaciæ genere tectus, in M. Bruti castra peruenit. Quid illa necessitate miserius? quæ magistratum P. R. abiecto honoris prætextu, alienigenæ religionis obscuratum insignibus, per urbem iussit incedere. omnes autem hi suæ uitæ, aut illi alienæ mortis cupidi, quæ talia uel ipsi sustinuerunt: uel alios perpeti coëgerunt.

De Saturnino Vetulione.

A liquanto speciosius sententijs Saturnini Vetulionis in



eodem genere casus, ultimæ sortis auxilium. Quæ cum à triumuiris inter proscriptos nomen suum propositum audisset: continuo præturæ insignia inuasit: præcedentibusq; in modum licitorum, et apparitorum publicorum seruis subornatis, uehicula comprehendit: hospitia occupauit: obuios summouit: ac tam audaci usurpatione imperij, in maxima luce densissimas hostilibus oculis tenebras effudit. Idem ut Puteolos uenit: perinde ut publicum ministerium agens, summa cum licentia correptis nauibus in Siciliam, certissimum tunc proscriptorum profugium, penetrauit. his uno adiecto leuioris notæ exemplo, ad externa reuertar.

De amore cuiusdam patris in filium.

manantissimus quidam filij, cum eum inconcessis, ac periculosis facibus accensum ab insana cupiditate pater inhibere uellet: salubri consilio patriam indulgentiam temperauit. petijt enim ut prius, quàm ad eam, quam diligebat, iret: uulgari, ac permissa Venere uteretur. cuius precibus obsecutus adolescens, infelicitis animi impetum facietate licentis concubitus resolutum, ad id, quod non licebat, tardio rem, pigrioremq; affrens paulatim deposuit.

De quodam asinario.

um Alexander Macedonum Rex sorte monitus, ut eum, qui sibi porta egresso primus occurrisset: interfici iuberet: asinarium sorte sibi obuiam factum, ad mortem irripi imperauit. eoq; querente quidnam se immereret capitali supplicio, innocentemq; addiceret: cum ad excusandum factum suum oraculi præceptum retu-



lisset: asinarius si ita est (inquit) Rex alium fors huius  
morti destinavit. nam asellus, quē ego ante me agebā:  
prior tibi occurrit. delectatus Alexander et illius tam  
callido dicto, & quod ab errore ipse reuocatus erat:  
occasione in aliquanto uiliore animali expiandæ reli-  
gionis rapuit. summa in hoc cum calliditate mansuetu-  
do. summa quoq; in alterius Regis equisone calliditas.

De Dario Rege.

**S**ordida magorū dominatione Perside oppressa, Darius  
Rex adiutoribus eiusdē dignitatis assumptis, pactum  
cum præclari operis consortibus fecit: ut equis insiden-  
tes Solis ortu, cursum in quendā locum dirigerent: isq;  
regno potiretur: cuius equus in eo primus hinnisset  
ceterū maximæ mercedis competitoribus fortunæ be-  
neficiū expectantibus: solus acumine equisonis sui Eb-  
ris prosperum exoptatæ rei effectum assecutus est. qui  
in equæ genitalem partem demissam manum, cū ad  
eū locū uentum esset: naribus equi admouit: quo odor  
irritatus ante omnes hinnitum edidit: auditoq; eo, se-  
reliqui summæ potestatis continuo equis delapsi, can-  
dati (ut est mos Persarum) humi prostratis corporibus  
Darium Regem salutauerunt. quantū imperiū q̄ pa-  
uo interceptum est uasamento. De Bia Prienensi

**B**ias autem, cuius sapientia diuturnior inter homines est,  
q̄ patria Priene fuit (Siquidē hic etiam nunc spirat  
illius perinde atq; extinctæ uestigia tantummodo ex-  
tant) ita dicebat oportere homines in usu amicitiae uer-  
sari: ut meminissent eā ad grauissimas inimicitias pos-  
se conuerti. quod quidem præceptum prima specie nimis  
fortasse callidū uideatur, inimicūq; simplicitati, qui



præcipue familiaritas gaudet: sed si altioribus animis cogitatio demissa fuerit: perquam utile reperietur.

De Anaximene præceptore Alexandri.

Lampsacene uero urbis salus unius uasframenti beneficio constitit. nam cum ad excidium eius summo studio Alexander ferretur: progressumq; extra mœnia Anaximenem præceptorem suum uidisset: quia manifestum erat futurum, ut preces suas iræ eius opponeret, non facturum se quod petisset iurauit. tunc Anaximenes peto (inquit) ut Lampsacum diruas. hæc uelocitas sagacitatis oppidum uetusta nobilitate inclytum, exitio cui destinatum erat: subtraxit.

De Demosthene.

Demosthenis quoq; astutia mirifice cuidam ancillæ succursum est: quæ pecuniam depositi nomine à duobus hospitiibus acceperat, ea conditione ut illam simul utriusq; redderet. quorum alter interiecto tempore tanquam mortuo socio squalore obsitus, deceptæ omnes nummos abstulit. superuenit deinde alter, & depositum petere coepit. hærebat misera in maxima pariter & pecuniæ, & defensionis penuria. Iamq; de laqueo, & suspensio cogitabat. sed opportune Demosthenes ei patronus affuit. qui ut in aduocationem uenit: mulier (inquit) parata est depositi se fide soluere: sed nisi socium adduxeris: id facere non potest: quoniam ut ipse uociferaris, hæc dicta est lex: ne pecunia alteri sine altero numeretur.

De quodam uiro Atheniensi.

ne illud quidem parum prudenter. quidam Athenis uniuerso populo inuisus, causam apud eum capitali crimine dicturus, maximum honorem subito petere coepit: non quod speraret se illum consequi posse: sed ut



haberent homines: ubi procursum iræ, qui acerrimus  
esse solet: effunderent. neq; eum tam callidi consilij  
ratio fefellit. comitij enim clamore infesto, & crebris  
tius concionis sibilis uexatus, nota etiam denegati hono-  
ris perstrictus, eiusdem plebis paulopost in discrimi-  
ne uitæ clementissima suffragia expertus est. Quod  
adhuc ei ultionem sitiens, capitis sui periculum obie-  
cisset: nullam partem defensionis odio obsecratæ aure  
reciperent. huic uasframento consimilis illa calliditas.

## De Annibale.

**A**nnibal superior à Duillio Cos. navali prælio uictus:  
mensq; classis amissæ pœnas dare: offensam astutia  
re auertit. nam ex illa infelici pugna prius, q̃ cladis  
nuntius domũ perueniret: quendam ex amicis cõposi-  
tum, & ornatum, Carthaginem misit. qui postquã ci-  
uitatis eius curiã intrauit: consulit, inquit, uos Anni-  
bal, cum dux Romanorum magnas secum maritima  
trahēs copias aduenerit: an cum eo configere debeam.  
acclamauit uniuersus senatus non esse dubium quin  
oporteret. tum ille, conflixit, inquit, & superatus es.  
Ita liberum his nõ reliquit id factum damnare: quo  
ipsi fieri debuisse iudicauerant. De eodem.

**I**dem alter Annibal Fabium Maximũ inuictam ar-  
morũ suorũ uim saluberrimis cunctationibus pugnã  
ludificantem: ut aliqua suspitione trahendi belli re-  
spiceret, totius Italiæ agros ferro, atq; igni uastan-  
do, unius eius fundum immunem ab hoc iniuriæ ge-  
nere reliquit. profecisset aliquid tanti beneficii insi-  
diosæ adumbratio eius: nisi Romanæ urbi & Fabii  
pietas, & Annibalis uasfri mores fuissent notissimi.



## De Tusculanis.

Tusculanis etiā acumine consilij incolumitas parta est. cum enim crebris rebellionibus meruissent, ut eorū urbem funditus Romani euertere uellent: atq; ad id exequendum Furius Camillus, maximus dux, ualidissimo instructus exercitu uenisset: uniuersi ei togati obuiam processerunt: commeatusq; & cætera pacis munia benignissime præstiterunt: armatum etiam intrare mœnia passi sunt: nec uultu, nec habitu mutato: qua constantia tranquillitatis non solū ad amicitiae nostræ ius, sed etiam ad cōmunionē usq; ciuitatis penetrauerunt, sagaci hercule usi simplicitate: quoniā aptius esse intellexerant, metum officijs dissimulare, q̄ armis protegere. De Tullo duce Volscorum.

Tullos Volscorum ducis Tulli execrabile consilium. qui ad bellum inferendum Romanis maxima cupiditate accensus, cum aliquot aduersis prælijs contusos animos suorū, et ob id paci prouiores animaduerneret: insidiosa ratione quō uolebat cōpulit. nam cum spectandorum ludorum gratia, magna Volscorū multitudo Romanam conuenisset: Coss. dixit uehementer se timere nequid hostile subito molirentur: monuitq; ut essent cautiore: & protinus ipse urbe egressus est. Quam rem Coss. ad senatum retulerunt. qui tametsi nulla suspicio suberat: authoritate tamen Tulli commotus: ut ante noctem Volsci abirent: decreuit. qua contumelia irritati, facile impelli potuerunt ad rebellandum. ita mendacium uersuti ducis, simulatione beneuolentiæ inuolutum, duos simul populos fefellit, Romanum ut insones notaret: Volscum ut deceptis irasceretur.



*I*lla uero pars calliditatis egregia, & ab  
omni prorsus reprehensione procul remota.  
cuius opera, quia appellatione nostra uix  
apte exprimi possunt: græca pronuntiatione Strategemata dicantur. De Tullo Hostilio.

○ *O*mnibus militaribus copijs Tullo Hostilio Fidenas aggresso: quæ surgentis imperij nostri incunabula crebris rebellionibus torpere passæ nõ sunt: finitimisque trophæis, ac triumphis alitam uirtutem eius, spes suas promouere ulterius docuerunt: Metius Suffetius dux Albanorum, dubiam, & suspectam semper societatis suæ fidem repente in ipsa acie detexit. detecto enim Romani exercitus latere, in proximo colle consedit, pro adiutore speculator pugnae futurus: ut aut uictis insultaret: aut uictores fessos aggrediretur. non erat dubiũ, quin ea res militum nostrorum animos debilitatura esset: cũ eodem tẽpore & hostes confligere, & auxilia deficere cerneret. Itaque ne id fieret, Tullus prouidit. concitato enim equo, pugnantium globos præcurrit, prædicans suo iussu secessisse Metium: eumque, cũ ipse signum dedisset: inuasurũ Fidenatum terga quo imperatoriae artis cõsilio, metũ fiducia mutauit: proque trepidatione, alacritate suorum pectora repleuit.

De Sexto Tarquinio.

*A*t ne continuo à nostris regibus recedamus. Sextus Tarquinius Tarquinij filius indigne ferens quod patris uiribus expugnari Gabij nequirent: ualentiorẽ artem excogitauit rationẽ: qua interceptum id oppidum

Romano



Romano imperio adijceret. Subito namq; se ad Gabios contulit, tanq; parentis sœnitiam, & uerbera, quæ uoluntate sua perpeffus erat, fugiēs. ac paulatim uniuscuiusq; fictis, & cōpositis blanditijs alliciendo beneuolentiam, ut apud omnes plurimum posset, consecutus: familiarem suum ad patrem misit, indicaturū, quem admodū cuncta in sua manu haberet: & quæsiturum quidnam fieri uellet: inuenili calliditati senilis astutiæ respondit. Siquidem re eximia delectatus Tarquinius, fidei autem nuntij parum credēs, nihil respondit: sed ducto eo in hortum, maxima, & altissima papauerum capita baculo decussit. cognito adolescēs silentio patris, simul ac facto: causam altius argumenti peruidit. nec ignorauit præcipi sibi: ut excellētissimum quenq; Gabinorum aut exilio summcueret, aut morte consume-  
ret. ergo spoliata bonis propugnatoribus ciuitatem tantum non uinctis manibus ei tradidit.

## De Romanis.

Illud quoq; a maioribus & consilio prudenter, et exitu feliciter prouisum. cū enim urbe capta Galli Capitolium obsiderent: solamq; potiendi eius spem in fame eorum repositam animaduertent: per quā callido genere consilij Romani usi, unico perseuerantiæ irritamento uictores spoliauerunt. panes enim iacere compluribus ex locis cœperunt. Quo spectaculo obstupescēti, infinitamq; frumenti abundantiam nostris superesse credentes: ad pactionem omittendæ obsidionis compulerunt. Misertus est tunc profecto Iupiter Romanæ uirtutis, præsidium ab astutia mutuantis: cum summa alimentorum inopia, proijci præsidia inopiæ cerneret. igitur



VAL. MAX.

tur ut uastro, ita periculoso consilio salutarem exitum dedit. Idem Iupiter postea præstantissimorum ducum nostrorum sagacibus consilijs propitius aspirauit. nam cum alterum Italiae latus Annibal laceraret: alterum inuasisset Hasdrubal: ne duorum fratrum iunctæ copia intolerabili onere fessas simul res nostras urgeret: hinc Claudij Neronis uegetum consiliū: illinc Liuij Salinatoris incluta prouidentia effecit. Nero enim compresso a se in Lucanis Annibalem, præsentiam suam, quoniam ita ratio belli desiderabat: mentitus hosti, ad opem ferendam collegæ per longum iter celeritate mira contendit. Salinator in Umbria apud Metaurum flumen proximo die dimicaturus, summa cum dissimulatione Neronem castris noctu recepit. tribunos enim à tribunis, centuriones à centurionibus, equites ab equitibus, pedites à peditibus excipi iussit: ac sine ulla tumultuatione, solo uix unum exercitum capiente, alterum inseruit, quo euenit ne Hasdrubal cum duobus se Coss. præliaturum prius sciret: quàm utriusque uirtute prosterneretur. Ita illa toto terrarum orbe infamis Punica calliditas, Romana elusa prudentia, Annibalem Neroni, Hasdrubalem Salinatori decipiendum tradidit.

De Q. Metello Cos.

Memorabilis etiam consilij Q. Metellus, qui cum pro consul bellum in Hispania aduersus Celtiberos gereret, urbemque Trebiam caput eius gentis uiribus expugnare non posset: intra pectus suum multum, ac diu consilijs agitata, uiam reperit, qua propositum ad exitum perduceret. itinera magno impetu ingrediebatur, deinde alias, atque alias regiones petebat. hos obsidebat.



montes. paulo post ad illos transgrediebatur: cum interim tam suis omnibus, quàm ipsis hostibus ignota erat causa inopinatae eius, ac subitae fluctuationis. Interrogatus quoque à quodam amicissimo sibi, quid ita sparsum, et incertum militiae genus sequeretur: absiste, inquit, istud quærere. nam si huius consilij mei interiorē tunicam consciam esse sensero: continuo eam cremari iubebo. Quorsum igitur ea dissimulatio erupit? aut quem finem habuit? postquàm uero, et exercitum suum ignorantia, et totam Celtiberiā errore implicauit: cū aliò cursum direxisset: subito ad Trebiam reflexit: eamque inopinatā, et attonitam oppressit. ergo nisi mentem suā dolos scrutari cōegisset: ad ultimam ei senectutem apud mœnia Trebiæ armato sedendum foret.

Externa. De Agathocle Rege Syracusarum.

Agathocles autem Syracusarum Rex, audacter callidus. cum enim urbem eius maiore ex parte Carthaginienses occupassent: exercitum suum in Africam traiecit: ut metum metu, uim ui discuteret. neque sine effectu. nam repentino eius aduentu perculsi Pœni, libenter incolumitatem suam salute hostiū redemerunt: pactique sunt, ut eodem tempore, et Africa Siculis, et Sicilia Punicis armis liberaretur. Agathocles autem Syracusarū mœnia si tueri perseuerasset: illa belli malis urgerentur: bona pacis fruenda, securæ Carthagini reliquisset. nunc inferendo, quæ patiebatur: dum alienas potius laceffit opes: quàm suas tuetur: quo æquiore animo regnum deseruit: eo tutius recepit.

De Annibale.

Quid Annibal Cannensem populi Romani aciem speculatus nonne prius, quàm ad dimicandum descenderet,



ompluribus astutiae complicatum laqueis, ad tam miserabilem perduxit exitum? ante omnia enim prouidit: ut & solem, et puluerē, qui ibi uento multus extari solet: aduersum haberet: deinde partem copiarum suarum, inter ipsum praelij tempus de industria fugere iussit: quam cum à reliquo exercitu abruptā legio Romana sequeretur, trucidandam eam ab ijs, quos in insidijs collocauerat: curauit. Postremo quadringentos equites subornauit: qui simulata transitione petierunt Cos. à quo iussi more transfugarum depositis armis in ultimam pugnae partem se cedere: districtis gladijs, quos inter tunicas, & loricas abdiderant: poplites pugnantium Romanorum ceciderunt. haec fuit Punica fortitudo, dolis, & insidijs, & fallacia instructa. quae nunc certissima circumuentae uirtutis nostrae excusatio est: quoniam decepti magis, q̄ uicti sumus.

## DE REPVLISIS. Caput V.

**C**ampi quoque representata conditio, ambiciosam ingredientem uiam, ad fortius sustinendos parum prosperos comitiorum euentus utiliter instruxerit. quia propositis ante oculos clarissimorum uirorum repulsis: ut non minore cum spe honoris, ita prudentiore cum animi iudicio persistent: memnerintq; nefas non esse, aliquid ab omnibus uni negari: cum saepenumero singuli cunctorum uoluntatibus resistere fas esse duxerint: scientes etiam patientia quaeri debere, quod gratia impetrari nequierint.



## De Q. Aelio Tuberone.

Aelius Tuberone a Q. Fabio Maximo epulum P. R. nomine P. Africani patrui sui dante rogatus, ut triclinium sterneret: lectulos punicanos pellibus hædiniis strauit: & pro argenteis uasis Samia exposuit. cuius rei deformitas sic omnes offendit: ut cum aliqui uir egregius haberetur: comitijsq; prætorijs candidatus in campum L. Paulo auo, & P. Africano auunculo nixus descendisset: repulsa inde abiret notatus. nam ut priuatim semper continentiam probabant: ita publice maxima cura splendoris habita est. quod circa urbs nostra non unius conuiuij numerum, sed totam se in illis pelliculis iacuisse credens, ruborem epuli, suffragijs suis uindicauit.

## De P. Scipione Nasica.

Autem Scipio Nasica togatæ potentia clarum lumen, is, qui Cos. Iugurthæ bellum indixit: qui matrem Idæam Phrygijs sedibus, ad nostras aras, focosq; migrantem sanctissimus manibus excepit: qui multas, & pestiferas seditiones authoritatis suæ robore oppressit: quo principe senatus aliquot annos gloriatus est: cum ædilitatem curulem adolescens peteret, manumq; cuiusdam rustico opere duratam, more candidatorum tenacius apprehendisset: ioci gratia interrogauit eum: num manibus solitus esset ambulare. Quod dictum à circumstantibus exceptum, ad populum manauit: causamq; repulsæ Scipioni attulit. omnes namq; rusticæ tribus paupertatem sibi ab eo exprobratam iudicantes: iram suam aduersus contumeliosam eius urbanitatem distinxerunt. Igitur ciuitas nostra nobilium iuuenum ingenia ab insolentia reuocando, magnos, & utiles ci-



ues fecit: honoribusq; non patiendo eos à scurris peti, debitum authoritatis pondus adiecit.

De L. Aemilio Paulo.

N ullus error talis in L. Aemilio P. conspectus est: sed tamen aliquoties frustra consulatum petijt. Idemq; cum iam campum repulsis suis fatigasset: bis Cos. & Ces. factus est. amplissimum etiam dignitatis gradū obtinuit. cuius uirtutem iniuriæ non fregerunt, sed acuerunt: quoniam quidem nota ipsa accensam cupiditatem summi honoris ardentio rem ad comitia detulit: ut populum, quem nobilitatis splendore, & animi bonis mouere non potuerat: pertinacia uinceret.

De Q. Cæcilio Metello.

Q uidem Cæciliū Metellum, pauci, et mæsti amici consulatus repulsa afflictum tristitia, ac rubore plenum, domum reduxerunt. eundem de Pseudophilippo triumphantem uniuersus senatus lætum, & alacrem in Capitolium prosecutus est. Achaici etiā belli, cui summam manū L. Mumius adiecit: maxima pars ab hoc uiro profligata est. ei ne ergo populus consulatum negare potuit: cui mox duas clarissimas provincias aut daturus erat: aut debiturus Achaiam, & Macedoniā? et quidē hoc facto, meliore eo ciue usus est. intellexit. n. q̄ industrie sibi gerendus esset consulatus: quē tanto labore impetrari senserat.

De L. Sylla.

Q uid tam excellēs, quid tam opulentum, q̄ L. Sylla? diuitias, & imperia largitus est. leges uetustas abrogauit: nouas tulit. hic quoq; in eodem campo, cuius postea dominus extitit: repulsa præturæ sigillatus est: omnia loca petiti honoris, si quis modo deorum formā, & ima-



ginem futuræ eius potentiæ P. R. repræsentasset, impetraturus.

De M. Porcio Catone.

ed ut comitiorum maximum crimen referam: M. Porcius Cato plus moribus suis præturæ decoris adiecturus, quàm prætextæ eius splendoris ipse laturus consequi illam à populo aliquando non potuit. proxima dementiæ suffragia: quæ quidem satis graues pœnas erroris sui pependerunt: quoniam quem honorem Catoni negauerant, Vatinius dare coacti sum. Ergo si uere æstimare uolumus, non Catoni tunc prætura, sed præturæ Cato negatus est.

DE NECESSITATE. Caput VI.

Bominadæ quoque necessitatis amarissimæ leges, et truculentissima imperia, tum urbem nostram, tum etiam exteræ gentes, multa non intellectu tantum, sed etiam auditu grauiâ perpeti cœgerunt. Nam aliquot aduersis prælijs secundo Punico bello exhausta militari iuuentute Romana, senatus authore Tib. Graccho Cos. censuit: uti publice serui aduersus propulsandorum hostium impetum emerentur. eaq; de re per Tribunos plebis apud populum lata rogatione, tres creati sunt uiri: qui quatuor et uinginti millia seruorum comparauerunt: adactosq; inreuerando strenuam se, fortemq; operam daturus, quoad Pœni essent in Italia, datis armis in castra misserunt. Ex Apulia etiam, et à Fidiculis septuaginta, atque ducenti ad supplementum equitatus sunt empti. Quanta uolentia est casus acerbi?



Quæ ciuitas ad id tempus ingenuæ quoq; originis capi-  
teensos habere milites fastidierat: eadē cellis seruili-  
bus extracta corpora, & à pastoralibus casis collecta  
mancia, uelut præcipuum firmamentum exercitui  
suo adiecit: Cedit ergo interdum generosus spiritus uti-  
litati: & fortunæ uiribus succumbit. ubi nisi tutiora cō-  
silia legeris: speciosa sequenti concidendum est.

De ciuitate Romana.

Cannenſis autem clades adeo urbem noſtram uehemen-  
ter contudit: ut opera M. Iunij dictaturam R. P. ad-  
ministrantis, ſpolia hoſtiū affixa templis, deorū numi-  
ni conſecrata, inſtrumenta militiæ futura conuelleren-  
tur: ac prætextati pueri arma induerent: adiudicato-  
rum etiam, & capitali crimine damnatorum ſex mil-  
lia conſcriberentur. quæ ſi per ſe aſpiciantur: aliquid  
ruboris habeant. ſin autem admotis neceſſitatis uiribus  
ponderentur: ſæuitiæ temporis conuenientia præſidia  
uideantur.

De eadem ciuitate.

Propter eandem cladem, ſenatus Octacilio, qui Sicilia:  
Cornelio Mammulæ, qui Sardiniam pro Præt. obtine-  
bant: querentibus quod neque ſtipendium, neq; frumen-  
tum claſſibus eorum, & exercitibus ſocij præberent:  
affirmantibus etiam, ne habere quidem eos, unde id  
præſtare poſſent: reſcripſit. ærarium longinquis expē-  
ſis non ſufficere. proinde, quo pactu tantæ inopiæ ſuc-  
currendum eſſet: ipſi uiderent. his literis quid aliud,  
quàm imperij ſui gubernacula e manibus abiecit? Si-  
ciliāq; & Sardinia, benigniſſimas urbis noſtræ nu-  
trices, gradus, & ſtabilimenta bellorū, tam multo ſu-  
dore, & ſanguine in poteſtatem redactas, paucis uer-



bis, ita scilicet necessitate iubente, dimisit.

De Casilinatibus.

ad eam Casilinales obsidione Annibalis clausos, alimentorumque facultate defectos, lora necessarijs uinculorum usibus subducta, eque scutis detractas pelles feruenti resolutas aqua, mandere uoluisti. quid illis, si acerbitate casus intueare: miseri? si constantiam respicias: fidelius? qui, ne a Romanis desciscerent: tali uti cibi genere sustinuerunt: cum pinguiissima arua sua, fertilissimosque campos moenibus suis subiectos intuerentur. Itaque Campanae urbis, quae Punicam feritatem delicijs suis cupida fouit, in propinquo situm Casilinum moderatum uirtute, clarum perseverantis amicitiae pignore, impios oculos uerberauit.

De Praenestinis.

In illa obsidione, et fide, cum treceti Praenestini permanerent: euenit: ut ex his quidam murem captum ducen-  
tis potius denarijs uendere, quam ipse leniendae famis gratia consumere mallet. Sed credo deorum prouidentia effectum: ut et uenditori, et emptori quae uterque merebatur, exitum attribuerit. Avaro enim fame consumpto, manubijs sordium suarum frui non licuit. æquanimi uir, ad salutarem impensam faciendam, care quidem, uerum necessarie comparato cibo uixit.

De ciuitate Romana.

autem Mario, et Cn. Carbone Coss. bello civili cum L. Sylla dissidentibus, quo tempore non R. P. uictoria quærebatur: sed præmium uictoriae res erat publica: senatusconsulto aurea, atque argentea templorum ornamenta, ne militibus stipendia deessent: conficta sunt. digna enim causa erat, hi ne, an illi crudelitatem



suam proſcriptione ciuium ſatiarent: ut Dii immortalēſ ſpoliarentur. non ergo P. conſcriptorum uoluntas, ſed teterrimæ neceſſitatis truculenta manus illi conſulto ſtylum ſuum impreſſit. De Diuo Iulio.

**D** iui Iulij exercitus, ideſt inuicti ducis inuicta dextera, cum armis Mundam clauſiſſet: aggeriꝫ extruendo materia deficeret: cōgerie hoſtilium cadauerum, q̃ deſyderauerat altitudinem, inſtruxit: eamꝫ tragulis, et pilis, quia roboreæ ſudes deerant: maſtra nouæ molitionis neceſſitate uſus uallauit.

De Diuo Auguſto.

**A** tq; ut diuinam filij mentionem, cœleſtis patris recollectioni ſubnectam: cum effuſurus ſe in noſtras pro-uincias Parthorum Rex Phraates uideretur: uicinæꝫ imperio eius regiones ſubita indiſti tumultus denun-tiatione quaterentur: tanta in Boſphorano tractu com-mecatus penuria inceſſit: ut ſex millibus denarijs, ſingula uafa olei, frumentiꝫ modijs totidē mancipia per-mutarentur: ſed amariffimam tempeſtatem Auguſti cura, tutelæ tunc terrarum uacans, diſpuliſit.

Externa. De Cretenſibus.

**C** retenſibus nihil tale præſidij aſſuſit: q̃ obſidione Metelli ad ultimam uſq; penuriam compulſi, ſua, iumen-torumꝫ ſuorum urina ſitim torſerunt, iuſtus dixerim, quā ſuſtentauerunt. quia dum uinci timent: id paſſi ſunt: quod eos ne uictor quidem pati cōeſſet.

De Numantinis.

**N** umātini autem à Scipione uallo, et aggere circundati: cum omnia, quæ ſanem eorum trahere poterant: conſumpſiſſent: ad ultimum humanorum corporum da-



pibus usi sunt. quapropter capta iam urbe, complures inuenti sunt, artus, & membra trucidatorum corporum sinu suo gestantes. nulla est in his necessitatis excusatio. nam quibus mori licuit: sic uiuere necesse non fuit.

De Caliguritanis.

orum trucem pertinaciam in consimili facinore Caliguritanorum execrabilis impietas supergressa est. qui quo perseuerantius interempti Sertorij cineribus obsidionem Cn. Pompeij frustrantes, fidem prestarent: quia nullum iam aliud in urbe eorum supererat animal: uxores suas, natosq; ad usum nefariae dapis uerterunt. Quoq; diutius armata iuuentus viscera sua uisceribus suis aleret: infelices cadauerum reliquias salire non dubitauit. En quem aliquis in acie hortaretur: ut pro salute coniugum, & liberorum fortiter dimicaret. ex hoc nimirum hoste tanto Duci poena magis, quam uictoria petenda fuit: quia plus uindictus libertatis, quam uictus gloriae afferre potuit: cum omne serpentum, ac ferarum genus comparatione sui titulo feritatis superarit. namq; illis dulcia uitae pignora proprio spiritu cariora sunt: ea Caliguritanis prandia, atq; coenae extiterunt.

DE TESTAMENTIS, QVAE RESCIS-  
SCISSA SVNT. Caput VII.

Acemus nunc negotio, quod actorum hominis, & praecipuae curae, & ultimae est temporis. consideremusq; , quae testamentum aut rescissa sunt, legitime facta: aut cum merito



rescindi possent: rata manserunt, quæ uero ad alios, quàm qui expectabant: honorem hereditatis transtulerunt.

De quodam milite.

**A**tque ut ea ordine, quo proposui, exequar: militantis cuiusdā pater cum de morte filij falsum ē castris nuntium accepisset: alijs heredibus scriptis decessit. perceptis deinde stipendijs adolescens domū petit. errore patris, impudentia amicorum domū sibi clausam reperit. Quid enim illis inuerecundius? florem iuuentutis pro R. P. absumpserat. maximos labores, & plurima pericula tolerauerat. aduerso corpore exceptas ostendebat cicatrices: & postulabat. ne auitos eius lares ociosa ipsi urbi onera possideret. Itaque depositis armis, coactus est in foro, togatam ingredi militiam acerbe. cum improbissimus enim heredibus de paternis bonis apud centumuiros contendit: omnibusq; non solum consilijs, sed etiam sententijs superior discessit.

De filio M. Anei Carseolani equitis Romani.

**I**tem M. Anei Carseolani splendidissimi equitis Romani filius à Suffenate auunculo suo adoptatus, testamentum naturalis patris, quo præteritus erat: apud centumuiros rescidit: cū in eo Tullianus Pōpeij Magni familiaris, ipso quidē Pōpeio signatore, hæres scriptus esset. itaque illi in iudicio plus cū excellentissimi uiri gratia, quàm cum parentis cineribus negotij fuit. cæterum quamuis utraq; hæc aduersus se nitebantur: tamen paternæ bona obtinuit. nā L. quidē Sextilius, & P. Popilius, quos M. Aneus sanguine sibi coniunctos eadē ex parte, qua Tullianū, hæredes fecerat: sacramento cū adolescentulo contēdere ausi nō sunt. tametsi præcipuis



eo tēpore Magni uiribus ad defendēdas tabulas testa-  
menti inuitari poterant: et si aliquātulū adiunabat hae-  
redes, quōd M. Anei filius in Suffenatis familiā, ac sa-  
cra transierat. sed arētissimū inter homines procrea-  
tionis uinculū, patris simul uoluntatē, et principis au-  
thoritatem superauit.

De Tettio filio Tettij.

autem Tettium infantem a patre exheredatum Pe-  
tronia matre, quā Tettius quoad uixit in matrimonio  
habuerat, natum: diuus Augustus in bona paterna ire  
decreto suo iussit: patris patriae animo usus: quoniam  
Tettius in proprio iure procreato filio, summa cum  
iniquitate paternum nomen abrogauerat.

De Septicia.

Septicia quoq; mater Thrachalorum Arimnensiu, filiis  
irata, in contumeliam eorū, cum iam parere nō posset:  
Publilio seni admodū nupsit: testamento etiam utroq;  
præterito. a quibus aditus diuus Augustus, et nuptias  
mulieris, et suprema iudicia improbauit. nam hæredi-  
tatem maternam filios habere iussit. dotem, quia non  
creandorū liberorum causa coniugiū intercesserat: ui-  
rū retinere uetuit. Si ipsa æquitas hac de re cognoscere  
potuisset: iustus ne, aut gratus pronuntiaret? spernis  
quos genuisti: nubis effæta: testamenti ordinem uiolēto  
animo confundis: neq; erubescis ei totum patrimoniu  
addicere: cuius polluto iam corpori marcidā senectu-  
tem tuam substrauisti. ergo dum sic te geris: ad infe-  
ros usq; celesti fulmine afflata es.

De C. Calpurnio Pisone.

gregia quoq; C. Calpurnij Pisonis præfecti urbis cōsti-  
tutio. cū. n. ad eum Terēnius ex octo filiis, quos in ade-



lescentiam perduxerat: ab uno in adoptionē dato ex-  
heredatum se querelam detulisset: bonorū adolescen-  
tis possessionem ei dedit: hæredesq; lege agere passus  
non est. mouit profecto Pisonem patria maiestas, do-  
num uitæ, beneficium educationis: sed aliquid etiam  
ipsum flexit, circumstantiū liberorū numerus: quod cū  
patre septem fratres impie exheredatos uidebat.

De Mam. Aemilio.

Quid Mamerci Aemilij Lepidi Cos. q̄ graue decretum?  
Genutius quidam matris magnæ Gallus à Cn. Oreste  
Præt. urbis impetrauerat, ut restitui se in bona Nenian-  
ni iuberet: quorum possessionem secundum tabulas  
testamenti ab ipso acceperat. appellatus Mamercus à  
Surdinio, cuius libertus Genutium hæredem fecerat:  
prætoriam iurisdictionē abrogauit: quod diceret Ge-  
nutium amputatis sui ipsius sponte genitalibus corpo-  
ris partibus, neq; uirorum, neq; mulierum numero ha-  
beri debere. conueniens Mamercus, conueniens principi  
senatus decretum. quo prouisum est: ne obscœna Ge-  
nutij præsentia, inquinataq; uoce, tribunalia magi-  
stratum sub specie petiti iuris polluerentur.

De Q. Metello.

Multo Q. Metellus, Præt. urbanum seueriorem egit, q̄  
Orestes gesserat, qui Vetilio lenoni Iuuenij bonorum  
possessionem secundum tabulas testamenti non dedit:  
quia uir nobilissimus, et grauissimus fori, ac lupa-  
naris separandam conditionem existimauit. Nec aut  
factū illius cōprobare uoluit: qui fortunas suas in sta-  
bulū cōtaminatū proiecerat: aut huic tanq̄ integro ciui  
iura reddere: q̄ se ab oī honesto uitæ genere abruperat.



DE TESTAMENTIS, QUAE RATA  
MANSERUNT. Caput VIII.

Is rescissorum testamentorum exemplis con-  
h tenti; attingamus ea, quae rata manserunt:  
cum causas haberent, propter quas rescindi  
possent. Quam certae, quā etiam notae insaniae Tudi-  
tanus, ut pote qui populo numos sparserit: togamq; ue-  
lut tragicam uestem in foro trahens, maximo cum  
hominum risu conspectus fuerit: ac multa his consen-  
tanea fecerit: testamento filium instituit heredē. quod  
T. Longus, sanguine ei proximus, hastae iudicio sub-  
uertere frustra conatus est. magis enim centumviri,  
quod scriptum esset in tabulis: quam quis eas scripsis-  
set, considerandum existimauerunt.

De Ebutia uxore L. Menenij Agrippae.

ita Tuditani demens: Ebutiae autem, quae L. Menenij  
Agrippae uxor fuerat: tabulae testamenti plenae furo-  
ris. nam cum haberet duas finullinae probitatis filias  
Pletoniam, & Aphroniam, animi sui potius inclina-  
tione prouecta, quam ullis alterius iniurijs, aut officijs  
commota, Pletoniam tantummodo heredem instituit:  
filijs etiam Aphroniae ex admodum amplo patrimo-  
nio uiginti numos legauit. Aphronia tum cū sorore sa-  
cramento contendere noluit: testamētumq; matris, pa-  
tietia honorare, q̄ iudicio cōuellere sanctius esse duxit:  
eō seipsam indigniorem iniuria ostendens, quo eam  
aequiore animo sustinebat.

De Q. Metello.

inus mirandum errorem muliebrem Q. Metellus



fecit. Is namq; plurimis, & celeberrimis eiusdē nominis uiris in urbe nostra uigentibus: Claudiorum etiam familia, quam arctissimo sanguinis uinculo continebat, florente: Carinatem solum heredem reliquit. nec hoc testamentum eius quisquam attentauit.

De Pompeio Rhegyno.

**I**tem Pompeius Rhegynus, uir transalpinae regionis, cuius testamento fratris praeteritus esset: & ad coarguendam iniquitatem eius, binas tabulas testamentorum suorum in comitio incisas, habita utriusq; ordinis maxima frequentia recitasset: in quibus magna ex parte haeres frater erat scriptus: praelegabaturq; ei centies et quinquagies sesterium: multum ac diu inter assentiētes indignationi suae amicos questus, quod ad hastae iudiciū attinuit: cineres fratris getos esse passus est. et erāt ab eo instituti haeredes, neq; sanguine Rhegyno pares, neq; proximi: sed et alieni, et humiles: ut nō solum flagitiosum silentiū, sed etiam praelatio cōtumeliosa uideri posset. aequae felicitis impunitatis, sed nescio an tetrioris haec delicti testamenta.

QVI ADVERSVS OPINIONES HOMINVM HAEREDES HABVERVNT.

Caput IX.

De Q. Caecilio, & L. Lucullo.

**Q.** Caecilius L. Luculli promptissimo studio, maximaq; liberalitate, & honestum dignitatis gradum, & amplissimum patrimoniū consecutus: cum praese semper tulisset unum illū sibi esse heredem: moriens etiam annulos ei suos tradidisset.

Pomponium



Pomponium Atticū testamento adoptauit: omniumq; bonorum reliquit hæredem. sed fallacis, & insidiosi cadauer P. R. ceruicibus recte circumdatum per uiam traxit. itaque nefarius homo filium quidem, & hæredem habuit: quem uoluit: funus autem, & exequias quales meruit.

De T. Mario Vrinate.

N eq; alijs dignus fuit T. Marius Vrinâs. qui ab infimo militiæ loco beneficijs diui Augusti imperatoris, ad summos castrenses honores perductus, eorumq; uber- rimis quæstibus locuples factus: non solū ceteris uitæ temporibus ei se fortunas suas relinquere, à quo acci- perat: prædicauit: sed etiam pridie, quàm expiraret idem illud ipsi Augusto dixit: cum interim ne nomen quidem eius tabulis testamenti adiecerit.

De L. Valerio.

L. autem Valerius, cui cognomen Heptachordo fuit: toga- tum hostem Cornelium Balbum expertus, utpote ope- ra eius, & consilio, compluribus priuatis uexatus li- tibus: ad ultimumq; subiecto accusatore capitali crimi- ne accusatus: præteritis aduocatis, & patronis suis, so- lum hæredem reliquit. nimirum consternatio, animū eius transuersum egit: amauit enim sordes suas, & dilexit pericula: & damnationem uotis expetuit: au- thorem harum rerum beneuolentia, propulsatorem odio infecutus.

De T. Barrulo. & Lentulo.

T. Barrulus Lentulo Spintheri, cuius amantissimum ani- mum, liberalissimamq; senserat amicitiam: decedens suos annulos perinde, atq; unico hæredi tradidit: quē

Val. Max.

x



VAL. MAX.

nulla ex parte heredem relinquebat. quantum illo momento temporis consciētia si modo uires, quas habere creditur: possidet: à tetro terrore homine supplicium exegit. inter ipsam enim fallacis, & ingratae culpae cogitationem, spiritum posuit: quasi tortore aliquo mentem eius interius cruciante: quod animaduvertebat euita ad mortem transitum suum & superis Dijs inuisum esse, & inferis detestabilem futurum.

De M. Popilio.

M. uero Popilius senatorij ordinis, Oppium Gallum ab ineunte aetate familiarissimum sibi, moriens, pro uetusto iure amicitiae & uultu benigno respexit, & uerbis magnum prae se amorem ferentibus prosecutus est. unum etiam de multis, qui assidebant: ultimo complexu, & osculo dignum iudicauit: super quae annulos quoque suos ei tradidit: uidelicet nequid ex ea hereditate, quam non erat aditurus: amitteret. Quos Oppius uir diligens, sed morientis amici plenum contumeliae ludibrium, in locellum repositos, & à praesentibus assignatos, diligentissime heredibus illius, exhaeres ipse reddidit. Quid hoc loco inhonestus? aut quid intempestuius? senator P. R. curia egressus, homo uitae fructibus continuo cariturus, sanctissima iura familiaritatis morte pressis oculis, & spiritu supremos anhelitus reddente, scurrili lusu sigillanda sibi desumpsit.



## VALERII MAX. LIBER OCTAVVS.

INFAMES REI QUIBUS EX CAU-  
SIS ABSOLVTI, AVT DA-  
MNATI SVNT. Caput I.

De M. Horatio.

Vne quoq; , ut æquiore animo accipites  
iudiciorum motus tolerentur: recordemur  
n inuidia laborantes quibus de causis, aut  
absoluti sunt , aut damnati. M. Horati-  
us interfectæ sororis crimine à Tullo  
Rege damnatus, ad populum provocato iudicio absolu-  
tus est. quorum alterum atrocitas necis inuit: alterū  
causa flexit: quia immaturum uirginis amorem seue-  
re magis, quàm impie punitum existimabat. Itaq; for-  
ti punitione liberata fratris dextera, tantum consan-  
guineo quantum hostili cruore gloriæ haurire potuit.  
acrem se tunc pudiciæ custodem P. R. postea plus in-  
sto placidum iudicem præstitit.

De Serg. Galba.

Cum à Libone. Tr. pl. Sergius Galba pro rostris uehe-  
menter increparetur: quod Lusitanorū magnam ma-  
nam, interposita fide Præt. in Hispania interemisset:  
actioni q; tribunitiæ M. Cato ultimæ senectutis, oratio-  
ne sua, quam in originibus retulit: subscriberet: reus  
pro se iam nihil recusans, paruulos liberos suos, et  
Galli sanguine coniunctum filium, flens commendare  
cœpit. eoq; facto mitigata concione, qui omnium consen-



su periturus erat: penè nullum triste suffragium habuit. misericordia ergo illam quæstionem, non æquitas texit: quoniam, quæ innocentiae tribui nequierat: absolutio respectui puerorum data est. consentaneū, quod sequitur.

De A. Gabinio.

A. Gabinus in maximo infamiae suae ardore suffragijs populi Memmio accusatore subiectus, abruptæ esse spei uidebatur: quoniam & accusatio partes suas plene exhibebat: & defensionis præsidia, inualida fide nitebatur: & qui iudicabant, ira perciti poenam hominis cupide expectabant. Igitur licitor, & carcer ante oculos obuersabantur: cum interim omnia ista propitiæ fortunæ interuentu depulsa sunt. filius namq; Gabinij Sisenna, consternationis impulsu, ad pedes se Memmij supplex prostrauit: inde aliquod fomentum procellæ petens, unde totus impetus tempestatis eruperat. quem truci uultu à se uictor insolens repulsum, excusso è manu annulo humi iacere aliquandiu passus est. Quod spectaculū fecit: ut Lælius Tr. pl. approbantibus cunctis Gabinium dimitti iuberet: ac documentum daretur: neq; secundarum rerū prouentu insolenter abuti, neq; aduersis propere debilitari oportere. idq; proximo exemplo æque patet.

De Appio Claudio.

A. ppus Claudius nescio religionis maior, an patriæ iniuria: siquidem illius uetustissimum morē neglexit: huius pulcherrimam classem amisit: infesto populo obiectus, cum effugere debitam poenam nullo modo posse crederetur: subito coorti imbris beneficio tutus fuit à damnatione. discussa enim quæstione, aliam uelut Dÿs interpellatibus de integro instaurari nō placuit. Itaq;



cui maritima tēpestas causæ dictionē contraxerat: cœlestis salutē attulit. De Tucia uirgine. Deæ Vestæ. odem auxiliij genere Tuciæ uirginis Vestalis incesti criminis reæ castitas, infamæ nube obscurata emerfit: quæ cōscia certæ synceritatis suæ, spem salutis anapiti argumento petere ausa est. arrepto enim cribro, Vesta, inquit, si sacris tuis castas semper admoui manus: effice, ut hoc hauriam ex Tyberi aquam, & in ædē tuā perferam. audacter, & temere iactis uotis sacerdotis, rerū ipsa natura cessit. De L. Pisone.

tem L. Piso à L. Claudio Pulchro accusatus, quod graues, et intolerabiles iniurias socijs intulisset: haud dubiæ ruinæ metum fortuito auxilio uitauit. nanq; per id ipsum tempus, quo tristes de eo sententiæ ferebantur: repētina uis nimbi incidit. cumq; prostratus humi pedes iudiciū oscularetur: os suum cœno repleuit. quod conspectum, totam quæstionē à seueritate ad clementiam, & mansuetudinē transtulit: quia satis iam graues eū pœnas socijs dedisse arbitrati sunt, huc deductum necessitatis: ut abicere se tam suppliciter, aut atollere tam deformiter cogeretur. subnectam duos accusatorum suorū culpa absolutos. De Q. Flauio.

Q. Flauius à C. Valerio Aedil. apud populū reus actus, cum quatuordecim tribuū suffragijs damnatus esset, proclamauit se innocentē opprimi. cui Valerius æque clara uoce respondit: nihil sua interesse, nocens ne, an innoxius periret: dummodo periret. qua uiolentia dicti reliquas tribus aduersario donauit. abiecerat inimicum. eundem, dum pro certo pessundatum credidit: erexit: uictoriāq; in ipsa uictoria perdidit.



## De C. Cosconio.

C. etiam Cosconium Seruilia lege reum, propter plurima, & euidentissima facinora, sine ulla dubitatione nocentem: Valerij Valentini accusatoris eius recitatum in iudicio carmen, quo puerum prætectatum, & ingenuam uirginem à se corruptam poetico ioco significauerat: contexit. Siquidem iudices iniquum rati sunt eum uictorē dimittere: qui palmam non ex alio ferre, sed de se dare merebatur. Magis ergo Valerius in Cosconij absolutione damnatus, quam Cosconius in causa sua liberatus est.

## De A. Attilio Calatino.

A. Attingam eos quoque, quorum salus proprijs obruta criminibus, proximorum claritati donata est. A. Attiliū Calatinum Soranorū oppidi proditione reum admodum infamem, imminētis damnationis periculo Q. Maximi soceri pauca uerba subtraxerunt. quibus affirmavit si in eo crimine fontem illum ipse comperisset: direpturum se fuisse affinitatem. continuo enim populus penē iam exploratam sententiam suam, unius iudicio concessit: indignum ratus, eius testimonio non credere: cui difficilis R. P. temporibus, bene se exercitus credidisse memnerat.

## De M. Aemilio Scauro.

M. quoque Aemilius Scaurus repetundarum reus, adeo perditam, & comploratam defensionem in iudicium attulit: ut cum accusator diceret lege sibi centum, atque uiginti hominibus denuntiare testimonium licere: seque non recusare, quo minus absolueretur, si totidem nominasset: quibus in provincia nihil abstulisset: tam bon-



na conditione uti non potuerit. tamen propter uetustissimam nobilitatem, & recentem memoriam patris absolutus est.

De Cotta.

ed quemadmodum splendor amplissimorum uirorum in protegendis reis plurimū ualuit: ita in opprimendis non sanē multum potuit: quin etiam euidenter noxijs, dum eos acrius impugnavit: profuit. L. Scipio Aemilianus Cottam apud populum accusauit. cuius causa quamuis grauissimis criminibus erat confossa: septies ampliata, & ad ultimum octauo iudicio absoluta est: quia homines uerebatur, ne præcipue accusatoris amplitudini damnatio eius donata existimaretur. Quos hæc secum locutos crediderim: nolumus caput alterius petentem in iudicium, triumphos, & trophæa, spoliaq; ac deuictarum nauium rostra deferre. terribilis sit is aduersus hostem. cuius uero salutem tanto fulgoræ gloriæ subnixus ne insequatur. tam uehementes iudices aduersus excellentissimum accusatorem, q̄ mites in longe inferioris fortunæ reo.

De Callidio Bononiensi.

allidius Bononiensis in cubiculo mariti, nocte deprehensus: cum ob id causam adulterij diceret: inter maximos, & grauissimos infamæ fluctus, emerfit tanquā fragmentum naufragij, leue admodum genus defensionis amplexus. affirmauit enim se ob amorem pueri sui eo esse perductum. suspectus erat locus: suspectū tempus: suspecta matrisfamilie persona: suspecta etiā adolescentia ipsius: sed crimen libidinis, confessio intemperantiæ liberauit.



De Cœlijs fratribus, & filijs Titi Cœlij.

**R**emissioris hæc, illud aliquanto grauioris materiae exemplum. Cum paricidij causam duo fratres Cœlij dicerent, splendido Terracinæ loco nati: quorum pater T. Cœlius in cubiculo quiescens, filijs altero cubantibus lecto, erat interemptus: neq; aut seruis quisquam, aut liber inueniretur, ad quem suspicio cædis pertineret: hoc uno nomine absoluti sunt: quia iudicibus plannum factum est, illos aperto hostio inuentos esse dormientes. somnus innoxie securitatis certissimus index miseris opem tulit. Iudicatum est enim, rerum naturam non recipere, ut occiso patre, supra uulnera, & cruorem eius, quietem capere potuerint. De L. Scipione.

**P**ercurramus nunc eos: quibus in causæ dictione magis quæ extra quæstionem erant: nocuerunt: quam sua innocentia opem tulit. L. Scipio post speciosissimum triumphum de rege Antiocho ductum, perinde ac si pecuniam ab eo accepisset: damnatus est: non puto quod pretio corruptus fuerat: ut illum totius Asiæ dominum, & iam Europæ uictrices manus iniicientem, ultra Taurum montem summoueret: sed alioqui uir sincerissimæ uitæ, et ab hac suspitione procul remotus, inuidiæ, quæ tunc in duorum fratrum inclytis cognominibus habitabat: resistere non potuit. De P. Furio.

**A**t Scipioni quidem maximus fortunæ fulgor, C. autem Deciano spectatæ integritatis uiro uox sua exitium attulit. Nam cum P. Furium inquinatissimæ uitæ pro rostris accusaret: quia quadam in parte actionis de morte L. Saturnini queri ausus fuerat: nec reum damnauit: & insuper ei poenas debitas pependit.



## De Titio Sexto.

extum quoq; Titium similis casus prostravit. erat innocens, agraria lege lata gratus apud populum: tamen, quia Saturnini imaginem domi habuerat: suffragiis eum tota concio oppressit.

## De Claudia.

diiciatur his Claudia, quā insonem crimine, quo accusabatur: notum impiū subvertit: quia cum à ludis domū rediens turba elideretur: optauerat, ut frater suus maritimarum uirium nostrarum præcipua iactura reuiuisceret: sæpiusq; Cos. factus infelici ductu nimis magnam urbis frequentiam minueret.

## De Militio, Cn. Lolio, &amp; L. Sextilio.

offensus & ad illos breui diuerticulo transgredi, quos leues ob causas, dānationis incursus abripuit. M. Militius, Cn. Lolius, L. Sextilius triumuiro, quod ad incendiū in sacra uia ortum extinguendū tardius uenerant: à Tr. pl. die dicta ad populum damnati sunt.

## De P. Bilio triumuiro.

tem P. Bilius triumuir nocturnus à P. Aquilio. Tr. pl. accusatus, populi iudicio concidit: quia uigilias negligentius circumierat.

## De M. Aemilio Porcina.

dmmodum seueræ notæ & illud populi iudicium: cum M. Aemilium Porcinam à L. Cassio accusatum crimine nimis sublime extructæ uillæ in Aliensi agro, graui multa affecit.

## De quodam.

on suppressenda illius quoq; damnatio: qui pueruli sui nimio amore corruptus, rogatus ab eo ruri, ut omasum in cœnam fieri iuberet: cū bubulæ carnis in propin-



quo emendæ nulla facultas esset: domito bove occiso, d  
syderium eius expleuit: eoq; nomine, publica quæsti  
ne afflictus est. innocens, nisi tam prisco seculo natu  
esset.

De quadam muliere, quæ matrem interfecit.

A tq; ut eos quoq; referamus: qui in discrimen capiti  
adducti, neq; damnati, neq; absoluti sunt: apud M. Po  
piliū Lenatem Præt. quædam, q; matrem percus  
sam fuisse interemerat: causam dixit. de qua neutram  
in partem latæ sententiæ sunt: quia abunde constaba  
eandem ueneno necatorum liberorum dolore commu  
tam: quos auia filiæ infensa sustulerat: paricidiū ul  
tam paricidio esse. quorum alterum ultione, alterum  
absolutione non dignum iudicatum est.

E De quadam muliere, quæ uirū, & filiū interemit  
adem hæsitazione P. quoque Dolabellæ proconsula  
ri imperio Asiam obtinentis animus fluctuatus est  
materfamilias Smyrnæa uirum, & filium interemit  
cum ab ijs optimæ indolis iuuenem, quem ex prior  
uiro enixa fuerat: occisum comperisset: quam rem D  
labella ad se delatam, Athenas ad Areopagi cogni  
tionem relegauit: quia ipse neq; liberare cædibus dua  
bus contaminatam, neq; punire eam iusto dolore im  
pulsam, sustinebat. consideranter, & mansuete P. R.  
magistratus. sed Areopagitæ quoq; non minus sapien  
ter. qui inspecta causa, & accusatorem, & ream pos  
centum annos ad se reuerti iusserunt: eodem affectu  
mcti, quo Dolabella. sed ille transferēdo quæstionem  
hi differendo, damnandi, atq; absoluendi inexplicat  
bilem cunctationem mutabant.



## DE PRIVATIS IUDICIIS. Caput II.

p Vblicis iudicijs adiiciã privata, quorũ magis  
 æquitas quæstionũ delectare, q̃ immoderata  
 turba lectorem offendere poterit. Claudius  
 centumalus ab auguribus iussus altitudinem domus  
 suæ, quam in Cælio monte habebat: summittere: quia  
 his ex arce augurium capientibus officiebat: uendidit  
 eam Calpurnio Lanario: nec indicauit, quod impera-  
 rum a collegio augurum erat. a quibus Calpurnius  
 demoliri domum coactus, M. Porcium Catonem incl-  
 i Catonis patrem arbitrum cum Claudio adduxit, ut  
 formulam daret: quid sibi de ea re facere oporteret ex  
 fide bona. Cato ut est doctus, de industria Claudium  
 dictum sacerdotum suppressisse: continuo illum Cal-  
 purnio damnauit, summa quidem cum æquitate: quia  
 bonæ fidei uenditorem, nec commodorum spem auge-  
 re, nec incommodorũ cognitionem obscurare oportet.  
 Notum suis temporibus iudicium cõmemorauit: sed nec  
 quod relaturus quidẽ sum, oblitteratum est silentio.

## De C. Visellio.

Visellius Varro graui morbo correptus trecenta mil-  
 lia numũm ab Octacilia Laterensi, cum qua commer-  
 cium libidinis habuerat: expensa ferri sibi passus est:  
 eo consilio, ut si decessisset: ab hæredibus eam summã  
 peteret: quam legati genus esse uoluit, libidinosam libe-  
 ralitatem debiti nomine colorando. euasit deinde ex  
 illa tempestate aduersus uota Octaciliæ, quæ offensa,  
 quod spẽ prædæ suæ morte nõ maturasset: ex amica ob-  
 equẽ subito districta fœneratricẽ agere cœpit, numos



petendo, quos ut fronte inuerecūda, ita inani stipulatione captauerat. de qua re C. Aquilius uir magnae authoritatis, & scientia iuris civilis excellens iudex adductus, adhibitis in consilium principibus ciuitatis, prudentia, & religione sua mulierem repulit. Quod si eadem formula & Varro damnari, & aduersaria absolui potuisset: eius quoque non dubito quin turpe, & inconcessum errorem libenter castigaturus fuerit. nunc priuatae actionis calumniam ipse compescuit: adulterij crimen publicae quaestioni iudicandum reliquit.

De C. Mario.

Multo animosius, & ut militari spiritu dignum erat, se in consimili genere iudicij C. Marius gessit: nam cum C. Ticianus Minturnensis Fanniam uxorem, quā impudicam de industria duxerat: eo crimine repudiata, dote spoliare conaretur: sumptus inter eos iudex, in conspectu habita quaestione, seductum Ticianum monuit: ut incepto desisteret: ac mulieri dotem redderet. Quod cum saepius frustra fecisset: coactus ab eo sententiam pronuntiare: mulierē impudiciae sextertio nummo, Ticianum summa totius dotis damnauit: praefatus, ideo se hunc iudicandi modum secutum: quod liqueret sibi Ticianum patrimonio Fanniae insidias struentem impudicae coniugium expetisse. Fānia autem haec est: quae postea Marium hostem a Senatu iudicatum, caenoque paludis, qua extractus erat, oblitum: etiam in domum suam custodiendum Minturnis deductum: ope quantacumque potuit, adiunxit. memor, quod impudica iudicata esset, suis moribus: quod dotem seruasset, illius religioni acceptum ferri debere.



De quodam damnato furti.

ultus sermo eo etiam iudicio manavit: in quo quidam furti damnatus est, quod equo, cuius usus illi usq; Ariam comodatus fuerat: ulteriore eius municipij cliuo uectus esset. Quid aliud hoc loci, quàm uerecundiam illius seculi laudemus: in quo tam minuti à pudore excessus puniebantur?

QVAE MULIERES APVD MAGI-  
STRATVS PRO SE, AVT  
ALIIS CAUSAS EGE-  
RVNT. Caput III.

E de his quidem foeminis tacendū est: quas conditio naturæ, & uerecundiæ stola, ut in foro, & iudicijs tacerent, cohibere non ualuit. Amesia Præt. sententia rea, causam suam L. Titio Præt. iudicium cogente populi maximo concursu egit: motusq; omnes, ac neruos defensionis non solum diligenter, sed etiam fortiter executæ, & prima actione, & ferè cunctis sententijs liberata est. quam quia sub specie foeminae uirilem animum gerebat: Androgynem appellabant.

De Affrania uxore Licinij Bructionis.

Affrania uero Licinij Bructionis uxor, prompta ad lites contrahendas, pro se semper apud Præt. uerba fecit: non quod aduocatis deficeret: sed quod impudentia abundabat. Itaq; insinuatis foro latratibus assidue tribunalia exercendo, ad muliebris calumniæ notissimū exemplū euasit: adeo ut pro crimine improbis



VAL. MAX.

feminarum moribus C. Affraniae nomen obijciatur  
prorogavit autem spiritum suum ad C. Caesarem, itemque  
M. Servilium Coss. tale enim monstrum magis, quam  
tempore extinctum, quam quo sit ortum, memoria  
tradendum est.

De Hortensia filia Q. Hortensij.

**H**ortensia uero Q. Hortensij filia, cum ordo matronarum  
gravi tributo à triumviris esset oneratus: ne  
quisquam uirorum patrocinium eis accommodare au-  
deret: causam feminarum apud triumviros et con-  
stanter, et feliciter egit. representata enim patris fa-  
cundia impetrauit, ut maior pars imperatae pecunia  
his remitteretur. Reuixit cum muliebri stirpe Q. Hor-  
tensius: uerbisq; filiae aspirauit. cuius si uirilis sexus  
posterum uim sequi uoluissent: Hortensianae eloquentiae  
tanta hereditas una feminae actione absissa non esset.

DE QUESTIONIBVS. Caput IIII

**T**q; ut omnes iudiciorum numeros exequa-  
mur: quaestiones, quibus aut creditum non  
est: aut temere habita fides est: referamus.

**M.** Agrij argentarij seruus Alexandrum Titi Fannij  
seruum occidisse in simulatus est: eoq; nomine tortus a  
domino, admisisse id facinus constantissime asseuera-  
uit. Itaq; Fannio deditus, supplicio affectus est. paruulo  
deinde tempore interiecto, ille, cuius de nece creditum  
erat: domum redijt.

De Alexandro seruo Fannij.

**C**ontra Fannij seruus Alexander, cum in suspicionem



C. Fl. equitis Romani occisi uenisset : septies tortus pernegauit ei se culpæ affinem fuisse: sed perinde, atque confessus, & à iudicibus damnatus, & à L. Calpurnio triumuiro in crucem actus est.

De Fulvio Flacco.

tem Fulvio Flacco causam dicente, Philippus seruus eius, in quo tota quæstio nitebatur: octies tortus, nullū omnino uerbum, quo dominus perstringeretur: emisit. & tamen reus damnatus est: cum certius argumentum innocentiae unus octies tortus exhiberet: quàm octo semel torti præbuisent.

## DE TESTIBVS. Caput V.

De C. & Q. Seruilio.

Equitur, ut ad testes pertinentia exempla commemorem. C. & Q. Seruilijs Cepionibus, iisdem parentibus natis, & per omnes honorum gradus ad summam amplitudinem prouectis: item fratribus Metellis Q. & Lucio consularibus, & censorijs, altero etiam triumphali, in Q. Pompeium Aufidium repetundarum reum acerrime dicentibus testimonium, non abrogata fides absoluto Pompeio, sed ne potentia inimicum oppressisse uideretur: occursum est.

De M. Aemilio Scauro.

etiam Aemilius Scaurus princeps senatus C. Memnium repetundarū reum districto testimonio insecutus est. Item C. Flauium eadem lege accusatum testis proscidit. Nam C. Norbanum maiestatis crimine publi-



ca subiectum quæstioni, ex professa opprimere conatus est. nec tamen aut authoritate, qua plurimū pollebat: aut religione, de qua nemo dubitabat: quenquam illorum affligere potuit. De L. Crasso.

L. Quoque Crassus tantus apud iudices, quantus apud P. C. Aemilius Scaurus: nanq; eorum suffragia robustissimis, & felicissimis eloquentiæ stipendijs regebat: eratq; sic fori, ut ille curiæ princeps: cum uehementissimum testimoniū fulmen in M. Marcellum reum iniectisset: impetu grauis, exitu uanus apparuit.

De Q. Metello Pio. L. Marco, Q. Hortensio, & M. Lepido.

Age Q. Metellus Pius, L. Marcus Lucullus, Q. Hortensius, M. Lepidus. Cn. Gornelium maiestatis reum, non modo testes onerarunt: sed etiā salutē, negantes illo incolumi stare R. P. posse, depoposcerunt. quæ decora ciuitatis (pudet referre) umbone iudiciali repulsa sunt.

De M. Cicerone.

Quid M. Cicero forēsi militia summos honores, amplissimumq; dignitatis locum adeptus, non ne in ipsius eloquentiæ suæ castris testis abiectus est? dum P. Clodium Romæ apud se fuisse iurauit: illo sacrilegium, & flagitium uno argumento absentiae tuente. siquidē iudices Clodium incesti crimine, quā M. Ciceronem infamia periurij liberare maluerunt.

De P. Seruilio consulari.

Tot eleuatis testibus, unum, cuius noua ratione iudiciū ingressa authoritas confirmata est: referā. P. Seruilus Consularis, Censorius, triumphalis, qui maiorū suorū titulis Isaurici cognomen adiecit: cum forum prætere-

riens



riens testes in reum dari uidisset: loco testis constitit: ac per summam inter patronorum pariter, ac accusatorum admirationem sic orsus. Hunc ego iudices, qui causam dicit: cuius sit, aut quam uitam egerit: quamque merito, uel iniuria accusetur: ignoro. illud tantum scio: cum occurrisset mihi Laurentina uia iter facienti admodum angusto loco, equo descendere noluisse. Quod an aliquid ad religionem nostram pertineat: ipsi aestimabitis. ego id supprimendum non putavi. Iudices reum uix auditis cæteris testibus damnauerunt. Valuit enim apud eos tum amplitudo uiri, tum grauis neglectæ dignitatis eius indignatio. eumque, qui uenerari principes nesciret: in quodlibet facinus procursurum crediderunt.

QUI QVAE IN ALIIS VINDICARUNT IPSI COMMISERUNT. Caput VI.

E illos quidem latere patiamur: qui quæ in alijs uindicarunt: ipsi commiserunt. C. Rici-  
ninus cognomine Hoplomachus à Præt. postu-  
lauit: ut patri suo bonis tanquam ea dissipanti, inter-  
diceretur. Et quidem quod petierat: impetrauit. Sed ipse paruo postea tempore mortuo sene, ampla ab eo relicta latifundia festinanter consumpsit. dignus hac uicissitudine pœnæ fuit: quoniam hæreditatem absumere, quam hæredem maluit tellere.

De C. Mario.

autem Marius, cum magnum, et salutarem R. P. ciuem in L. Saturnino opprimendo egisset: à quo in modum

Val. Max.

y



VAL. MAX.

uexilli pileum seruituti, ad arma capienda ostentatum erat: L. Sylla cum exercitu in urbem irrumpente, ad auxilium seruorum pileo sublato confugit. Itaque dum facinus, quod punierat: imitatur: alterum Marium, a quo affligeretur: inuenit.

De M. Licinio Stolone.

M. uero Licinius Stolo, cuius beneficio plebi petendi consulatum potestas facta est: cum lege sanxisset: nequis amplius, quam quingenta agri iugera possideret: ipse militem se comparauit: dissimulandique criminis gratia, dimidia partem filio emancipauit. quam ob causam a M. Popilio Lenate accusatus, primus sua lege cecidit: ac docuit nihil aliud praecipere debere: nisi quod prius quisque sibi imperauit.

De Q. Varro Tribuno.

Q. autem Varius, propter obscurum ius ciuitatis Hybrida cognominatus Trib. pl. legem aduersus intercessionem collegarum prorogauit: qua iubebat quaeri quorum deolo malo socij ad arma ire coacti essent: magna cum clade R. P. sociale enim prius, deinde ciuile bellum excitauit. Sed dum ante pestiferum Trib. pl. quam certum ciuem agit: sua lex eum domesticis laqueis constructum absumpsit.

DE STUDIO, ET INDUSTRIA. Cap. VII.

Vid cessio uires industriae commemorare? cuius alacri spiritu, militiae stipendia roborantur: forensis gloria attenditur: fido sinu cuncta studia recepta nutriuntur. quicquid animo, quicquid manu, quicquid lingua admirabile est: ad cumu-



lum laudis perducitur. quæ cum perfectissima sit uirtus: duramento sui confirmatur.

De Catone superiore.

ato sextum & octogesimū annum agens, dū in R. P. tuēda iuuenili animo perstat: ab inimicis capitali crimine accusatus, causam suam egit: neq; aut memoriam eius quisquam tardiozem, aut firmitatem lateris ulla ex parte quassatam, aut os hæsitazione impeditū animaduertit: quia. somnia ista in statu suo æquali, ac perpetua industria cōtinebat. quin etiā in ipso diutissime actæ uitæ fine disertissimi oratoris Galbæ accusationi, defensionē suā pro Hispania opposuit. Idem græcis literis erudiri concupiuit. quam sero inde æstimmus: q̄ etiā latinas penē iam senex didicit. cumq; eloquentia magnā iā gloriā partā haberet: id egit: ut iuris ciuilibus quoq; esset peritissimus.

De inferiore.

uius mirifica proles Cato, propior nostræ ætati, ita doctrinæ cupiditate flagrauit: ut ne in curia quidē, dū senatus cogitur, temperaret sibi: quo minus græcos libros lechitaret: qua quidem industria, ostendit, alijs tempora deesse: alios temporibus superesse.

De Terentio Varrone.

erentius autem Varro humanæ uitæ exemplo, et spatio nominandus, non annis, quibus seculi tēpus æquauit, q̄ stylo uinacior fuit. in eodem. n. lectulo & spiritus eius, & egregiorum operū cursus extinctus est.

De Liuiio Druso.

on similibus perseuerantiæ Liuius Drusus: qui & ætatis uiribus, et acie oculorū defectus, ius ciuile populo benignissime interpretatus est: utilissimaq; discere id cu-



pietibus monimenta composuit. nam ut senem illum natura, & cæcum fortuna facere potuit: ita neutra interpellare ualuit: ne non animo et uideret, & uigeret.

De P. senatore, & L. Pontio equite Romano.

**P.** uero senator, & L. Pontius eques Romanus suis temporibus celebres causarum actores, luminibus capti eadem industria forensia stipendia executi sunt. Itaque frequentius etiam audiebantur, concurrentibus alijs, quia ingenio eorum delectabantur: alijs, quia constantiam admirabantur. nanq; alij incommodo percussus secessum petunt: duplicant tenebras, fortuitis uoluntariis adijcientes.

De P. Crasso.

**I** am P. Crassus, cum in Asiam ad Aristonicum Regem debellandum Cos. uenisset: tanta cura græcæ linguæ notitiam animo comprehendit: ut eam in quinque diuisam genera, per omnes partes, ac numeros penitus cognosceret. Quæ res maximum ei sociorum amorem conciliauit, quæ quis eorû lingua apud tribunal eius postulauerat: eadē decreta reddēti.

De Roscio.

**N** e Roscius quidem subtrahatur, scenicæ industriæ notissimum exemplū: qui nullum unquam spectanti populo gestum, nisi quem domi meditatus fuerat: ponere ausus est. Quapropter non ludicra ars Roscium, sed Roscius ludicram artem commendauit: nec uulgi tantum fauorem, uerum etiam principum familiaritates amplexus est. hæc sunt attenti, & anxij, & nunquam cessantis studij præmia: propter quæ tantorum uirorū laudibus nō impudēter se persona histrionis inseruit.

Externa.

De Demosthene.

**G** ræca quoq; industria, quoniā nostræ multum profuit:



quem meretur fructum latina lingua, recipiat. Demosthenes, cuius commemorato nomine, maximæ eloquentiæ consummatio audientis animo oboritur: cū inter initia iuuentæ, artis, quam affectabat: primam literam dicere non posset: oris sui uitium, tanto studio expugnavit: ut ea à nullo expressius referretur. Deinde propter nimiam exilitatem acerbam auditu uocem suā exercitatione continua ad maturum, & gratum auribus sonum perduxit. Lateris etiā firmitate defectus, quas corporis habitus vires negauerat, à labore mutuatus est. Multos. n. uersus uno impetu spiritus complectebatur: eosq; aduersa loca celeri gradu scandens, pronuntiabat. Ac uadosis litoribus insistens, declamationes fluctuum fragoribus obluctantibus edebat: ut ad fremitus concitaturum concionum patientia duratis auribus, in actionibus uiteretur. Fertur quoq; ore insertis calculis multum, ac diu loqui solitus: quo uacuum promptius esset, & solutius. Præliatus est cum rerum natura: & quidem uictor abiit: malignitatem eius perstinacissimo animi robore superando. Itaq; alterum Demosthenem mater, alterum industria enixa est.

De Pythagora philosopho.

Itaq; ut ad uetustiorē industriæ actum trāsgrediar: Pythagoras perfectissimum opus sapiētiae à iuuenta, pariter et omnis honestatis percipiendæ cupiditatē ingressus: (nihil enim, quod ad ultimum sui peruenturum est finem: non & mature, & celeriter incepit) Aegyptum petiit: ubi literis gentis eius assuefactus, præteriti æui sacerdotū commentarios scrutatus, innumerabiliū seculorum observationes cognouit. Inde ad Persas pro-



fectus magorum exactissimæ prudentiæ se forman-  
dum tradidit: à quibus syderum motus, cursusq; stel-  
larum, & uniuscuiusq; rei proprietatem, & effectum be-  
nignissime demonstratum docili animo sumpsit. Cre-  
tam deinde, & Lacedæmona nauigauit: quarum legi-  
bus, ac moribus inspectis, ad olympicum certamen de-  
scendit. Cumq; multiplicis scientiæ maximā toti Græ-  
ciæ admirationē, ac specimen exhibuisset: quo cognomi-  
ne censeretur interrogatus, nō se sapientem (iam enim  
illud septem sapientes uiri occupauerant) sed amatorem  
sapientiæ. i. græce φιλόσοφος edidit. In Italiæ et par-  
tem, quæ tunc maior Græcia appellabatur: perrexit: in  
qua plurimis, & opulentissimis urbibus effectus suo-  
rum studiorum approbavit. cuius ardentē rogam ple-  
num uenerationis oculis Metapontus aspexit: operum  
Pythagoræ, q̄ suorum cinerum nobilius, clariusq; mo-  
nimentum. De Platone philosopho.

**P**lato autem patriam Athenas, præceptorem Socratem  
sortitus, & locū, & hominem doctrinæ fertilissimum,  
ingenij quoq; diuina instructus abundantia, cū omniū  
iam mortalium sapientissimus haberetur: eo quidem  
usq; ut si ipse Iupiter cælo descendisset: nec elegantio-  
re, nec beatiore facundia usus uideretur: Aegyptum  
peragrauit: ubi à sacerdotibus eius gentis Geometriæ  
multiplices numeros, cælestium observationem ratio-  
nū percepit. quoq; tēpore à studiosis iuuenibus certa-  
tim Athenæ Platonē doctore quærentibus petebatur:  
ipse Nili fluminis inexplicabiles ripas, vastissimosq;  
cāpos, effusam barbariē, & flexuosos fossarum am-  
bitus Aegyptiorum senum discipulus lustrabat. Quo-



minus miror in Italiam transgressum, ut ab Archyta Tarenti, à Timæo, & Arione, et Ceto Locris Pythagoræ, præcepta, & instituta acciperet. Tanta. n. uis, tanta copia literarum undiq; colligenda erat: ut inuicē per totū terrarū orbē dispergi, et dilatari posset. altero ē, et octogesimo anno decedēs, sub capite, Sophronis numeros habuisse fertur: sic ne extrema qdē eius hora agitatione studij uacua fuit. De Democrito philosopho.

Democritus, cū diuitijs censerī posset: quæ tātæ fuerunt: ut pater eius, Xerxis exercitui epulū dare facile potuerit: quo magis uacuo animo studijs literarū esset operatus: parua admodum summa retenta, patrimonium suum patriæ donauit. Athenis autem compluribus annis moratus, omnia temporū momenta ad percipiendam, & exercendā doctrinā conferens, ignotus illi urbi uixit. quod ipse quodam uolumine testatur. Stupet mens admiratione tantæ industriæ: & iam transit alio. De Carneade philosopho.

Carneades laboriosus, & diuturnus miles sapientiæ (si quidem nonaginta expletis annis, idem illi uiuēdi, ac philosophandi finis fuit) ita se mirificū doctrinæ operibus addixerat: ut cum cibi capiendi causa recubisset: cogitationibus inhærens, manū ad mensam porrigere obliuisceretur. Sed eū Melissa, quā uxoris loco habebat: tēperato inter studia animo, non interpellandi, sed inediæ succurrendi officio, dexterā suā necessarijs usibus aptabat. Ergo animo tantūmodo uita fruebatur. corpore uero quasi alieno, & supernacuo circumdatus erat. Idē cū Chrysippo disputaturus, helleboro se ante purgabat ad exprimendum ingeniū suum attentius:



Et illius refellendum acrius: quas potiones industria solidæ laudis cupidis appetendas affecit.

De Anaxagora philosopho.

Quali porro studio Anaxagorā flagrasse credimus? qui, cum post diutinam peregrinationem, patriam repetisset: possessionesq; desertas uidisset: non essem, inquit, ego saluus, nisi istæ periissent. Vocem petitæ sapientiæ compotem. nam si prædiorū potius, quàm ingenij culturæ uacasset: domus rei familiaris intra penates mansisset: non tantus Anaxagoras ad eos rediisset.

De Archimede philosopho.

Archimedis quoq; fructuosam industriā fuisse dicerem: nisi eadem illi et dedisset uitam, et abstulisset. Captis enim Syracusis, Marcellus machinationibus eius multum, ac diu uictoriā suam inhibitam senserat: eximia tamē hominis prudentia delectatus, ut capiti illius parceretur: edixit: penē tantum gloriæ in Archimede seruato, quantum in oppressis Syracusis hostis reponens. At is dum animo, et oculis in terram defixis, formas describit: militi, qui prædādi gratia domū irruerat: strictoq; super caput gladio, quisnam esset: interrogabat: propter nimiam cupiditatem inuestigandi, quod requirebat: nomen suum indicare non potuit: sed protecto manibus puluere, noli, inquit, obsecro istū circulum disturbare: ac proinde quasi negligens imperij uictoris, obtruncatus sanguine suo artis suæ lineamenta confudit. Quo accidit, ut propter idem studium modo donaretur uitæ, modo spoliaretur.

De Socrate philosopho.

Socratem etiā constat ætate prouectū fidibus tractan-



dis operā dare cœpisse: satius iudicantē eius artis usum sero, q̄ nunq̄ percipere. Et quantula Socrati accessio illa futura scientiæ erat. Sed pertinax hominis industria, tantis doctrinæ suæ diuitijs et musicæ rationis utilissimum elementum accedere uoluit. Ergo dum ad discendum semper se pauperem credidit: ad docendū fecit se locupletissimū.

De Isocrate.

tq; ut longæ, et feliciſ industriæ quasi in unum acerum exemplū redigamus: Isocrates nobilissimum librū, qui inscribitur παρὰ θνητῶν νοῦς, quartum et nonagesimum annum agens, ita ut ipse significat, composuit: opus ardētis spiritus plenū. ex quo apparet senescentibus membris eruditorū, intus animos industriæ beneficio florem iuuentæ retinere. neq; hoc stylo terminos uitæ suæ clausit. nāq; admirationis eius fructū quinquennio percepit.

De Chrysippo.

terioris ætatis metas, sed non tamen parui spatij Chrysippi uiuacitas flexit. nā octogesimo anno, cœptū ante quadragesimū λόγιων exactissimæ subtilitatis uolumen reliquit. cuius studiū in tradendis ingenij sui monumentis tantum operis, laborisq; sustinuit: ut ad ea, quæ scripsit, penitus cognoscenda, longa uita sit opus.

De Cleanthe philosopho.

e quoq; Cleanthe tam laboriosè haurientē, et tam pertinaciter tradentem sapientiā, numen ipsius industriæ suspexit: cum adolescentem quæstū extrahendæ aquæ nocturno tempore inopiam tuam sustentantem: diurno Chrysippi præceptis percipiendis uacantem: eundemq; ad undecentesimum annum attenta cura erudientem auditores tuos uideret. duplici. n. labore unius



seculi spatium occupasti : incertum reddendo, discipulus ne, an præceptor esses laudabilior.

De Sophocle.

Sophocles quoque cum rerum natura gloriosum certamen habuit: tam benigne ille mirifica opera sua exhibendo: quam illa operibus eius tempora liberaliter sumministrando. prope .n. centesimum annum attigit, suum ipsum transitum ad mortem Oedipode coloneo scripto qua sola fabula omnium eiusdem studij poetarum præripere gloriam potuit. idque ignotum esse posteris filiis Sophoclis noluit, *σophὸν* sepulchro patris, quæ retuli insculpendo.

De Simonide poeta.

Simonides uero poeta octogesimo anno et docuisse scæcarmina, et in eorum certamen descendisse ipse gloriatur: nec fuit iniquum, illum uoluptatem ex ingenio suodiu percipere: cum eam omni æuo fruendam traditurus esset.

De Solone.

Nam Solon quanta industria flagrauerit: et uersibus complexus est: quibus significat, se quotidie aliquic addiscentem senescere: et supremo uitæ die confirmauit: quod assidentibus amicis, et quadam de re sermonem inter se conferentibus, fatis iam pressum capuerexit. Interrogatusque quapropter id fecisset: respondit ut cum istud quidquid est: de quo disputatis, percerero: moriar. Migrasset profecto ex hominibus inertia, si eo animo uitam ingrederentur: quo eam Solon egressus est.

De Themistocle.

Quam porro industrius Themistocles, qui maximarum rerum cura districtus, omnium tamen ciuium suorum nomina memoria comprehendit. perque summam ini-



quitatem patria pulsus, et ad Xerxem, quē paulo ante deuicerat: confugere coactus, prius, quā in conspectum eius ueniret: Persico sermoni se assuefecit: ut labore parata commendatione, regijs auribus familiarē, et assuetum sonum uocis adhiberet.

De Cyro, et Mithridate.

uius utriusq; industriæ laudem duo Reges partiti sunt. Cyrus omnium militum suorum nomina, Mithridates duarum, et uiginti gentium, quæ sub regno eius erant, linguas ediscendo, ille ut sine monitore exercitum saluaret: hic, ut eos, quibus imperabat: sine interprete alloqui posset.

## DE OTIO.

## Caput VIII.

Tium, quod industriæ, et studio maxime contrarium uidetur: præcipuæ subnecti debet: nō quo euanescat uirtus, sed quo recreatur. alterum enim etiam inertibus uitandum, alterum strenuis quoq; interdum appetendum est. Illis ne proprie uitam inertem exigant: his, ut tempestiua laboris intermissione ad laborandum fiant uegetiores.

De Scipione, et Lælio.

ar ueræ amicitiae clarissimum, Scipio, et Lælius, tum amoris uinculo, tum etiam omnium uirtutum inter se iunctum societate, ut actuosæ uitæ iter æquali gradu exequabantur: ita animi quoq; remissioni communiter acquiescebant. constat namq; eos Caietæ, et Laurēti, uagos litoribus conchulas, et calculos lectitasse: idq; se L. Crassus ex socero suo Q. Scænola, qui gener



V A L. M A X.

Læly fuit, audisse sæpenumero prædicauit.

De Scauola.

Scauola autem quietæ remissionis eorum certissimus testis, optime pila lusisse traditur: quia uidelicet ad hoc diuerticulum animum suum forensibus ministerijs fatigatum, transferre solebat. Aleæ quoque, & calculis uacasse interdum dicitur: cum bene, ac diu iura cuius, & ceremonias deorum ordinasset. ut enim in rebus serijs Scauolam, ita & in scurrilibus lusibus hominem agebat: quem rerum natura continui laboris patientem esse non sinit.

Externa.

De Socrate philosopho.

I d'q; uidit, cui nulla pars sapientiæ obscura fuit, Socrates. ideoq; non erubuit tunc, cum interposita arundine cruribus suis, cum paruulis filiolis ludens ab Alcibiade risus est.

De Homero poëta.

H omerus quoq; ingenij cælestis uates non aliud sensit: uehementissimis Achillis manibus canoras fides aptando, ut earum militare robur leni pacis studio relaxaret.

Q V A N T A S I T V I S E L O Q U E N -  
T I A E.

Caput IX.

Otentiam uero eloquentiæ & si plurimum p ualere animaduertimus: tamen sub proprijs exemplis, quo scilicet uires eius testatior fiant: recognosci conuenit.

De Valerio.

R egibus exactis plebs discedens à patribus, iuxta ripam fluminis Anienis in colle, qui sacer appellatur: armata



consedit: eratq; non solū deformis, sed etiam miserrimus R. P. status, a capite eius cætera parte corporis pestifera seditione diuisa. ac ni Valerij subuenisset eloquentia: spes tanti imperij in ipso penè ortu suo corruisset. Is nanq; populum noua, & insolita libertate temere gaudentem, oratione ad meliora, & saniora consilia reuocatum, Senatui subiecit, idest urbem urbi iunxit. Verbis ergo facundis ira, consternatio, arma cesserunt.

De M. Antonio.

Et etiam Marianos, Cinnanosq; mucrones civilis profundendi sanguinis cupiditate furentes inhibuerunt. missi enim a sæuissimis ducibus milites ad L. Antonium obtruncandum, sermone eius obstupescit, districtos iã, et uibratos gladios cruore uacuos uaginis reddiderunt. quibus digressis, P. Antonius (is enim solus in ambitu expers Antonianæ faciendi steterat) crudele imperiū truculento ministerio peregit. Quā disertum igitur eum fuisse putemus: quem ne hostium quidem quisquā occidere sustinuit? qui modo uocē eius ad aures suas uoluit admittere? De Iulio Cæsare.

Iulius quoq; Iulius, quàm celestis numinis, tam etiam humani ingenij perfectissimum columē, uim facundiæ propriæ expressit: dicendo in accusatione C. Dolabellæ, quem reum egit: extorqueri sibi causam optimam L. Cottæ patrocinio. siquidem maxima tunc eloquentia quæ sita est. cuius facta mentione, quoniam domesticum nullum maius adiecerim exemplū: peregrinandū est.

Externa.

De Pisistrato.

Pisistratus dicēdo tantū ualuisse traditus est: ut ei Athenenses regum imperium oratione capti permitterēt:



cum præsertim ex contraria parte amantiſſimus patriæ Solon niteretur. ſed alterius ſalubriores erāt conciones: alterius diſertiores. quo euenit: ut alioqui prudentiſſima ciuitas, libertati ſeruitutē præferret.

De Pericle.

**P**ericles autem feliciffimis naturæ incrementis, ſub Anaxagora præceptore ſummo ſtudio perpolitus, et inſtructus, liberis Athenarum ceruicibus, iugum ſeruitutis impoſuit. egit enim illam urbē, & uerſauit arbitrio ſuo. cumq; aduerſus uoluntatem populi loqueretur: iucunda nihilo minus, & popularis eius uox erat. Ita; ueteris comædiæ maledica lingua, quamuis potentiam uiri perſtringere cupiebat: tamen in labris hominis melle dulciorem leporem fatebatur habitare. inq; animus eorum, qui illū audierant: quaſi aculeos quosdā relinqui prædicabat. De quodam ſene.

**F**ertur quidam, cum admodum ſenex primæ concioni Periclis adoleſcentuli intereſſet: idemq; iuuenis Piſiſtratum decrepitem iam concionantem audiſſet: non temperaſſe ſibi, quo minus exclamaret, caueri illum quem oportere: quod Piſiſtrati orationi ſimillima eius foret oratio. nec hominem aut æſtimatio eloquiū, aut morum auguriū ſefellit. Quid enim inter Piſiſtratum, & Periclem interfuit: niſi quod ille armatus, hic ſine armis tyrannidem geſſit.

De Hegēſia philoſopho.

**Q**uantum eloquentia ualuiſſe Hegēſiā Cyrenaicū philoſophū arbitramur? qui ſic mala uitæ repræſentabat: ut eorum miſeranda imagine audientium pectoribus inſerta, multis uoluntariæ mortis appetendæ cu-



piditatem ingeneraret. Ideoq; a Rege Ptolemæo ulterius hac de re differere prohibitus est.

QUANTVM MOMENTVM SIT IN PROMUNTIATIONE, ET APTO MOTV CORPORIS. Caput X.

Loquentiæ autem ornamenta in promuntiatione apta, & conuenienti motu corporis consistunt. quibus cū se instruxerit: tribus modis homines aggreditur, animos eorum ipsa inuadendo. horum alteri aures, alteri oculos permulcendos tradendo.

De C. Graccho.

ed propositi fides in personis illustribus exhibeatur. C. Gracchus eloquentiæ, q̄ propositi felicioris adolescens; quoniam flagrantissimo ingenio cum optime R. P. tueri posset: perturbari impie maluit: quoties apud populum concionatus est: seruum post se musici artis peritum habuit: qui occulte eburnea fistula promuntiationis eius modos formabat: aut nimis remissos excitando: aut plus iusto concitatos reuocando: quia ipsum calor, atq; impetus actionis attentum huiusce temperamenti æstimatorem esse non patiebatur.

De Q. Hortensio.

autem Hortensius plurimum in corporis decoro motu repositum credēs, pene plus studiū in eodē elaborando, q̄ in ipsa eloquentia affectanda impendit. Itaq; nescires utrum cupidius ad audiendum eum, an ad spectandum concurreretur. sic uerbis oratoris aspectus, & rursus aspectui uerba seruebant. constat Aesopū,



Rosciumq; ludicrae artis peritissimos, illo causas agente, in corona frequenter astitisse: ut foro petitos gestus, in scenam referrent. De M. Cicerone.

Nam M. Cicero quantum in utraq; re, de qua loquimur, momenti sit: oratione, quam pro Gallo habuit: significavit: M. Calidio accusatori exprobrando, quod praeparatum sibi à reo uenenum testibus, chirographis, questionibus, probaturum affirmans, remisso uultu, et languida uoce, et soluto genere orationis usus esset. pariterq; et oratoris uitium detexit: et causae periclitantis argumenta adiecit: totum hunc locum ita claudendo. Tu istud M. Calidi nisi fingeres, sic ageres?

Externa. De Demosthene.

Consentaneum huic Demosthenis iudiciū. qui, cū interrogaretur, quidnam esset in dicendo efficacissimum: respondit ὁ πρῶτος. iterum deinde, et tertio interpellatus, idem, dixit, penè totum se illi debere confitendo.

De Aeschine.

Recte itaq; Aeschines, cum propter iudicalem ignominiam relictis Athenis Rhodū petisset: atq; ibi rogatu ciuitatis suae prius in Ctesiphontem, deinde Demosthenis pro eodem orationem clarissima, et suauissima uoce recitasset: admirantibus cunctis utriusq; columninis eloquentiam, sed aliquanto magis Demosthenis, quid si, inquit, ipsum audissetis? tantus orator, et modo tam infestus aduersarius sic inimici uirum, ardoremq; dicendi suspexit: ut se scriptorum eius parū idoneū lectorem esse praedicaret. expertus acerrimū uigorem oculorum, terribile uultus pondus, ac ommodatum singulis uerbis sonum uocis, efficacissimos corporis motus. ergo et si

operi



operi illius adiici nihil potest: tamen in Demosthene magna pars Demosthenis abest, quod legitur potius, quam auditur.

QUAM MAGNI EFFECTVS ARTIVM SINT. Caput XI.

Effectus etiam artium recogniti, possunt aliquid afferre uoluptatis: protinusq; & quã utiliter excogitatæ sint, patebit: & memoratu dignæ res lucido in loco reponentur: & labor in his edendis suo fructu non carebit.

De Sulpitio Gallo.

Sulpitij Galli maximum in omni genere literarũ recipiendo studiũ, plurimũ R. P. profuit. Nam cũ L. Pauli, bellũ aduersum Regem Persen gerẽtis, legatus esset: ac serena nocte subito luna defecisset: eoq; ueluti diro quodam monstro perterritus exercitus noster manus cum hoste conferendi fiduciam amisisset: de cœli ratione, & syderũ natura peritissime disputando, alacrẽ eũ in aciem misit. Itaq; illi inclytæ Paulianæ uictoriæ liberales artes Galli aditum dederunt: quia, nisi ille meum nostrorum militum uicisset: imperator Romanus vincere hostes non potuisset.

De Spurina.

Spurina quoq; in consecrandis deorũ monitis efficacior scientia apparuit, q̃ urbs Romana uoluit. prædixerat Cæsari, ut proximos. xxx. dies quasi fatales caueret: quorũ ultimus erat Idus Martiæ. Et cũ forte mane terq; in domũ Caluini Domitij ad officiũ conuenisset: Cæsar Spurina, ecquid scis Idus Martias iam uenisse?

Val. Max.

Σ



Et is, eequid scis illas nondum præteruisse? abiecerat alter timorem tanquam exacto tempore suspecto; alter ne extremam quidem eius partem periculo uacua esse arbitratus est. utinam aruspice potius augurium, quam patriæ parentem securitas fefellisset.

Externa. De Pericle.

Sed ut alienigena scrutemur: cū obscurato repente Sole, inusitatis perfusæ tenebris Athenæ solitudine angerebantur, interitū sibi cœlesti denuntiatione portendi credentes: Pericles processit in mediū: et quæ à præceptore suo Anaxagora pertinentia ad Solis, Et Lunæ cursum acceperat, differuit: nec ulterius trepidare cives suos uano metu passus est. De Alexandro Rege.

Quantum porro dignitatis à Rege Alexandro tributum arti existimamus? qui se Et pingi ab uno Apelle, Et fingi à Lysippo tantummodo uoluit.

De Vulcano Alcamenis.

Tenet uisentes Athenas Vulcanus Alcamenis manibus fabricatus. præter cætera enim perfectissimæ artis in eo præcurrentia indicia: etiam illud mirantur: quòd stat dissimulatæ claudicationis sub ueste leuiter uestigium representans: ut non tanquam exprobratum uitium, ita tanquam certam, propriamq; dei notam decore significans. De Venere Praxitelis.

Cuius coniugem Praxiteles in marmore quasi spirantem in tēplo Cnidiorū collocauit, propter pulchritudinem operis à libidinoso cuiusdam complexu parū tutam. Quo excusabilior est error eq; qui uisa pictura equæ hinnitum edere coactus est: et canum latratus aspectu picti canis incitatus: taurusq; ad amorē, Et concubitum



*æneæ uaccæ Syracusis nimiae similitudinis irritamē-  
to compulsus. Quid enim uacua rationis animantia  
arte decepta miremur? cum hominis sacrilegam cupi-  
ditatem muti lapidis lineamentis excitatā uideamus.*

QVAEDAM NULLA ARTE EF-  
FICI POSSE. Caput XII.

*Aeterum natura quemadmodum sæpenu-  
mero æmulam uirium suarū artem esse pa-  
titur: ita aliquando irritam fesso labore di-  
mittit. quod summi artificis Euphranoris manus sen-  
serunt. Nam cum Athenis. xij. deos pingeret: Neptūni  
imaginem, quā poterat excellentissimis maiestatis co-  
loribus complexus est: perinde ac Iouis aliquanto au-  
gustiorē repræsentaturus. Sed omni impetu cogitatio-  
nis in superiori opere assumpto, posteriores eius cona-  
tus assurgere, quō tendebant: nequiverunt.*

*De Timante pictore.*

*uid ille alter æque nobilis pictor luctuosum immola-  
tæ Iphigeniæ sacrificium referens, cum Calchantem  
tristem, mœstum Ulyssē, clamātem Aiace, lamen-  
tantē Menelaum circa aram statuisset: caput Agamē-  
nonis inuoluendo, non ne summi mœroris acerbitatē  
arte exprimi nō posse confessus est? Itaq; pictura eius,  
aruspiciis, & amica, & fratris lachrymis madet: pa-  
tris fletum spectantis affectu existimandum reliquit.*

*De alio pictore.*

*tq; ut eiusdem studiij adiuciam exemplum: præcipue  
artis pictor equum ab exercitatione uenientem, modo*



VAL. MAX.

non uiuum labore industriae suae comprehenderat. Cuius naribus spumas adijcere cupiens, tantus artifex in tam parua materia multum, ac diu frustra tenebatur. indignatione deinde accensus, spongiam omnibus imbutam coloribus forte iuxta se positam apprehendit: & eam ueluti corrupturus opus suum tabulae illisit: quam fortuna ad ipsas equi nares directam de syderium pictoris coegit explere. Itaque quod ars adumbrare non ualuit: casus imitatus est.

SVAE QVENVQVE ARTIS OPTIMUM  
ET AVTHOREM ESSE, ET DIS-  
PUTATOREM. Caput XIII.

Svae autem artis unumquenk; & authorem,  
& disputatorem optimum esse, ne dubitemus:  
paucis exemplis admoneamus.

De Q. Scaeuola.

Q. Scaeuola clarissimus legum uates, & certissimus, quo-  
tiescunq; de iure praetorio consulebatur: ad Furium, et  
Cassellium, quia huic scientiae dediti erant, consultores  
reiciebat. quo quidem facto moderationem suam ma-  
gis commendabat: quam authoritatem muniebat: ab  
his negotium aptius explicari posse confitendo: qui  
quotidiano eius usu callebant. sapientissimi igitur ar-  
tis suae professores sunt: a quibus & propria studia  
uerecunde, & aliena callide aestimantur.

De Platone philosopho.

P. latoris quoq; eruditissimum pectus haec cogitatio atti-  
git: qui conductores sacrae arae de modo, & forma



eius secum sermonē conferre conatos: ad Euclidē Geometrē ire iussit, sciētiae eius cedens, immo professioni.

De Atheniensibus, & de Philone.

gloriantur Athenæ armamentario suo: nec sine causa. est enim illud opus & impensa, & elegantia uisendum. cuius architectum Philonem ita facunde rationē institutionis suae in theatro reddidisse constat: ut disertissimus populus non minorē laudem eloquētiæ eius, q̄ arti tribueret.

De quodam artifice.

irifice & ille artifex, qui in opere suo moneri se a sutorē de crepida, et ansulis passus, de crure etiam disputare incipientem, supra plantam ascendere uetuit.

#### DE SENECTUTE. Caput XIII.

Enektus quoq; ad ultimum sui finem prouecta, in hoc eodem opere, inter exempla industriæ, in aliquot claris uiris conspecta est. separatim tamen, & proprium titulum habeat: ne, cui deorum immortalium præcipua indulgentia affuit: ei nostra ornata mentio defuisse existimetur: & simul spe diuturnioris uitæ, quasi adnucula quædam dentur: quibus insists, alacriorem se respectu uetustæ felicitatis facere possit: tranquillitatemq; seculi nostri, qua nulla unquam beator fuit: subinde fiducia confirmet: salutaris principis incolumitatem, ad longissimos humanæ conditionis terminos prorogando.

De M. Valerio Coruino.

Valerius Coruinus centesimum annum compleuit: cuius inter primum et sextum consulatum quadraginta sex anni intercesserunt: sufficitq; integris uiribus cor-



poris non solum speciosissimis R. P. ministerijs, sed etiā exactissimæ agrorum suorum culturæ: & ciuis & patrisfamilie optabile exemplum. De Metello.

Huius uitæ spatium æquauit Metellus: quartoq; anno post consularia imperia senex admodum Pont. Max. creatus, tutelam cerimoniarū per duos & uiginti annos, neq; ore in uotis nuncupandis hæsitante, neq; in sacrificijs faciendis tremula manu gessit.

De Q. Fabio Maximo.

Q. autem Fabius Max. duobus et sexaginta annis auguratus sacerdotium sustinuit, robusta iam ætate id adeptus. quæ utraq; tempora si in unum conferantur: facile seculi modum expleuerint. De M. Perpenna.

Iam de M. Perpennā quid loquar? qui omnibus, quos in senatu rogauerat, superstes fuit: septemq; tantummodo, quos Ces. collega L. Philippi legerat ē patribus. C. reliquos uidit, toto ordine amplissimo diuturnior.

De Appio.

Appij uero æuū clade metirer, quia infinitum numerum annorū orbatus luminibus exegit, nisi quatuor filios, quinque filias, plurimas clientelas, rem deniq; publicam hoc casu grauatus fortissime rexisset. Quin etiam fessus iam uiuendo, lectici se in curiam deferri iussit, ut cum Pyrrho de formē pacem fieri prohiberet. Hunc cæcum aliquis nominet: à quo patria, quod honestum erat, per se parū cernens, coacta est peruidere?

De Livia Rutili, De Terentia Ciceronis,

& Clodia filia Auli.

Mulieris etiam uitæ spatiū non minus longum in compluribus apparuit: quarū aliquas strictim retulisse me



satis erit. Nā & Liuiā Rutilij septimum & nonagesimum, et Terētia Ciceronis tertium et centesimum, et Clodia Auli filia quindecim filijs ante enixis, quintumdecimum & centesimum expleuit annum.

De Masinissa Rege Numidiae.

unquam his duos Reges, quorum diuturnitas R. P. nostrae fuit utilissima. Siciliae rector Hiero ad nonagesimum annum peruenit. Masinissa Rex Numidiae hunc modum excessit: regni spatium sexaginta annis emensus, et ante omnes homines robore senectae admirabilis. constat eum quemadmodum Cicero refert libro, quae de senectute scripsit: nullo unquam imbri, nullo frigore, ut caput suum ueste tegeret, adduci potuisse. Eundem ferunt aliquot horis in eodem uestigio perstare solitum, non ante moto pede, quam consimili labore iuuenes fatigasset: ac siquid agi a sedente oporteret, toto die saepenumero nullam in partem conuerso corpore in solio durasse. ille uero etiam exercitus equo insidens, noctem diei plerumque iungendo duxit: nihilque omnino ex ijs operibus, quae adolescens sustinere assueuerat: quo minus senectute ageret, omisit. Veneris etiam usu ita semper uiquit: ut post sextum & octogesimum annum filium generaret: cui Methymato nomen fuit. terram quoque, quam uastam, & desertam acceperat: perpetuo culturae studio frugiferam reliquit.

De Gorgia Leontino philosopho.

Gorgias etiam Leontinus, Isocratis, & complurium magni ingenij uirorum praceptor, sua sententia felicissimus. Nam cum centesimum & septimum ageret annum: interrogatus quapropter tandiu uellet in uita remanere: quia nihil, inquit, habeo, quod senectutem meam accusem.



Quid isto tractu ætatis aut longius, aut beatius? Iam alterum seculum ingressus, neq; in hoc querelam ullam inuenit, neq; in illo reliquit.

De Xenophilo Chalcidensi Pythagorico.

**B**iennio minor Xenophilus Chalcidensis Pythagoricus, sed felicitate non inferior. siquidem (ut ait Aristoxenus musicus) omnis humani incòmodi expers, in summo perfectissimæ splendore doctrinæ extinctus est.

De Arganthonio Gaditano.

**A**rganthonius autem Gaditanus tandiu regnavit: q̄diu etiam ad satietatem uixisse abũde foret. Octoginta. n. annis patriam suam rexit: cum ad imperiũ sexaginta annos natus accessisset. cuius rei certi sunt authores. Asinius etiã Pollio non minima pars Ro. styli, in tertio historiarũ suarũ libro, centum illũ & triginta annos expleuisse cõmemorat, et ipse numerosæ uinacitatis haud parũ exẽplũ. De Aethiopibus, & Indis.

**H**uius Regis consumationem annorum minus admirabilem faciunt Aethiopes: quos Herodotus scribit centesimum & trigesimum annũ transgredi: et Indi, de quibus Ctesias idem tradit. De Epimenide Cnosio.

**E**t Epimenides Cnosius, quem Theopompus dicit septẽ & quinquaginta & centum annos uixisse.

De quibusdam Epiorum.

**H**ellanicus uero ait quosdam ex gente Epiorũ, quæ est pars Aetoliæ, ducentos explere annos: eiq; subscribit Damates, hoc amplius firmans, Litorium quendã ex his maximarum uirium, staturæq; præcipuæ trecentissimum annum cumulasse. De Dandone quodam.

**A**lexander uero in eo uolumine, quod de Illyrico tractu



composuit: affirmat Dandonem quendam ad quingentesimum usq; annum nulla ex parte senescentem processisse. Sed multo liberalius Xenophon. cuius περί νόμους legitur. Is enim latinorum Regē octingentis uitæ annis donauit. ac ne pater eius parum benigne acceptus uideretur: ei quoq; sexcentos assignauit annos.

DE CVPIDITATE GLORIAE. Caput XV.

Loria uero unde oriatur, aut cuius sit habitus, aut qua ratione debeat cōparari, et an melius à uirtute uelut non necessaria negligatur: uiderint ij, quorū in contēplandis huiusmodi rebus cura teritur: quibusq; etiā quæ prudēter animaduertunt, facunde cōtigit eloqui. Ego in hoc opere factis authores, et authoribus facta sua reddere contentus, quanta cupiditas eius esse soleat, proprijs exēplis demonstrare conabor. De superiore Africano. Superior Africanus Ennii poëtæ effigiē in monimentis Corneliæ gentis collocari uoluit: quod ingenio eius opera sua illustrata iudicaret: non quidem ignarus, q̄diu Romanum imperium floreret: & Africa Italiæ pedibus esset subiecta: totiusq; terrarum orbis summum culmen arx Capitolina possideret: eorum extinguere memoriam non posse: si tamen illis literarum quoq; lumen accessisset, magni æstimans. uir Homérico, q̄ rudi, atq; impolito præconio dignior. De Decimo Bruto. Similiter honoratus animus erga poëtam Actium Decimum Bruti suis temporibus clari ducis extitit: cuius fa-



V A L. M A X.

miliari cultu, & prompta laudatione delectatus, eius uersibus templorum aditus, quæ ex manubijs consecrauerat: adornauit. De Pompeio Magno.

N e Pompeius quidem Magnus ab hoc affectu gloriæ auersus: qui Theophanem Mitylenæum, scriptorē rerum suarum in concione militum ciuitate donauit: beneficium per se amplum accurata etiam, & testata oratione prosecutus. Quo effectum est: ut nequis dubitaret, quin referret potius gratiam, q̄ inchoaret.

De L. Sylla.

L. autem Sylla, & si ad neminem scriptorem animum direxit, tamen Iugurtha à Boccho Rege ad Marium perducto, totam sibi laudem adeo cupide asseruit: ut annulo, quo signatorio utebatur: sculptam illam traditionem haberet: & quantus postea? ne minimum quidem gloriæ uestigium contempsit.

De Scipione, & quodam equite.

A tq; ut imperatoribus gloriosum militis spiritum subnectam: Scipionē dona militaria ijs, qui strenuā operā ediderant: diuidentē, T. Labienus, ut forti equiti aureas armillas tribueret: admonuit: cōq; se negante id facturū, ne castrēsis honos in eo, qui paulo ante seruisset: uiolaretur: ipse ex præda Gallica aurū equiti largitus est. nec tacite id Scipio tulit. Nā equiti habebis, inquit, donum uiri diuitis: quod ubi ille accepit, proiecto ante pedes Labieni auro, uultum demisit. Idem, ut audiuit Scipionē dicentē: Imperator te argenteis armillis donat: alacer gaudio abiit. Nulla est ergo tanta humilitas, quæ dulcedine gloriæ nō tangatur. illa uero & a claris uiris interdū ex humillimis rebus petita est.



## De Q. Fabio.

am quid sibi uoluit C. Fabius nobilissimus ciuis? qui, cum in æde salutis, quam C. Iunius Bubulcus dedica- uerat: parietes pinxisset: nomen his suum inscripsit. Id enim demum ornamenti familie consulatibus, & sa- cerdotijs, & triumphis celeberrimæ dcerat: cæterum sordido studio deditum ingenium, qualemcunq; illum laborem suum silentio obliterari noluit, uidelicet Phi- diæ secutus exemplū: qui clypeo Minervæ effigiem suā inclusit: qua conuulsa tota operis colligatio solueretur.

## Externa. De Themistocle.

ed melius aliquanto, si imitatione aliena capiebatur: Themistoclis ardore esset æmulatus: quem ferunt stimu- lis uirtutum agitatū, & ob id noctes inquietas exi- gentem, quærentibus quid ita eo tēpore in publico uer- saretur: respondisse: quia me trophæa Miltiadis, de so- mno excitant. Marathon nimirum animum eius, et Ar- themisium, et Salamis naualis gloriæ fertilia nomina illustranda tacitis facibus incitabant. Idem theatrum petens, cum interrogaretur, cuius uox auditu illi futu- ra esset gratissima: dixit, eius, a quo artes meæ optime canentur. dulcedini gloriæ penē adiecit gloriam.

## De Alexandro Rege.

am Alexandri pectus insatiabile laudis, qui Anaxar- cho comiti suo ex authoritate Democriti præceptoris innumerabiles mundos esse referenti, Heu me, inquit, miserum: qui nec uno quidem adhuc sum potitus. an- gusta homini possessio gloriæ fuit: quæ deorum omnium domicilio sufficit.

## De Aristotele philosopho.

egis, et iuuenis flagrantissimæ cupiditati simile Ari-



stotelis in capeffenda laude fitim subnectam. Is namq; Theodecti discipulo oratoriae artis libros, quos ederet, donauerat. molesteq; postea ferens titulum eorum sic alij cessori: proprio uolumine quibusdam rebus insistens, planius sibi de his in Theodectis libris dictum esse adiecit. Nisi me tantæ & tam late patentis scientiæ uerecundia teneret: dicerem dignum philosophū, cuius stabiliendi mores, altioris animi philosopho traderentur. Cæterum gloria ne ab ijs quidē, qui contemptum eius introducere conantur: negligitur: quoniam quidem ipsis uoluminibus nomina sua diligenter adiiciunt: ut quod professione eleuant, usurpatione memoriæ consequantur. sed qualiscunq; horū dissimulatio, proposito illorum longe tolerabilior est: qui dum æternam memoriam assequerentur: etiam sceleribus innotescere non dubitarunt. De Pausania.

Quorū ē numero nescio an in primis Pausanias debeat referri. nam cum Hermoclem percunctatus esset, quoniam modo subito clarus posset euadere: atq; is respondisset: si illustrem uirum aliquem occidisset, futurum ut gloria eius ad ipsum redundaret: continuo Philippum interemit. & quidem quod petierat assecutus est. tam enim se paricidio, quā Philippus uirtute notum posteris reddidit.

De quodam, qui propter gloriam incendere uoluit templum Dianæ.

Illa uero gloriæ cupiditas sacrilega inuentus est. n. qui Dianæ Ephesiæ templū incendere uellet: ut opere pulcherrimo consumpto, nomen eius per totū terrarū orbē diffunderetur. quē quidē mentis furorē eculeo imposi-



tus detexit. ac bene consuluerant Ephesij, decreto memoriae teterrimi hominis abolendo: nisi Theopompi magnae facundiae ingenium, in historijs eum suis comprehendisset.

QVAE CVIQUE MAGNIFICA CONTIGERUNT. Caput XVI.

Andidis autem animis uoluptatem praebuerint in conspectu posita, quae cuique magnifica merito contigerunt: quia aequae praemiorum uirtus, atque honorum contemplatio iudicanda est, ipsa natura nobis alacritatem subministrante: cum honorem industrie appeti, et exolui grate uidemus. Verum etsi mens hoc loco protinus ad Augustam domum beneficentissimum et honoratissimum templum omni impetu fertur: melius cohibebitur: quoniam, cui ascensus in caelum patet: quamuis maxima, tamen debito minora sunt, quae in terris tribuuntur.

De superiore Africano.

uperiori Africano consulatus ceterior legitimo tempore datus est: quod fieri oportere, exercitus senatum literis admonuit. Ita nescias, utrum illi plus decoris patrum conscriptorum authoritas, an militum consilium adiecerit. toga enim Scipionem ducem aduersus Pœnos creauit: arma poposcerunt. cui quae in uita praecipua assignata sunt: et longum est referre, quia multa: et non necessarium, quia maiore ex parte iam relata sunt. Itaque, quod hodie quoque eximium eius memoria capit: adiiciam. Imaginem in cella Iouis OPT. MAX. positam habet: quae, quotiescunque munus aliquod Corneliae gentis cele-



brandum est: inde petitur: unūq; illi instar atrij Capitolium est. Tam hercle, quā curia, superioris Catonis effigies, ad eius generis officia expromitur. grātum ordinem, qui utilissimum R. P. senatorem, tantum non semper secum habitare uoluit, omnibus numeris uirtutis diuitem, magisq; suo merito, quā fortunæ beneficio magnum: cuius prius consilio, quā Scipionis imperio est deleta Carthago. De Scipione Nasica.

V erum specamen honoris à Scipione quoq; Nasica obortur. eius nanq; manibus, & penatibus nondum quæstoris, senatus Pythij Apollinis monitu, Pessinunte accersitam deam excipi uoluit: quia eodem oraculo præceptum erat: ut hæc mysteria matris deūm, à sanctissimo uiro præstarentur. explicata totos fastos: constitue omnes currus triumphales: nihil tamen in eorū principatu speciosius reperiēs.

De Scipione Aemiliano.

T radunt subinde nobis ornamenta sua Scipiones cōmemoranda. Aemilianum enim populus ex candidato ædilitatis, Cos. fecit: eundemq; cum quæstorijs comitijs suffragator Q. Fabij. M. fratris filij, in campum descendisset: Cos. iterum reduxit. Eidem senatus bis sine sorte prius Africam, deinde Hispaniā dedit: atq; hæc neq; cui cupido, neq; senatori ambitioso, quemadmodum non solum uitæ eius seuerissimus cursus, sed etiam mors clandestinis illata insidijs declarauit.

De M. Valerio.

M. quoq; Valerium duabus rebus insignibus Dij pariter, atq; ciues speciosum reddiderunt: illi cum quodā Gallo communis pugnantis coruum propugnatorem subij-



cientēs: ij tertium & uigesimum annum ingreſſo, conſulatum largiti. quorum alterum decus uetustæ originis optimi hominis gens Coruina amplexa cognomē uſurpat: alterum ſummo ſubiungitur ornamento, tam celeritate, quā principio conſulatus gloriando.

De Q. Scauola,

t ne Q. quidem Scauolæ, quem L. Crassus in conſulatu collegam habuit: gloria parum illuſtris. qui Aſiam tam ſanctē, et tam fortiter obtinuit: ut ſenatus deinceps in eam prouinciam ituris magiſtratibus, exemplum, atq; formā officiij Scauolam decreto ſuo proponeret.

De C. Mario.

nhærent illi uoci poſterioris Africani, ſeptem C. Marij conſulatus, ac duo ampliſſimi triūphi. ad rogam enim uſq; gaudio exultauit: qui, cum apud Numantiam ſub eo duce ſtipendia equeſtria mereretur: & forte inter cœnam quidam Scipionem interrogaret: ſiquid illi accidisset, quemnam R. P. æque magnum habitura eſſet imperatorem: reſpiciens ſe ſupra ipſum cubantem, uel hunc dixit. quo augurio perfectiſſima uirtus, maximam orientē uirtutem uiderit ne certius, an efficacius acciderit, perpendi uix poteſt. illa nimirum cœna militaris, ſpecioſiſſimas tanta in urbe Mario futuras cœnas ominata eſt. Poſtquā. n. Cimbros ab eo deletos initio noctis nuntius peruenit: nemo fuit, qui nō illi tanquam Dijs immortalibus apud ſacra menſæ ſuæ libauerit.

De Cn. Pompeio.

am quæ in Cn. Pompeium & ampla, & noua geſta ſunt: hinc aſſenſione fauoris, illinc fremitu inuidiæ, literarum monimentis obſtrepitur. Eques Romanus,



proconsul in Hispaniam aduersus Sertorium pari imperio cum Pio Metello principe ciuitatis missus est. non dum illum honorē auspicatus, bis triumphauit. Initia magistratum à summo imperio cepit. tertium consulum decreto senatus solus gessit. De Mithridate, & Tigraue, de multis præterea Regibus, et gentibus, plurimisq; ciuitatibus, et prædonibus unum duxit triumphum.

De Q. Catulo.

Q. etiam Catulum P. R. uoce sua tantum non ad sidera usq; euexit. Nam cum ab eo pro rostris interrogaretur: si in uno Pompeio Magno omnia reponere perseuerasset: absumpto illo subiti casus incursum, in quo spem esset habiturus: summo consensu acclamauit, in te uim honorati iudicij admirabilem. siquidem magno Pompeio cum omnibus ornamentis, quæ retuli, duarum syllabarum spatio inclusum Catulum æquauit.

De M. Catone.

Potest & M. Catonis à Cypro cum regia pecunia reuertentis appulsus ad ripam Tyberis, memorabilis uideri: cui naue egredienti Cos. & cæteri magistratus, & uniuersus. S. P. Q. R. officij gratia præsto fuit: non quod magnum pondus auri, & argenti, sed quod M. Catonem classis illa incolumem aduexerat, lætatus.

De L. Martio.

Sed nescio an præcipuum sit L. Martij usitati decoris exemplum. quem equitem Romanum duo exercitus P. & Cn. Scipionum interitu, uictoriaq; Asdrubalis lætati, ducem legerunt: quo tempore salus eorum in ultimas angustias deducta, nullum ambitionis locum relinquebat.

De Sulpitia.



## De Sulpitia.

erito commemorationi uirorū Sulpitia Seruij Paterculi filia, Q. Fuluij Flacci uxor adijcitur: quæ, cum senatus libris sibyllinis per decemuiros inspectis censuisset: ut Veneris Verticordiæ simulachrū consecraretur: quo facilius uirginum, mulierumq; mens à libidine ad pudiciā cōuerteretur: et ex omnibus matronis centum, ex centū autē decē sorte ductæ, de sanctissima fœmina iudicium facerent: cunctis castitate prælata est.

## Externa.

## De Pythagora.

æterum quia sine ulla diminutione Romanæ maiestatis externa quoq; insignia respici possunt: ad ea transgrediamur. Pythagoræ tāta ueneratio ab auditoribus tributa est: ut quæ ab eo acceperant, in disputationem deducere nefas existimarent. quin etiam interpellati ad reddendam causam, hoc solū respondebant: αὐτὸς εἶπα. Magnus honos, sed schola tenuis. Illa urbium suffragijs tributa.

## De eodem Pythagora.

nixo Crotoniatæ studio ab eo petierūt: ut senatum ipsorum, qui mille hominum numero constabat, consilijs suis uti pateretur: opulentissimaq; ciuitas tam frequenter uenerati, post mortem domum eius Cereris sacrum fecerunt. quandiuq; illa urbs uiguit: & dea in hominis memoria, et homo in deæ religione cultus est.

## De Gorgia Leontino.

orgia uero Leontino studijs literarum ætatis suæ cunctos præstanti, adeo ut primus in conuietu poscere, quæ de re quisq; audire uellet, ausus sit: uniuersa Græcia in templo Delphici Apollinis statuam solido ex auro posuit: cum cæterorū ad id tempus auratas collocasset.



VAL. MAX.

De Amphiarao.

**E**adem gens summo consensu ad Amphiarau decorandum incubuit: locum, in quo humatus est, in formam conditionemq; templi redigendo: atq; inde oracula capi instituendo. eius cineres idem honoris possident: quod Pythicae Cortinae, quod atheno Dodonae, quod Hammonis fronti datur.

De Beronice.

**B**eronices quoq; non vulgaris honos: cui soli omnium foruminarum gymnico spectaculo interesse permissum est. cum ad Olympia filium Euclea certamen ingressum adduxisset: Olympionico patre genita, fratribus eandem palmam assecutis latera eius cingentibus.

VALERII MAX. LIBER NONVS

DE LVXVRIA. Caput I.

**L**audum etiam malum luxuria, quam accusare aliquanto facilius est, quam vitare. operi nostro inseratur: non quidem ut ullum honorem recipiat, sed ut seipsam re cognoscens, ad poenitentiam impelli possit. iungatur illi libido, quoniam ex eisdem vitiorum principijs oritur: neq; aut a reprehensione, aut ab emendatione separentur, gemino mentis errore connexae.

De C. Sergio Orata.

**C.** Sergius Orata pensilia balnea primus facere instituit quae impensa leuibus initijs coepta, ad suspensa calida



aquæ tantum non æquora penetrauit. Idem, uidelicet ne gulam Neptuni arbitrio subiectam haberet: peculiaria sibi maria excogitauit, æstuarijs intercipiendo fluctus, pisciumq; diuersos greges separatis molibus includendo: ut nulla tam sæua tempestas incideret, qua non onerata mensæ uarietate pisciculorum abundarent. Aedificijs etiam spatiosis, & excelsis deserta ad id tempus ora Lucrini lacus pressit: quo recentiore usu conchyliorum frueretur. ubi, dū se publicæ aquæ cupidius immergit: Cōsidi publicani iudicium nactus est. in quo L. Crassus aduersus illum causam agens, errare amicum suum Considium dixit: quod putaret Oratam remotum à lacu, cariturum ostreis: nāq; ea, si inde petere non licuisset: in tegulis reperturum. Huic nimirum magis Aesopus tragicædus in adoptionem dare filium suum, quam bonorum suorum hæredem relinquere debuit: non solum perditæ, sed etiam furiosæ luxuriæ iuuenem. quem constat cantu commendabiles auiculas immanibus emptas pretijs, in cœna proficedulis ponere: acetoq; liquatos magnæ summæ uniones potionibus aspergere solitum, amplissimum patrimoniū tanquam amaram aliquam sarcinam quàm celerrime abiicere cupientem. quorum alterius senis, alterius adolescentis sectam secuti, longius manum porrexerunt. neque enim ullum finitur uitium ibi, ubi oritur. Inde ab Oceani litoribus attracti pisces, inde infusæ culinis arcæ, censibusq; edendi, atq; bibendi uoluptas reperta est.

De Mulieribus Romanis.

ubi autem nostræ secundi belli Punico finis, & Philip-



pus Rex Macedoniae deuictus, licentioris uitae fiducia dedit. quo tempore matronae Brutorum domum ausa sunt obsidere: qui abrogationi legis Oppiae intercedere parati erant: quam foeminae tolli cupiebant: quia hi nec ueste uarij coloris uti, nec auri plus semiuncia habere, nec iuncto uehiculo propius urbem mille passibus nisi sacrificij gratia uehi permittebat. Et quidem obtinuerunt, ut ius per continuos uiginti annos seruatum aboleretur. nec. n. prouiderunt seculi illius uiri ad quē cultum tenderent insoliti coetus: pertinax studium: aut quo se usq; effusura esset legum uictrix audacia. quod si animi muliebris apparatus intueri potuissent: quibus quotidie aliquid nouitatis sumptuosius adiectum est: in ipso introitu ruenti luxuriae obstiterent. Sed quid ego de foeminis ulterius loquor? quas e imbecillitas mentis, et grauiorum operum negata affectatio, omne studium ad curiosiorem sui cultum hortatur conferre: cum temporum superiorum et nominis et animi excellentes uiros, in hoc priscae continentiae ignotum diuerticulum prolapsos uideā: idq; iurgio ipsorum pateat. De Cn. Domitio, et L. Crasso.

Cn. Domitius L. Crasso collegae suo altercatione orta obiecit, quod columnas Hymettias in porticu domus haberet. quem cum continuo Crassus quanti ipse domum suam aestimaret: interrogaret: atq; ut respondit, sexages. HS. quo ergo eam, inquit, minoris fore aestimas? decem arbusculas inde succidero? ipse tricies sestertio inquit, Domitius. Tunc Crassus. uter igitur luxuriosior est: ego ne, qui decē columnas C. millibus nummum ems, an tu qui decem arbuscularum umbram tricie.



AS. summa cōpensas? Sermone oblitum Pyrrhi, im-  
memorem Annibalis, iamq; transmarinorum stipen-  
diorum abundantia oscitantem: & quanto tamen in-  
sequentium seculorum ædificijs & nemoribus angu-  
stiorum ritum introduxerunt: atque inchoatam à se  
autitiam posteris relinquere, quàm à maioribus ac-  
ceptam continentiam retinere maluerunt.

## De Metello Pio.

id enim sibi uoluit princeps suorum temporum Me-  
tellus Pius tunc, cum in Hispania aduentus suos ab ho-  
pitibus aris, & thure excipi patiebatur? cum Attalicis  
aulæis contactos parietes læto animo intuebatur? cum  
immanibus epulis apparatusissimos interponi ludos si-  
nebat? cum palmata ueste conuiuia celebrabat? demis-  
sasq; lacunaribus aureas coronas uelut cœlesti capite  
recipiebat? & ubi ista? non in Græcia, neque in Asia,  
quarum luxuria seueritas ipsa corrumpi poterat: sed  
in horrida, & bellicosa prouincia: cum præsertim acer-  
rimus hostis Sertorius Romanorum exercituum ocu-  
los Lusitanis telis pstringeret. adeo patris illi sui Nu-  
midici castra exciderant. patet igitur, q̃ celeri transitu  
luxuria affluerit. Nā cuius adoleſcentia priſcos mo-  
res uidit: senectus nouos orſa eſt.

## De Curionibus.

onſimilis mutatio in domo Curionum extitit. Siquidẽ  
forum noſtrũ & patris grauiffimũ ſupercaliũ, et filij  
ſexcenties ſeſtertium æris alieni aſpexit contractum  
fameſa iniuria nobilium iuuenum. Itaq; eodem tem-  
pore, & in iſdem penatibus diuerſa ſecula habita-  
runt, frugaliffimum alterum, alterum nequiſſimum.



De P. Clodio.

**P.** autem Clodij iudicium quanta luxuria, & libidine abundauit? in quo ut euidenter incesti crimine nocens reus absolueretur: noctes matronarum, & adolescentium nobilium magna summa emptæ, mercedis loco iudicibus erogatæ sunt. quo in flagitio tam tetro, tamq[ue] multiplici, nescias primū quē detestere: an qui istud corruptelæ genus excogitauit: an qui pudicitia sequestrem periuriū fieri passi sunt: an qui religionem stupro permutarunt.

De Gemello Tribunitio.

**A** eq[ue] flagitiosum illud conuiuium, quod Gemellus Tribunitius uiator, ingenii sanguinis, sed officij intra seruilē habitū deformis, Metello et Scipioni Coss. ac Tribb. pl. magno cū rubore ciuitatis comparauit. lupanari. n. domi suæ instituto, Mutiam, & Fuluiam tum a patre, tum a uiro utranq[ue] inclutam: & nobilem puerū Saturninum in eo prostituit. probrosa sapientiæ corpora ludibrio temulentæ libidinis futura. epulas Coss. & Tribunis non celebrandas, sed uindicandas.

De Catilina.

**V** erum præcipue Catilinæ libido scelestæ. nam uesano amore Aureliæ Orestillæ corruptus, cum unum impedimentū uideret: quo minus nuptijs inter se iungerentur: filiū suum, quē & solū, & ætate iam puberē habebat: ueneno sustulit: protinusq[ue] ex rogo eius maritalē facem accendit: ac nouæ maritæ orbitatē suā loco muneris erogauit. eodē deinde animo ciuē, quo patrē egerat: filij pariter manibus, & nefarie attentatæ patriæ poenas dedit.

Externa. De Annibale.

**A** t campana luxuria perquā utilis ciuitati nostræ fuit.



Inuictum enim armis Annibalem illecebris suis complexa, uincendum Romano militi tribuit. Illa uigilantissimum ducē, illa exercitum acerrimū dapibus largis, abundanti uino, unguentorū fragrantia, ueneris usu lasciuiore, ad somnū, et delicias euocauit. ac tum demū fracta, & contusa Punica feritas est: cum Seplasia ei, & Albana castra esse cōperūt. Quid ergo his uitijis fœdus? Quid ēt dānosius? quibus uirtus atteritur: uictoriae languescunt: sopita gloria in infamiā conuertitur: animiq; pariter & corporis uires expugnātur: adeo ut nescias, ab hostibus ne, an ab illis capi perniciosius habendū sit.

De Volsiniensibus.

Uæ etiā Volsiniensium urbem grauius, & erubescendis cladibus implicarunt. erat opulēta: erat moribus & legibus ornata: Hetruriæ caput habebatur. sed postquam luxuria prolapsa est: in profundum iniuriarū, & turpitudinis decidit: ut seruorū se insolentissimæ dominationi subijceret. qui primū admodum pauca senatorium ordinem intrare ausi, & mox uniuersam R. P. occupauerunt. testamenta ad arbitriū suū scribi iubebant. conuiuia, coetusq; ingenuorum fieri uetabāt. filias dominorum in matrimonium ducebant. postremo lege sanxerunt: ut stupra sua in uiduis pariter, atq; nuptis impunita essent, ac nequa uirgo ingenio nuberet: cuius castitatem non ante ex numero ipsorū aliquis delibasset.

De Xerxe.

ge, Xerxes opum regiarū ostentatione eximia, eousq; luxuria gaudens, ut edicto præmium ei proponeret, qui nouum uoluptatis genus reperisset: quanta, dum delitijs nimij capitur, amplissimū iperij ruina euasit?



## De Antiocho Rege Syriae.

**A**ntiochus quoq; Syriae Rex nihilo contemptioris exempli: cuius caecam, & amentem luxuriã exercitus imitatus, magna ex parte aureos clauos crepidis subiectos habuit: argenteaq; uasa ad usum culinæ comparauit: et tabernacula textilibus sigillis adornata statuit. avaro potius hosti præda optabilis, q̃ ulla ad uincendũ strenuo mora.

## De Ptolemæo Rege Aegypti.

**I**am Ptolemæus Rex accessione uitiorum suorum uixit. Ideoq; Physcon appellatus est. cuius nequitia quid nequius? sororem natu maiorem communi fratri nuptam sibi nubere coëgit. postea deinde filia eius per uim stuprata, ipsam dimisit: ut uacuum locum nuptijs puellæ faceret.

## De populo Aegypti.

**C**onsentaneus igitur Regibus suis gentis Aegyptiæ populus. qui ductu Archelai aduersus Aulum Gabinium mœnibus urbis egressus, cum castra uallo, atq; fossa cingere iuberet: uniuersis succlamauit, ut id opus publica pecunia faciendum locaretur. quapropter delicijs tam enerues animi, spiritum exercitus nostri sustinere non potuerunt.

## De Cyprijs.

**S**ed tamen effœminatio multitudo Cypriorum: qui reginas suas mulierum corporibus uelut gradibus constructis, quò mollius uestigia pedum ponerent, currus conscendere æquo animo sustinebant. uiris enim, si modo uiri erant, uita carere, quàm tam delicato imperio obtemperare satius fuit. Hæc est societas uitiorum: lasciuu uultus, & nouæ cupiditati inherentium oculorum, ac delicatu cultu affluētis, perq; uarios illecebrarum motus uolitantis animi.



## DE CRVDELITATE. Caput II.

Rudelitatis uero horridus habitus, truculenta species, uiolenti spiritus, uox terribilis, omnia minus, & cruentis imperijs referta. cui silentium donare: incrementum est adijcere. etenim quem modum sibi ipsa statuet: si ne sugillationis quidem frenis fuerit reuocata? ad summam, cum penes illam sit timeri: penes nos sit odisse.

De L. Sylla.

Sylla, quem neque laudare, neque uituperare quisquam satis digne potest (quia dum quærit uictorias: Scipionem se P. R. dum exercet: Annibalem repræsentauit. egregie namque authoritate nobilitatis defensa, crudeliter totam urbem, atque omnes Italiæ partes, ciuile sanguinis fluminibus inundauit) quatuor legiones contrariæ partis fidem suam secutas, in publica uilla, quæ in martio campo erat, nequicquam fallacis dextræ misericordiam implorantes, obtruncari iussit. quarum lamentabiles quiritatus trepidæ ciuitatis aures ceperunt. lacerata ferro corpora Tyberis impatiens tantu oneris, cruentatis aquis uehere coactus est.

Uinq; millia Prænestinorum spe salutis per P. Cethegum data, extra mœnia municipij euocatos, cum abiectis armis humi corpora prostrauissent: interficienda, protinusque per agros dispergenda curauit. Quatuor millia & septingentos diræ proscriptionis edicto iungatos, in tabulas publicas retulit: uidelicet ne memoria tam præclaræ rei dilueretur. Nec contentus in eos sequi, qui armis a se dissenserant, etiam quieti animi



cives, propter pecunie magnitudinem per nomenclatorem conquisitos proscriptorum numero adiecit. Aduersus mulieres quoque gladios distrinxit: quasi parum cædibus uirorum satiatus. Id quoque inexplabilis feritatis indicium est, abscissa miserorum capita modo non uultum, ac spiritum retinentia, in conspectum suum afferri uoluit: ut oculis illa, quia ore nefas erat: manderet. Quam porro crudeliter se in M. Mario Prætergessit? quem per ora uulgi ad sepulchrum Luctatiæ gentis pertractum, non prius uita priuauit: quam oculos infelicitis erueret: et singulas corporis partes confringeret. Vix mihi uerisimilia narrare uideor. At ille et M. Pletorium, quod ad eius supplicium exanimis ceciderat: continuo ibi mactauit. nouus punitor misericordiae. apud quem iniquo animo scelus intueri, scelus admittere fuit. Sed mortuorum umbris saltem pepercit? minime. Nam C. Marij, cuius etsi postea hostis, Quæ. tamen aliquando fuerat: erutos cineres in Anienis alueum sparsit. in quibus actis felicitatis nomen asserendum putauit.

## De C. Mario.

Cuius tamen crudelitatem C. Marij inuidia leuat. nam et ille nimia cupiditate persequendi inimicos, iram suam nefarie distrinxit: C. Cæsaris Consularis, et Censorij nobilissimum corpus, ignobili seuitia trucidando, et quidem apud seditiosissimi, et abiectissimi hominis Varij bustum. id enim malorum miserrimæ tunc R. P. deerat: ut Varij Cæsar piaculo caderet. penè tanti uictoriæ eius non fuerunt: quarum oblitus plus criminis domi, quam laudis in militia meruit. Idem, caput M.



Antonij abscisum, suis manibus inter epulas per summam animi, ac uerborum insolentiam aliquādiu tenuit: clarissimūq; & ciuis, & oratoris sanguine contaminari mensae sacra passus. Atq; etiā P. Annium, qui id attulerat: in sinum suum recentis cedis uestigijs aspersum recepit.

De Damasippo.

Damasippus nihil laudis habuit, quod corrumperet. itaq; memoria eius licentioze accusatione perstringitur. cuius iussu, principum ciuitatis capita, hostiarum capitibus permista sunt: Carbonisq; Aruinæ truncum corpus patibulo affixum gestatum est. ideo aut flagitiosissimi hominis praetura multum: aut R. P. maiestas nihil potuit.

De Munatio Flacco, Romano.

Munatius etiam Flaccus Pompeiani nominis acrior, q̄ probabilior defensor: cū ab imperatore Cæsare in Hispania inclusus mœnibus Attinguensium obsideretur: efferatam crudelitatem suam truculentissimo genere uesaniae exercuit. omnes. n. eius oppidi ciues, quos studiosiores Cæsaris senserat: iugulatos muris praecipitauit: faeminas quoq; citatis nominibus uirorū, qui in contrarijs castris erant: ut cedes coniugum suarū cererent: et maternis gremijs superpositos liberos trucidauit. Infantes, alios in conspectu parentum humo infigi, alios superiactos pilis excipi iussit. quae auditu etiam intolerabilia, Romano iussu, Lusitanis manibus administrata sunt. cuius gentis praesidio, Flaccus uallatus diuinis operibus, uecordi pertinacia resistebat.

Externa.

De Carthaginiensibus.

Transgrediamur nunc ad illa, quibus ut par dolor, ita nullus nostrae ciuitatis rubor inest. Carthaginienses



Attilium Regulum palpebris resectis, machina, in qua undiq; præacuti stimuli emnebant, inclusum, uigilantia pariter, & continuo tractu doloris necauerunt. tormenti genus indignum passo, authoribus dignissimū. Eadem crudelitate usi in milites nostros, Martis certamine in suam potestatem redactos, nauibus substrauerunt: ut earum carinis, ac pondere elisi, inusitata ratione mortis barbaram feritatem satiarent: tetro facinore pollutis classibus ipsum mare uiolaturi.

## De Annibale.

**H**orum dux Annibal, cuius maiore ex parte uirtus scuitia constabat: in flumine Gelo corporibus Romanis ponte facto, exercitū traduxit: ut æque terrestriū scelerum Carthaginensium copiarum egressum terra, quàm maritimarum Neptunus experiretur. Idem captiuos nostros oneribus, & itinere fessos iam prima pedum parte succisa relinquebat. Quos uero in castra perduxerat: paria fratrum, & propinquorum iungens, ferro decernere cogebat. neq; ante sanguine explebatur, quàm ad unum uictorem omnes redeisset. iusto ergo illum odio, ueruntamen tardo supplicio senatus Prusiae Regis factum supplicem, ad uoluntariā mortem compulit.

## De Rege Mithridate.

**T**am hercle, quàm Mithridatem Regem: qui una epistola octoginta millia ciuium Romanorū in Asia per urbes negotiandi gratia dispersa intererunt: tantæq; provinciae hospitales deos, iniusto, sed non inuito cruore respergit: quoniam cum maximo cruciatu ueneno repugnantem spiritum suum tandem succumbere coëgit. Simulq; praecula crucibus illis dedit: quibus illos amicos



suos authore Gauro spadone libidinosus obsequio, scelestus imperio affecerat. De gentis Thraciae regina. umulifintis Diogridis filiae Thraciae Regis, & si minus admirabile crudelitatem gentis ipsius feritas, narrandam tamen rabies scuitiae facit. cui neq; uiuos homines medios secare, neq; parentes liberorum uesti corporibus nefas fuit.

De Ptolemæo Rege Aegypti, & de Cleopatra.

terum Ptolemæus Physon emergit, paulo ante libidinosæ amentiae teterrimum exemplum, idem etiam inter præcipua crudelitatis indicia referendus. Quid. n. hoc factio truculentius? filium suum nomine Memphitem, quem ex Cleopatra eadē sorore & uxore sustulerat: liberalis formæ, optimæ spei puerum in conspectu suo occidi iussit. pedes eius præcisos, & caput, & manus i cistam chlamyde opertos pro munere natalitio matri misit: perinde quasi ipse cladis, quam illi inferebat, expers: ac non infelicior, quod in communi orbitate Cleopatram miserabile, cunctis se inuisum redderet. adeo cæco furore summa quæq; efferuescit crudelitas, cui munimentum ex seipsa reperit. Nam cum animaduerneret, quāto sui odio patria teneretur: timori remediū scelere petiuit: quoq; tutius plebe trucidata regnaret: frequens iuuentute gymnasiū armis et igni circumdedit: omnesq; qui in eo erāt: partim ferro, partim flamma necauit. De Ocho dicto Dario.

chus autem, qui postea Darius appellatus est, sanctissimo Persis iureiurando obstrictus, nequem ex coniuratione, quæ septem magos cū eo oppresserat, aut ueneno, aut ferro, aut ulla ui, aut inopia alimentorum



necaret : crudeliore mortis rationem excogitauit. quæ hos iunctos sibi, non perrupto uinculo religionis tolleretur. septum enim altis parietibus locum cinere completuit: suppositoq; tigno prominente, benigno cibo, et portione exceptos in eo collocabat : e quo, somno sopiti, in illam insidiosam congeriem decidebant.

De Ocho Artaxerxe.

A pertior, & tetrior alterius Ochi cognomine Artaxerxis crudelitas. qui Ocham sororem, atq; eandem socrum uiuam capite defodit: & patrum cum centum & amplius filiis, ac nepotibus uacua area destitutum iaculis confixit: nulla iniuria laessitus, sed quod in his maximam apud Persas probitatis, & fortitudinis laudem consistere uidebat.

De Atheniensibus.

C onsimili genere æmulationis instincta ciuitas Atheniensium indigno gloriæ suæ decreto Aeginensium inuentuti pollices abscidit: ut classe potens populus, in certamen maritimarum uirium secum descendere nequiret. Non agnosco Athenas timori remedium à crudelitate mutantes.

De inuentore ænei tauri.

S æuus etiam ille ænei tauri inuentor: quo inclusi subditis ignibus, longo & abdito cruciatu, mugitus resonantem spiritum edere cogebantur, ne eiulatus eorum humanæ sono uocis expressi, Phalaridis tyranni misericordiam implorare possent: quam, quia calamitosis deesse uoluit: teterrimum artis suæ opus primus artifex inclusus merito auspicatus est.

De Hetruscis.

A t ne Hetrusci quidem parum feroces in pœna excogitanda: qui uiuorum corpora cadaueribus aduersa aduersa



sis alligata, atq; constricta, ita ut singulae membrorum partes singulis essent accommodatae, tabescere simul patiebantur. amari uitae pariter, ac mortis tortores.

De Barbaris.

icut illi Barbari, quos ferunt mactatarum pecudum intestinis, et uisceribus egestis, homines inserere, ita ut capitibus tantummodo emineant: quoq; diutius poenae sufficiant, cibo, & potione infelicem spiritum prorogare: donec intus putrefacti, laniati sint ab animalibus, quae tabidis in corporibus nasci solent. Queramus nunc cum natura rerum, quod nos multis, & asperis aduersae uoletudinis incommodis obnoxios esse uoluerit: habitumq; coelestis roboris humanae conditioni denegatum, moleste feramus: cum tot cruciatus sibimetipsa mortalitas impulsu crudelitatis excogitauerit.

DE IRA, ET ODIO.

Caput III.

Ra quoq; aut odium in pectoribus humanis i magnos fluctus excitant: procursu celerior illa nocendi cupidine, hoc pertinacius: uterq; consternationis plenus affectus, ac nunquam sine tormento sui uiolentus: quia dolorem cum inferre uult, patitur amara solitudine, ne non contingat ultio. anxius: sed proprietatis eorum certissimae sunt imagines: quas Dij ipsi claris personis aut dicto aliquo, aut facto uehementiore conspici uoluerunt.

De Liuiio Salinatore.

um aduersus Asdrubalem Liuius Salinator bellum gesturus urbe egrederetur: monente Fabio Maximo,



ne ante descenderet in aciem: quàm hostiũ uires, animũq; cognosceret: primã occasionem pugnandi non omisurum se respondit: interrogatusq; ab eodem, quid ita tam festinanter manum conferere uellet, ut quàm celerrime, inquit, aut gloriam ex hostibus uictis, aut ex ciuibus prostratis gaudium capiam. Ira tunc, atq; uirtus sermonem eius inter se diuiserunt. illa iniuste dñationis memor: hæc triumphĩ gloriæ intenta. Sed nescio an eiusdem fuerit hoc dicere, & sic uincere.

## De Figulo.

**A**rdentis spiritus uirum, & bellicas operibus assuetum, huc iracundiæ stimuli egerunt. C. autem Figulũ mansuetissimum, pacato iuris ciuilis iudicio celeberrimum, prudentiæ, moderationisq; immemorem reddiderunt. Consulatus enim repulsæ dolore accensus, eò quidem magis, quod illum bis patri suo datum meminerat: cum ad eum postero comitiorum die multi consulendi causa uenissent: omnes dimisit, præfatus: omnes consulere scitis: Cos. facere nescitis. dictum grauitè, & merito: sed tamen aliquanto melius non dictum.

## De patricijs Romanis.

**N**am quis P. R. irasci sapienter potest. itaq; ne illi quidẽ probandi, quamuis factum eorum nobilitatis splendore protectum sit: qui, quod Cn. Flauius humillimæ quondam sortis præturam adeptus erat: offensi annulos aureos sibi met ipsis, & phaleras equis suis detractas abiecerunt: doloris impotentia tantum non luctũ profecto testati. talis iræ motus aut singulorũ, aut paucorum aduersus populũ uniuersum: multitudinis autem erga principes, ac duces eiusmodi.

## De Iuuenibus



De Iuuenibus Romanis, & Manlio Torquato.

Manlio Torquato amplissimam, & gloriosissimam ex  
Latinis, et Campanis uictoriam in urbē referenti, cū  
seniores omnes letitia onantes occurrerent: iuniorum  
nemo obuiam processit: quod filium adolescentem for-  
tissime aduersus imperiū suum praeliatum, securi per-  
cussus occidisset. miseri sunt æqualis nimis asperere pu-  
ruti: nec factum eorū defendo, sed iræ uim indico: quæ  
unius ciuitatis & ætates, & affectus diuidere ualuit.  
Eademq; tantum potuit, ut uniuersum P. R. equitatū  
a Fabio Cos. ad hostium copias persequendas missum:  
cum & tuto & facile eas liceret delere: legis agrariæ  
ab eo impeditæ memorem, immobilem retineret.

De Appio Claudio Cos.

Appia uero etiam Appio duci, cuius pater, dum pro sena-  
tus amplitudine nititur: cōmoda plebis acerrime impu-  
gnauerat: infensum exercitum faciēdo, uoluntaria fu-  
ga terga hosti, ne triumphum imperatori quæreret: da-  
re coegit. Quoties uictoriæ uictrix, congratulationem  
eius in Torquato spernendam: in Fabio pulcherrimā  
partem omittendam: in Appio totam fugæ proponen-  
dam reddidit.

De eodem, & P. R.

Appia q̄ uiolenter se in pectore uniuersi P. R. gessit eodem  
tempore, quo suffragiis eius dedicatio ædis Mercurij M.  
Pletorio primipili centurioni data est? præteritis Coss.  
Appio, quod obstitisset, quo minus ære sub alieno suatur-  
eretur: & Seruilio, quod susceptam causam suā lan-  
guido patrocinio protexisset. Negas efficacē irā, cuius  
ortu miles summo imperio praelatus est? quæ qdē nō  
proculcauit tantū imperia, sed etiam gessit impotēter.

Val. Max.

B



## De Metello.

**N**anq; Metellus cum utranq; Hispaniam Cos. prius, deinde Procos. penè iam subegisset: postquam cognouit Q. Pompeium Cos. inimicum suum successorem sibi mitti: omnes, q; modo militiã uoluerunt finire, dimisit: commeatus petentibus, nec causis excussis, nec constituto tempore, dedit. horrea, custodibus remotis, opportuna rapinæ præbuit. arcus, sagittasq; Cretenesium frangi, atque in amnem abijci iussit: elephantis cibaria dari uetuit: quibus factis, ut cupiditati suæ indulset: ita magnificè gestarum rerum gloriam corruptit: meritumq; honorem triumphi hostium, quàm iræ fortior uictor amisit.

## De L. Sylla.

**Q**uid Sylla, dum huic uitio obtemperat: non ne multo alieno sanguine profuso, ad ultimum & suum erogauit? Puteolis enim ardens indignatione, quòd Granius princeps eius coloniæ pecuniam à decurionibus ad refectionē Capitolij promissam, cunctatius daret: animi concitatione nimia, atq; immoderate uocis impetu conuulso pectore: spiritum cruore, ac minis mistum euomit, nec senio iam prolapsus, utpotè sexagesimum ingrediens annum: sed alita miseris P. R. impotentia furens. igitur in dubio est Syllæ ne prior, an iracundia Syllæ sit extincta. Neq; ab ignotis exempla petere iuuat: et maximis uiris exprobrare uitia sua, uerecundia est. cæterum cum propositi fides excellentissima quæq; complecti moneat: uoluntas operi cedat, dum præclara libenter probando, necessaria narrandi conscientia non desit.



Externa. De Alexandro Rege.

Alexandrum iracundia sua propemodum caelo diripuit. Nam quid obstitit, quo minus illuc assurgeret, nisi Lyfimachus Leoni obiectus, et Clitus hasta traiectus, et Callisthenes mori iussus. quia tres maximas victorias, totidem amicorum iniustis caedibus victor edidit.

De Amulcare.

Quam uehemens deinde aduersus P. R. Amulcaris odiū? Quatuor enim puerilis aetatis filios intuens, eiusdem numeri catulos leoninos in perniciem imperij nostri alere se predicabat. digna nutrimenta, quae in exitum patriae suae, ut euenit, conuerterentur.

De Annibale.

quibus Annibal mature adeo patris uestigia subsequutus est: ut eo exercitum in Hispaniam traiekturo, et ob id sacrificante, octo annos natus, altaria tenens iuraret, se cum primum per aetatem potuisset, acerrimum hostem P. R. futurum: ut pertinacissimis precibus instantis belli commilitum exprimeret. Idem significare cupiens quanto inter se odio Carthago, et Roma dissiderent: inflicto in terram pede, suscitatoque puluere, tunc inter eas fore finem belli dixit, cum alterutra pars in habitum pulueris esset redacta. in puerili pectore tantum uis odij potuit. sed in muliebri quoque aequum multum ualuit.

De Semiramide Regina Babylonis.

anque Semiramis Assyriorum Regina, cum ei circa cultum capitis occupatae nuntiatum esset Babylonem defecisse: altera parte crinium adhuc soluta, protinus ad eam expugnandam cucurrit: nec prius decorem capillorum



in ordinem, quàm tantam urbem in potestatem suam redegit. Quo circa statua eius Babylone posita est illo habitu, quo ad ultionem exigendam celeritate præcipiti tetendit.

## DE AVARITIA. Caput IIII.

Rotrahatur etiam in medium auaritia latentium indagatrix lucrorum, manifestæ prædæ auidissima uorago: nec habendi fructus felix, & cupiditate quærendi miserrima.

De M. Crasso, & Q. Hortensio.

Cum admodum locupleti L. Minutio Basilio falsum testamentum quidam in Græcia subiecisset: eiusdemque confirmandi gratia potentissimos ciuitatis nostræ viros M. Crassum, & Q. Hortensium, quibus Minutius ignotus fuerat: tabulis hæredes inseruisset: quæquæ euidentis fraus erat: tamen uterque pecuniæ cupidus, facinoris alieni munus non repudiavit. quantam culpam quæ leuiter retuli. lumina curiæ, ornamenta fori quod scelus vindicare debebant: inhonesti lucri captura inuitati authoritatibus suis texerunt. De Q. Cassio.

Verum aliquanto maiores vires in Q. Cassio exhibuit: qui in Hispania Silium, et Calpurnium occidendi sui gratia cum pugionibus deprehensos, quinquagies sestertium ab illo: ab hoc sexagies pactus dimisit. At quis dubitet si alterum tantum daretur, iugulum quoque suum æquo animo illis fuisse præbiturum.

De L. Septimuleio.

Cæterum auaritia ante omnes L. Septimuleij præcordia



possedit: qui, cum C. Gracchi familiaris fuisset: caput eius abscondere, & per urbem pilo fixum ferre sustinuit: quia Opimius Cos. auro id se repensurum edixerat. sunt qui tradunt, liquato plumbo eum canati partem capitis, quo ponderosius esset, explesse. fuerit ille seditiosus: bono perierit exemplo: clientis tamen scelerata fames in has usque iacentis iniurias esurire non debuit.

De Ptolemæo Rege Cypriorum.

odio merito Septimuleij auaritia, Ptolemæi autem Regis Cypriorum risu prosequenda. nam cum anxius sordibus magnas opes corripuisset: propterque eas perituum se uideret: & ideo omni pecunia imposita nauibus, in altum processisset: ut classe perforata, suo arbitrio periret, & ut hostes præda carerent: non sustinuit mergere aurum, & argentum: sed futurum suæ necis præmium domum reuexit. proculdubio hic non possedit diuitias: sed à diuitiis possessus est. titulo Rex insulæ, animo autem pecuniæ miserabile mancipium.

DE SUPERBIA, ET IMPOTENTIA. Caput V.

De M. Fulvio Flacco.

Tq; ut superbia quoque, & impotentia in conspectu ponantur, M. Fulvius Flaccus Cos. M. Planci Hypsæi collega: cum perniciosissimas R. P. leges introduceret, de ciuitate danda, & de prouocatione ad populum, eorum, qui ciuitatem mutare uoluissent: ægre compulsus est, ut in curiam ueniret.



deinde partim monenti, partim oranti senatui, ut incepto desisteret: responsum non dedit. Tyrannici Cos. spiritus haberetur: si aduersus unum senatorem hoc modo se gessisset: quo Fuluius in totius amplissimi ordinis contemnenda maiestate uersatus est.

De M. Druso Tribuno.

Quæ à M. quoq; Druso Tr. pl. per summam contumeliã uexata est. parum enim habuit L. Philippum Cos. quia se interpellare concionantẽ ausus fuerat: obtortagula, & quidem non per uiatorem, sed per clientem suum adeo uiolenter in carcerem præcipitem egisse: ut multus è naribus eius cruor perfunderetur. Verum etiam cum senatus ad eum misisset: ut in curiam ueniret: quare non potius, inquit, ipse in Hostiliam propinquam rostris ad me uenit? piget adijcere quod sequitur. Tribunus senatus imperium despexit: senatus Tribuni uerbis paruit.

De Cn. Pompeio.

Cn. autem Pompeius quàm insolenter egit? qui balneo egressus. ante pedes suos prostratum Hypsæum ambitus reum, & nobilem uirũ, & sibi amicum iacentem reliquit: contumeliosa uoce proculcatum. Nihil. n. eum aliud agere, quàm, ut conuiuiũ suũ moraretur, respondit. et huius dicti conscius securo animo cœnare potuit. Ille uero etiam in foro non erubuit P. Scipionem socerum suum legibus noxium, quas ipse tulerat: in maxima quoq; reorum, & illustriũ ruina, muneris loco à iudicibus deponere, maritalis lecti blanditijs statum R. P. temperando.

De M. Antonio.

Item factum pariter, ac dicto M. Antoni conuiuium. Nam cum ad eum triumuirum Cesetij Rufi senato-



ris caput allatum esset: auersantibus id cæteris, propius admoueri iussit: ac diu, diligenterq; consyderauit. cunctis deinde expectantibus quidnam esset dicturus: hunc ego, inquit, notum non habui. Superba de senatore, impotens de oculo confessio.

Externa. De Alexandro Rege.

atis multa de nostris. aliena nunc adijciuntur. Alexandri Regis uirtus, & felicitas, tribus insolentiæ gradibus exultauit euidentissimis. Fastidio enim Philippi, Iouem Ammonem patrem asciuit. tædio morum, & cultus Macedonici, ueste, et instituta Persica assumpsit. spreto mortali habitu, diuinum caput æmulatus est. nec fuit ei pudori, filium, ciuem, hominem, dissimulare.

De Xerxe Rege.

am Xerxes, cuius in nomine superbia, & impotentia habitat: suo iure quod insolenter usus est? quod Græciæ indicturus bellum, adhibitis Asiæ principibus, ne uiderer, inquit, meo tantummodo usus consilio, uos contraxi. Cæterum mementote parendum magis uobis, quam suadendum. arroganter, etiam si uictori repetere ei, regiam contigisset. tam deformiter uicti, nescias utrum insolentius dictum, an impudentius.

De Annibale.

nnibal autem Cannensis pugnae successu elatus, nec admisit quenquam ciuium suorum in castra, nec responsum ulli nisi per interpretem dedit. Maharbalem etiam ante tabernaculum suum clara uoce affirmantem, prospexisse se, quoniam modo paucis diebus Romæ in Capitolio cœnaret: aspernatus est. Adeo felicitatis, & moderationis diuiduum contubernium est.



De Carthaginiensibus, & Campanis.

I nsolentiae uero inter Carthaginiensem, & Campani  
senatum quasi aemulatio fuit. Ille enim separato à ple-  
be balneo lauabatur: hic diuerso foro utebatur. quem  
morem Capuae aliquandiu retentum C. quoq; Grac-  
chi oratione in Plautium scripta patet.

DE PERFIDIA.

Caput VI.

Cultum iam, & insidiosum malum perfid-  
dia, latebris suis extrahatur: cuius efficacis-  
sima uires sunt, mentiri, ac fallere. fructus  
in aliquo admissio scelere consistit tum certus: cum cru-  
delitatem nefarijs uinculis circumdedit: tantum incom-  
modi humano generi afferens, quantum salutis bona  
fides praestat. Habeat igitur nō minus reprehensionis:  
quam illa laudis consequitur. De Tatio Sabino.

R omulo regnante, Sp. Tarpeius arci praerat: cuius fi-  
liam uirginem aquam sacris petitem extra mœnia  
egressam, Tatiū, ut armatos Sabinos in arcem secum  
reciperet: corripit, mercedis nomine pactus, quæ in si-  
nistris manibus gerebant. erant autē his armillæ, &  
annuli magno ex pondere auri. loco potitum agmen  
Sabinorū puellam præmum flagitantem armis obru-  
tam necauit, pinde, quasi promissum, q̄ ea, quæ leuis  
gestauerant, soluit. Absit reprehensio: quia impia pro-  
ditio celeri pœna uindicata est.

De Serg. Galba.

S erg. quoq; Galba summæ perfidiæ. Trium. n. Lusit-  
aniæ ciuitatum conuocato populo, tanquam de com-



modis eius acturus, nouē millia, in quibus flos iuuentutis consistebat: electa, & armis exuta, partim truncidauit, partim uendidit. quo facinore maximam cladem barbarorum, magnitudine criminis antecessit.

De Cn. Domitio.

Cn. autem Domitium summi generis, & magni animi uirum, nimiae gloriae cupiditas perfidum existere coegit. Iratus namq; Bituito Regi Aruernorū, quod tū suā, tum etiā Allobrogum gentē, se etiā tum in prouincia morante, ad Q. Fabij successoris sui dextrā confugere hortatus esset: per colloquij simulationem acersitum, hospitioq; exceptum uinxit: ac Romam naue deportandū curauit. Cuius factū senatus neq; probare potuit: neq; rescindere uoluit: ne remissus in patriam Bituitus, bellū renouaret. Igitur eū Albā custodiae causa relegauit.

De Q. Seruilio Cepione.

iriati etiā cædes duplicē perfidiae accusationem recepit in amicis, quod eorū manibus interemptus est: in Q. Seruilio Cepione Cos. q̄ is sceleris huius author, impunitate promissa, fuit: uictoriāq; nō meruit, sed emit.

Externa. De Carthaginiensibus.

erum ut ipsum fontem perfidiae contemplemur: Carthaginienses Xantippum Lacedaemonium, cuius optima opera primo Punico bello usi fuerant: et quo iuuantē, Attilium Regulum ceperant: simulantes sese domū reuehere, in alto merferunt. Quid tanto facinore petētes? an, ne uictoriae eorū socius superesset? extat nihilo minus & quidē cum opprobrio, quē sine ulla gloria iactura, inuiolatū reliquissent.

De Annibale.

Annibal porro Nucerinos hortatu suo cum binis uesti-



mentis urbē inexpugnabilibus muris cinctam egres-  
 sos uapore, & fumo balnearum strangulando, &  
 Aceranorum senatum eadem ratione extra moenia  
 euocatum in profundo puteorū abiiciendo, non ne bellū  
 aduersus P. R. & Italiam professus, aduersus ipsam  
 fidem acrius gessit? mendacijs, & fallacia quasi prae-  
 claris artibus gaudens? Quo euenit, ut alioqui insi-  
 gnem nominis sui memoriam relicturus, in dubio ma-  
 ior ne, an peior uir haberi deberet: poneret.

DE VI, ET SEDITIONE, ET DE  
 POPULO RO. Caput VII.

Ed, ut uiolentiae, & seditionis tam togatae, q̄  
 s. etiam armatae facta referantur: L. Equitū,  
 qui se Gracchi filium simulabat: tribuna-  
 tumq; aduersus leges cum L. Saturnino petebat: a Ma-  
 rio quintum consulatum gerente in publicam custodia  
 ductum, populus claustris carceris conuulsis, raptum  
 humeris suis, per summam animorum alacritatem  
 portauit. Idemq; Q. Metellum Ces. quod ab eo tan-  
 quam Gracchi filio censum recipere nolebat: lapidi-  
 bus prosternere conatus est, affirmantem tantummodo  
 tres filios T. Graccho fuisse, e quibus unum in Sardi-  
 nia stipendia merentem, alterum infantem Praeneste,  
 tertium post patris mortem natum Romae decessisse:  
 nec oportere clarissimae familiae ignotas sordes inseri:  
 cum interim improvida concitatae multitudinis teme-  
 ritas, pro impudentia, & audacia aduersus consula-  
 tum, & censuram tetendit: principesq; suos omni pe-



ulantiæ genere uexauit. Vesana hæc tantum modo: illa  
etiam cruenta seditio. populus enim Mumium compe-  
torem Saturnini, nouem iam creatis tribunis, unoq;  
loco candidatis duobus restante: ui prius in ædes pri-  
uatas compulit: extractum deinde interemit: ut cæde  
integerrimi ciuis, facultas adipiscendæ potestatis teter-  
rimo ciui daretur.

De certis creditoribus, & L. Cassio.  
creditorum quoq; consternatio, aduersum Sempronij  
Asellionis Præt. urbani caput, intolerabili modo exar-  
uit. quem, quia causam debitorum susceperat: concitati  
L. Cassio Tr. pl. pro æde Concordiæ sacrificium fa-  
ciētem, ab ipsis altaribus fugere extra forū coactum,  
nq; tabernacula latitantem, prætextatum discerpse-  
runt. detestanda fori conditio: sed si castra respicias,  
neque magna orietur indignatio.

De militibus L. Syllæ, & morte Gratidij.  
Cum C. Mario lege Sulpitia prouincia Asia, ut aduersus  
Mithridatem bellum gereret: priuato decreta esset:  
missum ab eo Gratidium legatum ad L. Syllam Cos.  
accipiendarum legionum causa milites trucidarunt:  
proculdubio indignati, quod a summo imperio, ad eū,  
qui nullo in honore uersaretur: transire cogerētur. Sed  
quis ferat militem scita plebis exitio legati corrigen-  
tem? pro Cos. istud tam uiolenter exercitus: illud ad-  
uersus Cos.

De militibus Cn. Pompeij, & morte Q. Pompeij.  
enim Pompeium Syllæ collegam, senatus iussu ad  
exercitum Cn. Pom. quem aliquandiu inuita ciuitate  
obtinebat: contendere ausum: ambitiosi ducis illecebris



corrupti milites, sacrificare incipientem adorti, in modum hostiæ mactauerunt: tantumq; scelus curia castris cedere se confessa, inultum habuit.

De quodam exercitu, & morte C. Carbonis.

Ille quoq; exercitus nefarie uiolentus: qui C. Carbonem fratrem Carbonis ter Cos. propter bella ciuilia dissolutam disciplinā militarem præfractus, & rigidius astringere conatum, priuauit uita: satiusq; duxit, maximo scelere coinquinari, quàm prauos, ac tetros mores mutare.

#### DE TEMERITATE. Caput VIII.

Emeritatis etiam ita subiti, ut uehementes sunt impulsus. quorū ictibus hominum mentes concussæ, nec sua pericula respicere, nec aliena facta iusta æstimatione prosequi ualent.

De superiore Africano.

Quàm enim temere se Africanus superior ex Hispania duabus quinquere milibus ad Siphacē traiecit, in unius Numidæ infidis præcordiis suam pariter, & patriæ salutem depositurus. Itaq; exiguo momento, maximæ R. P. casus fluctuatus est: utrum intersector, an captiuus Scipio Siphacis fieret. De C. Cæsare.

Nam C. Cæsaris anceps conatus, & si cælestium cura protectus est: tamen uix sine horrore animi referri potest. siquidem impatiens legionum tardioris à Brundisio Apolloniam traiectus, per simulationem aduersæ ualeitudinis conuiuio egressus, maiestate sua, seruili ueste occultata, nauiculam conscendit e flumine: ac ma-



ris Adriatici sæua tempestate fauces petiūt: protinusq;  
in altum dirigi iusso nauigio, multum, ac diu contra-  
rijs iactatus fluctibus, tandem necessitati cessit.

De militibus Albinī ducis.

ge illa q̄ execrabilis militum temeritas? fecit enim, ut  
Aulus Albinus nobilitate, moribus, honorum omniū  
consumatione cuius eximus, propter falsas, & inanes  
suspiciones in castris ab exercitu lapidibus obruere-  
tur: quodq; accessionem indignationis non recipit,  
oranti, atq; obsecranti duci, a militibus causæ dicendæ  
potestas negata est.

Externa. De Annibale Carthaginiensi.

taq; minus miror apud truce[m], & sæuū Annibalis  
animū defensionis locū innoxio gubernatori nō fuis-  
se: qui à Petilia classe Africam repetens freto appul-  
sus, dum tam paruo spatio Italiam, Siciliamq; inter se  
diuisas non credidit: ueluti insidiosum cursus rectorē  
interemit. postea diligentius inspecta ueritate, tunc  
absoluit: cum eius innocentie nihil ultra sepulchri ho-  
norem dari potuit. Igitur angusti, atq; æstuosi maris ex  
alto tumulo spectatrix statua, tam memoriæ Pelori,  
quàm Punicæ temeritatis, ultra, citraq; nauigantium  
oculis collocata indicium est.

De Atheniensibus.

am Atheniensium ciuitas ad uesaniā usq; temera-  
ria: quæ decem imperatores suos, & quidem à pul-  
cherrima uictoria uenientes, capitali iudicio exceptos  
recauit: quod militum corpora, sæuitia maris interpel-  
lante, sepulturæ mandare non potuissent: necessitatem  
puniens, cum honorare uirtutem deberet.



Emeritati proximus est error, quemadmodum  
 † ad lædendū par, ita cui facilius quis ignoue-  
 rit: quia non sua sponte, sed uanis concitatus  
 imaginibus, culpæ se implicat: qui quā late in pecto-  
 ribus hominum uagetur, si complecti coner: uitio, de  
 quo loquor, sim obnoxius. Paucos igitur eius lapsus re-  
 feremus.

De errore P. R. in C. Eluium.

C. Eluius Cinna Tr. pl. ex funere C. Cæsaris domū suam  
 petens, populi manibus discriptus est pro Cornelio  
 Cinna, in quē sæuire se existimabat, iratus ei, quod, cū  
 affinis esset Cæsaris, aduersus eū nefarie raptum, im-  
 piam pro rostris orationē habuisset: eoq; errore propul-  
 sus est, ut caput Eluij perinde, atq; Cornelij circa rogū  
 Cæsaris, fixum iaculo ferret. officij sui, & alieni er-  
 roris piaculū miserabile. De C. Cassio.

Nam C. Cassium error à semetipso pœnas exigere cōegit.  
 Inter illum enim pugnae quatuor exercituum apud  
 Philippos uarium, ipsisq; ducibus ignotum euentum,  
 iussus ab eo Titinius centurio nocturno tempore, ut  
 specularetur, quonam in statu res M. Bruti essent: dum  
 crebros excessus uiaē petit: quia tenebrarum obscuri-  
 tas, hostes ne, an commuliones occurrerent: dignoscere  
 non sinebat: tardius ad Cassium redijt. Quem is ex-  
 ceptum ab hostibus, omniaq; in eorum potestatem reci-  
 disse existimans: finire uitam properauit: cum & ca-  
 stra hostium inuicem capta, & Bruti copiae magna ex  
 parte incolumes essent.



## De Titinio Centurione.

tinij uero non oblitteranda silentio uirtus. qui oculis paulisper hæsit, inopinato iacētis ducis spectaculo attortus, deinde profusus in lachrymas, & si imprudens, inquit, imperator causa tibi mortis fui: tamen, ne id ipsum impunitum sit: accipe me fati tui comitem. superq; exanime corpus eius, iugulo suo gladium capulo tenus demisit: ac permisto utriusq; sanguine, duplex uictima iacuit. pietatis hæc, erroris illa.

## De satellitibus Regis Veientum.

eterum falsa opinatio nescio an præcipuam iniuriam Laertis Tolumnij Veientum Regis penetibus intulerit: nam cum in tesserarum prospero iactu per iocum collusori dixisset, occide: & forte legati Romanorum interuenissent: satellites eius errore uocis impulsæ, interficiendo legatos, lusum ad imperium transtulerunt.

## DE VLTIONE.

## Caput X.

u Ultionis autem quemadmodum acres, ita iusti aculei sunt: qui laceßiti concitantur, acceptum dolorem pensare cupientes. quos latius complecti non attinet.

## De tribu Pollia.

rib. pl. M. Fuluius ad populum de Tusculanis retulit: quod eorum consilio Veliternos, Priuernatesq; rebellaturos diceret: qui cum coniugibus, ac liberis squalore obstiti, cum supplices Romam uenissent: accidit: ut reliquis tribubus salutarem sententiam secutis, sola Pollia iudicaret, oportere publice eos uerberatos securi per-



aut: imbellem multitudinem sub corona uenire. quam ob causam Popilia tribus, in qua plurimū postea Tusculani in ciuitatem recepti potuerunt: neminem unq̃ candidatum Polliæ tribus fecit magistratum: ne ad eā ullus honor suis suffragijs perueniret: quæ illis uitam, ac libertatem, quantum in ipsa fuit: ademerat. illā uero ultionē et senatus, et consensus omniū approbauit.

De ultione Romanorum in Adrianum.

**C**um Adrianus ciues Romanos, qui Vticae consistebant: sordido imperio uexasset: itarcoq; ab his uiuus esset exustus: nec quæstio ulla in urbe hac de re habita, nec querela uersata est.

Externa. De Regina Tomyri, & Beronice.

**C**laræ ultionis utraq; Regina, & Tomyris, quæ caput Cyri abscissum in utrem humano sanguine repletum demitti iussit, exprobrans illi insatiabilem cruoris sitim, simulq; pœnas occisi ab eo filij sui exigens: Et Beronice, quæ Laodices insidijs interemptum sibi filium grauius ferens, armata currū conscendit: persecutaq; satellitem regij crudelis operis ministrum nomine Ceneum, quoniam hasta nequicquam petierat: saxi ictu prostrauit: ac super eius corpus actis equis, inter infecta contrariæ partis agmina ad domum, in qua interfecti pueri corpus occultari arbitrabatur: perrexit.

De morte Iasonis.

**I**asonem Thessalum Persarum Regi bellū inferre parantē, an satis iusta ultio absumpserit, ambiguae æstimationis est. Taxillo enim gymnasiarcho à quibusdā iuuenibus pulsatū se conquesto, permisit, ut aut tricenās ab his dragmas exigeret, aut denas plagas singulis imponeret.



imponeret. quo posteriore uindicta uso, qui uapulauerant, Iasonem interfecerunt: animi non corporis dolore, poenae modum aestimantes. cæterum paruo irritamento ingenui pudoris maximæ rei expectatio subruta est: quoniã opinione Græciæ tantum in spe Iasonis, quantum in effectu Alexandri reponebatur.

Dicta improba, aut facta  
scelerata. Caput XI.

De Tullia.

Vnc quatenus uitæ humanæ, tum bona, tum  
etiam mala substitutis exemplorum imagi-  
nibus prosequimur: dicta improba, & facta  
scelerata referantur. unde autem potius q̃ a Tul-  
lia ordiar? quia tempore uetustissimum, conscientia ne-  
farium, uoce monstri simile exemplum est. Cum car-  
pento ueheretur: & is, qui iumenta agebat: suauissis  
frenis constitisset: repentinæ moræ causam requisivit:  
et ut comperit, corpus patris Seruij Tullij occisi ibi ia-  
cere: supra id duci uehiculum iussit: quo' celerius in  
complexu intersectoris eius Tarquiniij ueniret. Qua  
tam impia, tamq; probrosa festinatione, non solum se  
æterna infamia, sed ipsum etiam uicu cognomine sce-  
leris commaculauit.

De Fimbria.

on tam atrox C. Fimbriæ & dictum, & factum: sed  
si per se aestimetur, utrunq; audacissimum. id egerat,  
ut Scauola in funere C. Marij iugularetur. quem post-  
quam ex uulnere recreatum comperit: accusare apud  
populum instituit. interrogatus deinde quid de eo se-  
cus dicturus esset: cui pro sanctitate moru, satis digna

Val. Max.

C



laudatio reddi non posset: respondit: obiecturum se illi quod parcius corpore telum recepisset. licentiam furoris ægræ R. P. gemitu prosequendam.

De L. Catilina.

**L**. uero Catilina in senatu M. Cicerone incendiū ab ipso excitatum dicente, sentio, inquit: & quidē illud si aqua non potero, ruina extinguam: quem quid aliud existimemus, quā consciētiae stimulis actum, simulachrū a se inchoati paricidij peregisse?

De Magio Chilone.

**C**onsternatum etiā Magij Chilonis amentia pectus: qui M. Marcello datum a Cæsare spiritum, sua manu eripuit. uetus amicus, & Pompeianæ militiæ comes, indignatus aliquos sibi amicorum ab eo præferri. urbem enim a Mytilenis, quod se contulerat, repetētē, in Atheniensium portu pugione cōfodit: protinusq; ad irritamenta uesaniæ suæ trucidanda tetendit. amicitiae hostis. diuini beneficij interceptor. publicæ religionis, & ad salutem clarissimæ ciuis recuperandam attinuit, acerba labes.

De C. Turanio.

**H**anc crudelitatem, cui nihil adijci posse uidetur: C. Turanius atrocitate paricidij superauit. Nanq; triumuirū partes secutus, proscripti patris sui prætorij, & ornati uiri latebras, ætatem, notasq; corporis, quibus agnosci posset: centurionibus edidit: qui eum persecuti sunt. senex de filij magis uita, & incrementis, quā de reliquo spiritu suo sollicitus, an incolumis esset, et an imperatoribus satisfaceret: interrogare eos cœpit. e quibus unus ab illo inquit, quē tantopere diligis, demonstratus, nostrum ministerio, filij indicio occideris: proti-



nusq; pectus eius gladio traiecit. collapsus itaq; est infelix, authore cedis, quam ipsa cæde inferior.

De filio Tullij Annalis.

uius facti acerbiter L. Tullius Annalis sortitus, cum in campum ad quæstoria comitia filij descendens, proscriptum se cognosceret: ad clietem suum confugit. sed ne fide eius tutus esse posset, scelere nefarij iuuenis effectum est. siquidē per ipsa uestigia patris militibus ductis, occidendum eum in conspectu suo obiecit. bis paricida, consilio prius, iterum spectaculo.

De uxore Vitij Sallassi.

e Vitius quidem Sallassus proscriptus parum amari exitus: quem latentem uxor interficiendum, quid dicam, tradidit? an ipsa ingulauit? Quanto. n. leuius est scelus: cui tantummodo manus abest? Illud autem facinus, quia externum, tranquilliore affectu narrabitur.

Externa. De duobus fratribus, filijs regijs.

capione Africano patris, et patrui memoriā gladiatorio munere Carthagine noua celebrante: duo regij filij nuper patre mortuo, in arenam processerunt: pollicitiq; sunt, ibi se de regno præliaturos: quo spectaculum illud illustrius pugna sua facerent. eos cum Scipio monuisset: ut uerbis contendere, quàm ferro dimicare mallent, uter regnare deberet: ac iam maior natu consilio eius obtemperaret: minor corporis uiribus fretus, in amētia perstitit: initoq; certamine, pertinacior impietas fortunæ iudicio morte multata est.

De Mithridate.

Mithridates autem multo sceleratius: qui non cum fratre de paterno regno, sed cum ipso patre bellum de domi-



natione gessit. in quo quis aut homines ullos adiutore inuenerit: aut deos inuocare ausus sit, pro admiratione habetur.

De Sariaſtre filio Tigranis Regis. Quamquam quid hoc quasi inusitatum illis gentibus mireremur? cum Sariaſter aduerſus patrem ſuum Tigranem Armeniæ Regem, ita cum amicis conſenſerit: u omnes dextris manibus ſanguinem mitterent: atq; ei inuicem ſorberent. uix ferrent pro ſalute parētis tam cruenta conſpiratione fœdus facientem.

De quodā, qui interficere uoluit Octauianū. Auguſtū. Sed quid ego iſta conſector, aut quid in his immoror? cum unius paricidij cogitatione cuncta ſcelera ſuperata cernam? omni igitur impetu mentis, omnibus indignationis uiribus, ad id lacerandum pio magis, quàm ualido affectu rapior. Quis. n. amicitie fide extincta, genus humanum cruentis in tenebris ſepelire conatum, profundo execrationis debitæ ſatis efficacibus uerbis adegerit? Tu uidelicet efferatæ Barbariæ immanitate truculētior, habenas Romani imperij, quas princeps, parensq; noſter ſalutari dextera continet: aut cogitando capere potuiſti: aut te compote furoris, in ſuo ſtatu mundus manſiſſet. Urbem à Gallis captam, & trecentorum inclytæ gentis uirorum ſtrage fœdatam Allienſem diem, & oppreſſos in Hiſpania Scipiones, & Thraſymenum lacum, et Cannas, bellorumq; ciuiliū domeſtico ſanguine manantes furores, amentibus propoſitis furoris tui repræſentare, & uincere uolu- iſti? ſed uigilarunt oculi deorum. ſydera ſuum uigorem obtinuerunt. aræ, puluinaria, templa, præſenti numine uallata ſunt. Nihil, quod pro capite Auguſti, ac pa-



tria excubare debuit: torporem sibi permisit. Et in primis author, et tutela nostræ incolumitatis Iupiter, ne excellentissima merita sua totius orbis ruina collaberentur: diuino consilio prouidit. Itaque stat pax. ualēt leges. syncerus priuati, ac publici officij tenor seruatur. Qui autem hæc uiolatis amicitiae fœderibus tentauit subuertere: omni cum stirpe sua P. R. uiribus obtritus, etiam apud inferos, si tamen illuc receptus est: quæ meretur supplicia, pependit.

DE MORTIBVS NON VVL-  
GARIBVS. Caput XII.

h Vmanæ autem uitæ conditionem præcipue primus, et ultimus dies continet: quia plurimum interest, quibus auspicijs inchoetur, et quo fine claudatur. ideoque eum demum felicem fuisse iudicamus: cui et accipere lucem prospere, et reddere placide contigit. Mediꝝ temporis cursus, prout fortuna gubernaculum rexit: modo aspero, modo tranquillo motu peragitur: spe semper minor, dum cupide uotis extenditur: et fere sine ratione consumitur. Nam etsi eo bene uti uelis: etiam paruum, amplissimum efficias numerum annorum, multitudine operum superando. Alioqui, quid attinet inertī mora gaudere: si magis exigas uitam, quàm approbes: sed ne longius euager: eorum mentionem faciam, qui non uulgari genere mortis absumpti sunt.

De Tullo Hostilio.

Tullus Hostilius fulmine ictus cū tota domo cōflagra-



VAL. MAX.

uit. singularem fati sortem : qua accidit, ut columnen urbis in ipsa urbe raptum, ne supremo quidem funeris honore à ciuibus decorari posset, cœlesti flamma in eam conditionem redactum, ut eosdem penetres, et regiam & rogam, & sepulchrum haberet.

De duabus mulieribus..

Vix uerisimile est, in eripiendo spiritu idem gaudiū potuisse, quod fulmen : & tamen idem ualuit. Nuntiata enim clade, quæ ad lacum Thrasymenū inciderat : altera mater sospiti filio ad ipsam portam facta obuia, in complexu eius expirauit : altera, cum falso mortis filij nuntio mœsta domi sederet : ad primum conspectū redeuntis exanimata est. Genus casus inuisitatum : quas dolor non extinxerat, lætitia consumpsit.

De M. Iuuentio Talua Cos.

Sed minus miror, quod mulieres. M. Iuuentius Talua Cos. collega Tiberij Gracchi Cos. cum in Corsica, quā nuper subegerat : sacrificaret : receptis literis decretas ei à senatu supplicationes, nuntiantibus intento illas animo legens, caligine orta ante foculū collapsus mortuus humi iacuit. quem quid aliud quàm nimio gaudio euectum putemus? En cui Numantia, aut Carthago excidenda traderetur.

De Q. Catulo.

Maiores aliquāto spiritus dux Q. Catulus Cimbrici triumphi Mario particeps à senatu datus : sed exitus uolentioris. nanq; ab hoc eodem Mario postea propter ciuiles dissensiones mori iussus : recenti calce illito, multoq; igni per calfacto cubiculo, se inclusum peremit. cuius tā dira necessitas, maximus Mariane gloriæ ru-



bor extitit. De L. Cornelio Merula.  
 ua tempestate R. P. L. quoq; Cornelius Merula consu-  
 laris, et Flamen Dialis, ne ludibrio insolentissimis ui-  
 ctoribus esset, in Iouis sacrario uenis incisus contume-  
 liosæ mortis denuntiationem effugit: sacerdotisq; sui  
 sanguine, uetustissimæ foci maduerunt.

De Herennio Siculo.

cer etiam, & animosus uitæ exitus Herennij Siculi,  
 quo C. Gracchus & aruspice, & amico usus fuerat.  
 nam cum eo nomine in carcerem duceretur: in poste il-  
 liso capite, in ipso ignominie aditu concidit: ac spiri-  
 tum deposuit: uno gradu à publico supplicio, manuq;  
 carnificis aterior.

De C. Micinio.

onsimili impetu mortis C. Licinius Macer, uir præto-  
 torius, Calui pater, repetundarum reus, dum sententiæ  
 dicerentur: in Moenianum conscendit. siquidem cum  
 M. Ciceronem, qui id iudicium cogebat: prætextam po-  
 nentem uidisset: misit ad eum qui diceret, se nō dāna-  
 tum, sed reum perisse: nec sua bona hastæ posse subijci.  
 Ac protinus sudario, quod forte in manu habebat: ore,  
 & faucibus coartatis, incluso spiritu poenā morte præ-  
 currit: qua cognita re, Cicero de eo nihil pronuntiavit.  
 Igitur illustris ingenij orator ab inopia rei familiaris,  
 et à crimine domesticæ damnationis inusitato paterni  
 fati genere uindicatus est. fortis huius mors, illorū per-  
 ridicula.

De Cornelio Gallo, & Tito Aetherio.

Cornelius. n. Gallus prætorius, et Titus Aetherius eques  
 Ro. iter usum puerilis ueneris absumpti sunt. q̄q̄ quor-  
 sum attinet eorum cauillari fata: quos non libido sua,  
 sed fragilitatis humanæ ratio abstulit? sine nanq; uitæ



nostræ uarijs, & occultis causis exposito, interdum immerentia supremi fati titulum occupant: cum magis in tempus mortis incidunt: quàm ipsam mortem accersant.

Externa. De Coma fratre Diogenis.

Sunt et externæ mortes dignæ annotatu: qualis in primis Comæ: quem ferunt maximæ latronum ducis Diogenis fratrem fuisse. Is enim ad Rutilium Cos. Enna, quam prædones tenuerant: in potestatem nostram reducta, perductus: cum de uiribus, & conatibus fugitiuorum interrogaretur: sumpto tempore ad se colligendum, caput operuit: innixusque genibus, compresso spiritu, inter ipsas custodum manus, inque conspectu summæ imperij, exoptata securitate acquieuit. Torqueant semiseri: quibus extinguere, quàm superesse utilius est: trepido, & anxio consilio, quam ratione uita exeat querentes. ferrum acuant: uenena temperent: laqueos apprehendant: uastas altitudines circumspectant: tanquam magno apparatu, aut exquisita molitione opus sit: ut corporis, atque animi infirmo uinculo coherens societas dirimatur. Nihil horum Coma sed intra pectus inclusa anima finem sui reperit. Enimvero minimo studio retinendum bonum: cuius caduca possessio tam leui afflatu uiolentiæ concussa dilabi potuit.

De Eschylo poëta.

Eschyli uero poëtæ excessus quemadmodum non uoluntarius, sic propter nouitatem casus referendus. In Sicilia mœnibus urbis in qua morabatur, egressus: apri- co in loco resedit: super quem Aquila testudinē ferens, elusa splendore capitis (erat enim capillis uacuum) perinde, atque lapidi eam illisit: ut fractæ testudinis carne



uesceretur: eoq; ic̃tu origo, et principium fortioris tragædiæ extinctum est. De Homero poëta.

non vulgaris etiam Homeri mortis causa fertur: qui in insula, quia quæstionem à piscatoribus positam solvere non potuisset: dolore absumptus creditur.

De Euripide poëta.

ed atrocius aliquãto Euripides finitus est. Ab Archelaio enim Regis cæna in Macedonia domum hospitalem repetens, canum morsibus laniatus obiit. Crudelitas fati tanto ingenio non debita. sicut illi excessus illustriũ poëtarum & moribus, & operibus indignissimi.

De Sophocle.

sophocles ultimæ iam senectutis, cum in certamen tragædiam dimisisset: ancipiti sententiarũ euentu diu sollicitus, aliquando tamen una sententia victor, causam mortis gaudium habuit.

De Philemone.

hilemonẽ aut uis risus immoderati abstulit: paratas ei figos, atq; in cõspectu positas asello consumente, puerũ ut illũ abigeret, inclamauit: qui cũ iam comestis omnibus superuenisset: quoniã, inquit, tam tardus fuisti, da nunc merũ asello. Ac protinus urbanitatem dicti crebro anhelitu cachinnorũ profecutus, senile guttur salbris spiritus prægrauauit.

De Pindaro.

t Pindarũs, cum in gymnasio super gremium pueri, quo unice delectabatur: capite posito quieti se dedisset: non prius decessisse cognitus est: quàm Gymnasiarcha claudere eum iam locum uolente, ne quicquam excitaretur. Cui quidem crediderim eadem benignitate deorum, & tantum poëticæ facundiæ, & tam placidum uitæ finem attributum.



De Anacreonte.

**S**icut Anacreonti quoq; quem bis tantum humanæ vitæ modum supergressum, dum passæ vineæ succo tenues & exiles uirium reliquias foueret: unius grani pertinacior in aridis faucibus humor assumpsit. Iungam illos, quos & propositum, & exitus, pares fecit.

De Milone Crotoniate.

**M**ilo Crotoniates, cum iter faciens quercum in agro cuneis adactis fissam uidisset: fretus uiribus, accessit ad eam: insertisq; manibus diuellere conatus est: quas arbor excussis cuneis in suam naturam reuocata compressit: eumq; cum tot gymniciis palmis lacerandum feris præbuit.

De Polydamante.

**I**tem Polydamas athleta tempestate speluncam subire coactus, nimio, et subito incursum aquæ labefactata ea, ac ruente, cæteris comitibus fuga periculum egressis, solus resistit, tanquam humeris suis totius ruinae molem sustentaturus. sed pondere omni corpore humano potentiore pressus, imbribus petitam latebram, demeritis fati sepulchrum habuit. Possunt ij præbere documentum, nimio robore membrorum uigorem mentis hebescere: quasi abnuente natura utriusq; boni largitionem: ne supra mortalem sit felicitatem, eundem & ualentissimum esse, & sapientissimum.



## DE CVPIDITATE VITAE. Cap. XIII.

Erum quia excessus est uita et fortuitos, et uiriles, quosdam etiam temerarios oratione attigimus: subiiciamus nunc aestimationi enervies, et effoeminatos: ut ipsa comparatione pateat, quanto non solum fortior, sed etiam sapientior mortis interdum, quam uitae sit cupiditas.

De M. Aquilio.

Aquilius, cum sibi gloriose mortem consciscere posset: Mithridati maluit turpiter seruire: quem quis non immerito dixerit pontico supplicio, quam Romano imperio digniorem? quoniam commisit, ut priuatum opprobrium publicus rubor existeret.

De Cn. Carbone.

n. quoque Carbo magnae uerecundiae est latinis annalibus. tertio in consulatu suo, iussu Pompeij in Siciliam ad supplicium ductus, petijt à militibus demisse, et flebiliter, ut sibi alium leuare, priusquam expiraret: liceret, quo miserrimae lucis usu diutius frueretur: eoque usque moram trahens, donec caput eius sordido in loco sedentis absunderetur, ipsa uerba tale flagitium narrantis secum luctantur: nec silentio amari, quia occultari non merentur: neque relatione familiaria, quia dicta fastidienda sunt.

De Bruto.

Quid Brutus exiguum, et infelix momentum uitae, quanto dedecore emit? qui à Furio, quem ad eum occidendum Antonius miserat: comprehensus, non solum ceruicem gladio sub. axit: sed et constantius eam praebere admonitus, ipsis his uerbis iurauit. Ita uiuam, dabo. © cuncta



tionem fati erumnosam. O iurandi stolidam fidem. sed hos tu furores immoderata retinendi spiritus dulcedo subijcis, sanæ rationis modum expugnando, quæ vitam diligere, mortem non timere præcipit.

De Xerxe Rege.

Eadem Xerxē Regem pro totius Asiæ armata iuuetute, quod intra centum annos esset obitura, profundere lachrymas cōegisti: qui mihi in specie aliena, re uera suā conditionem deplorasse uidetur: opum magnitudine, quàm altiore animi sensu felicior. Quis enim etiam mediocriter prudens mortalem se natum fleuerit?

QVAM EXQUISITA CVSTODIA  
VSI SVNT, QVIBVS SVSPE-  
CTI DOMESTICI FVE-  
RVNT. Caput XIII.

Eferam nunc eos, quibus aliquos suspectos habentibus exquisitor sui custodia quæsitæ est. Nec à miserrimo, sed ab eo, q̄ inter paucos felicissimus fuisse creditur: incipiam.

De Masinissa Rege.

Masinissa Rex Numidarum, & P. R. amicissimus, parum fidei in pectoribus hominum reponens, salutem suam custodia canum uallauit. quò tam late patens imperium? quò tantus liberorū numerus? quò deniq; tam arcta beneuolentia constricta Romana amicitia? si ad hæc tuenda nihil canino latratu, ac morsu ualentius duxit?

De Rege Alexandro.

Hoc Rege infelicior Alexander: cuius præcordia hinc



amor, hinc metus torserunt. nam cum infinito ardore coniugis Thebes teneretur: ad eandem ex epulis in cubiculum ueniens barbarum compunctum notis threicijs, stricto gladio iubebat anteire. nec prius se idem lecto committebat: quam à stipatoribus diligenter esset scrutatus. supplicium irato deorum numine compositum: nec libidini, nec timori posse imperare. Cuius timori eadem & causa, & finis fuit. Alexandrū enim Thebe pellicatus ira mota, interemit.

De Dionysio Rege Syracusanorum.

ge, Dionysius Syracusanorum tyrannus huiusce tormenti quā longa fabula. qui duo de quadraginta annorum dominationem in hunc modum peregit. summotis amicis, in eorum locum ferocissimarum gentiū homines, & à familijs locupletum electos praeualidos seruos, quibus latera sua committeret: substituit. tonsorum quoque metu, tondere filias suas edocuit. quarum ipsarum, postquam adultæ ætati appropinquabant: manibus ferrum non ausus committere, instituit, ut candentium iuglandium, aut nucum putaminibus, barbam sibi, & capillum adurerent. Nec securiorem se maritum egit, quā patrem. Duarum enim eodem tempore Aristomaches Syracusanæ, & Locrensis Doridis matrimonijs alligatus, neutrius unquam nisi excussæ complexum petijt. Atque etiam cubicularem lectum perinde quasi castra, lata fossa cinxit: in quem se ligneo ponte recipiebat: cum forem cubuli extrinsecus à custodibus opertam, interiorem claustro ipse diligenter obserasset.



DE SIMILITUDINE  
FORMAE. Caput XV.

E similitudine autem oris, & totius corporis,  
d altiore doctrina præditi subtilius disputant:  
eorumq; alij in ea sunt opinione, ut existi-  
ment, illam origini, & contextui sanguinis respondere.  
Nec paruum argumentum ex cæteris animalibus tra-  
hunt: quæ ferè gignentibus similia nascuntur. Alij ne-  
gant certam hanc esse naturæ legem: sed species mor-  
taliū, prout fortuita sors conceptionis obtulit, attri-  
bui: atque ideo plerunque ex speciosis deformes, ex ro-  
bustis inualidos partus edi. Verum quoniam ista quæ-  
stio in ambiguo uersatur: pauca inter alienos conspe-  
ctæ similitudinis exempla referemus.

De Vibio, & Publicio Libertino simi-  
libus Pompeio Magno.

M agno Pompeio Vibius ingenuæ stirpis, et Publicius Li-  
bertinus ita similes fuerunt: ut permutato statu, et Pom-  
peius in illis, & illi in Pompeio salutari possent. Certe  
quocunq; aut Vibius, aut Publicius accesserant: ora ho-  
minum in se obuertebant, unoquoq; speciem amplis-  
simi ciuis in personis mediocribus annotante. Quod  
quidem fortuitum ludibrium, quasi hæreditarium ad  
eum penetravit.

De Menogene coco simili patri Pompeij Magni.

N am pater quoque eius eousque Menogenis coci sui si-  
milis esse uisus est: ut uir & armis præpotens, &  
ferox animo sordidum eius nomen repellere à se non  
ualuerit.



De Cornelio Scipione cognomento Serapione.

maximæ uero nobilitatis adolescens Cornelius Scipio, cum plurimis, & clarissimis familiæ suæ cognominibus abundaret, in seruilem Serapionis appellationem vulgi sermone impactus est: quod huiusce nominis uilituario similis erat. nec illi aut morum probitas, aut respectus tot imaginum, quo minus hac contumelia aspergeretur: opitulata est.

De Lentulo, & Metello similibus histrionibus.

generosissimus Consulatus collegio Lentuli, & Metelli fuit: qui ambo in scena propter similitudinem histrionum propemodum spectati sunt. sed alter ex quodam assecularum cognomen Spintheris traxit: alter, nisi Nepotis à moribus accepisset: Pamphili retiarij, cui simillimus esse ferebatur: habuisset.

De M. Messala simili Menogeni, & Curione simili Burbuleio.

M. Messala Consularis, & Censorius, Menogenis: Curioq; omnibus honoribus abundans, Burbulei: ille propter oris aspectum, hic propter parem corporis motum, uterq; senici nomen coactus est recipere. Abunde sint hæc domesticis: quoniam personis sunt excellentia, & non obscura notitia celebrantur.

De Rege Antiocho simili Artenio.

Rege Antiocho unus ex æqualibus, & ipse regis stirpis nomine Artenio, perquam similis fuisse traditur. quem Laodice uxor Antiochi, interfecto uiro, dissimulandi sceleris gratia, in lectulo perinde quasi ipsum Regem ægrum collocauit: admissumq; uniuersum populum & sermone eius, & uultu consimili fefellit. credideruntq;



homines ab Antiocho moriente, Laodicea, & nato eius sibi commendari.

**H** De Hybrea Mylasio simili cuida seruo gymnico-  
Hybrea autem Mylasium copiosae, atque concitatae faci-  
diae oratorem, gymnico- seruo strameta gymna-  
sii colligenti, tam similem ferunt: ut tanquam germanum fra-  
tre totius Asiae oculi assignarent. ita lineamentis oris  
& omnium membrorum compares erant.

**I** De quodam Praet. Romano simili cuidam Siculo  
Ille uero, quem in Sicilia Praet. admodum similem fuisse  
se constat: petulantis animi. Proconsule enim dicente  
mirari se quapropter sui tam similis esset: cum pater  
suus in eam provinciam nunquam accessisset: At meus  
inquit, Romam frequenter accessit Ioco namque laceris-  
tam matris suae pudicitiam inuicem suspicione in ma-  
trem eius reiecta, audacius, quam uirgis, & securibus  
subiecto conueniebat: ultus est.

DE IIS, QUI INFIMO LOCO NATI  
MENDACIO SE CLARISSIMIS  
FAMILIIS INSERERE CO-  
NATI SUNT. Cap. XVI.

**S** Ed tolerabilis haec, et uni tantummodo an-  
ceps temeritas. quod sequitur impudentiae  
genus, nec ferendum ullo modo: periculi-  
tum priuatim, tum etiam publice late pa-  
tentis. Nam ut Equitium Firmo piceno monstrum ueniens  
relatum iam in huiusce libri superiore parte, praeterea:  
cuius in amplectendo Tiberio Graccho patre, euidentis  
mendacium



turbulento vulgi errore, amplissima tribunatus potestate uallatum est.

De Herophilo Equario.

Herophilus Equarius medicus C. Marium septies Cos. auum sibi uendicando, ita se extulit: ut coloniae se ueteranorum complures, & municipia splendida collegiaque ferè omnia patronum adoptarent. Quin etiam cum C. Caesar Cn. Pompeio adolescente in Hispania oppresso, populum in hortos suos admisisset: proximo intercolumnio penè pari studio frequentiae salutatus est. Quod nisi diuinæ Caesaris uires huic erubescendæ procellæ obstitissent: simile uulnus R. P. accepisset, atque in Egiptum acceperat. Caterum decreto eius extra Italiam relegatus: postquam ille cælo receptus est: in urbem rediit: & consilium interficiendi Senatus capere sustinuit. quo nomine iussu patrum necatus in carcere, seras prompti animi ad omne moliendum scelus pœnas pependit.

De quodam, qui se finxit filium Octaviæ sororis Augusti.

De diui quidem Augusti etiamnum terras regentis excellentissimum numen intentatum ab hoc iniuriæ genere extitit: cum quidam clarissimæ, ac sanctissimæ sororis eius Octaviæ utero se genitum fingere auderet: propter summam autem imbecillitatem corporis, ab eo, cui datus erat, perinde atque ipsius filium retentum subiecto in locum suum proprio filio diceret: uidelicet, ut eodem tempore sanctissimi penates, & ueri sanguinis memoria spoliarentur: & falsi sordida contagione inquinarentur. sed cum plenis impudentiæ uelis, ad summam audaciæ gradum fertur: imperio Augusti, remo publicæ triremis affixus est.



De quodam, qui se dicebat filium Q. Sertorij.  
 Repertus est etiam, qui se diceret esse Q. Sertorij filiū.  
 quem ut agnosceret, uxor eius nulla ui cōpelli potuit.  
 Quid Trebellius Calca, q̄ assueuerant se Clodium tu-  
 lit? & quidem, dum de bonis eius contendit: in centū-  
 uirale iudicium adeo fauorabilis descendit: ut uix iu-  
 stis, & æquis sentētijs, consternatio populi ullum relin-  
 queret locum. illa tamen quæstione neq; calumniæ pe-  
 titoris, neq; uiolentiæ plebis iudicantium religio cessit.  
 Multo fortius ille, q̄ Cornelio Sylla R. P. potiēte, in do-  
 mū Cn. Assidionis erupit, filiūq; eius patrijs penatibus  
 expulit, uociferando, non illum, sed se Assidione esse  
 procreatum. Verum postquam à Syllana uiolentia Cæ-  
 sariana æquitas reduxit gubernacula Romani imperij,  
 iustiore principe obtinente R. P. in publica custodia spi-  
 ritum posuit. Eodem præside R. P. in consimili men-  
 dacio muliebris temeritas Mediolani repressa est. siqui-  
 dem cum se pro Rubria quædam perinde, ac falso cre-  
 ta esset incendio periisse, nihil ad se pertinentibus bo-  
 nis insereret: nec ei aut tractus eius splēdidi testes, aut  
 cohortis Augusti fauor deesset: propter inexpugnabilem  
 Cæsaris cōstantiam irrita nefarij propositi abiit. Idem  
 barbarum quendam, ob eximiam similitudinem Cap-  
 padociæ regnum affectantem, tanquam Ariarathes  
 esset: quem à M. Antonio interemptū luce clarius erat:  
 quanquam penē totius orientis ciuitatum, & gentium  
 credula suffragatione suffultum caput, imperio demen-  
 ter immunens, iusto impendere supplicio cōegit.



Apposui hic locos aliquot, qui sunt aliter  
legendi. quos lector ita corriget.

monstra alio tumultu edita sunt. c.	10. b
bello etiam punico secundo Consule Domitio	11. a
illæ enim caducæ, ac fragilis	13. b
Italiæ uides, inquit, uastitatem	16. a
albis equis residentes obuios	18. a
natus est. De Pheræo Iasone	22. a
uomicam, quæ a nullo medicorum	22. a
cuiusdam intemperantiæ signum esse credentes	24. a
nam ut minimo indicio maximam	25. a
defuncta uirium cursu ætas	25. b
suam, populiq; Romani maiestatem	26. a
lectisterniaq; & ludi nocturni fierent	30. a
superstitem præmitto	33. b
strage, ignominiosaq; Coss. eiuratione	36. b
ualidissimarum gentium regimen largita est	39. b
mæsti trucidarunt: & Q. Catulus	41. a
Pub. & Cn. Scipionibus	61. a
aurum quoque, quod pro	76. b
pueri ingenui prætereuntis formam	79. b
cernimus. Quid ergo modicam fortunam	83. a
qui a M. Catone, & L. Flacco Coss.	83. b
testatus, quantum maritalis flammæ	85. b
idem & maximus, &	85. b
quia altera diremptio utique	87. a
se pro reditu eius dare non dubitarit	90. a
animi Rex, & iam totum	90. b
& hoc in pupinia addictis	91. a




Contrebiam obsideret: Et iam admota	95.a
ac uix tutelæ sui imperij sufficeret	101.a
Scipionis domum nossent: integra omnia Aemiliano re	
seruarent	101.b
flagrauit? nam cum secundo	112.a
quàm uindicasset. De L. Hortensio	116.b
ut authoritate clarissimi uiri	122.a
Par indignatio aduersus	125.a
effecitq; ut quem honeste	126.a
prælium trium Curiatorum	126.b
summatim cognoscere, fastidio	127.b
Aufidius cum Asiatici publici	138.b
tribueret. quo facto	144.b
magistrum P. R. abiecta honoris prætexta	149.b
gratia impetrari nequiuert	154.b
non credere: cui difficillimis R. P.	163.b
milites ad M. Antonium	175.a
oculorum, ac delicato cultu	188.b
carnificis ceterior. De C. Licinio	204.a
gymnicorum seruo strigmenta	208.b




A B a b c d e f g h i k l m n o p q r  
s t u x y z A B C D. Omnes sunt qua-  
terniones, præter D, qui est duernio.

V E N E T I I S I N A E D I B V S  
H A E R E D V M A L D I, E T  
A N D R E A E S O C E R I,  
M E N S E M A R T I O,  
M. D. XXXIIII.
































293  
Aldine

534

V165v



